

IOANNIS BOCCATII

DE CERTALDO INSIGNE OPVS

de Claris Mulieribus.

TYPOGRAPHVS LECTORI S. D.

✍ En Candide Lector offerimus tibi opus illustre Io: Bocca: de claris mulieribus, in quo recensentur, illæ quæ & honestate & turpitudine excelluere, ubi simul intelliges, qui ex honestis prauisq; studijs euentus consequantur, quicquid etiam Poëticis fabulis de mulieribus inuolutum est, hic ad liquidum traditur, ut facile colligas, vnde fabula duxerit originem, & quid deinde artificij Rhetorici à Poëta accesserit, quæ omnia bona fide tradita, succincta lepidaq; & ob Historiæ rerumq; gestarum uarietatem com-
moda & utilia sunt lectu, vt opere perlustrato, te decuplo plus precij impendere malle iures, quàm tanto thesauro carere, Eme & fruire meq; uera dixisse experieris, Vale.



BERNAE HELVET

Excudebat Mathias Apiarius.

*

HIERONYMI FRICK

Carmen ad Lectorem.

Heroum si facta uirum præclara, merentur
Laudibus æternis concelebranda dari.
Plenaq; sunt illis ueterum monumenta Sophorum,
Quid ueterum ? passim si bene gesta, placent
Vt quibus exemplis, ceu calcare quisq; mouetur,
Ingenuis factis conciliare decus.
Exemplis alijs sicuti sapientia uera putatur,
Discere quæ ex usu, quæq; nociua tibi.
Adde quod hoc speculo tua quæ bene facta sequantur,
Præmia multiplici laude, uidere potes.
Cur non perpetuæ mittentur nomina famæ,
Illaque scriptorum docta litura notet.
Gesta matronarum cunctis miranda per orbem,
Quædam adamanda tibi, quædã & habenda odio,
Qualiã dat noster Boccatus optime lector,
Plurima queis emptis ipse potire, Vale.



EXIMIO ATQVE NO-

BILI VIRO D^o ADRIANO A BV BEN-

berg Rhomani Monasterij, apud Allobroges nouæ Bern: pro-
uinciæ præfidi clarissimo Ioan: Telorus Abusiacus Ludili-
terarij apud magnificam Heluetiorum Bernam mo-
derator, gratiam precatur & pacem.

INnobile illud Boccati opusculum, de claris mulieribus, forte fortuna in-
cidi, ac tum ferè, quum iam sub prelo cudi cœperat (uir humanissime, atq;
clarissime) Hoc, quia operæ pretio dignum uidebam, quantum in me fuit, stu-
dium & laborem impendens, ab omni situ, mendis, & squalore, quibus fuit
hactenus pressum, pluribusq; annis non excusum, uindicare pro mea uirili, et
in ordinem colligere cœpi sedulo. Adieci insuper carmen *ἑυροσχεδασινόν*, quo
rerum capita, ceu per transennam ac Heroïdum facinora, in utrâq; partem, sa-
mosissima, utcunq; subindico, Idq; tamen, ea fide ac diligentia, qua eo tempo-
ris curriculo, potui candidissima. Volens, & hoc meo labore, quem summa
in occupatione, sumere nō piguit, iuuentuti studiosæ gratificari, modisq; om-
nibus prodesse, Hocq; tanto impensius, quanto autor ipse studiosus est accom-
modatior iucundiorq;. Compertum enim habeo, quod is non tam respi-
ciat, quid in re quaq;, in omni negotio sit spectandum, quàm quod etiam, pro
diuersitate personarum, pro rerum uarietate, ita mire omnia attemperet, ut
nulla voluptas sit omnino, quæ non propositam habeat uirtutem. Quæ res
sanè, omne totius mundi arcanum continet. Hinc enim, quod bonum & ho-
nèstum est, sua luce claret, suosq; admiratores habet. Illhinc, quod malum,
turpeq; est, cum suis sectatoribus est cernere. Virtus igitur non sit necesse
est, nisi compar aliquis appareat, in quo superando uim suam exerceat, atque
exerat. Nam ut nulla victoria est sine certamine, sic nulla uirtus, absq; aliquo
hoste dici potest. Atq; ita sit, ut nemo uirtuti faueat, nisi qui sequi possit, sequi
autem non facile est omnib. Proinde, quicquid ex contrarijs fingi fieriq; po-
rest, quicquid in hoc uiuo coeli terræq;, & recte mundi uocati opere est spe-
ctabile, quicquid in mentem uenire, sub conspectum dari, ac in orationem ca-
dere poterit, habes hic expressissimū. Est enim prorsus nihil in hoc opere scri-
ptum, factitatumq;, quod non ex certis principijs, ex causis inquam, quæ in re
bus ipsis consistant, petitum sit. Exempla (non dico Heroum, sed Heroïdū,
quæ etsi genere & sexu posteriores parteis teneant, animo tamen & ingenio,
cæterisq; naturæ dotibus tantum non cedentes) uideas hic, in omnes euen-
tus, non tam dissimilia, quam miranda, & his longe diuersiora auspicia, pro-

a ij gressus

gressus, & fines. Hic enim uelut in Theatro uidebis aliā prodire, quæ generi humano, ut in immensum propagaretur, causam aliquam dederit, aliā cognoscere, quæ quomodo hoc idē pulchre coalescat, pducaturq̃, intermedia, panē potuq̃ adinuentis, excogitauit. Adde, quod nonnullæ, literas et leges quibus in commune rebus humanis rectē prospiciatur, & cōmodē sciatur, quid expectandum fugiendumq̃ sit reppererunt. Sunt, quæ omnib. in genere studuerunt uirtutibus, hæc ut piē, quantum ad Deum unicē colendum, illa, ut iuste, quantum ad proximi charitatem spectat, alia, ut temperāter, ne quisquam priuatim suam læderet naturam exempla posteris reliquit. Item è contra inuenias plures, quas in hoc prorsus coniurasse conspirasseq̃ dicas, ut omnem honestatem, omnem humanitatis speciem, ex cōmuni uita tollant, suis affectib. indulgentes, turpitudinem, quæ & radix & comes uitiorum omnis est, sectentur mordicus, &c. Hoc itaq̃ illud est, quod iam paulò ante monui, ut adhibita ratione perpendamus exactē, quanta sit uis, quanta ratio, quantum deniq̃ sit sacramentum ipse homo, per quem magnalia dei, et hominū gesta tanto spiritu deprædicentur, & suspiciantur. Dabit ergo hæc præsens historia, quomodo, quæq̃ ratione aliorum facinora sint cognoscenda, ut nūquam certo destituaris experimento, item quomodo ex retroactis (quod propriē sapientis uiri officium est) futura scienter, in omneis parteis perspicere, imò quod admirabilius est, futura præsentibus, diuina terrenis, atq̃ sempiterna breuib. antepondere oporteat. In hoc enim omnia, omnium ueterum scripta, ac rerū gestarum monumenta, & quicquid tandē rerū est uspiam, sub quocunq̃ uelamenti seu figmenti genere conscriptarū, faciunt, ut humanam socordiam excitent, aduersus pericula exemplis muniant omnigenis, uiamq̃ & materiam discendi, quo medio, ad ulteriora progrediendum sit, præscribant. In summa, ut certo sciat quisq̃ quā par sit ratio, & necessaria legendi historica, & uitā suam cuiq̃ instituendi satis conuenienter. Hoc ita posito, facile liquebit, quantum utilitatis capere, quantumq̃ fructus facere possit is, qui cum iudicio & ratione, in quouis scripti genere, nedum in hoc, quod mire uariū, est, & copiosum, uersetur. Huc facit quod ipse autor & poëta insignis, & poëtarum interpres, extiterit, sicut liquidò uidere est hic, & alijs operibus quæ fecit, eximie claris. Faxit deus Opt. Max. ut quisq̃, quod plurimum fuerit salutare, capiat inde, idq̃ ad uitæ usum transferat omne, quā rectissimè. Illud autem tum fiet, quando exempla non gloriæ, sed uirtuti proposita esse, perspectum sit. Hoc qui nescit, similis sit Tragœdis, qui personarū, quas amplissimas præferebant, etiam posito habitu, mores imitentur. Cauendum est itaq̃, ne suauitate lectionis illecti, uoluptates sequamur, fructus uero amittamus, Nam est ingens flagitium, & piaculum nulla uenia dignum, fulgentis tantum gloriæ (quod ut plurimum

EPISTOLA NVNCVPATORIA.

plurimum, multis plausibile uidetur) specie sollicitari, at animum non aduertere, quantum retulerit probè cognitum habere, ad se etiam aliena pertinere pericula. Hoc ipsum qui non cogitat, intemperantibus planè comparandus est, quibus ut alimentum nihil proficit, sic ad eos eo pacto nulla lectionis utilitas redeat oportet. Ex his nunc patet, quo fine, quòue proposito, maiorū gentium gesta sint legenda, nempe ut omnis uita excolatur, animus rerum cognitione informetur, quàm fieri potest honestissime, adeo, ut in sermone, et actione omni, moderatio, uirtutum columen spectetur, in moribus, suauitas, quæ humanæ conuersationis gluten est, elucescat, & in ferendis studiorum laboribus, animi tolerantia mentis solatium omne, proponatur, suscipiatur. Id est, cur homines scientia, quod ex numero perfectionis, & bonorū genere sit, capiantur, uel uoluptatum dulcedine, quas sensuum obiecta produunt, oblectentur. Porro quòd reliquum est, vir clarissime, tuam attinet humanitatem, cui quantum debeam uideo, sed vnde rependam, non habeo. Sed quid hæc? Quis non amet te? quando non inde modo agnosceris felix, sed multo magis omni amore dignissimus, præcipue, quum tanta tamq̃ incredibilis tuorum morum integritas sit, quæ omnem facile laudem superet. Deinde quis nō heroicū istum totius corporis habitum suspiciat? cui planè adesse aduertitur, maiestas quædam tacita, Quid memorem fortunæ successus? quibus undiq̃ fulges, quid facilem uitæ honestissimæ splendorem? quo nihil plausibilis, nihil magis come. Quid animi circumspicientiam? qua quicquid animo concipis, quicquid re obeundum proponis, ab optato haud quaq̃ excidas fine unquam, quin quàm felicissimè, id quod uelis, perficias. Taceo interim alias uirtutes, item & tua tuorumq̃ insignia, imaginesq̃, quibus olim nobilissimè claruerunt, & hodie non minus tua humanitas claret, qua quid maius vnq̃ perspexerim (loquor id quod res est) non uideo. Sed præfari desinamus, ac te suppliciter apprecemur, qui æqui boniq̃ consulere, atq̃, quicquid id est laboris, q̃ in hoc opere Boccatij restituendo repurgandoque sumpsimus, excipere digneris eo animo, quo nos tuæ amplitudini spectatissimæ, illud ipsum dedicamus & nuncupamus, hoc est, beneuolo ac grato. Atq̃ id quidem tanto exporrectiori fronte, quanto tu maiori animi promptitudine, & honesta studia, & bonas arteis, quibus & ipse non vulgariter edoctus, admiraris et promoues, Dominus det, qui id, quod in te satis splendidè capit, feliciter perficiat. Vale bene, ac amantem tui, redama.

Datum Bernæ ex Ludo nostro literario, 22. Iulij,

Anno XXXIX.

EBERARTVS À RVMLANG

Candido Lectori.

BReui quidem sed proprio euidentiq; testimonio Candide Lector, à Cicerone celebrata et cōmendata est Historia, qui eam refert esse testē temporū, lucem ueritatis, uitam memoriæ, magistram uitæ, & nunciam uetustatis, vt non necessarium esse duxerim diutius te in cōmodis eius per censendis morari, ne quis idem mihi obijciat, qd' Rhetorum quidam Herculis laudes enarrare uolens, ab Antalcida Lacedæmoniorum duce, audire coactus est. Quis illum vituperat? Ad hoc quod hæc Ciceronis pauca verba in recessu plus recondant, quam foris ostendent. Nam si penitus introspiciantur, quicquid de Historia eloqui poterit, complecti videntur, vt non opus sit per amplificationem id latius extendi, Tui igitur cōmodi, & nominis gratia hoc excellens opus Boccatij de claris Mulieribus, ex innumeris repurgatū mendis, tibi propinamus, ut hoc quoq; frui possis, quod preclaras mulieres turpibus permixtas recenset, quo alterum ex altero illustrius reddatur euidentiūq; appareat. Hoc libro deprehendes, quomodo ex turpibus studijs deterrimi euentus cōsequantur, simulq; gustum prebebit rudis ac prisca sæculi, in quo Regibus ac Reginis plerisq; delirare, & quoduis facinus perpetrare, quasi magnificum uidebatur. Exprimit enim proteruitatem humani generis, & quanta exagitur ambitione, sæuitia immaniq; impudentia, atq; quàm vanus & vecors sit homo, si non verecundia legum temperetur, neq; bonis institutis, moribus, legibus adeoq; meliore mente, & propitio Deo excolatur. Quod si mulierum temeritas nullū facinus reuerita est, quid de viris natura ferocioribus, & intractabilioribus conijciendū est? Quid non tentabimus, & quò uesaniæ nō prouimus à grassante nostra malignitate deturbati, si effrenes nobis ipsis relinquamur? Obseruemus itaq; è q̄ effleratis moribus ingenti labore ac sudore, bonorum virorū per exercitia cultumq; honestorū studiorum, in mansuetudinem humanitatē, si gubernacula non detrectabimus, illaq; suo fungentur munere, adoleuerit orbis. Hic quoq; multi arcani, & reconditi sensus fabularum quarundam poëticarum referantur, quæ ex euentu gestæ rei occasionem sumpsere, quibus poëtæ artificium Rhetoricum adhibuere, ut ingentem exercendi ingenij materiam, hoc breui libro suppeditemus. Asperitatem & difficultatem stili imputato temporibus, & seculo non studijs Boccatij, sed tamen uenerandā quandam grauitatem præ se fert, quod stilius non exquisitus, nec fuscatus, sed solidus sit, plus roboris rerumq; quàm inanis lenocinij contineat.

Vale & frui meq; tui nominis studiosum commendatum habeto.

Datum Bernæ Nuithonum, Anno 1539.

IOAN.

IOANNES BOCCATIVS DE

Certaldo Mulieri clarissimæ Andreae de Acciarolis de

Florentia Alteuillæ Comitissæ.

PRidie, mulierum egregia paululum ab inertī vulgō semotus, & à cæteris ferè solutus curis, in eximiam muliebris sexus laudem, et amicorum solatium, potius quam in magnum reipublicæ commodum, libellum scripsi. Verum dum mecum animo versarem, cuīnam primum illum transmitterem, ne penes me marcesceret otio, & ut alieno fultus fauore, securior iret in publicum, aduerteremq; satis, non principi viro, sed potius cum de mulieribus loqueretur, alicui insigni foeminæ destinandum fore. Exquirenti digniorem ante alias, uenit in mentem, Italicum iubar illud præfulgidum, ac singularis nō tantum foeminarū, sed regum gloria, Iohanna serenissima Hierusalem & Siciliæ regina. Cuius pensatis tam inclytæ profapiæ, & auorum fulgoribus, quam nouis à se forti pectore quæsitis laudibus, in desiderium mittendi illum humilem deuotumq; ante solium suæ celsitudinis incidi. Tandem quia adeo ingens regius fulgor est, & opusculi tenuis & ferè semisopita fauillula, timēs ne à potiori lumine, minor omnino fugaretur in tenebras, sensim retraxi consilium, & noua indagine multis alijs perquisitis ad extremum, ab illustri Regina in te votum deflexi meum, nec immerito, nam dum mites ac celebres mores tuos, dum honestatem eximiam, suū matronarum decus, dumque verborum elegantiam mente reuoluerem, & cum his animi tui generositatem, & ingenij vires, quibus longe foemineas excedis dotes, aduerterem, videremq; quod sexui infirmiori natura detraxit, id tuo pectori, Deus sua liberalitate, miris virtutibus superinfuderit atque suppleuerit, & eo quo insignita es nomine designari voluerit, cum *audaces* Græci quod Latine dicimus homines nuncupent, te æquiparandam probissimis quibuscunque etiam vetustissimis arbitratus sum. Et ideo cum tempestate nostra multis atque splendidis facinoribus agentibus, clarissimum vetustatis specimen sis tanquam benemerito tuo fulgori, huius libelli tituli munus adiecisse velim, existimans non minus apud posteros tuo nomini addidisse decoris paucis his literulis, quam fecerit olim montis Odorisij & nunc Alteuillæ comitatus, quibus te fortuna fecit illustrem. At te igitur mitto & tuo nomini dedico quod hætenus à me de mulieribus claris scriptum est. Precorq; inclyta mulier, per sanctum pudicitiae nomen, quo inter mortales plurimum emines, grato animo munusculum scholastici hominis suscipias, & si mihi aliquid creditura es, aliquando legas suadeo, suis quippe suffragijs tuis blandietur otijs, dum foeminea virtute & historiarum lepeditate lætaberis. Nec incassum arbitror agitabitur lectio, si facinorum

præteritarum mulierum æmula, egregium animum concitabis in melius. Et esto nonnunquam lasciuia comperias immixtam sacris (quod ut facerem recidendorum coëgit opportunitas) ne omiseris uel horescas, quinimò perseuerans, uti uiridarium intrans eburneas manus semotis spinarum aculeis extendis in florem, sic obscenis sepositis collige laudanda, & quotiens in gentili muliere, quid dignum Christianam religionem professâ legeris, qd' in te fore non senseris, ruborem mentis excita, & te ipsam redargue, quod Christi delinita chrismate, honestate aut pudicitia uel uirtute superaris ab extera, & prouocato in uires ingenio (quo plurimum uales) non solum ne supereris patiari, sed ut superes quascunq; egregia uirtute coneris, ut uti corporis læta iuuentute, ac florida venustate conspicua es, sic præ ceteris non tantum coæuis tuis, sed priscis etiam cū animi integritate præstantior fias. Memor non pigmentis (ut plærēq; facitis mulieres) decoranda formositas est, sed exornanda honestate sanctitate, et pijs operibus, ut dum eidem qui tribuit gratiā feceris, non solum hac in peritura mortalitate inter fulgidas una sis, sed ab eodem gratiarū largitore, hominem exuens in claritatem suscipiaris perpetuam. Præterea si dignum duxeris mulierum præstantissima, eidem procedendi in medium audaciam præbeas, ibit quidem (ut reor) tuo emissus auspicio, ab insultibus malignantium tutus, nomenq; tuum cum cæteris illustrium mulierum per ora virū splendidum deferet, teq; tuis cū meritis (cum minime possis ubique offerri præsens) præsentibus cognitā faciet, & posteritati seruabit æternam.

IOANNIS BOCCATII DE

Certaldo de mulieribus claris, ad Andreā de Acci-
arolis de Florentia Alteuil.

comit.

Scripsere iam dudum nonnulli ueterum sub cōpendio, de uiris illustribus libros, & æuō nostro, latiori tamē uolumine & acutiori stilo, uir insignis & poëta egregius Franciscus Petrarcha præceptor noster scribit & dignē. Nam qui & cæteros antecessores claris facinoribus, studium omne, substantias sanguine & animam, exigente opportunitate, posuere, profecto ut eorum nomē in posteros ppetua deducatur memoria meruere. Sanē miratus sum plurimū, adeo modicum apud huiusce uiros potuisse mulieres, ut nullā memoriæ gratiā in speciali aliqua descriptione cōsecutæ sint, cū liquido ex amplioribus historijs constet, tam strenue quam fortiter egisse nonnullas. Et si extollendi sunt homines dū cōcesso sibi robore magna fecerint, quanto amplius mulieres (quibus ferē omnibus à natura rerum mollicies insita, & corpus debile ac tardum ingenium

ingenium datum est) si uirilem euaserint animum, ac ingenio celebri, ac uirtute conspicua audeant atque perficiant etiam difficillima uires extollendae sunt. Et ideo ne merito fraudentur suo, uenit in animum, ex his quas memoria referet, in gloriae suae deus in unum deducere, eisdem addere ex multis quasdam, quas aut audacia, seu uires ingenij & industria, aut naturae munus, uel fortunae gratia seu iniuria, notabiles fecit. Hisque paucas adnectere, quae & si non memoratu dignum aliquid fecere, causas tamen maximas facinoribus praebuere. Nec (volo) legenti uideatur incongruum, si Penelope, Lucretiae, Sulpitiae, ut pudicissimis matronis iumixtas Medeam, Floram, Semproniamque comperint, quibus pregrande sed perniciosum forte fuit ingenium. Non enim est animus mihi hoc claritatis nomen, adeo strictim sumere, ut semper in uirtutem uideatur exire, quinimò in ampliorem sensum (bona cum pace legentium) trahere, & illas intelligere claras, quas quocunque ex facinore, orbi vulgato sermone, notissimas nouero, cum & inter Leonidas, Scipiones Catonesque, atque fabricios uiros illustres, seditiosissimos Gracchos, versipellem Hanibalem, proditorem Iugurtham, cruentos à ciuili sanguine Syllam, Mariumque, & aequae diuitem & auarum Crassum, aliosque tales saepe legisse meminerim. Verum quando extulisse laudibus memoratu digna, & depressisse increpationibus infanda, nonnunquam non solum erit generosis in gloriam uerum etiam in ignominiam ignauis. Habenas ab infauitis paululum retraxisse, & quod quarundam turpitudinibus uenustatis demptum uidetur, ratus sum, quandoque historiis inferere nonnulla lepida blandimenta uirtutis, & infugam atque detestationem scelerum aculeos addere, & sic fiet, ut immixta historiarum delectatione sacra mentes subintrabit utilitas. Et ne more prisco apices tantum rerum tetigisse uidear, ex quibus à fide dignis potuero cognouisse, amplius in longiusculam historiam protraxisse, non solum utile, sed opportunum arbitror existimans harum facinora, non minus mulieribus quam uiris etiam placitura. Quae cum ut plurimum historiarum ignarae sint, sermone prolixiori indigent & latantur. Attamen uisum est ne omiserim, excepta matre prima, his omnibus fere gentilibus nullas ex sacris mulieribus, Hebraeis, Christianisque miscuisse, non enim satis bene conueniunt, nec aequo incedere videntur gradu. Haec quippe ob aeternam & ueram gloriam, sese fere in aduersam persaepe humanitatis tolerantiam coegere, sacrosancta praceptorum, tam iussa, quam uestigia imitantes, ubi ille seu quodam naturae munere uel instinctu, seu potius huius momentanei fulgoris cupiditate percite, non absque tamen acri mentis robore deuenere, uel fortunae urgentis impulsu, nonnunquam grauissimam pertulere. Praeterea haec, uera & indeficienti luce coruscae in merita aeternitate, non solum clarissime uiuunt, sed eorum uirginitatem, castimoniam, sanctitatem, uirtutem, & insuperandis tam concupiscentiis carnis, quam supplicij tyrannorum, inuictam constantiam ipsarum meritis exigentibus, singulis voluminibus, à pijs hominibus, sacris literis, & veneranda maiestate conspicuis, descriptas esse cognoscimus, ubi illarum merita, nullo in hoc edito volumine speciali, ut iam ductum est, & à nemine demonstrata describere, quasi aliquale reddituri premium inchoamus.

Cui quidam pio operi, ipse rerum omnium pater Deus assit, & laboris sumpti fautor quod scripsero, in suam ueram laudem scripsisse concedat.

INDEX.

	Ca. 1.	Fo. 1.	
De Eua parente prima	2.	ij.	
De Semiramide regina Affiriorum	3.	iiij.	
De Opi Saturni coniuge	2.	iiij.	b
De Iunone Regnorum dea	5.	iiij.	
De Cerere dea frugum, & Sicularum regina	6.	v.	
De Minerua quæ & Pallas dicitur	7.	v.	b
De Venere Cyprorum regina	8.	vi.	b
De Ysidere regina atq; dea Ægyptiorum	9.	vij.	
De Europa Cretensium regina	10.	vij.	b
De Libia regina Libie	11.	vij.	
De Marpesia & Lampedone reginis Amazonū	12.	vij.	b
De Thysbe Babilonia uirgine	13.	ix.	b
De Hypermnestra Argiuorum regina	12.	x.	b
De Niobe regina Thebanorum	15.	xi.	
De Hypsipyle regina Lemni	16.	xij.	
De Medea regina Colchorum	17.	xij.	
De Arachne Colophonia muliere	18.	xij.	b
De Orytheia & Anthiobe reginis Amazonum	19.	xij.	
De Erythrea seu Eriphila Sibylla	20.	xij.	b
De Medusa filia Phorci	21.	xv.	
De Iole Ætholorum regis filia	22.	xvi.	
De Deianira Cenei Ætholorum regis filia	23.	xvi.	b
De Iocasta Thebanorum regina	22.	xvij.	
De Amalthea seu Deiphebe Sibylla	25.	xvij.	b
De Nicostrata seu Carmenta Ionij regis filia	26.	xvij.	b
De Procri Cephali coniuge	27.	xix.	
De Argia Adraști regis filia	28.	xx.	
De Manthone Tyresie filia	29.	xx.	b
De Coniugibus Meniarum	30.	xxi.	
De Penthesilia regina Amazonum	31.	xxi.	b
De Polixena Priami regis filia	32.	xxij.	
De Hecuba Troianorum regina	33.	xxij.	b
De Cassandra Priami Troianorum regis filia	32.	xxij.	b
De Clitemnestra Mycenarum ragina	35.	xxij.	b
De Helena Menelai regis coniuge	36.	xxij.	b
De Circe Solis filia	37.	xxv.	
De Camilla Volscorum regina	38.	xxvi.	
De Penelope Vlyssis coniuge			

De Laui

INDEX.

De Lauina Laurentium Regina	Ca. 39.	Fo. xxvij.	
De Didone seu Elissa Tiria Carthagenensiū regina	20.	xxvij.	b
De Nicaula Æthiopum regina	21.	xxix.	b
De Pamphile Platræ filia	22.	xxx.	
De Rheia Ilia Nestali uirgine	23.	xxx.	b
De Gaia Cirilla Tarquini Prisci regis coniuge	22.	xxxi.	b
De Sappho puella Lesbia & Poeta	25.	xxxi.	b
De Lucretia Collatini coniuge	26.	xxxij.	b
De Thamyri Scytharum regina	27.	xxxij.	
De Leæna meretrice	28.	xxxiiij.	
De Athalia regina Hierusalem	29.	xxxiiij.	b
De Cloelia Rhomana uirgine	50.	xxxvi.	
De Hippone Græca muliere	51.	xxxvi.	b
De Megulia dotata	52.	xxxviij.	
De Veturia	53.	xxxvij.	b
De Thamyri pictrice Myconis filia	52.	xxxviij.	
De Artemisia regina Cariae	55.	xxxix.	
De Virginea uirgine Virginij filia	56.	xl.	b
De Hyrene Cratini filia	57.	xli.	b
De Leuncio	58.	xli.	b
De Olympiade Macedoniae regina	59.	xlj.	
De Claudia Vestali uirgine	60.	xlj.	
De Virginea Lucij Volupini coniuge	61.	xlj.	b
De Flora meretrice dea Florū & Zephyri cōiuge	62.	xlj.	
De Rhomana iuuenula	63.	xl.	
De Marcia Varronis uirgine perpetua	62.	xl.	b
De Sulpitia Fulnij Flacci coniuge	65.	xlvi.	
De Armonia Siculi Gelonis filia	66.	xlvi.	b
De Busa Camusina Apula muliere	67.	xlviij.	
De Sophonisba regina Numidia	68.	xlviij.	
De Theosena Herodici principis filia	69.	xlix.	
De Beronice Cappadociae regina	70.	l.	
De coniuge Drigiagontis Gallograeci	71.	l.	b
De Tertia Emilia primi Scipionis Affricani cōiu.	72.	li.	b
De Dripetrua Laodiciae regina	73.	lij.	
De Sempronia Gracchi	72.	lij.	b
De Claudia Quinta muliere Rhomana	75.	lij.	
De Hypsicratea regina Ponti	76.	lij.	b

De Sem-

INDEX.

De Sempronia Rhomana	Ca. 77.	Fo. lüij	b
De coniugibus Cimbrorum	78.	lv.	b
De Iulia Gai Cæsaris filia	79.	lvi.	b
De Portia Catonis Vticensis filia	80.	lvij.	
De Curia Quinti Lucretij coniuge	81.	lvij.	b
De Hortensia Quinti Hortensij filia	82.	lvij.	
De Sulpitia Truscellionis coniuge	83.	lvij.	b
De Cornifitia.	82.	lix.	
De Marianne Iudæorum Regina	85.	lix.	b
De Cleopatra Ægyptiorum repina	86.	lx.	b
De Antonia Antonij filia	87.	lxij.	b
De Agrippina Germanici coniuge	88.	lxij.	
De Paulina Rhomana scemina	89.	lxij.	b
De Agrippina Neronis Cæsaris matre	90.	lxij.	b
De Epitari Libertina scemina	91.	lxv.	b
De Pompeia Paulina Lucij Annei Senecæ coniuge	92.	lxvi.	b
De Sabina Poppea Neronis Cæsaris coniuge	93.	lxvij.	
De Triaria Lucij Vitellij coniuge	92.	lxvij.	b
De Proba Adelphi coniuge	95.	lxix.	
De Faustina Augusta Catonis coniuge	96.	lxx.	
De Semiamira Messana muliere	97.	lxx.	b
De Zenobia Palmirenorum regina	98.	lxxij.	
De Iohanna Anglica Papa	99.	lxxij.	b
De Hyrenæ Constantinopolitanorum imperatrice	100.	lxxij.	b
De Engeldruda Florentina uirgine	101.	lxxv.	
De Constantia Rhomanorum imperatrice & regina Sicilæ	102.	lxxvi.	
De Camiola Senensi uidua	103.	lxxvi.	b
De Brumchilde Francorum regina	102.	lxxix.	
De Iohanna Hierusalem & Siciliæ regina	105.	lxxx.	

LIBER

Hec sunt errata, In C. pagina 4. Carmine 1. aureis. In D pag. 1. car. 1. Faticica. & in 2. pag. car. 3. audetq. &
in D ultima pag. car. 2. prima. In E pag. ult. car. 1. Rhomulidum. In H pag. ult. car. 1. Sophonisba, In I pagi. 3.
car. 2. Cui pudor, In I pag. 4. car. 2. proauos. In K pag. 1. car. 1. Inhumanum. In K pag. 4. car. 2. prohibet.



LIBER IOANNIS

BOCCACII DE CERTALDO DE MV-
lieribus claris, Ad Andream de Acciarolis de Flo-
rentia Alteuilla comitissam, incipit.

Vipera perdiderat uim, ui parente puella,
Prona solo hæc graditor, sobolem ferat illa dolore.



DE HEVA PARENTE PRIMA.

Caput primum.

SCripturus igitur, quibus fulgoribus mulieres claruerint insignes, à ma-
tre omnium sumplisse exordium, non apparebit indignum. Ea quippe
uetustissima parens: uti prima, sic magnificis fuit insignis splendoribus.
Nam non in hac ærumnosa miseriarum ualle, in qua ad laborem cæteri mor-
tales nascimur, producta est: nec eodem malleo aut incude, etiam fabro facta,
seu eiulans nascendi crimen deflens, aut inualida cæterorum ritu, uenit in ui-
tam: quinimò (quod nemini unquam alteri contigisse auditum est) cum iam
ex limo terræ, rerum omnium faber optimus, Adam manu conpegisset pro-
pria, & ex agro, cui postea Damascenus inditum nomen est, in horto delici-
arum transtulisset, eum in soporem soluisset placidum, artificio sibi tantum co-
gnito, ex dormientis latere eduxit eandem, sui compotem & maturam uiro,
& loci amcenitate atq; factoris lætabundam intuitu ; in mortalem, & rerum
A domi-

dominam, atq; uigilantis iam uiri sociam, & ab eodē Heuam etiam nominatam. Quid maius, quid splendidius potuit vnquam contigisse nascenti? Preterea hanc arbitrari possumus corporea formositate mirabilem, quid enim dei digito factum est, quod cætera non excedat pulchritudine? Et quamuis formositas hæc, annositate peritura sit, aut medio in ætatis flore, paruo ægrit uдинis impulsu lapsura: tamen quia inter præcipuas dotes suas, mulieres hanc numerant, & plurimum ex ea gloriæ (mortalium indiscreto iudicio) iam consecutæ sunt, non superfluè inter claritates earum, tanquam fulgor præcipuus & apposita est, & in sequentibus apponenda ueniet. Hæc insuper, tam iure originis quam incolatus, paradisi ciuis facta, & amicta splendore nobis incognito, dum unà cum uiro, loci delicijs frueretur auidè, inuidus felicitatis ei⁹ hostis, nepharia suasionē ingessit illius animo, si aduersus unicam sibi legem à deo impositam iret, in ampliorem gloriam iri posse. Cui dum leuitate fœminea magis quam illi nobis quæ profuerit crederet, seq̃ue stolidè ad altiora conscensuram arbitraretur, ante alia, blanda quadam suggēstione, uirum flexibilem in sententiam suam traxit: & in legem agentes, arboris boni & mali poma dum gustassent temerario ausu, seq̃ue genusq; suū omne futurum, ex quiete & æternitate, in labores anxios & miseriam, mortem, & ex delectabili patria, inter uepres, glebas, & scopulos deduxere. Nam cum lux corusca, quæ incedebant amicti abiisset, à turbato creatore suo obiurgati perissomatibus cincti, ex deliciarum loco in agros Hebron, pulsi exulésque,

uenere. Ibi egregia mulier his facinoribus clara, cum prima (ut nonnullis creditum est) uertente terram

ligonibus uiro, colo nere adinuenisset, sæpius dolores partus experta est, & quibus ob

mortem filiorum atque nepotum

angustijs angeretur ani-

mus, æquè miserè

passa, et algores

æstusque,

finam, & incōmoda

cætera, fessa laboribus, mo-

ritura deuenit in senium.

At Nini coniunx bello clarissima & armis,
Clarior incestu multo, deperdita luxu,
Iussit & illa, uiro proprio dominetur ut uxor.

DE SE



DE SEMIRAMIDE REGINA ASSY-
riorum, Caput secundum.

Semiramis insignis atque uetustissima Assyriorum Regina fuit, à quibus tamen parentibus genus duxerit, annositas abstulit, præter quod fabulosum placet antiquis, aientibus eam filiam fuisse Neptuni, quem Saturni filium & maris Deum, erronea credulitate firmabant. Quod etsi credi non oporteat, argumentum tamen est, eam à nobilibus parentibus genitam. Hæc quidem Nino Assyriorum regi egregio nupsit, & ex eo Ninum paterno nomine filium peperit unicum. Sanè Nino omni Asia & postremo Bactrianis subactis, sagittæ ictu mortuo cum adhuc hæc iuuenacula esset & filius puer, minime tutum existimans, tam grandis & orientis imperij, ætati tam tenellæ habenas committere, adeo ingentis fuit animi, ut quas ferus homo armis subegerat nationes, coërcueratq; uiribus, arte & ingenio regendas, foemina auderet assumere. Nam Astu quodam muliebri, excogitata fallacia prægrandi mortui uiri ante alia decepit exercitum. Erat Semiramis liniammentis oris persimilis filio, nude utriq; genæ, nec erat per ætatem difsona à puerili foeminea uox, & in statura corporis nil uel modicum grandiuscula differebat à nato. Quibus iuuantibus, ne in processu quod fraudem detegere potuisset obesset, caput textit thyara, brachijs cruribusque uelamentis absconditis: & quoniam insuetum eo usque esset Assirijs, egit, ne offerret nouitas habitus admirationem accolis, & ornatu simili omnis uteretur populus. Et sic Nini olim coniunx filium, & foemina puerum simulans, mira cum

A ij diligen-

diligentia, maiestatem regiam adepta: eam, militaremque disciplinam seruauit, & mentita sexum: grandia multa, & robustissimis uiris egregia, operata est. Et dum nullo labori parcens, aut periculo territa inauditis facinoribus quorumcumque superasset inuidiam, non est uerita, cunctis aperire quæ foret, quod uirum fraude simulasset foemininea quasi uellet ostendere, non sexum, sed animum inperio oportunum. Quod quantum aduertentibus ingessit admirationis, tantum mulieris maiestatem inclytam ampliavit. Hæc ut eius facinora paululum protensus deducamus in medium, sumptis, post insigne figmentum, uirili animo armis, non solum quod uir suus quæsiuerat tutauit imperium sed Æthiopiam à se acri laceffitam bello atque superatam iunxit eidem, & inde in Indos uehementia arma conuertit, ad quos nondum præter uirum quispiam accesserat. Babyloniam insuper, uetustissimum Nembroth opus, & uigentem ea ætate in campis Sennaar in ciuitatem restaurauit, murisque ex cocto latere, arena, pice ac bitumine compactis, altitudine atque grossicie & à circuitu longissimo admirandis ambiuit. Et ut ex multitudine eius gestorum unum memoratu dignissimum extollentes dicamus. Certissimum asserunt eam, pacatis rebus & otio quiescentem, ac die quadam foeminea solertia cum pedissequis crines determinantem, ac ritu patrio in tricas reducentem, actum esse, cum nondum præter medios deduxisset, ut illi nuntiaretur, Babyloniam defecisse, quod adeo ægre tulit, ut proiecto pectine confestim ab officio muliebri, irata consurgens, coarripere arma: ac eductis copiis obsideret urbem præualidam: nec ante, quod inordinatorum crinium superfuerat composuit, quam potentissimam ciuitatem longa obsidione affectam, in deditionem cogeret, & suo dominio, infestis reuocaret armis. Cuius tam animosi facinoris, diu exhibuit testimonium, statua ingens ex ære conflata & in Babyloniam erecta, foeminam solutis ex altero latere crinibus, ex altero in tricam compositis prætendens. Multas præterea ex nouo ciuitates edidit, & ingentia facta peregit: quæ adeo uetustas absorpsit, ut nil ferè super sit præter quod dictum est, quod ad suam pertineat laudem & ad nos usque deductum sit. Cæterum hæc omnia, ne dum in foemina sed in quocunque uiro strenuo mirabilia, atque laudabilia, & perpetua memoria celebranda, unà obscena mulier foedauit illecebra. Nam cum inter cætera, quasi assidua libidinis prurigne ureretur infelix, plurimum se miscuisse concubitu creditum est, & inter moechos (bestiale quid potius quam humanum) filius Ninus numeratur, unius præstantissimæ formæ iuuenis: qui uti mutasset cum matre sexum, in thalamis marcebat ocio, ubi hæc aduersus hostes sudabat in armis. O scelestum facinus (ut quieta sinam) inter anxias regnum curas, inter cruenta certamina, et quod monstro simile est, inter lachrymas et exilia, nulla temporis facta distinctiōe, hæc euolat

hæc euolat pestis: sensim incautas mentes occupans, & in præcipitium trahens, omne decus turpi nota commaculat. Qua foedata Semiramis dum putat astutia abolere, quod lasciuia deturpauerat, legem illam insignem condidisse aiunt, qua præstabatur subditis, ut circa uenerea agerent quod liberet. Timensque ne à domesticis fœminis concubitu fraudaretur filij (ut quidam uolunt) prima usum fœmoralium excogitauit, eisq; omnes aulicas fœminas conclauis subcinxit: quod ut fertur adhuc apud Ægyptios obseruatur & Assyrios. Alij tamen scribunt quod cum in desiderium incidisset filij, eumque iam ætate prouectum in suos prouocasset amplexus, ab eodem cū annis iam duobus & triginta regnasset occisam. A quibus dissentiunt alij, asserentes eam libidini miscuisse sæuiciam, solitamque, quos ad explendum suæ uredinis uotum aduocasset, ut occultaretur facinus, continuo post coïtum iussisse necari. Verum cum aliquando concepisset, adulteria prodidisse partu: ad quæ excusanda legem illam egregiam, cuius paulò ante mentio facta est proditam aiunt. Sed tam etsi uisum sit paucillum contegisse crimen filij indignationem abstulisse minime potuit, quin seu quem suum tantum arbitrabatur, cum alijs communicatum incestum cerneret minusque ex quo animo ferret, seu quod rubori esse matris luxuriam duceret, aut forsan prolem in successionem imperij nascituram expauesceret Reginam illecebrem ira impulsus absumpsit.

DE OPI SATURNI CONIUGE.

Caput tertium.

Ops Dea frugum habita est, Saturnia coniunx,
Et mater diuum Cybele, probitatis imago,
Numen erat, Veteres multa quod laude colebant.

Opis seu Ops uel Rhea quæ & Cybele dicitur (si Priscis credimus) inter prospera & aduersa plurima claritate emicuit. Nam Vrani apud rudes adhuc Græcos potentissimi hominis, & Veltæ coniugis filia fuit. Quæ Saturni regis soror pariter & coniunx, nullo quod ad nos uenerit facinore, se egregiam fecerat, ni muliebri astutia, Iouem Neptunum atq; Plutonium filios, à morte, cum Saturno à Titano fratre pacta liberasse. Qui cum inscicia imò infania hominum æui illius, in claritatem præcipuè deitatis euasissent homines, hæc non solum reginæ decus adepta est, quinimò errore mortalium dea insignis & deorum mater est habita: eiq; templa sacerdotes & sacra instituto publico constituta sunt. Adeoque enorme malum conualuit, ut laborantibus secundo bello Punico Romanis, quasi pro salutari auxilio mis-

A iij sis con

sis consularibus uiris, ab Attalo Pergami rege, simulacrū eius expetitur præcibus est, ritusq; sacrorū, & ex Pefinunte oppido phrygiæ quoddā deforme faxū sumptū qđ incolæ matrem deum esse dicebant, cū diligentia Romā delatum atq; summa cū reuerentia susceptum, & postremo insigni locatum templo, tanq̃ sublime numen atq; Reipublicæ salutare, p̃ multa secula ceremonijs plurimis apud Romanos & Italos cultū est. Mirabile profecto fortunæ ludibrium, seu potius cæcitas hominum an melius dicere fraus & decipula Dæmonum, quorum opere actū est, ut scœmina longis agitata laboribus, demū anus mortua & in cinerem versa, & apud inferos alligata & dea crederetur, & in tam grande æuum ferè ab uniuerso orbe diuinis honoraretur obsequijs.

DE IVNONE REGNORVM DEA.

Caput quartum.

Ast ego, quæ Diuum incedo Regina Iouisq;
Et soror, & coniunx, una cum gente tot annos
Bella gero, & quisquam numen Iunonis adorat.

IVno Saturni & Opis filia, poëtarum carmine & errore gentilium, toto orbi præ ceteris mulieribus gentilitatis infectis labe, celeberrima facta est: in tantum ut nequiverint taciti temporū dentes (cū cūcta corroderēt) adeo infame exedisse opus, quin ad ætatem usque nostram notissimum eius non euaserit nomen. Verum ex hac potius fortunam egregiam recitare possumus quoniam opus aliquod memorabile dictu referre. Fuit enim cum Ioue illo Cretenſi quem decepti veteres cœli finxere deum, eodem ædita partu, & ab infantia transmissa Samum, ibique ad pubertatem usque cum diligentia educata, Ioui demū fratri nupsit, quod per multa secula eiusdem statua est in templo Sami testata. Nam existimantes Samij, non modicū sibi, posterisque suis afferre gloriæ, quod se penes, alta atque Ioui desponsata Iuno sit, quam cœli reginam arbitrabantur & deam, ne memoria hæc dilueret facile, templum ingens & præ ceteris orbis mirabile extruxere numiniq; eius dicauere, & ex marmore Pario, in habitu nubentis virginis, eiusdem imagine sculpti fecere, temploque preposuere suo. Hæc tandem regi magno nupta, ex crescenti eius in dies imperio atque fama, longe lateq; nomen ipsius efferente, non modicum & ipsa splendoris consecuta est. Sanè postquam poëticiſ fictionibus, & insana antiquorum liberalitate, cœli regina facta est, quæ mortalis regina fuerat, Olympi regnis eam, diuitijsq; præfecere: nec non & illi coniugalicia iura atq; parentiū auxilia cōmiscere: & alia lōge plura ridenda potius quā credenda. Ex quibus (sic humani generis hoste suadente) multa illi vndiq; cōstructa sunt

eta sunt templa, altaria plurima, sacerdotes, ludi & sacra, more ueteri, instituta: Et (ut de reliquis taceam) post Samos celebri ueneratione ab Argiuis Achaie populis Carthaginensibus diu honorata est, et postremo à Veijs Romā delata in Capitolio & in cella Iouis optimi maximi, non aliter quam uiro iuncta suo locata, sub uocabulo Iunonis reginae à Romanis rerum dominis, caeremonijs multis & diu culta est, etiam postquā in terris apparuit deus homo.

DE CERERE DEA FRVGVM ET SICV- lorum Regina. Caput quintum.



Legiferam Cererem, quis non miretur, ametq;
Semina quæ docuit terræ committere læta,
Cui tu rite fauos & miti dilue Baccho.

CEres, ut nonnullis placet, vetustissima Sicularum regina fuit, tantoque ingenio valuit, ut cum agrorum excogitasset culturam, prima apud suos boues domuit, & iugo assuefecit, & ad inuento aratro atque uomere, eorum opere terram proscidit, sulcisque semina tradidit: quæ cum in amplissimam segetem excreuissent, hæc spicis eruere, lapidibus terere, fermento conficere, & in cibum deducere, homines glandibus & pomis syluestribus assuetos edocuit. Quod ob meritum, cū mortalis esset foemina, eā deam frugum arbitrati sunt: & diuinis honoribus extulere, eamque Saturni & Cybeles credidere filiam. Huic præterea, unicam ex Ioue fratre fuisse filiam proserpinam dicunt: eamq; maxima maris turbatione ab Orco Molossorum rege

A iij raptam

raptam, & diu quæsitam uolunt, multis hinc fabulis occasionem præbentes. Fuit præterea & Ceres altera apud Eleusim Atticæ regionis ciuitatem, eiusdem meritis penes suos clara, cui Triptolenium obsequiosum fuisse uolunt, quas, eo quod uetustas deitate & hominibus æquè extulit, sub uno tantū nomine ambarū ingenia retulisse satis uisum est. Harum ædepol ingenium utrum laudē an execrer nescio. Quis enim damnet uagos syluestresq; eductos in urbes è nemoribus homines? quis ritu ferarum uiuentes in meliorem euocatos frugem: quis glandes mutatas in segetes: quibus corpus lucidius, uegetiora membra & alimenta humano usui conformiora præstantur. Quis musco uepribus, arbutisq; incōpositis, oblitum orbē, in cultum, pulchritudinē & utilitatem publicā uersum, quis rude sæculū in ciuile, quis à desidia in contemplationē excitata ingenia. Quis viros torpentes in spelæis in urbicū seu rusticanum exercitū tractos, quibus tot ampliatae vrbes, tot de nouo condite tot aucta imperia, tot mores spectabiles inuenti cultiq; sunt, frumentariæ artis inuenta noticia, quæ cū de se bona sit, & quæ dicta sunt omnia reor nisi quis iudicio plurimū faciat, merito dicetur, deinde uersa uice, quis laudat multitudinem sparsam syluas incolentem glandibus pomisque syluestribus ferino lacte herbisq; atq; fluento assuetā, solutasque curis habentem pectora, sola naturæ lege contentā, sobriam, pudicam, & doli nesciam, inimicam feris tantū & auibus, in molliores atq; in cognitos euocatam cibos: è quibus (nisi nos ipsos decipimus) secutū cernimus ut in abditis adhuc latentibus uicijs, exitumq; timentibus, aperiretur iter & procedendū præstaretur securitas. Hinc arua eò usque cōmunia, terminis, fossa, distinguī cœpta sunt, agricalationis subiere cura, & partiri inter mortales cœpere labores. Hinc meū & tuū uenit in mediū, nomina quidē inimica pacis publicæ & priuatæ, hinc pauperies seruitusq;, nec non & litigia, odia, cruentaq; bella, & vrens in circuitu euolauit inuidia: quæ egere, ut uix dum curuatae falces in messē, in acutos, rectosq; in sanguinem gladios uerterentur. Hinc sulcata maria & occiduis Eoa cognita & Eois occidua. Hinc mollicies corporū, sagina ventris, ornatus uestiū, accuratiores menses, conuiuia splendida, torpor & otii aduenere, & quæ in dies usq; illos frigus erat, Venus calefieri cœpit maximo orbis incōmodo. Et (quid deterius forsitan est) si minus æq; labentibus annis (ut fit) cœli seu bellorū ira, cultu respondeant, subintrat ilico annonæ pœnuria, & duriora priscis consurgūt ieiunia, seu famas nunquam syluis cognita gurgustiola intrat inopū non absq; diuitū per sepe periculo. Hinc turpis et efficta macies, infernalis pallor, et titubanti incedens gradu debilitas, morborūq; & festinatae mortis, multiplices exoriuntur causæ. Quibus inspectis unā cū innumeris alijs, uix scio, imò scio, quia longe aurea illa, licet rudia & agrestia fuerint his nostris ferreis, cunctisque sæculis, præponenda sint.

DE MINERVA QVÆ ET PALLAS

dicitur. Caput sextum.

Arte, armis, ac Ingenio pollere Mineruam,
Atque Iouis Cerebro genitam dixere uetusti.
Eloquium ac famam Demosthenis, aut Ciceronis
Incipit optare, & totis quinquatribus optat.

Minerua quæ & Pallas dicta, tanta claritate conspicua fuit, ut non illi fu-
isse mortalem originem stolidi arbitrati sint homines. Aiunt quidem
hanc in Attica Ogigij regis tempore apud lacū Tritonium haud lon-
ge à sinu Syrtium minori, primo uisam in terris & cognitam, & quoniam tra-
ctu temporis multa facientem uidissent, ante non uisa, non solum apud rudes
Afros, uerum apud Græcos, qui ea tempestate prudentia anteibant ceteros,
absque matre, ex Iouis cerebro genitam, & cœlo sparsam creditum est.
Cui ridiculo errori tanto plus fidei auctum est, quanto occultior eius origo
fuerit. Hanc ante alia uoluere perpetua floruisse uirginitate, quod ut pleni-
ori credatur fide finxere Vulcanum, ignis deum, id est concupiscentiæ carnis
feruorem diu cum ea luctatum superatumq; . Huius insuper incognitum
omnino omnibus ante, lanificium inuentum fuisse uolunt. Nam ostenso quo
ordine purgata superfluitatibus lana, eaque dentibus mollita ferreis, appone-
retur colo, atque demum digitis deduceretur in filum, textrinae excogitauit
officium: eaque docuit, quo pacto internecterentur fila, & tractu pectinis iun-
gerentur, & calce solidaretur intextum. In cuius opificij laudem pugna illa
insignis eiusdem & Arachnes Colophonix recitatur. Vsum insuper olei eo
usque mortalibus inauditum hæc inuenit: docuit atque Atticos baccas mola
terere trapetisque premere. Quod quia multum utilitatis afferre uisum sit, ei
aduersus Neptunum in nominandis à se Athenis, attributa uictoria credi-
tur. Volunt etiam huius fuisse opus cum iam quadrigarum prima reperisset
usum, ferrum in arma arte conuertere, armis corpus contegere, aciem bel-
lantium ordinare, & leges omnes quibus eatur in pugnam edocere. Dicunt
præterea eam numeros inuenisse, & in ordinem eduxisse, quem in hodiernū
usque seruamus. Cæterum ex osse cruris, alicuius auis, seu ex palustri po-
tius calamo, eam tibias seu pastores fistulas primam composuisse credere,
easque in terras è cœlo deiecisse, eo quod flantis redderent turgidum guttur
& ora deformia. Quid multa? ob tot comperta prodigia, deitatum largitrix
antiquitas eidem sapientiæ numen attribuit. Quo intuitu tracti Athenienses
ab ea nuncupati, & eo quod ciuitas studijs apta uideretur, per quæ quisq; sit
prudens & sapiens, eam in suā sumpsere tutelā eiq; arcem dicauere, & ingen-
ti tem-

ti templo constructo suoque numini consecrato, in eodem illam effigiauere, oculis toruam, eo quod raro nascatur in quem finem sapientis tendat intentū, galeatam uolentes ob id sapientum tecta & armata significari consilia: indu tam lorica, eo quod ad quocunque fortunæ ictus semper armatus sit sapiens: longissima munitam hasta, ut comprehendatur sapientem in longinquo spicula figere, præterea cristallino ægide, & in eo Medusæ gorgonis caput fixū protectam: prætendentes ob hoc lucida sapienti omnia esse tegumenta, eosq; serpentina semper astutia adeo præmunitos, ut faxei eorum intuitu videantur ignari. Eiusq; in tutelam noctuam posuere, firmantes prout in luce, sic et in tenebris uidere prudentes. Tandem huius mulieris fama, atque numinis reuerentia, se adeo longè latèque diffudit, tantūque fauit illi ueterum error ut illi ferè per uniuersum orbem eius honorem templa construerentur, & celebrarentur sacra, eo usque conscenderet, ut in Capitolio penes Iouem optimū maximum, cella dedicaretur eidem, ut inter potissimos Romanorū deos cum Iunone regina, & ipsa dea pariter haberetur. Sunt tamen nonnulli grauissimi uiri asserentes, non unius Minerue, sed plurimum quæ dicta sunt fuisse compta, quod ego libenter assentiam, ut clare mulieres ampliores sint in numero.

DE VENERE CYPRORVM REGINA,

Caput septimum.

Io. Telorus:

En formosa Venus, multos celebrata per annos,
Dulce quod est, sensim multo sale, miscet amaris.
Hinc Amor, hinc mundi mens, desideria uitæ
Orta placent, tacitis gaudet Venus aurea furtis.

Venerem Cyprianam fuisse sceminam quorundam arbitratur opinio: De parentibus autem à nonnullis ambigitur. Nam alij eam Cyri cuiusdam & Cyrie uolūt filiam. Quidam uero Cyri & Dionis Cypriæ mulieris. Nonnulli (reor) ad eius extollendam pulchritudinis claritatem Iouis & Dionis prædictam genitam asserunt. Sane ex quocunque sit patre genita eam inter claras mulieres, potius ob illustrem eius pulchritudinem quam ob decorosum meritum describendam censui. Tanto igitur oris decore, & totius corporis uenustate emicuit, ut sæpe intuentium falleretur credulitas. Nam quidam illam, ipsum cœli sydus, quod Venerem nuncupamus dicebant, alij etiam cœlestem sceminam in terras ex Iouis gremio lapsam. Et breuiter omnes tetra obfuscati caligine quā sciebāt à mortali scemina editā immorta

immortalem afferebant deam: eamque infaufti amoris, quem cupidinē uocabant, genitricem totis nisibus affirmabant. Nec illi intercipiendi stultorum intuentium mentes uarijs gesticulationibus deerant artes. Quibus agentibus meritis, eo usque itum est, ut nequeuntibus obistere obscœnitatibus mulieris, quas euestigio non tamen omnes scripturus sum; & Iouis filia, & ex deabus unā etiā uenerandissima habita sit. Nec solum apud Paphum uetustissimum Cypriorū oppidum, thure solo placata est, nam mortuam & incestuosam foeminam, eo delectari existimabatur odore, quo uiuens in prostibulorum uoluptabatur spurcitie, uerum & apud nationes reliquas & Romanos, qui templū ei sub titulo Veneris, genetricis & Verticordę alijsq; insignibus olim struxere. Sed quid multa? Hanc duobus nupsisse uiris creditum est. Primo nupserit non satis certum, nupsit ergo (ut placet aliquibus) ante Vulcanū lemnorum regi & Iouis Crētenis filio: quo sublato, nupsit Adoni filio Cynyræ, atque Myrrhæ regis Cypriorum, quod uerisimilius mihi uidetur, quam si primum uirum Adonem dixerimus, eo quod seu complexionis suæ uitio, seu regionis infectione, in qua plurimum uidetur posse lasciuiā, seu mentis corruptæ, malicia factum sit, Adone iam mortuo, in tam grandem luxurię pruritum lapsa est, ut omnem decoris sui claritatem crebris fornicationibus maculasse uideretur, cum iam adiacentibus regionibus notum foret, eam à Vulcano uiro primo, cum armigero compertam: ex quo creditum, fabulam adulteri; Martis & eiusdem sibi comperuisse locum. Postremo autem, ut ab impudica fronte paululum ruboris absterfisse uideretur, & lasciuiendi ampliorem sibi concessisse licentiā, infanda turpitudine excogitata, prima (ut auiūt) meretricia publica adinuenit, & fornices instituit, & matronas inire compulit, quod execradum scelus Cypriorum consuetudo in multa proiecta secula satis testata est, seruauere quidem diu mittere uirgines suas ad lit-tora, ut forensium uterentur concubitu, & sic futuræ castitatis suæ libamenta persoluisse uiderentur Veneri, & suas in nuptias quæsisse dotes, quæ quidem abominanda stulticia postea penetrauit ad Italos usq; cum legatur aliquando idem fecisse Locrenses.

Ouidius Metame.

Donec Aristoridæ seruandam tradidit Io,
Centum luminibus cinctum caput Argus habebat.

Theodolus.

Ventilat hæc cestro decoratum carnibus Io,
Iuno ferox, & ei tutelam deputat Argi.

DE ISI-

DE ISIDE REGINA ATQVE DEA

Ægyptiorum. Caput. viij.

ISis cui antea nomen Io, clarissima non solum Ægyptiorū regina, sed eorum postremo sanctissimum & uenerabile numen fuit. Quibus tamen fuerit temporibus, aut ex quibus nata parentibus, apud illustres Historiarum scriptores ambigitur. Sunt autem qui dicunt illam Inachi primi regis Argiuorum filiam & Phoronei sororē, quos constat Iacobi filij Isaac tempore imperasse, alij Promethei genitam asserunt, regnante apud Argos Phorban te, quod longe post primum tempus effluxit, nonnulli eam fuisse temporibus Cecropis Athenarum regis affirmant, & quidem insuper aiunt Lincei regis Argiuorum eam floruisse temporibus, quæ quidem inter celebres uiros diuersitates argumento non carent. Hanc inter foeminas suo æuo egregiam fuisse, et memoratu dignissimam tradunt omnes, uerum obmissis scriptorum discordantijs, quod plurimi arbitrantur, imitari mens est, eam scilicet Inachi regis fuisse filiam, quàm etsi poëtæ ueteres fingant ob uenustatem formæ placuisse Ioui, & ab eo oppressam & ad occultandum crimen in vaccam transformatam, petentiq̃ue Iunoni concessam: & Argum custodem à Mercurio cæsum, vaccæq̃ à Iunone cæstrum suppositum & eam deuectam cursu rapido in Ægyptum, ibidemq̃ pristinam à se recuperatam formam, & ex Io, Isidem appellatam, ab historiæ ueritate non discrepant, cum sint qui asserant à Ioue adultero oppressam uirginem, eamq̃ ob perpetratū scelus metu patris impulsam, cū quibusdam ex suis cōscendisse nauem, cui uacca esset insigne, & ingenio plurimo, ac ingenti præditā animo, regnorū cupidine agitatam secundo uento ad Ægyptios transfretasse, & ibidem actam desiderio, regione compta, constituisse. Tandem cum non habeatur, quo pacto obtinuisset Ægyptum, forè certum creditur, quod ibi comperisset rudes inertesq̃ populos, & humanarum rerum omnium ferè ignaros, ac ritu potius brutorum uiuentes quam hominum, non absq̃ labore & industria celebri, illos docuit terras colere, cultis committere semina, & tandem collectas in tempore fruges in cibum deducere, præterea uagos & ferè syluestres in unum se redigere, & datis legibus ciuili more uiuere, & (quod longe spectabilius in muliere est) coacto in uires ingenio characteribus literarum idiomatici incolarum conuenirent ad inuentis hñdemq̃ apīs ad doctrinam, qua lege iungerentur, ostendit quæ (ut de reliquis taceam) adeo mirabilia insuetis hominibus uisa sunt, ut arbitrarentur facile, non ex Græcia uenisse Isidem sed è cælo lapsam, & ob id spiranti adhuc diuinos honores instituere omnes. Cuius quidem numine, fallente ignaros diabolo, in tam grandem ea mortua atq̃ famosam uenerationem euasit, ut

Romæ

Romæ iam rerum domine, illi templum constitueretur prægrande & in Ægyptiaco ritu quotannis solenne sacrum institueretur, nec dubium quin ad occiduas vsque et ad barbaras nationes hic penetrarit error. Porro huius tam claræ fœminæ uir fuit Apis, quem uetustas erronea, Iouis & Niobes Phoro-
nei filia, filium arbitrata est, quem aiunt Agialeo, fratri Actaie regno concess-
so, cum Argis triginta quinque regnasset annis secessisse in Ægyptum, & unâ
cū Iside imperasse, æque deū habitū, & Osirim seu Serapim nuncupatū, esto,
sint qui dicant Isidi Thelogonum quendam fuisse uirum, & ex ea suscepisse
Epaphum qui Ægyptijs postea præfuit, & Iouis ex ea filius existimatus est.

DE EVROPA CRETENSIVM RE- gina. Caput. ix.



Iupiter Europam delusit imagine tauri,
Et per eum genuit Lyciæ Sarpedona regem,
Et dominum Cretæ Minoem cum Rhadamantho.

EVropam arbitrantur quidā filiam fuisse Phœnicis, uerum longè plu-
res eam Agenoris Phœnicum regis genitam dicunt, & tam mirabili
formositate ualuisse ut amore eius, inuisæ Cretensis caperetur Iupiter, ad cuius
rapinam cum moliretur insidias potens homo, actū uolunt, lenocinio uerbo-
rum cuiusdam, ut ex montibus in litusq; Phœnicū, lasciuiens uirgo, armēta
patris sequeretur: & exinde rapta, confestim atq; naui, cuius albus taurus erat
B inligne

insigne, imposita, deferretur in Ceretam, Vagari licentia nimia virginibus & aures faciles cuiusunque uerbis præbere, minime laudandum reor, cum contigisse sæpe legerim sic agentibus, honestati earū notas turpes imprimi, quas etiam perpetuæ, deinde castitatis decus abstergere non potuit. Ex his fabulam, qua legitur Mercurium (per quem eloquentiam lenonis cuiusdam significant) impulisse ad littus armenta Phœnicum, & Iouem in taurum uersum natantemq; in Cretam, Europam uirginem asportasse: causam sumpsisse liqui dè patet, uerum in tempore rapinæ huius, prisci discrepant, nam qui antiquiorem ponunt, regnante Argis Danao factam uolunt, alij regnante Acrisio, & qui postremi sunt Plandione rege Atheniensibus imperante, quod magis Minois, filij Europæ, temporibus conuenire uidetur. Hanc aliqui à Ioue oppressam simpliciter uolunt, & inde Asterio Cretensium nupsisse regi, & ex eo Minoem, Radamantum & Sarpedonem filios peperisse, quos plurimi dicunt filios Iouis fuisse. Asserentibus nonnullis Asterium Iouemq; eundem fuisse. Quæ disceptatio, cum spectet ad alios claræ tanti dei connubio plures Europam uolunt, affirmantes insuper aliqui, seu quia nobilitatis fuerat egregiæ, seu quod Phœnices, multis meritis suo æuo præ ceteris stemmatibus claruere maiorum, seu diuini coniugis ueneratione seu filiorum regnum gratia, uel ipsiusmet Europæ uirtute præcipua, ab eius nomine Europam partem orbis tertiam in perpetuum honorem nuncupatam. Quam profecto ego insignem uirtutibus mulierem, non solum ex concessio orbi nomine arbitror, sed à spectabili ex ære statua (ut Varro refert) à Pythagora illustri philosopho Tarenti Europæ dicata nomini.

DE LIBYÆ REGINA LIBYÆ.

Caput. x.

Clara fuit genere & factis regina Libydis,
Hæc Epaphi coniunx fama celeberrima mater,
Quæ monstrum horrendum genuit Busyrida crudum.

Libya ut uetustissimi uolunt auctores, Epaphi Ægyptiorum regis fuit filia, ex Cassiopeia coniuge, eaq; nupsit Neptuuo, id est extero homine ab Ægypto atq; potenti uiro, cuius proprium nomen ad nos usq; non uenit, & ex eo peperit Busiriden immanem, postea superioris Ægypti tyrannum, Huius magnifica opera ab annis creduntur consumpta, sed ea fuisse maxima satis argumenti præstat, eam tantæ apud suos fuisse auctoritatis ut eius Aphricæ pars, cui imperauit Libya, omnis, de suo nomine appellata sit.

DE MAR-

DE MARTHESIA ET LAMPEDONE

reginis Amazonum. Caput xi.

Splendida claret Amazonidum gens undiq; bello,
Marte potens, furibunda manus, præclara periclis,
Sumere quæ docuit, crucians in rebus egestas.

MArthesia & Lampedo sorores fuere Amazonum inuicem reginæ, & ob illustrem bellorum gloriam sese Martis vocauere filias, Quarum quoniam peregrina sit historia paulò altius assumenda est. E Scithya ergo regione quæ in Orientem porrecta, uno la ere Ponto, & ab altero montibus Rypheis, à tergo Asia & Tanai flumina includit, ut multū in longitudinem latitudinemq; protrusa, Hæc ea tempestate syluestri & serè inaccessa exteris fuerat, in hac Plinos & Scholopythus (ut aiunt) regij iuuenes factione maiorū pulsi, cum parte populorū usq; ad Termodoontem Capadociae amnem deuenere ibiq; confedere & Themiscyrijs occupatis aruis, raptu uiuere & incolas latrocinijs infestare cœpere. A quibus tractu temporis per insidias serè omnes trucidati sunt. Quod cum egre ferrent uiduatæ eorū coniuges, & in ardorem uindictæ deuenissent seruide, cum paucis qui superuixerant uiris in arma prorupere. Et primo impetu factō hostes à suis demouere finibus, inde ultrò circumstantibus intulere bellū, demū arbitantes seruitutem potius quam coniugiū, si exteris matrimonio adhererēt hominibus, & scēminas solas posse sufficere bellis & armis, & ne istę mitiores uiderentur habuisse deos quàm cæterę, quorū uiros à cæde finitimorū fortuna seruasset, cōmuni consilio irruentes in eos, omnes interimere, inde in hostes furore cōuerso, quasi uirorū necessulturæ: illos adeo cōtriuere, ut ab eis facile pacem impetrarent. Quā suscepta ad successionē consequendā uicissim finitimis adhærebant, & cū concepissent euestigio reuertebantur in sedes. Tandem quę nascebantur mares occidebantur illico, uirgines ad militiam cū diligentia seruabantur, tenellis igne seu medicamine alio, sublato incremento māmilla dexterę, ne sagittandi exercitium impediretur adultis, sinistra liquebatur in tacta, ut ex illa nutrimenta, porrigerent nascituris, ex quo Amazonū uocabulum quod sine māmā essent, sortitę sunt. Nec eis in alendis uirginibus fuit ea cura quæ nostris, nam colo, calathis alijsq; muliebribus abiectis officijs, uenationibus, discursionibus, dominationibus equorū, laboribus armorū assiduīs, sagitationibus & huiusmodi exercitijs maturiores puellulas durabant, in aptitudinem & uirile robur. Quibus artibus nō solū Themiscyrios tenuere campos, à suis olim maioribus occupatos, quinimò, Europę ingenti parte, bellorū iure quæsita, plurimū Asiæ occupauere, formidabilesq; fuere omnibus. Sanè ne uiribus deesset regimen

ante alias Marthesiam & Lampedonem post caesos uiros instituere reginas sibi, sub quarum auspicijs ut demonstratum est, suum plurimū imperiū auxere. Hæc quidē cū militari disciplina insignes essent, partitis intra se prouincijs, ut puta cū una in regni tutelā subsisteret, reliqua parte copiarum sumpta ad subiiciendos finitimos earum imperio intendebat, & sic uicissim maximis partis prædijs auxerunt aliquandiu rempublicā. Verum cū Lampedo ad ultimum in hostes duxisset exercitum repentino barbarorū circumadiacentium incur-su Marthesia nimium fidens sibi relictis aliquibus filiabus, cū parte copiarum cesa est. Quid aut ex Lampedone secutum sit legisse non memini.

DE THYSBE BABYLONIA VIRGINE.

Caput xij.



Pyramus & Thysbe iuuenum pulcherrimus alter,
 Altera quas oriens habuit prælata puellis,
 Ex æquo captis ardebant mentibus ambo,
 Quos miserè perimit stulti impatientia amoris.

Thysbe Babyloniam uirgo infelicis amoris exitu magis quam opere alio inter mortales celebris facta est. Huius & si non à maioribus nostris qui parentes fuerint habuerimus, intra tamen Babyloniam habuisse cum Pyramo ætatis sue puero contiguas domos satis creditum est. Quorum cum esset iure conuicinijs, quasi conuictus assiduus, & inde eis adhuc pueris puerilis affe-

rilis affectio, egit iniqua fors ut crescentibus annis (cum ambo formosissimi essent) puerilis amor in maximum augetur incendium, illudq; inter se nutibus saltem aperirent aliquando, iam in puberem propinquantem ætatem. Sane cum iam grandiuscula fieret Thysbe à parentibus in futuros hymenæos domi detineri cæpta est. Quod cum egerrime ferrent ambo, quærerentq; solliciti qua uia possent saltem aliquando colloqui: à nullo adhuc uisam cõmunis parietis inuenere in seposito rimulam, ad quam cum clàm conuenissent sepius & consuetudine paululum colloquendo, pariete etiam obice, quo minus erubescerent, ampliassent exprimendi affectiones suas licentiam, sæpe suspiria, lachrymas, feruores, desideria, et passionem omnes aperiebant suas, nonnunquã etiam orare inuicem pacem animorum, amplexus, & oscula, pietatem, fidem dilectionemq; perpetuam. Tandem ex crescente incendio, de fuga inuere cõsilium, statuentes, ut nocte sequenti quam, primum quis posset suos fallere, domo exiret, & se inuicem, si quis prior euaderet, in nemus ciuitati proximũ abiens, penes fontẽ, Nini regis busto proximũ, tardiorẽ expectaret. Ardentior forte Thysbe, prima suos fefellit, & amicta pallio, intẽpesta nocte, sola patriã domũ exiuit, & luna monstrante uiam in nemus intrepida abiit. Et cum secus fontẽ expectaret, & ad quẽcunq; rei motũ sollicita, caput extolleret, legnã uenientẽ animaduertens, relicto in aduertenter pallio aufugit in bustũ, læna autem palsta, sua siti posita, cõperto pallio & aliquãdiu ad illud cruento ore de more fricato atq; exterso, unguibus laceratum liquit & abiit. Interim tardior Pyramus æque relicta domo deuenit in syluam, dumq; per silentia noctis intentus comperisset laceratum cruentumq; pallium Thysbes, ratus eam à belua deuorata, plangore plurimo locum compleuit, se miserum incusans, quoniam dilectissimæ uirgini, seuæ mortis causam ipse dedisset, & aspernans de cætero uitam, exempto quem gesserat gladio, moribundus secus fontem pectori impexit suo. Nec mora Thysbe potam lænam abisset rata, ne decessisse uideretur amantem aut diu expectatione suspensum teneret, pedetentim ad fontem regredi ccepit. Cui iam propinqua palpitantem adhuc Pyramũ sentiens, pauefacta ferè iterũ abiit, tandem lumine lunæ percepit, quoniam iacens suus esset Pyramus: & dum eius in amplexus festina iret eũ sanguini per vulnus effuso incubante, atq; iam omnẽ effundentem animã comperit. Quẽ cũ aspectu obstupuisset, primo mœsta, tandem ingenti cũ fletu frustra præstare subsidia, & animã retinere osculis, & amplexus aliquãdiu conata est. Verum cũ nec uerbũ haurire posset, sensissetq; uilipendi tam feruenti pridie desiderio optata basia, & amantẽ in mortem festinare uideret, rata quoniã eam non cõperisset occisam, in acerbũ fatum cũ dilecto à se puero, amore pariter & dolore suadentibus: ire desposuit. Et arrepto capulotenus ex vulnere gladio cũ gemitu plora

tuncq; maximo nomen inuocauit Pyrami, orauitq; ut Thysbem suā saltem morientem aspiceret & exeuntē expectaret animam, ut simul in quascunq; sedes incederent. Mirum dictu, sensit moriētis deficiens intellectus amatae uirginis nomē nec extremū negare postulatū passus, oculos in morte grauatos aperuit & inuocantem aspexit, quæ confestim pectori adolescentis cultroq; super incubuit, & effuso sanguine secuta est animā iam defuncti. Et sic quos amplexu placido ex inuidia fortuna iungi minime passa est, infelicē amborū sanguinem misceri prohibuisse non potuit. Quis non compatiatur iuuenibus? quis tam infelici exitui lachrymulam saltem unam non concedit faxeus erit, amarunt se pueri: non enim ob hoc infortunium meruere cruentū, florentis ætatis amor crimen est: nec horrendum solutis crimen, in coniugiū ire poterant, peccauit fors pessima, & forsā miseri peccauere parentes. Sensim quidē frenandi sunt iuuenum impetus, ne dum repentino obice illis obsistere uolumus desperantes in præcipitium impellamus. Immoderati vigoris est cupidinis passio, & adolescentium ferē pestis & come flagitium, in quibus Ædepol paciēti animo toleranda est, quoniā sic rerum volente natura fit, ut dum ætate ualemus ultro inclinemus, in prolem, ne humanum genus in defectū corruat, si coitus differantur in senium,

DE HYPERMNESTRA ARGIVO- rum regina & sacerdote Iouis. Caput xiiij.

Mittit Hypermnestra de tot modo fratribus uni,
Cætera nuptarum crimine turba iacet.
Fœmina sum, & uirgo natura mitis & annis,
Non faciunt molles ad fera bella manus.

HYpermnestra genere & dignitate clarā, Danaï Argiuorum regis filia & Lincei, seu ut quidam uolunt Lini coniunx fuit. Colligitur autē ex historijs antiquorum, duos quondam in Ægypto fuisse fratres, Belī prisci filios, spectabili præeminentes imperio: quorum Danaus unus, alter autē Ægyptus nuncupatus est, nec prolis ambobus fuit æqua fortuna, esto numerus esset æquus. Nam Danao quinquaginta fuere filia, filijq; totidem Ægypto. Sanē cum in oraculis habuisset Danaus, quoniam manu, nepotis ex fratre, occideretur, clamq; angeretur timore plurimo: cum ex tam ingenti multitudine nesciret, cuius suspectas deberet habere manus, contigit ut iam pubescentibus vtriusq; liberis peteret Ægyptus, ut Danaï filia omnes filijs suis iūgerentur cōiugio, quod Danaus seuo excogitato facinore ultro concessit, desponsatisq; filiabus

filiabus nepotibus, cū nuptiale sacrum pararetur, eas omnes summo opere premonuit, ut si salutem suam uellent, unaquæq; uirū suum nocte prima, dum uino epulisq; madentem, somnoq; illigatum graui cognosceret, ferro perimeret. Quæ omnis, cultris clām cubiculis suis illatis, marcentes hesternæ crapula iuuenes, iussu interficere parentis. At Hypermnestra sola abstinuit, apposerat quippe uirgo iam animum suū in Linum seu Linceū uirum suū, ut moris est puellarū euestigio uiso sponso, illū diligere : & ob id ei compassā, ingenio cū laude sua, à nefanda cæde abstinuit, suauitq; iuueni fugā, qua tutus esset. Verū cū cæteris mane ob patratū scelus, trux pater applaudiret, Hypermnestra sola obiurgata, & carcere clausa, pium aliquādiu fleuit opus. Heu miseri mortales, quā cupido animo, quamq; feruenti peritura concupiscimus? & o casum aspernantes intueri, quā execrandis ijs (si præstetur) celsa conscendimus: quibus sceleribus conscensā seruamus? quasi obscœnis operibus arbitremur uolubilem firmari posse fortunam: & (quod ridiculū est) quibus criminibus, quā scelestis facinoribus, uolatilem fragilemque uitæ huius dieculā, non dicam longare, sed perpetuare conamur, cū in mortem ire cæteros cursu uolucris uideamus? Quibus detestandis consilijs, quibus nefandis operibus, dei irritamus iudicium? Ut (alios sinam) testis infandus sit Danaus, qui dum plurimo nepotū sanguine, suos iam tremulos annos ampliare nititur, robusta se ac splendida nepotū nudauit acie: & perenni labefactauit infamia Arbitratus est homo nequam, paucos frigidosq; annos senectutis suæ, floridis adolescentiæ nepotum suorum, præponendos fore, quod forsitan tanquam utilius existimasset alius, dūmodo seruasset honestè. Verum per vulnera iuuenum filiorum, quæsisse suumq; prolongasse seniū, immane facinus iure uideri potest. Et quod plurimum ignominiae semper addit: non satellitum manus, sed filias armauit in scelus, ut non tantum nepotes auferret, sed ut scelere filias funestas haberet, quas habere pietate potuisset honestas. Et dū uitā seruare hoc crimine cupit, non aduertit, quantum audaciæ, quantum fraudis quantumq; detestandæ enormitatis futuris perniciosis mulieribus: & infauti relicturus esset exempli, fidem coniugij calcari fecit perfidia, ubi sacras inferri faces thalamis pius iussisse parens debuerat, infautos gladios imperauit. Vbi nos in conjugalem dilectionem natas hortari consueuimus, is in odium animauit, & cædem atq; quod in omnes ausus non fuisset, in singulos, natas immisit, quod die non attentasset: nocti perfici uoluit: quod non præsumpsisset in castris, thalamis mandauit impleri: non aduertens quia quot annos uiridi iuuentuti nepotum auferret per scelus & fraudem, tot sibi foedata ignominiosi sui facinoris secula reseruaret: & qui quinquaginta iure poterat habere generos, hostis male meritis seruatus est vnico Nepoti. Cuius tandem

B iij manus

manus (dei iusto uolente iuditio) truculentus senex euasisse non potuit, quin ille nocuus sanguis effunderetur, quem tam multo nepotū sanguine redemisset. Qui seu pulsus, seu profugus, seu uocatus transfretauit in Græciam, & Argiuorum regnum ingenio & uiribus occupatam tenuit. Sunt qui uelint prædictum facinus à Danao ibi perpetratum: sed ubicunq; factum sit, à Lino truculentiae memore, occisus occubuit: & pro eo Linus ipse regnauit Argiuis,educta q; è carcere Hypermnestra, atq; meliore omine sibi iuncta cōiugio regni participem fecit. Quæ non solum regina refulsit, sed Iunonis Argiuae sacerdos effecta, candore splendoris duplicis ornata comparuit, & cum sorores in turpem abiissent infamiam, ipsa ob commendabilem pietatem nomen suum laude dignum, usque ad nos transmisit insigne.

DE NIOBE REGINA THEBANorum. Caput xiiiij.

Nam pater Amphion ferro per pectus adactō,
Finierat moriens pariter cum luce dolorem,
Heu quantum Niobe, Niobe distabat ab illa.
Inclyta progenies, & foelicissima matrum,
Dicta foret Niobe, si non sibi uisa fuisset.

Niobe ferè vulgo inter egregias notissima mulierum, cum vetustissimi atq; famosissimi Phrygiarum regis Tantali nata fuisset, & Pelopis soror, nupsit Amphioni Thebanorum regi, ea tempestate clarissimi: tam quia Iouis proles, quàm quia præcipue ualeret facundia, & ex eo, perseuerante regni gloria, septem peperit filios, & filias totidem. Sanè quod sapienti profuisse debuerat, superbienti fuit exitium, nam tam splendore conspicuæ prolis, quàm maiorum suorum fulgore elata, etiam in numina obloqui ausa est. Erant enim iussu Mantonis Tiresiæ cuiusdam uatis filiaë solliciti dierum unà Thebani, circa sacra Latonæ matris Appollinis, & Dianæ, ueterum superstitione venerandis numinibus. Tum quasi agitata furij, circumsepta natum acie, & regijs insignita notis, prosiliuit in medium Niobe clamitans, quæ nam illa esset Tebanorum dementia, Latonæ sacrum disponere, & exterram foeminam, cui Titanis genitam, duos tantum adulterio conceptos enixâ filios, sibi eorum reginaë praponere, rege Tantalo natæ, & quæ 12. eis uidentibus ex coniuge peperisse genitos, sibi q; tanquã digniori cærimonias illas deberi. Tandem paruo temporis tractu factū est, ut ea uidente letali peste nati omnes, pulchra iuuentute florentes infra breue spacium absumerentur, usq; ad unum, Amphion qui ex patre 12. filiorum, repente orbis factus esset, dolore impellente

impellente manu propria gladio transfoderetur: existimantibus Thebanis hæc iure superis ulciscantibus numinis iniuriam contigisse. Niobe autem tot funeribus superstes vidua mœstaq; in tam grandem atq; obstinatam taciturnitatem deuenit, ut potius immobile saxum uideretur, quàm fœmina. Quam ob causam à poëtis postea fictum est, eam apud Sipylum, ubi sepulti fuerant filij in lapideam statuam fuisse conuersam. Durum est & odio sum plurimū superbos non dicam tolerare, sed spectare homines, mulieres autem fastidiosum, & importabile, cum illos feruentis animi atq; elati, ut plurimum naturā produxerit. Has uero mitis ingenij, & remissæ uirtutis, laudicis potius quam imperijs aptas produxit: quàm orbem mirabile minus, si in elatas dei procliuor ira sit, & iudicium sæuius, quotiens eas suæ debilitatis contingat excedere terminos: ut insipiens Niobe fecit, fortunæ lusa fallatia & ignara, quoniam ample prolis parentem fore non uirtutis parientis, sed naturæ opus esse, in eos cœli benignitatem flectentis. Satis igitur illi imò debitum erat, deo ex concessis egisse gratias, quàm sibi diuinos qualescunque honores quæsisse, tanquam sui fuisset operis, tam numero suam prolem atq; conspicuam peperisse. Quæ dum superbè potius quàm prudenter operata est, egit ut infortunium uiua fleret, & post multa secula suum nomen posteritati foret exosum.

DE HYPsipYLE REGINA LEMNI.

Caput xv.

Site nobilitas, generosaq; nomina tangunt,
 En ego Minoo nata Thoante feror.
 Medeam timui, plus est Medea nouerca,
 Medæ faciunt ad scelus omne manus.
 Prodidit illa patrem, rapui de Cæde Thoanta,
 Deseruit Colchon, me mea Lemnos habet.

Hypsipyle insignis fuit fœmina, tam pietate in patrem quàm infelici exilio & Archemori alumni morte, atq; subsidio natorum oportuno in tempore repertorum. Fuit etenim hæc Thoantis Lemniadum regis filia, eo æuo regnantis, quo rabies illa subiuit mulierum mentes, subtrahendi omnino indomita colla uiro- rum iugo. Nam paruipenso senis regis imperio, adhibita secum Hypsipyle unanimes, in id deuenere consilium, ut sequenti nocte gladijs sæuiretur in quoscunque masculos, nec defuit opus proposito. Sane sæui- entibus reliquis, consilium mitius menti Hypsipyles occurrit;

occurrit. Nam rata scedari paterno sanguine inhumanum fore, genitori detecto reliquarum facinore, eoque in nauim demisso, ut Chium effugeret publicam iram, euestigio ingenti constructo rogo, se patri postremū exhibere finxit officium. Quod cum crederetur à cunctis, patrio imposita throno, loco regis, impijs mulieribus regina prefecta est: sanctissima quippe filiorum pietas in parentes est, quid enim decentius? quid iustius? quid laudabilius? quam his humanitate atq; honore uices reddere: quorū labore inuallidi alimēta sumplimus, solertia tutati sumus & amore incessabili in prouectiorem ætatem deducti, & instructi moribus & doctrina, nec non honoribus atque facultatibus aucti & ingenio ualemus & moribus? Atque cū ab Hypsipyle omnia officia cū cura impensa sint parenti, non immerito, illustribus addita mulieribus est. Ea igitur regnāte, Iason seu ui uentorum impulsus, seu ex proposito deuectus, cum Argonautis in Colchon tendentibus, frustra prohibētibus sceminis, occupato littore, à Regina hospicio, atq; lecto susceptus est: Ex quo abeunte cū geminos in tempore peperisset filios, eosq; Lemniadum lege cogeretur emittere (ut placet aliquibus) in Chium ad auum nutriendos iussit offerri. Ex quo cognito quod seruato patre decepisset reliquas, in eam concursum est, & uix conscensa naui à furore seruata publico, dum patrem natosq; quæreretur, & apyratiscapta, & in seruitutem deducta est. Varijsq; exantlatis laboribus Lycurgo Nemeæ quæ in Arcadia regi, dono data, curam Ophieltis paruuli & unici Lycurgi filij suscepit. Cui dū uacaret obsequio, transeunti, atque propter æstum siti periclitanti, Adrausti Argiuorum regis exercitui in Thebas eunti, rogata, Langiam fontem ostendit, relicto in pratis inter flores alumno. Verum dū percūctanti Adrausto præteritos exponeret casus, ab Eunoa & Thora ante adultis filijs, & sub rege militantibus cognita, atq; in spem fortunæ melioris erecta, ludentem inter herbas alumnū, cū uerbere caudæ serpentis cōperisset occisum, ferè plangoribus totū turbauit exercitū, à quo natisq; furenti ob dolorē Lycurgo subacta incognito mihi euentui mortiq; seruata est.

DE MEDEA REGINA COLCHORUM. Caput xvi.

Quid referam Peliaē natas pietate nocentes?
 Cæsaq; virginea membra paterna manu?
 Dum ferrum, flammæq; aderunt, succusq; ueneni,
 Hostis Medea nullus inultus erit.

MEdeā ſæuiſſimum veteris perfidię documentum, Oëte filiū Perſę clariffimi regis Colchorum & Hypſę coniugis filia fuit, formoſa ſatis, et maleficiorū lōge doctiſſima. Nam (à quocūq; magiſtro inſtructa ſit) adeo herbarum uires familiares habuit, ut nemo melius: nouitq; cantato carmine turbare cœlum, uentos exantris ciere, tempeſtates mouere, flumina fiſtere, uenena conficere, elaboratos ignes ad quodcunq; incendium componere & huiuſmodi perficere omnia, nec illi (quod longe peius) ab artibus fuit diſſonus animus nam his deficientibus, ferro uti arbitrabatur leuiſſimum. Hęc Iſonem Theſſalum eo ſeculo conſpicuum uirtute iuuenem à Pelia patruo, probitati Iſonis inſidianti, ſub prætextu gloriſſimę expeditionis miſſum in Colchos, ad aureum ſuſcipiendum uellus, eiufdem capta præſtantia dilexit ardentè, egitq; ad eius promerendā graciā, ut orta inter incolās ſeditione patri ſuſcitaretur bellum, & conſequendi uotum Iſoni ſpaciū præſtaretur. Quis hoc etiā ſenſatus arbitraretur homo, quòd ex uno oculorū intuitu opulentiſſimi regis exterminium ſequeretur? Eo igitur patrato ſcelere, cum dilecti iuuenis meruiſſet amplexus, cum eodem ſecum patriam omnē ſubſtantiam trahens, clām fugam arripuit, nec tam grandi facinore contenta in peius trucem diuertit animum, arbitrata quidem Oëtā ſecuturum profugos, ad eū ſiſtendum in Thomitania Phaſidis inſula, per quam ſecuturo tranſitus futurus erat, Abſyrtum ſeu Egyaleum puerum fratrem ſuum, quē in hoc ſecum fugę comitem traxerat, obtruncari, & eius membra paſſim per arua diſpergi iuſſit: ut dum ſparſa miſerabilis recolligeret genitor, eis lachrymas tumulūque daret, fugientibus interim fugę ſpaciū cōmodaret. Nec eam ſefellerat opinio, ſic enim factum eſt. Tandem cum poſt errores plurimos in in Theſſaliā cum Iſone deueniſſet ſuo: Æſonemq; ſocerum tam ex reditu nati, quam ex aperta victoria prædaque & illuſtri coniugio, tantā replebat læticia, ut reuocatus in floridā uideretur ætatem Iſoni paratura regnum, arte ſua zizaniā inter natos & Peliam Theſſalis fratrem Æſonis ſeuit, eosq; miſere armauit in patrem. Ceterum labentibus annis exoſa Iſoni facta, & ab eodem, loco eius, Glaucā filia Creontis Corinthiorum regis aſſumpta: impatiens fremensq; cum multa in Iſonem excogitaſſet eo, prorupit, ut ingenio ſuo Glaucā Creontis filiam & Creontem cum regia omne abſumeret igne uolati, & ſpectante Iſone, quos ex eo ſuſceperat filios trucidaret & auffugeret in Athenas, Vbi Ægeo nupta regi cū Medum à ſe denominatum iam filium ſuſcepiſſet ex eo, & cum fruſtra Theſeum redeuntem tentaſſet occideret ueneno, tercio fugam arripuit, & cum Iſonis in gratiam rediſſet unā cum eo omni Theſſalia ab Agialeo Pelia filio pulſi repatriauit in Colchos, ſenemq; exulem patrem regno reſtituit. Quid tandem egerit, quo ue ſub cœlo ſeu mortis genere

genere diem clausit, nec legisse memini, nec audisse. Sed ne omiserim, non omnis oculis præstanda licentia est, eis enim spectantibus, splendores cognoscimus, inuidiam introducimus, concubinas attrahimus omnis eis agentibus excitatur audacia, laudatur formositas, damnatur squalor & paupertas indigne. Et cum indocti sint iudices, & superficiebus rerum tantum modo credant, sacris ignominiosa, ficta ueris & anxia lætis persæpe præficiunt, & dum abijcienda commendant, & breui blandientia tractu, inficiunt nonnunquam animos turpissima labe. Hi nesci à formositate etiam inhonesta, à gesticulationibus lasciuis, à petulantia iuuenili, mordacibus vitijs capiuntur, trahuntur, rapiuntur, tenenturq;. Et cum pectoris ianua sint: per eos menti nuntios mittit libido, per eos cupido insufflat suspiria, & cæcos incendit ignes, per eos emittit cor gemitus, & affectus suos ostendit illecebres. Quos si quis recte saperet, aut clauderet, aut in cælum erigeret, aut in terram demergeret, nullum illis inter utrunq; tutum iter est: quod si omnino peragendū sit, acri sunt prohibendi ne lasciuiant freno. Apposuit illis natura fores, non ut in summum clauderentur solum, sed ut obsisterent noxijs. Eos quippe si potens clausisset Medea, aut aliorum flexisset dum erexit auida in Iasonem, stetisset diutius potentia patris, uita fratris, & suæ uirginitatis decus infractum, quæ omnia horum impudicitia periere.

DE ARACHNE COLOPHONIA

muliere. Caput. xvij.



Ter, quater, Idmoniae frontem percussit Arachnes,
 Non tulit infelix, laqueoq; animosa ligauit
 Guttura: pendentem Pallas miserata leuauit.

Arachnes Asiatica atque plebeia femina Idmonij Colophonij lanarum tinctoris fuit filia. Quae quaquam origine minus clara fuerit, nonnullis tamen meritis extollenda est. Afferunt quidam veteres lini usum eius fuisse inuentum industria, eamq; primam retia excogitasse: aucupatoria seu piscatoria fuerint, incertum. Et cum eius filius cui Closter nomen fuit, fusos lanificio aptos reperisset: arbitrantur quidam hanc texturae artis, principatum suo aeuo tenuisse, tamque circa hanc grandis ingenij, ut digitis filisq; & spatula et alijs tali officio oportunis, id egisset quod pictor peregisset penicillo. Non equidem in muliere spernendum officium. Sanè dum non solum Colophonij cohabitans textrina habebat, sed ubiq; se famam celebrem audiret, adeo elata est, ut ausa sit aduersus Palladem huius artis repertricem certamen inire: & cum se superari aequo animo ferre non posset, induto laqueo vitam iniiuit. Ex quo locus fingentibus datus est, nam cum nomine exercitioq; aranea vermis cum Arachne conueniat, & filo pendat, ut ipsa pendebat laqueo, Arachnem miseratione deorum in araneam versam dixere, & assidua cura pristino vacare seruitio. Alij uero dicunt quod esto laqueum induerit moritura. Non tamen mortuam adiutorio interueniente seruorum, sed artificio posito dolore uacasse. Nunc autem si quis est (obsecro) qui se credat in aliquo anteire ceteros, dicant, si libet Arachne ipsa: an coelum vertere, & in se dignitates omnes trahere potuisse arbitretur, aut potius, ipsum deum rerum factorem omnium, precibus & meritis sic in se benignum fecisse, ut ad aperto munificentiae suae sinu in illam gratias effundere cunctas coegerit omnis ceteris. Sed quid quero, sic & haec arbitrata videtur? Stultissimum Hercle, uertit aeterna lege natura coelum, & apta uarijs rebus ingenia cunctis praebet: haec prout otio atq; desidria torpentia, sic studijs & exercitio luculenta & maximarum rerum capacia fiunt. Et ea se in implente natura in rerum omnium noticiam desiderio uehimur, esto non eadem solertia uel fortuna: Et si sic est, quid obstat quin multi possint eodem iure pares effici, & ob id quemquam se solum existimare inter tam innumerabilem mortaliu multitudinem cursu preualere ceteris ad gloriam; stolidae mentis est. Optarem quippe ut Arachnes unica, huius uanitatibus nobis ridiculum praerberet, cum sint innumeri tanta illaqueati clementia, qui dum se in praecipitium stolidae praesumptionis efferunt, Arachnem minus irridendam faciunt.

DE ORITHYA ET ANTIOPE RE-
ginis Amazonum. Caput xviij.

En Boreas precibus mauult, quàm uiribus uti,
Orithyiam adamans, fuluis complectitur alis,
Dilectaq; diu caruit Deus Orithyia.

ORithyia Marthesiæ fuit filia, & unà cum Antiope, quam quidam
sororem existimant suam, post Marthesiam Amazonum regina fuit,
& ante alia virginitate perpetua insignis & cōmendanda plurimū, tantum cū
conforte regni Antiope bellis valuit, ut multis Amazonum imperium, ho-
noribus ampliauerit: & adeò militaris disciplinæ suas laudes extulit, vt arbi-
traretur Eurysteus Mycenarum rex, durum posse bello eius obtineri balthe-
um. Et ob id aiunt debitori Herculi tanquam maximum in iunctum, ut il-
lud auferret eidem. Eximia quippe mulieri gloria est, sibi ob splendidam ar-
morum uirtutem obiectum Herculem cuncta superantem. Cuius expediti-
onem cum intrasset, & nouem longis nauibus Amazonum occupasset
littus, absente Orithyia in tumultuantes Amazones, ob paucita-
tem & incuriam, de se facile victoriam præbuere, captæq;
Menalippe & Hyppolite sorores Antiope, dato re-
ginæ Baltheo, Menalippe restituta est. Ve-
rum cum asportasse Hippolyten These-
um expeditionis socium audisset
Orithyia, in Græciā omnem
conuocatis, auxilijs bel-
lum mouere ausa
est: sed ob dissensionem ab
auxilijs relicta, ab Atheniensibus superata in
regnum redijt, nec quid egerit ulterius inuenisse recordor.

DE ERYTHRÆA SEV ERIPHILA
Sibylla. Caput xix.

Tempus erit longum, quia iam mihi sæcula septem
Acta vides, numeros superest ut pulueris æquem,
Voce adeò noscar, vocem mihi fata relinquent,
Hæc Christum cecinit, Christo partamq; salutem.

Erythra



Erythraea seu Eriphila mulier ex Sibyllis una, & insignis plurimū fuit. Quas quidem Sibyllas decem fuisse numero quidam putant, easque proprijs designant nominibus. Et quoniam plurimum vaticinio ualere omnes: & quod diuina consilia nossent, sic illas cognominant. Nam Aeoli *σίοις* deos uocant, & *Βουλή* consilium deorum Latine sonat. Et ideo Sibyllae quasi mentis diuinæ, seu mente deum gerentes: Ex quibus uenerabilibus omnibus hanc fuisse celeberrimam referunt, & eius apud Babylonios aliquandiu ante Troianum bellum fuisse originem, aut nonnulli eam Romuli Romanorum regis tempore vaticinatā putant. Huius ut quidam dicunt nomen fuit Eriphila, sed Erythraea ideo nominata, quia apud Erythraeam insulam diu morata sit, & ibidē plurima eius carmina sunt cōperta. Fuit igitur tanta vis eius ingenij, aut orationis, aut deuotionis meritū in conspectu dei, ut uigili studio, non absq; diuino munere meruerit (si uerū sit ab ea dictū qd̄ legitur) futura tanta claritate describere, ut Euangelium potius quam uaticiniū uideatur. Hæc quidē percunctantibus græcis, tam perlucidē suos labores & Iij excidiū descripsit carmine, ut nil post factum, quā ante nosceretur clarius. Sic et Romanorū imperiū, casusq; uarios paucis versibus cōplexa est, longe ante eius initiū, ut nostro seculo breuem potius Epitomē scripsisse uideat quā prædixisse futurum: Et homo quod longe maius (meo iudicio) est arcanum diuinæ mentis, nec non per figuras ueterū & implicita prophetarū, imò sancti spiritus, per prophetie uerba p̄dictū aperuit incarnandi uerbi mysteriū iā natiuitam & opera, proditiōē, capturā, illusiones, & inhonestam mortē, resurrectionisq; triumphū, & ascensionem, & ad extremum iudiciū reditum, ut historiam dictasse non venturos prædixisse actus appareat.

Quibus meritis
C ij & dile-

& dilectissimam deo fuisse arbitror, & præ cæteris gentilium mulieribus venerandam. Sunt qui asserunt insuper eam virginitate perpetua floruisse, quod ego facile credam, non enim in cõtagioſo pectore, tanta futurorum lux effulſiſſe potuiſſet. Quo tempore ſeu qua in parte deceſſerit abolitum eſt.

DE MEDUSA FILIA PHORCYS

Caput xx.

Squalebant latè Phorcynidos arua Medusæ,
Non nemorum protecta coma, non mollia ſulco
Sed dominæ vultu conſpectis aſpera ſaxis.

Medusa Phorcys ditissimi regis heres fuit & filia, eiꝰ opulentissimũ regnum extitit Atlantico mari: quod Hesperidas fuisse insulas nonnulli credidere. Hæc (si vetustati fidem præstare possimus) tam admirandæ fuit pulchritudinis, ut non solum excederet cæteras, sed quasi quoddam, præter naturam mirabile, quam plurimos ad se videndam excitaret homines. Fuit quidem illi capillitium aureum & numerosum, faciei decus præcipuum, & digna proceritate corpus elatum. Sed inter cætera tam grandis ac placidus oculorum illi fuit vigor, ut quos benigne respiceret, serè immobiles & sui nescios redderet. Præterea nonnulli eam agriulationis fuisse peritissimam asserunt: eamq; inde Gorgonis consecutam cognomen, cuius opere mira cum sagacitate, non solum proprias seruauit diuitias, sed immensum auxit: adeo ut qui nouere, crederent iam occiduos quoscumq; reges anteiret thesauris. Et sic tam pulchritudine eximia, quã etiam opulentia & sagacitate in amplissimam famam apud remotas etiam nationes euasit. Verum celebri rumore ad Argiuos quoq; delata est, quos inter, Perseus, iuuentutis Achiuæ florentissimus, audito talium relatu, in desiderium incidit & uidendi speciosissimam focminam, & occupandi thesauros: & sic naui conscensa cui Pegasus equus erat insigne, in occasum celeritate mirabili deuectus est, ibiq; prudentia usus & armis reginam occupauit, & auro & opima onustus præda remeauit ad suos. Ex his locum sibi poëtica adinuenit fictio, qua legimus Medusam Gorgonẽ assuetam faxeos facere quos inspiceret, eiusq; crines versos in angues ira Minervæ, eo quod templum eius Neptuni concubitu vitiaſſet peperissetq; Pegasus, & Perseum equo insidentem alato, eius in regnum euolaſſe, Pallanteiꝰ Ægidis vsa superasſe. Infelix auri possessio, quod si lateat possessori nullius commodi est, si fulgeat mille concupiscentium nascuntur insidiæ, & sistent

sis tent violentorum manus, nō cessant possidentis anxiae cure, fugatur enim quies animi, subtrahitur somnus, timor ingeritur, fides minuitur, augetur suspicio, & omnis breuiter uitae vsus impeditur misero. Si vero casu quocumq; pereat anxietatibus excarnificat pauper factus, auarus laudat, liberalis ridet, inuidus consolatur, inops & omne vulgus dolentis canit in fabulam.

DE IOLE ÆTHOLORVM RE-

gis filia. Caput xxi.

Eurytidos Ioles atque infani Alcida,

Turpia formosus corpora iungit hymen.

Crassaq; robusto deducit pollice fila,

Æquaq; formosam pensa rependit heræ.

I Olen Euryti regis Ætholiæ filiam speciosissimam inter cæteras regionis illius virginem, sunt qui asserunt amatam ab Hercule orbis domitore. Cuius nuptias cum illi Eurytus spondidisset aiunt poscenti, suasionem filij, postea denegasse. Quamobrem iratus Hercules acre bellum mouit eidem, eumq; interemit prouincia capta, & dilectissimam sibi Iolem surripuit. Quæ quidem magis paternæ cædis affecta quàm sponsi dilectione, vindictæ auida mirabili atq; constanti astutia, quem gereret animum ficto amore contextit: & blandicijs atq; artificiosa quadam petulantia in tam feruentem sui dilectionem Herculem traxit, ut satis aduerteret nil eum negaturum quod posceret. At inde quasi horreret tam hispidum habitu amantem, acri uiro ante alia ponere clauam, qua monstra domuerat imperauit: Nemei leonis spoliū suæ fortitudinis insigne ponere, populeum sertum pharetras sagittasq; fecit. Quæ cum non satis animo sufficerent suo, audatius in hostem inermem præcogitatis telis insiluit. Et primo digitos annulis ornari præcepit, caput aspersum vnguentis Cypricis deliniri, et hirsutos pectine discriminari crines, ac hispidam ungi nardo barbam, & puellaribus corollis & Mæonia etiam insigniri mitra. In purpureos amictus mollesq; uestes præcepit induere, existimans iuuencula, fraudibus armata, longe plus decoris tam robustum hominem effœminasse lasciujs quam gladio uel aconitis occidisse. Porro cum nec his satis suæ indignationi satisfactum arbitraretur, in id egit molliciei deditum: ut etiam inter mulierculas, scemineo ritu sedens, fabellas laborum suorum narraret, & pensis à se susceptis lanam colo neret, digitosq; quos ad extinguendos in cunis adhuc infans angues durauerat, inualida iam imò profecta ætate ad extenuanda fila molliret. Equidem humanæ imbecillitatis & muliebri-

C iij um astutia-

um astutiarum, non minimum intueri uolentibus, argumentum est. Hac igitur animaduersione artificiosa iuuenis, cum perpetua in Herculem ignominiae nota, patris mortem non armis sed dolis & lasciuia ulta est, & se eterno dignam nomine fecit. Nam quotquot ex quibuscunque monstris Eurysteo triumphos uictoriosos egit Alcides, ex tot uictrix ipsius loles gloriosius triumphauit. Consuevit pestifera haec passio delitiosas subire puellas & lasciuos otiososque persaepe occupare iuuenes, cum grauitatis Cupido sit spretor, & molliciei cultor eximius, & ob id intrasse per durum Herculis pectus, longe maius monstrum est, quam quae saepe domuerat ipse, fuerunt. Quod non modicum salutis suae sollicitis debet iniecisse timoris & corporis etiam excussisse, cum pateat quam validus, quam potens hostis immineat. Vigilandum igitur est & robore plurimo nobis armanda sunt corda, non enim inuitis incumbet. Obstandum est ergo principiis, frenandi sunt oculi, ne videant vanitates, obstruendae sunt more aspidis aures, laboribus assiduus est premenda lasciuia, blandus quippe incautis sese offert, & placidus intuitu primo, & si recipiatur spe laeta primo delectat ingressu, suadet ornatus corporum, mores compositos, facetias urticas, choraeas, cantus, & carmina, ludos, & comestationes atque similia. Postquam uero a probatione stolidi totum occupauerit hominem & libertate subacta mentibus cathenis iniectis & vinculis, differentibus praeter spem votis suspiria excitat, premit in artes ingenia, nullum discrimen faciens inter uirtutes & vitia, dummodo consequatur optatum, in numero ponens hostium, quaecunque obstantia, hinc exurentibus flammis infelicium pectora, itur rediturque & ambitu indefesso, res amata perquiritur & exiterato saepius uisu semper noua contrahuntur incendia, & cum non sit poenitentiae locus, itur in lachrymas, dictantur preces mellitis delinitae blanditijs, instruuntur lenae, promittuntur munera, donatur, proijcitur, & nonnunquam falluntur custodes, & septa vigilijs capiuntur corda, et in concupitos quandoque deuenitur amplexus, tunc pudoris hostis & sceleris suasor rubore & honestate fugatis, parato volutabro porcis, grunniens effundit illecebras coitus. Tunc sobrietate reiecta, Cerere & Baccho feruens aduocatur Venus, noctesque totae spurcico consumuntur in luxu. Nec ob id semper furor extinguitur iste, quinimò persaepe in ampliorem insaniam augetur. Ex quo fit ut inobedientiam illam detestabilem, Alcides corruat, obliuiscantur honores, effundantur substantiae, armentur odia, & uitae sepiissime subeantur pericula, nec carent ista doloribus, interueniunt rixae, & paces tenues, rursus suspensiones & zelus animorum consumptor & corporum. Ast si minus deuenitur in votum, tum amor rationis inops additus uirgae calcaribus exaggerat curas, desideria cumulat, dolores ferè intollerabiles infert, nullo nisi lachrymis & querelis, & morte nonnunquam curandos,

randos, remedio adhibentur aniculæ, consuluntur Chaldæi, herbarum atque carminum & maleficorum experiuntur uires, blanditiæ vertuntur in minas paratur violentia, damnatur frustrata dilectio, nec deest quin aliquando tantum furoris ingerat malorum artifex iste, ut miseros in laqueos inpingat & gladios. O quàm dulcis quàm suavis hic amor, quem cum horrere, ac fugere debeamus in deum, extollimus & illum colimus, illum supplices exoramus, & sacrum ex suspirijs lachrymisq; conficimus, stupra adulteria incoestusq; offerimus & obscenitatum nostrarum coronas immittimus.

DE DEIANIRA OENEI ÆTHO-

lorum regis filia. Caput xxij.

Nomine si qua suo tandem peruenit ad auros,
Deianira tuas, quondam pulcherrima virgo,
Multorumq; fuit spes inuidiosa procorum.
Nessus, ut est auidum percussus arundine pectus,
Hic dixit uires sanguis Amoris habet.

DDeianira Oenei Ætholorum regis (ut quidam asserunt) fuit filia & Meleagri soror, tanta insignis formositate uirgo, ut ob eius nuptias consequendas certamen inter Acheloum & Herculem oriretur. Quæ cum uictori cessisset Herculi, à Nesso Centauro adamata est, & cum illam Hercules è Calydonia transferret in patriam, ab Ebena Calydoniæ fluuio ab imbre pridiano turgido moratus, obuium habuit amantem Nessum, se quia eques esset ad transportandam Deianiram ultro Herculi obsequiosum præbentem. Cui cum concessisset Hercules, nataturus post coniugem, ipse quasi uoto potitus, cum transuadasset fluuiū, cum dilecta, fugam arripuit, quem cum non posset pedibus Hercules consequi, sagitta lerneā, infecta tabe fugientem attigit. Quod sentiens Nessus seq; moriturū arbitratus, uestem sanguine suo infectam confestim Deianiræ tradidit, asserens, sic cruentam si induat eam Herculi, ipsam posse eū ab omni alieno amore in suū amorem retrahere, quam Deianira credula, loco prægrandis muneris sumens, clam aliquandiu seruata, Herculi Omphalem seu Iolem amanti, per Lycham seruulum caute transmisit. Ipse autem quū sudore cruorem cum ueneno infectum resoluisset, porisq; bibisset, uersus in rabiem se igni conburendū, ultro concessit, & sic Deianira tanto uiduata uiro, dum retrahere speraret perdidit, & Nesso uindictam etiam expiauit.

DE IOCASTA THEBARVM

regina. Caput xxiij.

Nec plus aspicias, quàm quem sua filia rexit,
 Expertus scelus est, cuius vterq; parens.
 Qualis erat postquam est iudex de lite iocosa
 Sumptus, Apollinea clarus in arte senex.

IOcasta Thebarum regina fuit magis infortunio suo clara quam meritis, aut regno. Hæc quidem cum à primis Thebarum conditoribus originem duceret splendidam, virgo, nupsit Laio, Thebanorum regi, ex quo cum concepisset filium, ob aduersum Laio responsum ex oraculo sumptum, natū iussa feris obijciendum, egra tradidit, quem cum è uestigio deuoratum existimasset apud Corinthiorum regem pro filio educatum, atq; iam ætate profectum, occiso ab eodem apud Phocenses Laio, uidua incognitum sumpsit in coniugem, & ex eo Ethioclem & Pollynicem filios & totidem foeminas Ismenam scilicet & Antigonom peperit filias. Et cum iam tam regno quam prole videretur felix, decorū responso quem legitimū arbitrabatur virū eum esse filium nouit. Quod & si ipsa ferret egerrime, ægrius tamen ille: adeo vt dū ruborē patrari sceleris æternam cuperet noctē, oculos effossos abiecit & regnū. Quod discordes asiluentes filij, in bellū fractis foederibus Venere, & si grandi Iocastæ tristitia sæpe aduersus se in certamen descenderent, maximo eos decertantes duello mutuis vulneribus occisos accepit. Cuius doloris impatiens misera mater & auia, esto, Creontem fratrem iam regem cerneret & orbum filium, uirumq; captiuum, & Ismenam Antigonomq; filias, labenti fortunæ implicitas reluctantem fessamq; malis animam, ferro iam anus expulit, & anxietates cum vita finiuit. Sunt tamen qui uelint eam tam diu noxios errores suos ferre non potuisse, quinimò cum vidisset Oedipum oculos eijcientem illico in se sæuisse.

DE AMALTHEA SEV DEIPHO-

be Sibylla. Caput xxiiij.

Nais Amalthea Cretæa nobilis Ida,
 Dicitur in syluis occuluisse Iouem.
 Hinc fuit hæc dorum mater formosa duorum,
 Inter dicæos conspicienda greges:

Amalthea

A Malthea virgo quam quidam Deiphoben Glauci filiam vocant. Ex Cumis Calcidensium Campaniæ veteri oppido originē duxisse creditur. Et cum ex Sibyllis extiterit una, Troianæ desolationis tempore floruisse, atque in tam longū deuenisse æuū, vt ad Prisci Tarquinij Romanorum regis usq; tempus deueniret arbitrantur aliqui. Fuit huic antiquorum testimonio tanta uirginitas, ut tot seculorum spacio, nulla uiri cōtagione fœdari passa sit. Et quanquam poëtarum litteræ testentur, hanc à Phebo dilectam & eius munere & longeuos annos & diuinitatem obtinuisse. Ego quidem reor uirginitatis merito eam ab ipso uero sole, qui illuminat omnem hominem uenientē in hunc mundū, uaticinij suscepisse lumen, quo multa prædixit scripsitq; futura. Hinc insuper Baiano littore secus, Auerni lacum dicunt insigne fuisse oraculū, quod quidem et ego uidi, audiuiq; quod seruet ab ea cognomen usque in diem hodiernum. Quod & si corrosus sit uetustate plurima & incuria semirutum, etiam sic in ruinis maiestatem seruat ueterem, & admirationem præstat ad huc intuenti magnitudinis suæ. Sunt præterea qui dicant eam, Æneæ profugo ducatum ad inferos præstitisse, quod ego nō credo, Sed de hoc aliàs. Qui autem illam plura uidisse secula uolunt, asserunt eam uenisse Romam, & Tarquinio Prisco nouem attulisse libros, ex quibus cum negaretur à Tarquinio pretium postulatum, tres eo uidente combussit, & cum die sequenti ex sex reliquis illud idem pretium, quod ante ex nouem petiuerat, postulasset, asseruissetq; ni daretur, tres è uestigio exusturam, quod cum fecisset die sequenti pro reliquis à Tarquinio petatum pretium suscepit. Quos cum seruasset à posteris cōpertum est, eos Romanorum facta omnia continere. Quam ob causam maxima cum diligentia post hæc Romani seruauere, & iuxta opportunitatum exigentia de futuris cōsulturi ad eosdē, quasi ad oraculum recurrebant. Mihi quidem durum est credere hanc eandem extitisse cum Deiphobe, Eam tamen apud Siculos clausisse diem legimus, et ibidem diu eius tumulū ab incolis demonstratum est. Studijs igitur & diuina gratia illustres efficimur, quæ nemini se dignum facienti, denegata sunt, quod si spectaremus, iā nō, ut fit, desidia torpentes, sentiremus planē quod tempore siue frugi ab utero perduto, etiam annosi morientes, absq; omni decore deferantur in tumulum. Demum si ingenio & dei gratia peruigiles ualent fœminæ ad tantam diuinitatē sanctitatēq; prouenire, quid uiris arbitrandū est? quibus ad omnia promptior est aptitudo: si pellatur ignauia, in ipsam quippe euaderent deitatem. Eleant igitur & tabescant omnes uiri quibus tam grande donum inertia sublatum est, & se inter homines animatos, fateantur lapides, quod fiendum suū crimen confitebuntur elingues.

DE NICOSTRATA SEV CAR-
menta Ioni regis filia. Caput xxv.

Hospita Carmentis fidos intrasse penates:

Diceris, & longam deposuisse famem.

Liba sua properata manu Tegeæa sacerdos

Traditur, & subito cocta dedisse foco.

Nicostrata cui postea Carmenta apud Italos nomen, fuit Ioni regis Arcadum filia. Secundum quosdam Pallanti Arcado nupsit. Secundum alios nurus eiusdem fuit, nec regni solum fulgore fuit insignis, quinimo græcarum literarum doctissima, adeo versatilis fuit ingenij, ut ad uaticinium usque uigilanti penetraret studio, & uates efficeretur notissima. Quæ cum quærentibus, & à seipſa nonnunquam exprimeret futura carmine, à Latinis, quasi primo Nicostratæ abolito nomine Carmenta nuncupata est. Hæc autem mater fuit Euandri Arcadum regis, quem fabulæ ueterum, seu quia eloquens atq; facundus homo, seu quia astutus fuerit ex Mercurio uolunt fuisse conceptum. Qui (ut quidam dicunt) cum casu eum qui uerus erat pater occidisset, seu (ut alij placet) seditione ciuium suorum alia ex causa orta, è regno expulsus auito, suadente Carmenta matre & magna uaticinio promittente, si has pete et quas ostenderet sedes, facta peregrinationis socia, conscensis nauibus, cum parte populorum uento secundo ad ostia Tyberis ex Peloponneso deueniens, eadem matre duce, in Pallatino monte quæ à Pallante patre, seu à Palante filio nominauit, ubi postea Roma ingens condita est, cū suis et matre cōsedit, construxitq; oppidū Pallanteū. Sanè Carmenta cū indigenas, fore syluestres comperit let homines, isto iam dudum Saturni profugi numem segetes didicissent ferere, eosque nullo literarum usui seu modico ex hoc Græco-assuetos, à longè diuina mente prospiciens, quanta loco regionique celebritas seruaretur impoſterum, indignum rata ut adminiculo exterarū literarum futuris seculis sua monstrarentur māgnalia, in studium iuit, totis ingenij uiribus, proprias & omnino à cæteris nationibus diuerſas literis exhiberet populis, cui ceptui non defuit Deus, sua enim gratia factum est, ut nouis ab ea adiuuentis characteribus, secundum Italicum Idioma, earum coniunctiones edoceret, contenta sedecim duxisse figuras uti diu ante Cadmus Thebarum conditor adiuuenerat græcis, quas nos in hodiernum usque literas dicimus, eiusque tenemus munere datas, sed aliquas & oportune quidem sapientes addiderunt, sed nulla ex ueteribus amota. Huius mulieris uaticinium, & si plurimum mirati sint Latij, hoc tamen inuentum adeo mirabile uisum

visum est, ut profectio crediderint rudes non hominem, sed potius deam esse Carmentam. Quãobrem cum viuentē diuinis celebrassent honoribus, mortuæ sub infima Capitolini mortis parte, ubi uitam duxerat: Sacellū suo condidere nomini, & ad eius perpetuam memoriam à suo nomine loca adiacentia Carmentalia vocauere. Quod quidem nec Roma iam grandis abolere passa est, quinimò portam ciuitatis quā ibi exigente necessitate ciues construxerant, Carmentalem per multa secula de Carmente nomine vocauere. Multis olim dotibus Italia præ ceteris orbis regionibus florida fuit, & ferè cœlesti luce corusca. Nec tantum suo sub cœlo tam splendidus quesitus est fulgor, Nam ab Asia opulentia venit, & supellex regia, sanguinis claritas (& si multum addiderint Græci) à Troianis habita, primo Arithmeticam & Geometriam artes dedere Ægyptij, philosophia & eloquentia, & mechanicum opus omne ferè ab eisdem græcis sumptum est. Agriculturam paucis adhuc cognitam, Saturnus intulit exul, deorum infauustus cultus ab Hetrustis & Numa Pompilio habitus, leges publicas Athenæ primo, inde senatus consultus et Cæsares præbuere: sacerdotium summum, religionemq; synceram, à Hierosolymis attulit Simon Petrus: disciplinam autē militarem veteres ex cogitauere Romani, quæ & ac morū atq; corporū robore, & in rempublicā charitate integra, orbis totius sibi quæsiuere imperiū: literarū characteres satis ex dictis patet, quando maioribus nostris Carmenta concesserit, cū iam ex Arcadia deuenisset Italiam. Sic & Grāmatice facultatis prima dedisse semina creditur quæ in ampliorē segetem successu temporū prisci traxere. Quibus delimita facultatū omniū infinita splendent volumina, hominū gesta deiq; magnalia, perpetua seruantur memoria, vt quæ vidisse nequiuimus, ipsi eis opitulantibus cognoscamus. His uota nostra transmittimus, & aliena cū fide suscipimus. His amicitias in longinquo iungimus, & mutuis responsionibus conseruamus. Hæ Deum (prout fieri potest) nobis describunt, hæ cœlum, terrasq; maria, & animantia cuncta designant, nec est, quod quæras possibile, quod ab his vigilans non possis percipere. Harum breuiter opere quicquid amplitudine mentis complecti ac teneri non potest, fidissimæ cōmendatur custodiæ. Quæ tamen & si alijs literis & linguis, ex his nōnulla contingant, nil tamen nostris cōmendabile aufertur, cæterum ex tot egregijs dotibus quedā perdidimus, quedam addidimus & nōnulla adhuc ferè nomine potius quam effectu tenemus. Verū quomodocunq; de cæteris, nostro an crimine, aut fortuna actū sit, nec Germana rapacitas, nec Gallicus furor, nec astutia Anglica, nec Hispana ferocitas, nec alicuius alterius nationis inculta barbaries uel insultus, hanc tam grandem, tam spectabilem, tam opportunam, Latino nomini gloriam

gloriam surripuisse potuit vnquam: vt sui scilicet iuris, primā literarū possent aut auderent dicere Elementa, & longeminus suum compertū & inuentum fuisse Grāmaticam. Quas uti comperimus ipsi, sic etiam dedimus ultro, nostro tamen semper insignita vocabulo, vnde fit ut quanto longius feruntur, tanto magis Latini nominis ampliantur laudes & honores clariuscq; vetutissimi decoris nobilitatis & ingenij testimonium referunt, & incorruptum nostræ perspicacitatis seruant, etiam indignante nobis barbarie argumentum. Cuius tam eximij fulgoris, & si deo datori gratias agere debeamus, multum tamen laudis & charitatis & fidei Carmentæ debemus. Quamobrem, ne à quoquam tanquam ingrati, iure redargui possimus, ut illud pro uiribus in æternam memoriam offeramus p̄ssimum est.

DE PROCRI CEPHALI CONIVGE.

Caput xxvi.

Ouidi.

Nec cito credideris, quantum cito credere lædat,

Exemplum uobis non leue Procris erit.

Procris, ut accepit nomen, quasi pellicis Auræ

Excidit, & subito mota dolore fuit.

Procris Pandionis Athenarum regis nata, & Cephalo Æoli regis filia nupta, quemadmodum auaritia pudicis matronis exosa est, sic & uiris accepta, quoniā per eam cæterarum mulierū uitium apertum sit. Nam cum lecto pioq; amore uir & uxor uiuentes gauderent, eorum infortunio factū est, ut desiderio Cephalī caperetur Aurā, seu potius Aurora, quædam (ut placet aliquibus) spectandæ pulchritudinis mulier, quem cupidine Procris suæ detentum, aliquandiu frustra in suam sententiā trahere conata est, propter quod inquit indignans, penitebit te Cephale, adeo feruide dilexisse Procrim: comperies, faxo si sit qui tentet eam, Aurum amorī præposuisse tuo. Quod audiens iuuenis, experiri auidus, peregrinationem longinquā fingens abiit, flexoq; in patriam gradu, per intermediū, muneribus constātiā tentauit vxoris, quæ quantumcunq; grandia sponderentur, impetu primo mouisse neque uere, Eo tandem perseverante & iocalia agente, ad ultimū hesitantē flexit animum illiq; nox optatq; amplexus, si detur sponsum Aurum, promissi sunt. Tunc Cephalus mœrore contristatus apparuit, quoniā dolo friuolū Procris amorem intercepisset, quæ rubore conspersa & conscientia impulsā facinoris, confestim in syluas abiit, & se solitudini dedit. Iuuenis autem amoris impatiens vltro uenia data, præcibus aspernantē reuocauit in gratiam. Sed quid refert?

refert? Nullę sunt indulgentiæ uires aduersus conscientiæ morsus, agebatur Procris in varios animi motus, & Zelo partita, ne fortè id in se blanditijs Auroræ uir ageret, quod ipsa in illum auro mercata fuerat, clàm per scopulos, & abrupta montium iuga ualliumq; secreta uenatorē persequi cœpit, quod peragens contigit, dum inter uallium herbida, calamosq; palustres latitans moueretur Procris, credita à viro belua, sagitta confossa periit. Ignoro (quid dixerim potius) an nil esset potentius auro in terris, aut stolidius quærere quod comperisse non uelis. Quorum dum utrumque insipiens mulier approbat, sibi indebilem notam & mortem inuenit, quàm minime inquirebat, Sed (ut auri immoderatum desiderium sinam quo stolidi ferè trahuntur omnes) queso quid tam obstinato Zelo correpti dicant: quid inde sibi emolumenti sentiant? quid decoris? quid laudis aut gloriæ consequantur? Meo quippe iudicio hæcridicula mentis est ægritudo à pusillanimitate patientis originem ducens, cum nō alibi viderimus quam hos penes, qui se adeo deiectę virtutis existimant, ut facile sibi quoscunq; præponendos fore concedant.

DE ARGIA ADRASTIRE

gis filia. Caput xxvij.

Ecce pium pectus, ueræ pietatis & index,
Cæditur infelix Argia, Creonte tyranno,
Corpus humo tradens, busta inter & ante mariti.

ARgia Græca mulier ab antiquis Argiuorum regibus generosam ducens originem Adraستي regis filia fuit, & spectabili pulchritudine sua, uti de se cum temporaneis lætum spectaculum præbuit, sic & posteris integerrimum atq; præclarum coniugalis amoris testimonium perenne reliquit: ob quod in nostros usque dies nomen eius fulgidum præcipua coruscatione deuenit. Hæc igitur nupta Pollyniti filio Oedipi Thebarum regis & exuli, cū iam ex illo Thessandrum peperisset filium, aduertens patrem ob fratris fraudem mordacibus agitari curis, facta anxietatum particeps, patrem iam senem non solum consolata & exorauit lachrymis precibusq;, verum etiam armauit in Ethioclem præter pactionem leges cum fratre, Thebanum regnum occupantem tyrannice, & ne fatali responsum detrimentum susciperet. Eurydici Amphiorai vatis coniugi, præter naturam foemineam liberalis effecta, pretiosum illud monile, Thebanis olim matronis infauftum, ultro contulit, ex quo latitans patefactus Amphioraus in Thebas itum est, sed infelici omine.

D Nam

Nam post plurimam certaminum stragem cæteris interfectis ducibus & Andraſto auxilijs nudato atq; ſemifugato, cum inter cætera ſordidi vulgi cæſiq; cadauera Pollyniciſ corpus inſepultum iacere anxia cõiunx audiſſet, ex templo regio abiecto ſplendore & mollitie thalami, atq; debilitate ſcæminei ſexus ſepoſita, paucis comitantibus arripuit iter in caſtra, nec eam terruerunt inſidiantium itinera, manus impiæ, non ferè, non aues occiſorum hominũ ſequentes corpora, non circumuolantes (vt arbitrantur ſtolidi) cæſorũ manes nec (quod terribilius videbatur) Creontis imperantis ediçtũ, quo cauebatur pœna capitalis ſupplicij, ne quis cuiquã occiſorũ funebre præſtaret officiũ, quando ardenti mœſtoq; animo nocte media certaminis areã intrans, cæſorũ atq; retro odore redolentiã corpora, nunc hæc, nunc illa deuolueret, vt parue facis auxilio, ora tabentia dilectiſſimi uiri cognosceret, nec ante deſtitit quã qd' querebat inuenerit. O mirũ ſemeſa iam facies armorũ rubigine, ſqualore oppleta puluereo, & marcido iã cruore reſperſa, nulli iam Edepol cognoscenda amantiffime coniugi occultari non potuit, nec infecti vultus ſordes, vxoris amouere potuerit oſcula, non voces, non lachrymas, non ingens Creontis imperiũ, nam cũ ſæpe vitalem ſpiritum per oris oſcula exquiſiſſet, lauiffet lachrymis fe-tidos artus & ſæpe vocibus in ſuos amplexus reuocaſſet exanimem, flãm iã ſagrantibus (ne quid pñ officiũ obmiſſum linqueret) tradidit, conſumptũq; vrna condidit, nec igne patefacto pio facinore, ſeueri regis ſubire gladium & catenas expiauit. Fleuere perſæpe plurimæ virorum ægritudines, carceres, paupertatem, & infortunia multa, ſtante tamen ſpe mitioris fortunæ, & amoto ſeuerioris pauore, quod et ſi laudabile videatur, extremum tamen dilectionis indicium dici non poteſt, ut Argie dici obſequia potuere. Hæc hoſtiles petijt agros dum flere poſſet in patria foetidum tractauit cadauer, quod iniunxiſſe poterat alijs, flammis regiũ impendit honorem, dum clãm infodiſſe qualitate temporis inſpecta ſatis erat. Ululatus emiſit ſcæmineos ubi poterat tranſire tacita, nec quod ſperaret habebat ex occiſo exule cum quid timeret adeſſet ab hoſte: Sic amor uerus, ſic fides integra, ſic coniugij ſanctitas, & illibata caſtitas ſuaſiſſe potuere. Quo merito laudanda colenda & ſplendido extollenda præconio uenit Argia.

DE MANTHONE TYRESIÆ

filia. Caput xxviij.

Patidica Manthus, & thuſci filius amnis
Qui muros, matrisq; dedit tibi Mantua nomen.

Mantho

MAntho Thiresiae maximi Thebanorum uatis filia tempore Oedipi regis filiorumq; fuit insignis. Hæc quidem sub patre magistro tam prompti atq; capacis fuit ingenij : vt Pyromantiam uetustissimum Chaldeorum (seu ut uolunt alij) Nembroth inuentum adeo egregie disceret, ut quo suo nemo melius flammiarum motus, colores & murmura, quibus (ne scio quo diabolico opere) futurorum dicunt demonstrationes inesse, cognosceret. Præterea fibras pecudum & taurorum iecinora, & quorumcunq; animalium exta, perspicaci cognouit intuitu, traxitq; sæpissime (ut creditum est) suis artibus spiritus immundos & inferorum manes coëgit in uoces, & responsa dare quærentibus. Sanè cum iam bello cecidissent Argiui reges, qui Thebas obsiderant, occupassetq; Creon ciuitatis imperium. Hæc (ut placet aliquibus) regem nouum fugiens secessit in Asiam, ibiq; Darij Apollinis fanum, postea celeberrimum diuinitate instituit, & Mopsum inclytum sui seculi uatem (esto ex quo conceptum non prodat antiquitas) peperit. Alij aliter sentiunt dicuntq; eam cum cõplicibus quibusdã suis post Thebannm bellum errasse diu, & tandem in Italiam deuenisse. Ibiq; Thyberino iunctam cuidam, concepisse ex eo & peperisse filium quem Citheonum dixere, à quibusdam Bianorem etiam uocitatum, & inde cum prole in Cisalpinam Galliam transiuisse, ubi cum palustria loca Benaco contermina lacui comperisset, sui natura munita, seu ut suis cantationibus posset uacare liberius, seu uite residuum securius ducere, media in palude insuper eminente aquis solo posuisse sedem, & ibidem post tempus mortuam atq; sepultam, circa cuius tumulũ aiunt Citheonum ciuitatem suis constituisse, eamq; de matris nomine Manthum uocitasse. Quidam uero arbitrati sunt eam in mortem usq; constanti proposito uirginitatem seruasse, floridum quippe atq; sanctissimum opus & laudabile plurimum, ni illud nefastis suis labefactasset artibus : deoq; vota cui dicanda est uirginitatem seruasset.

DE CONIUGIBVS MENIARUM. Caput xxi.

Ecce pium facinus Meniarum, & dulce sororum,
 Quæ eripuerunt suos gemebunda voce maritos,
 Carcere detentos, malè quos agitare solebat
 Ambitiosa fames regni, turpisq; libido.

D ij Meniarum

MEniarum vxorum numerus ac nomina, seu Coguorum scribentium
 defidia, seu annositatis vitio nobis subtracta sunt. Equidem indignæ
 silentio præteriri, cum non vulgari facinore meruerint in præcipuam
 efferrî gloriâ. Sed postquâ inuidenti fortunæ sic uisum est, qua poterimus
 arte ornabimus innominatas digno præconio, easq; pro uiribus in memoriâ
 posteritatis educere tanquam bene meritas conabimur. Meniæ igitur fuere
 ex Iasonis atq; Argonautarum socijs non minimæ nobilitatis splendidissimi
 iuuenes, qui cum peracta expeditione Colchica, rediissent in Græciam, veteri
 relicto solo apud Lacedæmones sibi elegere sedes. Quibus non solû à Lace-
 dæmonijs amicabiliter concessa ciuitas est, uerum inter patres & Reipublicæ
 præsidentes assumpti sunt, cuius tam splendide munificentia successors mi-
 nus memores, libertatē publicā ignominosē seruituti uelle subigere ausi sunt.
 Erant enim à tempestate opulenti iuuenes, nec solû suo fulgore perlucidi, ue-
 rum & generosum Lacedæmoniorum affinitatibus septi gemina fulgebant lu-
 ce. Nam inter alia erant eis speciosissimæ coniuges à nobilissimis ciuibus du-
 centes originem, non Ædepol pars ultima mundani decoris, cui & clientelæ
 addebantur ingentes, ex quibus non gratiam modo publicæ patriæ felicitati
 referre neglexere, sed suis adscribentes meritis, eo se fatuitatis permisere euehi,
 ut cæteris se præferendos fore existimarent: ex quo in cupidinem corruere im-
 peri, & hinc ad occupandâ rempublicâ temere conatus exposuere suos, quâ
 ob causam detecto crimine, capti carceriq; traditi et capitali supplicio tãquam
 patriæ hostes damnati sunt auctoritate publica. Et dum nocte sequenti Lace-
 dæmonû ueteri more deberet illis à carnificibus mors inferri, moeste flentesq;
 coniuges pro deliberatione damnatorû inauditû iniuere consilium, nec cogi-
 tato distulere operam dare. Squalidis igitur uestimentis uelatoq; ore, opplete
 lachrymis, cû iam in noctem occumberet dies, quam nobiles essent sceminæ
 intrandi carcerem perituros uisuræ uiros, facile à custodibus obtinuerent licenti-
 am. Ad quos cum deuenissent, non tempus consumpsere lachrymis & plo-
 ratu, sed repente explicato consilio, cum uiris mutatis uestibus uelatisq; illis
 scemineo ritti faciebus, flentes deiectis in terram oculis fingentesq; moestici-
 am, noctis etiam suffragantibus tenebris & reuerentia nobilibus sceminis de-
 bita, deceptis custodibus morituros emisere. Ipsis damnatorum loco rema-
 nentibus, nec ante fraus comperta est, quam venientibus suppliciorum mi-
 nistris, ut damnatos in mortem educerent pro uiris sceminæ compertæ
 sint. Grandis profecto mulierum fides & egregius amor. Sed sinamus
 fraudis in custodes ludibrium, salutem damnatis exhibitam, quid patribus
 uisum sit, & quid inde secutum, sacri coniugalis amoris uires & auda-
 ciam mulierum paululum contemplemur. Instituta naturæ, veteri
 indissolu-

indissolubili nexu firmato, nonnulli uolunt dissidentium coniugum, nullum fore perniciosius odium, sic & conuenientium amori concedere cæteros. Nam rationis igne succensus non urit ad insaniam, sed in cōplacentiam calefacit, & tanta charitate corda copulat, ut æquè semper cuncta nolint uelintq̃, & tam placide assuetus unitati, ad cōtinuationē sui nil omittit nil agit tepide uel remisse, & si hostis fortuna sit, ultro labores & pericula subit & vigilātiſſimus in salutem meditatur consilia, remedia comperit, & excudit fallacias si exigit indigentia. Hic suauissimus & iam placido conuictu firmatus coniugū Meniarum tanto feruore impulit animos, vt quas nequissent ante uidisse, periclitantibus uiris, ingenij pressis uiribus, decipulas inuenirent, instrumenta pararent, rerum ordinem tempus, rationesq̃ agendorum vt oculatos seuerosque custodes deciperent, & sublata sensualitatis nebula aduertentes, quoniam nil honestum pro salute amici omittendum sit, ex intimis cordis latebris excitata pietate, ut uiros periculo eximerent temerario ausu in id irent, ut quos publica damnauerat autoritas pudicis coniugalī amor absolueret, quos carceri manciparat emitteret, quos iam tenere durum uidebatur & capitale supplicium, ē carnificum manu subtractos, securitati uitæq̃ donaret. Et quod per maximū uisum est, lusa legum potestate, decreto publico ac patrum autoritate, & totius ciuitatis uoto frustrato, ut quod optabant implerent, non expauere loco damnatorum, sub deceptorum custodum imperium sese claudere, non Ædē pol tam synceram fidem amorem tam integrum admirari sufficio, & ob id ratum habeo si remisse amassent, si tenui fuissent adstrictæ vinculo, cum illis per otium domi torpere fas esset, hæc tam grandia non fecissent. At tamen ut multa paucis claudam, has asserere audeo ueros certosq̃ fuisse uiros, Meniasque iuuenes quas simulabant fœminas extitisse.

DE PENTHESILÆA REGINA

Amazonum. Caput xxx.

Ducit Amazonidum lunatis agmina peltis,
Penthesilæa furens, medijsq̃ in milibus ardet
Bellatrix, auditq̃ uiris concurrere uirgo.

Penthesilæa uirgo, Amazonum regina fuit & successit Orithyi et Anthiope reginis. Quibus tamen procreata parentibus non legi. Hanc aiunt omnis inclyti spreto decore & superata mollicie fœminæ corporis, arma induere maiorum suarū aggressam, & auream cæsariem tegere galea, ac latus munire pharetra, & militari ritu currus & equos ascendere, seq̃ præ ceteris reginis

D iij

ginis mirabilem exhibuere viribus & disciplina ausa est. Cui nec ingenium validum defuisse constat, cum legatur securis usum in seculum usque suum incognitū, fuisse compertum. Hæc (ut placet aliquibus) audita Troiani Hæctoris uirtute nondum uisum ardentem amauit, & cupidine in successionem regni indytæ prolis ex eo suscipiendi, in tam grandem oportunitatem cū maxima suarum copia, eius in auxilium aduersus Graios, facile prouocata descendit. Nec eam clara Græcorum principium perterruit fama, quin Hæctori armis & uirtute cupiens quā formositate placere, sæpissime certamina frequentium armatorū intraret, & nonnunquā hasta prosternere, quandoq; oblistentes gladio aperire, & per sæpe arcu versas in fugā turmas pellere, & tot tamq; grandia uiriliter agere, ut ipsum spectantem aliquando Hæctorem in admirationem sui deduceret. Tandem dum in fortissimos hostes uirago hæc præliaretur una, seq; ultra solitū tanto amasio dignā ostenderet, multis ex suis iā cæsis lætali suscepto vulnere miseranda, medios inter Græcos à se stratos occubuit. Alij uero uolunt eam Hæctore iam mortuo applicuisse Troiam, & ibidē ut scribitur acri pugna cefam. Essent qui possent mirari mulieres quantūcūq; armatas in viros unquā incurrere ausas ni admirationē subtraheret, qd' usus in naturam uertatur alteram, quo hæc & huiusmodi, longe magis in armis homines factæ sunt, quā sint quos sexu masculos natura fecit & otiositas & uoluptas uertit in fœminas, seu lepores galeatos.

DE POLIXENA PRIAMI REGIS filia. Caput xxxi.

Vtq; meum non sit sine honore sepulchrum,
Placet Achillæos mactata Polyxena manes.

Polyxena uirgo Priami regis Troianorum ex Hecuba fuit filia, tam florida pulchritudinis adolescentula, ut se uero pectori Achillis Peliadis, flammam immittere potuerit cupidinis, eumq; solū matris Hecubæ fraude, in suam necem, nocte in templum usq; Apollinis Tymbraei deducere, ubi nefarie & turpiter à Paride sagitta configebatur, ut morti occubuerit. Ob quā lapsis Troianis uiribus & Illo deiecto à Neoptolemo in piaculum manium patris sui, & ad eius tumultum deducta est. Ibiq; (si maiorum literis fides uel la præstari potest) uidens acrem iuuenem expedisse gladiū, flentibus cæteris circumstantibus, innocens adeo constanti pectore & intrepido vultu iugulū præbuit, ut non minus admiratio fortitudinis eius quam pietatis filij Neoptomi erga patrem Achillem moueret animos. Magnum quippe & memoratu digni,

tu dignū, quod tenella ætas, sexus foemineus, mollities regia, mutata fortuna, potuit grandem præfuisse uirginis animum, & potissime sub uictoris et hostis gladio, sub quo nonnunquam egregiorum uirorum nutant, & persæpe deficiunt animosa pectora. Crediderim facile hoc generosæ naturæ opus, ut ostenderet hac mortis paruipensione, quam foeminam produxisset, ni tam cito hostis surripuisset fortuna.

DE HECUBA REGINA TRO- ianorum. Caput xxxij.

Disce meo exemplo miseræ discrimina uitæ,
Tristia cum lætis forte regenda truci.

HEcuba Troianorum præclarissima regina fuit eque perituri splendoris fulgor eximius, & miseriarum certissimum documentum. Hæc secundum quosdam Dimantis Aonis filia extitit. Alij uero Ciphæi regis Tracici volunt, quod quidem & ipse arbitror cum sic opinetur à pluribus. Nupsit hæc uirgo Priamo Troianorum regi illustri, & ex eo mixtim utriusq; sexus concepit, peperitq; filios decem & nouem, inter quos iubar illud eximium phrygiæ probitatis Hector, cuius tantus fuit militiæ fulgor, ut non se tantum æterna fama splendidum faceret, quinimò & parentes patriamq; perenni nobilitaret gloria. Verū non tantū felicis regni decore, ac multiplicis prolis serenitate fulgida facta est, quin urgente, aduersa fortuna orbi toto longe cognita deueniret. Hectorem nempè dilectissimū sibi, & Troilum adolescentem & iam maiora uiribus audentem, manu Achillis cæsos, & ea cede regni solidam basem ferè euersam mœstissime fleuit. Sic & à Pyrrho Paridem trucidatum, inde auribus naribusq; truncatum Deiphebū, atq; fœde exanimatum, Ilium igne cremari Danao, Politem patris ingremio confodi. Priamum ipsum senem secus domesticas aras exenterari, Cassandram filiam Andromachen nulum, seque captiuam ab hostibus trahi, Polixenam ante Achillis tumulum obtruncari, Astyonactem nepotem ex latebris surreptum saxo illidi miseranda conspexit. Et postremo taceo in littore tumultatum adolescentulum Polydorum, Polymnestoris fraude occisum operit atq; fleuit. Quibus tot tamq; immanibus oppressam doloribus, in rabiem versam uolunt aliqui, Thraciosq; peragros ritu ululasse canum, & sic mortuam & in tumulo Hellepontiaci litoris cui nomen à se Cynosenia sepultā. Nonnulli dicunt in seruitutem ab hostibus cum reliquis tractam, & ne miseriarum illi particula deesset ulla,

D iij uidisse

uidisse ultimo Cassandram occiso, Agamenone iam Clytemnestræ iussu iugulata est.

DE CASSANDRA PRIAMI

Troianorum regis filia. Caput xxxiiij.

Ecce trahebatur passis Priameia virgo,
Crinibus à templo Cassandra, adytisq; Mineruæ.

Cassandra Priami fuit Troianorum regis filia. Huc quidem (ut uetustas asserit) uaticinijs mens fuit, seu quæsitæ studijs, seu dei dono, seu potius Diabolica fraude, non satis certum est. Hoc tamen affirmatur à multis, eam longe ante raptum Helenæ audaciamq; Paridis & aduentum Tyndaridis, & longam ciuitatis obsidionem, & postremum Priami atq; Ilij desolationem, persæpe & clara cecinisse uoce, & ob hoc cum nulla dictis suis præstaretur fides, à patre & fratribus uerberibus castigatam uolunt, ac etiam fabulam inde confectam, eam scilicet ab Apolline dilectam, & in eius concubitum requisitam, cui se præstaturam promississe dicunt, si ab eodem ante, eidem futurorum notitia præstaretur, quod cum suscepisset negassetq; promissum, nec Apollo posset auferre concessum, aiunt illum muneri adiecisse, neminē qd' diceret crediturum & sic factum est, ut quod diceret tanquam fatue dictum crederetur à cunctis. Hæc autem Corebo cuidam nobili desponsata iuueni, prius illum in bello perdidit, quam ab eo suscipere in thalamū, & demum per euntibus rebus captiua Agamenoni cecidit in sortē. A quo cū Mycenæ trahe retur eidē cecinit, sibi à Clytemnestra pparatas insidias atq; mortē. Cuius uerbis cū fides daretur nulla, post mille maris pericula Mycenæ cū Agamenone deuenit, ubi eo Clytemnestræ fraude cæso, & ipsa eiusdem Clytemnestræ iussu iugulata est.

DE CLYTEMNESTRA MYCENARUM

regina. Caput xxxiiij.

Spem Mycenæus magnorum ductor Achium
Coniugis (infandum) prinia inter limina dextra
Oppetijt, deuicta Asia subsedit adulter.

Clytemnestra Tyndari regis Oebaliæ filia fuit, ex Leda & castoris atq; pollucis & Helenæ soror, uirgoq; nupsit Agamenoni Mycenarū regi. Quæ & si genere satis & coniugio clara esset nephario tamen ausu clarior facta

facta est. Nam imperante Agamēnone uiro Græcorū copijs apud Troiam, cum ex eo iam plures filios peperisset, otiosi atque desidiosi iuuenis Egipti, olim Thyestis ex Pelopia filij, qui ob sacerdotium abstinebat ab armis, in concupiscentiam incidit. Et (ut placet aliquibus) Nauplii senis Palamedis olim patris, suasionibus, eius in amplexus & concubitum uenit. Ex quo scelere secutum est, ut seu timore ob patratum facinus redeuntis Agamēnonis, seu Amasij suasionem, & regni cupidinem, seu indignationis conceptam ob Cassandram, quæ ab Agamēnone ducebatur Mycenæ, animosa mulier armato animo & fraudibus, temerario ausu surrexit in uirum, eumque uictorem Ilij redeuntem, & maris tempestatibus fessum, ficta oris lætitia suscepit in regiam. Et (ut quibusdam placet) cenantem & uino iam forte madentem percuti iussit ab adultero ex insidijs prodeuntem. Alij autem dicunt, cum recubaret uestimentis uictoria quæsitis implicitis, quasi græcanicis festum clarius esset futurum, placide adultera coniunx illi suasisit ut patrias indueret uestes, & quas ipsa in hoc ante cōfecerat, easque exitu capitis carētes, audax porrexit eidem, et cū iam brachia manicis inieciisset uir, quærereturque circumuolutus unde posset emittere caput semiligatus, adultero percussori ab eadem suadente concessus est: & sic eo nemine uidente percussus est. Quo facto regnum occupauit omne, & cum adultereo Egipto per septennium imperauit. Sanè cum excreuisset interim Orestes Agamēnonis ex ea filius, quem clam seruauerant à furore matris amici, animum in necem patris uiscendam sumpsisset, tempore sumpto eam cum adultero interemit. Quid inuicem magis nescio? scelus an audaciam? Primum prægrande malum non meruerat uir indyctus. Secundum quanto minus decebat perfidiam mulierem, tanto abominabile magis. Habeo tamen quid laudem Orestis scilicet uirtutem, quæ diu abstinere passa non est à pietate incestuæ matris retrahi, quin in inmeritam patris necem animosus ultro irrueret, & in male meritam matrem filius ageret quod minus meritis genitor ab adultero sacerdote, incesta imperante femina, passus fuerat. Et eorum quorum imperio & opere, paternus sanguis effusus fuerat, ut in autores verteretur scelus, effuso sanguine piaretur.

DE HELENA MENE LAI RE.

gis coniuge. Caput xxxv.

Vnaque cum regnum, belli daret altera laudem,

Tyndaridis coniunx tertia dixit, eris

Apta magis Veneri, quam sunt tua corpora Marti.

Bella gerant fortes, tu Pari semper ama.

Helena

HElenam tam ob suā lasciuiam (ut multis uisum est) quā ob diuturnū belli ex ea cōsecutū, toto orbi notissima scēmina, filia fuit Tyndari Cibalig regis & Ledē formosissimæ mulieris, & Menelai Lacedæmonū regis coniunx. Huius (ut omnes aiunt veteres Græci Latiniq; post eos) tā celebris pulchritudo fuit, ut præponatur facile ceteris. Fatigauit em̄ (ut reliquos finā) diuini ingenij virum Homerū, anteq̃ illam posset secundū præcepta satis cōuenienter describere carmine. Præterea pictores & sculptores multiplices egregij omnes eundē sumpsere laborem, ut tam eximij decoris saltē effigiem (si possent) posteritati relinquerent, quos inter summa conductus à Cotoniensibus pecunia, Zeuxis Heracleotes illius seculi famosissimus pictor & præpositus cæteris ad illā penicillo formandā ingenium omne artisq; uires exposuit, & cum præter Homeri carmen & magnam vndiq; famā, nullum aliud haberet exemplū, ut per hæc duo, de facie, & cætero personę statu potuerat mente cōcipere excogitauit se ex alijs plurimum pulchris formis diuinā illā Helenæ effigiem posse percipere, & alijs poscentibus designatā ostendere posteritati relinquere, primo formosissimis pueris, & inde sororibus ex formosioribus quinq; præcipuo decore spectabiles elegit, & collecta secum ex pulchritudine omniū forma vna, totis ex ingenio celebri depromptis viribus, uix creditum est satis plene, quod optabat arte potuisse perficere. Nec ego miror, quis enim picturę penicillo aut statuæ scalpro uel ullo colore potuit inscribere lætitiā oculorū, totius oris placidā affabilitatem, cœlestē risum, motusq; faciei uarios & decoros secundū verborum et actū qualitates, cū solius hoc naturę officiū sit. Fecit ergo quod potuit, & qd' pinxerat tanq̃ cœleste simulachri decus posteritati reliquit. Hinc acutiores finxere fabulā, eamq; ob sydereū oculorū fulgorem, ob à nullis ante uisam mortalibus lucē, ob insignē faciei candorem, aureamq; comæ volatilis copiam, hinc inde per humeros petulantibus recidentem cincinnis, & lepidā sonoramq; vocis suauitatē, nec non & gestus quosdā tam cynamomi roseiq; oris quā splendidæ frontis, & eburnei gutturis, ac ex nunquā uisis delitijs pectoris assurgentis, non nisi ex conceptu Ledæ et Iouis in cignum uersi procreatā, ut præter quā à matre suscepisse poterat, formositatē intelligeretur ex infuso numine datum q̃ penicillo coloribusq;, ingenio suc imprimere nequibāt artifices. Ab hac tā spectanda pulchritudine in Laonas Theseus ab Athenis euocatus ante alios virginē & ætate tenellam in palæstra primo ludentē more, audax rapuit, & si præter oscula pauca eidem auferre nequiuerat, aliqualem uirginitatis labefactæ iniecit notam, quę fratribus ab Alethia Thesei matre, seu (ut uolūt alij) à Proteo rege Ægyptio absente Theseo repetentibus restituta, et tandē matura uiro Menelao Lacedæmonū regi cōiugio iuncta est, cui Hermionā filiā peperit unicā, post hæc fluentibus aņis cū redisset

diſſet Paris, qui obſomnium pregnantis matris in Idam fuerat expoſitus & in
lucta Hectorem fratrem ſuperaffet non cognitus, mortemq; crepundijs oſten
ſis & à matre cognitus euiſſet, memor ſponſionis ſpecioſiſſime coniugis ſibi
à Venere, oblatam à ſe apud Idam inter tres deas ſententiã. Seu (ut alij uolūt)
poſtulaturus Heſionã fabrefactis ex Ida nauibus regio comitatu ſociatus trãſ
fretauit in Græciam, & à Menelao fuit ſuſceptus hoſpicio, ibi cū uidiffet He
lenam cœleſti decore conſpicuam atq; regio in cultu laſciuientem, ſeq; intueri
cupientem, captus illico: & ex moribus ſpe ſumpta, captatis temporibus ſcin
tillantibus ſeruore oculis, furtim impudico pectori ignem ſuæ dilectionis in
geſſit, ceptisq; fortuna fauit, nam exigente oportunitate eo relicto, Cretam
Menelaus perexerat. Quamobrem placet aliquibus, eis æquis flāmis uren
tibus ex cōpoſito factum eſſe, ut Paris ignem per quietem ab Hecuba uiſum
portaret in patriam & uaticinia adimpleret, maxima cum parte theſaurorum
Menelai, noctu ex Latónico littore, ſeu (ut alijs placet) ex Citherea ibidem
uicina inſula, dum in templo quoddam primo ritu ob ſacrum conficiendum
Helenam uigilantem raperet, paratãq; claſſi imponeret, & cum ea poſt multa
pericula deueniret in Troiam, ubi cum præcipuo honore à Priamo ſuſcepta
eſt, eo extimante potius notam iniuriæ abſterſiſſe, ob detentam à Thelamo
ne Heſionam, quam poſtremam regni ſui deſolationem ſuſcepſiſſe in patria.
Hac huius illecebra mulieris, uniuerſa græcia commota eſt, & cū Graij prin
cipes omnes, Paridis potius iniuriam ponderarent, quam Helenę laſciuiam, ea
frustra repetita ſæpius in Troię excidium cōiurarunt unanimis, collectisq; ui
ribus cū mille uel amplius nauibus armatorum onuſtis, littus inter Sygæum
& Retheum promuntoria phrygiæ occupauere, & Ilium obſederunt, frustra
obſiſtentibus phrygijs, Helena quidem quanti foret ſua formoſitas ex muris
obſeſſæ ciuitatis uidiffē potuit, cernens littus omne cōpletum hoſtibus, & ig
ne ferroque circū, deſolari omnia, populos inire certamina ac per mutua vul
nera in mortē iri, & tã Troiano quã Græco ſanguine cūcta ſœdari. Quæ qui
dem tã pertinaci propoſito repetita eſt atq; detenta, ut dum nō redderetur,
per decenniū cede multorū nobiliū cruenta perſeueraret obſidio. Qua ſtante
Hectore iã mortuo, & Achille, atq; à Pyrrho acerrimo iuuenē trucidato Pari
de, quaſi paruū ſibi uiſum ſit peccaſſe ſemel, Helena ſecūdas iniuit nuptias nu
pſitq; Deiphebo iuniori. Tandē cū pditiōe tentaret à Græcis qđ armis obtine
ri nō poſſe uidebat. Hæc quę obſidiōi cauſam dederat, ut operã daret excidium
& ad uiri primi gratiã promerendã, Quicquid poterat contra Troianos mo
liebatur, tandemq; ex conſtituto cū per doliū Græci ſimulaſſent diſceſſum.
Troianis perterritis, feſſisq; laboribus, & noua læticia feſtisq; epulis victis,
ſomnôque ſepultis, Helenam choream ſimulans accenſa face in tempore, ex
arce

arce reuocauit Græcos intentos. Qui redeuntes cum tacite semisopitam urbem referatis ianuis intrassent, ea censa & Deiphebo foede cæso. Helenam post uigesimalium à raptu annum Menelao restituere coniugi. Alij vero asserunt Helenam non sponte sua à Paride raptam, & ob id à viro meruisse suscipi. Qui cum ea Græciam repetens à tempestate & aduerso vento agitatus plurimum in Ægyptū cursum uertere coactus, à Polybo rege susceptus est. Post hæc sedatis procellis in Lacedæmona cum reacquisita cōiuge ferè post octauum annum à desolato Illo susceptus est. Ipsa autem quamdiu post hæc vixerit, aut quid egerit, seu quo sub cælo mortua sit, nunquam legisse recordeor.

DE CIRCE SOLIS FILIA.

Caput xxxvi.

Hinc exaudiri gemitus, iræq; Leonum,
 Vincla recusantum, & sera sub nocte rudentum,
 Setigeriq; suos, atq; in præsepibus ursi
 Sæuire, ac formæ magnorum ululare luporum,
 Quos hominum ex facie, Dea sæua, potentibus herbis
 Induerat Circe, in uultus ac terga ferarum.

Circes cātationibus suis in hodiernū usq; famosissima mulier, ut poëtarū testantur carmina, filia fuit Solis, & Persæ Nymphæ Oceani filia, sororq; Oethæ Colchorum regis. Solis (ut arbitror) ideo filia dicta, quia singulari floruit pulchritudine, seu quia circa notitiam herbarum fuerit eruditissima, uel potius: quia prudentissima in agendis, quæ omnia solem diuersis habitis respectibus dare nascentibus Mathematici arbitrantur. Quo autem pacto relictis Colchis Italiam petierit, me minime legisse memini. Eam Ætheum Volscorum montem quem de suo nomine dicimus in hodiernum usque Circeum incoluisse omnes testantur historiæ. Et eum nil præter poëticum legatur ex hac tam celebri muliere, recitatis succincte poëticis, quo præstabitur ingenio, mentem excutiemus credentium. Volunt igitur ante alia quoscunq; nautas, seu ex proposito, seu tempestatibus impulsu, ad dicti montis, olim insulæ, littora applicantes, huius arte & cantatis carminibus, seu infectis ueneno poculis in feras diuersarum specierum fuisse conuersos, & hos inter uagi Vlyssis fuisse socios: eo Mercurij mediante consilio seruato, qui cum euagina to gladio mortem minaretur ueneficæ, socios reassumpsisse in formā redactos pristinam

pristinam, & per annum contubernio usus eiusdem, ex ea Theologonum suscepisse filium dicunt, & ab ea plenum consilij discessisse, quo sub cortice hos existimo latere sensus. Sunt qui dicant hanc foeminam haud longe à Caieta Campaniæ oppido, potentissimam fuisse viribus & sermone, nec magnificantem, dūmodo aliquid consequeretur optatum, à nota illeſam seruasse pudicitiam, & sic multos ex applicantibus suo littori, blanditijs & ornato sermone nō solum in suas illecebras traxisse, uerū alios in rapinam Pyraticam impulisse, nonnullos omni honestate postposita ad exercenda negotia & mercimonia dolis incitasse, & plures ob sui singularem dilectionem in superbiā extulisse, & sic hī quibus infauitæ mulieris opera, humanā subtrac̃ta videbatur ratio, eos ab eadē in sui facinoris feras merito crederetur fuisse conuersos. Ex quibus satis comprehendere possumus, hominum mulierumq; conspectis moribus multas ubiq; Circes esse, & longe plures homines lasciuia & crimine subuersos in beluas, Vlyſſes autem Mercurij consilio perdoctus, prudentem uirum satis euidenter ostendit, quē adulantium nequeunt laqueare decipulae, quinimō & documentis suis laqueatos persæpe soluit à vinculo, reliquum satis patet ad historiam pertinere qua constat Vlyſsem aliquandiu permansisse cū Circe. Refertur præterea hanc eandem foeminam Pici, Saturni filij Latinorum regis fuisse coniugem, eumque augurandi docuisse scientiam, & ob Zelum quia Pomonā Nympham adamaret, eum in auem sui transformasse nominis. Erat enim ille domesticus Picus auis ex cantu cuius & moribus sumebat de futuris augurium, & quia secundum actus Pici vitam duceret, in Picum uersus dictum est. Quando seu quo mortis genere aut ubi hæc defuncta sit Circes, compertum non habeo.

DE CAMILLA VOLSCORVM

regina. Caput xxxvij.

Per uarios uitæ casus, per mille pericla,
Ad superos euecta, regit ueneranda Camilla,
Rhomulidas rerum dominos, paruosq; Quirites.

CAmilla insignis & memoratu dignissima uirgo fuit & Volscorum regina, hæc ex Metabo Volscorum rege antiquissimo & Casmilla coniuge genita, nascens matri mortis causa fuit, nā cū enixa paruula, moreretur, à Metabo patre vnica tantū ex materno nomine cempta litera, s. Camillam
E filiam

filiam nuncupauit in sui solatium. Huius quidem uirginis à natali suo die se-
 uera fortuna fuit, nam paululum post matris funus Metabus primatorū ci-
 uium suorū repentina seditiōe regno pulsus, nil per fugā arripiens, præter par-
 uulam hanc filiam suam sibi præ ceteris rebus dilectam asportasse in exilium
 potuit. In quod cū solus pedesq; miser fugeret & in ulnis filiā deportaret Ca-
 millam, ad Damascenum fluuium pridiano imbre tumentem deuenit, nec
 cum onere infantulæ præpeditus, posset enatare, in opportunum deuenit cō-
 silium porrigente deo, qui celebrem futuram virginem ignobili absumi fato
 nolebat. Illam igitur suberis cortice inuolutam, iaculo quod forte ferebat
 alligauit, atque Dianę deuouit si seruasset incolumem, & uibrato totis viribus
 brachio iaculum cū filiam in ripam transiecit aduersam, quā euestigio nando
 secutus est, & cū illam dei munere comperisset illæsam, in miseria lætus sylua-
 rū petijt latebras, nec absq; labore plurimo paruulam educauit lacte ferino.
 Quæ cū in validiorē euassisset ætatem, tegere ferarum corpus coepit exuijs
 & tela uibrare lacertis, fundasq; circūagere, arcus tendere, gestare pharetras,
 cursu ceruos capreasq; syluestres insequi atq; superare, labores foemineos om-
 nes despiciere, virginitatem præ ceteris omnibus inuiolatam seruare, iuuenū
 amores ludere, & connubia potentū procerum omnino respuere, ac sese totā
 Dianæ obsequio cui pater deuouerat exhibere. Quibus exercitijs durata uir-
 go in patrium reuocata regnū, seruauit robore inflexo propositū. Tandem cū
 à Troia Æneas veniens Lauiniam sumpsisset in coniugē, & ob id bellū inter
 eum Turnumq; Rutulū esset exortū, congregantibus eis undiq; copias, Ca-
 milla Turni partibus fauens, cū grandi Volscorum agmine venit auxiliatrix
 eidem. Et cū sæpius armata irruisset in Phrygios, & de una acriter pungnans
 multos occidisset ex eis, & nouissime Corebū quendam Cybeles sacerdotē
 armorū eius auida insequeretur, ab Arunte quod ex hostibus sagitta sub pa-
 pillā lætaliter percussa maximo Rutulorum dāno moribunda collapsa est. Et
 sic inter armata exercitia expirauit, Hanc intueantur velim puellulæ hodie-
 ne, & dū sui iuris virginem adultā, & pro libito nunc latos agros, nunc syluas
 & lustra ferarū accinctam pharetra discurrentē, labore assiduo lasciuias illece-
 bres appetitus prementem, delitias atq; mollitiē, accuratas offas & elaborata
 pocula fugientem, & cōstantissimo animo coæuorum non dicam amplexus,
 scilicet verba etiam respuentem viderint, monite, discant quid eas in domo pa-
 tria quid in templis, quid in theatris, in quibus spectantiū multitudo & seueris-
 simi morum censores cōueniunt deceat, minus qdem honestis negare aures,
 os taciturnitate frenare, oculos grauitate cōpescere, mores componere, & ge-
 stus omnis suos honestatis mole comprimere: otia, comestationes, lautitias,
 nimias choreas & iuuenum vitare consortia, sentiantq; quoniam nec optare
 quod

quod libet, nec quod licet agere factum sit castitate conforme, ut prudentiores factę & laudabili virginitate florentes, in sacras nuptias maturę maioribus obtemperantes suis deueniant.

DE PENELOPE VLYSSIS

coniuge. Caput xxxviii.

Me pater Icarius viduo discedere lecto
Cogit, & immensas increpat usq; moras.
Increpet usq; licet, tua sim, tua dicar oportet,
Penelope coniunx semper Vlyssis ero.

Penelope Icari regis filia fuit, & Vlyssis seuerissimi viri coniunx, illibati decoris atq; interneratę pudicitię matronis exemplum sanctissimum et æternum. Huius quidem pudoris uires à fortuna acriter agitatę, sed frustra sunt, nam cū iuuencula virgo, & ob uenustatem formę, plurimum diligenda à patre iuncta fuisset Vlyssi, peperissetq; ex ea Telemachum, & ecce in expeditionem Troiani belli vocatus, imò vi ferè tractus Vlysses, ab eo cū Laerte patre iā sene Anthiclia matre & paruo filio relicta est. Sanè perseuerante bello nullam præter decemnalem viduitatis iniuriam passa est. Attamen Illo deiecto cum repetentes domum proceres, atq; in scopulos tempestate maris illisos aut peregrinum littus impulsos, aut undis absorptos seu paucos in patriam receptos fama monstraret, solius Vlyssis erat incertum, quo cursum tenuissent naues. Quamobrem cum expectatus diu non reuerteretur in patriā, nec appareret ab ullo usquā visum, mortuus existimatus est, qua credulitate Anthiclia genitrix miserāda ad liniendum dolorem vitę terminauit laqueo, Penelope autem & si ægre plurimum ferret viri absentiam longe tulit egrius sinistrā mortis eius suspicionem, sed post multas lachrymas, & Vlysses frustra vocatū sæpissime, inter senem Laertē & Telemachum puerū, in castissimam & perpetuam viduitatē senescere firmato animo disposuit. Verū & cū forma decens moresq; pbabiles & egregium genus, ad se diligendā atq; cōcupiscendā quorundā nobiliū ex Ithaca atq; Cephalania et Ætholia prouocasset animos plurimū, instigationibus eorū vexata est. Nā cū in dies spes uitę Vlyssis aut reditus eiusdē cōtinue uideret minui, eo uentū est, ut abeunte rus ob fastidium procorum Laerte, proci ipsi Vlyssis occuparent regiā, et Penelopē precibus ac suasionibus pro uiribus & sæpissime in suū puocarent cōiugium. Ast mulier metuens ne forte sacri pectoris uiolaretur propositum, cū iam cer-
neret viā negationibus auferri diuino profecto illustrata lumine, terminis &

E ij astutia

astutia infestos saltem ad tempus fallendos esse arbitrata est, petijtque instantibus, sibi tam diu liceret expectare uirum, donec telam quā more regaliū mulierum coeperat perfecisse posset. Quod cum facile concessissent conpetitores egregij, ipsa foemineo astu quicquid in die solerti studio texens uidebatur operi coniungere, clām reuocatis filis subtrahebat in nocte. Qua arte, cum eos in regia Vlyssis bona assiduīs conuiuijs consumentes aliquandiu lusisset, nec iam amplius uideretur locum fraudi posse præstari, dei pietate factum est, ut ex Phœnicum regno nauigans, post uigesimalium sui discessus annum, solus & incognitus Vlysses Ithacam ueniret, pastoresque suos sciscitaturus rerū suarū statum adiret, & cum ex astutia pauper incessisset habitu à Sybote iā sene portario suo comiter susceptus, ab eodem referente ferè omnem rerum suarum cōprehendit seriem, & Telemachum à Menelao redeuntem uidit, seque clam illi cognitum fecit, & consilium suum aperuit omne, factumque est ut à Sybote incognitus deduceretur in patriam. Qui cum uidisset quo pacto rem suam distraherent proci atque pudicam Penelopem eorum reuerentem coniugium, irritatus cum Sybote subulco, & Philitia opilione suo atque Telemacho filio clausis regio ianuis in procos conuiuantē insurgens, Eurymachum Polybi filium, Anthinoum Amphionis atque Chrysippum Samium Agelaum aliosque frustra ueniam exorantes una cum Melantheo caprario suo hostibus arma ministrante atque mulieribus uirisque domesticis, quas nouerat cum procis contubernium habuisse occidit, suamque Penelopem ab insidijs procantium liberauit, quæ tandē cum uix eum recognoscere potuisset, summo perfuso gaudio, diu desideratum suscepit. Vult tamen Lycophion quidam nouissimus poetarum ex græcis, hanc suasionibus Naupli senis ob uindictam Paliemedis filij sui ferè omnis Græcorum coniuges lenocinio in meretricium deducētis Penelopem cum aliquo ex procatoribus in amplexus & concubitum uenisse, quod absit, ut credam, celebrem castimonia multorum autorum literis mulierem, vnus in contrarium asserentis Penelopem præter castissimam extitisse. Cuius quidem uirtus tanto clarior, atque cōmendabilior est, quanto rarior inuenitur, & maiori impulsā certamine perseuerauit constanter inconcussa.

DE LAVINIA LAVRENTI

tum regina, Caput xxxix.

Subuehitur magna matrum regina caterua
 Dona ferens, iuxtaq; comes Lauinia virgo,
 Causa mali tanti, deiecta oculosq; decoros.

Lauinia Laurentum regina, genus à Saturno Cretenſi ducens, Latini regis & Amatae coniugis eius fuit filia unica. Et tandem Aeneae strenuiffimi Troianorum ducis coniunx, magis belli Aeneae Turni, Rutulicq; tam clara quam alio facinore ſuo. Haec quidem ob inſigne formoſitatis ſuae decus & paternum regnum, cui ſucceſſura uidebatur, à Turno Rutulorum rege ardentiffimo iuvene, inſtantiffime in coniugium petita eſt, eiq; ex eo ſpem fecerat Amata mater quae auia deſiderio nepotis fauebat impenſe: Sanè Latinus augurandi peritus, cum ab oraculo ſuſcepiffet filiam, extero duci tradendam, coniugis tardius ibat in votum. Quinimò cum à Troia profugus adueniſſet Aeneas, Latinus tam ob generis claritatem, quam ob oraculi monitus eidem poſcenti amicitiam, ſponpondit, filiam quamobrem inter Aeneam Turnumq; bellum ſuſcitatum eſt. Et poſt multa certamina obtinentibus Troianis per vulnera, ſanguinem, mortesq; plurium nobilium ab Aenea in Lauinia nuptias itum eſt, mortua iam ob indignationem Amata laqueo. Sunt tamen qui velint bellum poſt nuptias exortum, ſed qualitercunq; geſtum ſit coſtat, Lauiniam ex Aenea clariffimo principe concepiſſe filium, & eo ante diem partus apud Numicum fluuium rebus humanis ſubtracto cū Aſcanium priuignum regnantē timeret ſeceſſiſſe in ſyluas, et ibi Poſthumiū peperiſſe, atq; (ut uolūt aliqui) Iulium nominari Syluium. Sanè cum mitior creditus eſſet in nouercam Aſcanius, & ſibi Albam ciuitatem condidiſſet, ultro ſecedens, Lauinia regnum patrium liquit, quod Lauinia patriam veterē pectori generoſitatem gerens, honeſte atq; pudice viuens, ſumma cum diligentia tenuit, illudque tamdiu ſeruauit, donec Syluiſceto ſcilicet filio pubeſcenti reſignaret in nihilo diminutum. Volunt tamen aliqui eam à ſyluis reuocatam Melampodi cuidam nupſiſſe, & Syluium ab Aſcanio fraterna beneuolentia educatum.

DE DIDONE SEVELISSA

Tiria Carthagenensium regina. Caput xl.

Lucus in urbe fuit media, lætissimus umbra,
 Hic templum Iunoni ingens Sydonia Dido
 Condebat, donis opulentum, & numine Diuæ.

Dido cui prius Elissa nomen, Carthaginis æquè cōditrix & regina fuit. Huius quidem in ueras laudes paululum ampliatis fimbrijs ire libet, si forte paucis literulis meis, saltem pro parte notam indigne obiectam, decori sui uiduitatis abstergere queam, & ut altius in suam gloriam aliquantisper assumam, Phœnices ut satis vulgatum est, populi industria præclarissimi ab extrema ferè Ægypti plaga in Syrium venientes littus, plurimas & præclaras ibi condidere urbes. Quibus inter alios rex fuit Agenor nostro, nedum suo æuo præfulgidus fama, à quo genus Didonis inclytum manasse creditū est. Cuius pater Belus Phœnicum rex, cū Cypro Insula subacta, clausisset diem, eam virgunculā cum Pygmaleone fratre grandiusculo Phœnicum reliquit fidei, qui Pygmaleonem cōstituentes genitoris in solium, Elissam puellulam et forma eximiam, Aterbē seu Sychæo vel Sicario (ut alij dicūt) Herculis sacerdoti, cui primus erat post regem apud Tyrios honor cōiugio iunxere. Hij autem inuicem sanctissime se amarunt, erat præ ceteris mortalibus cupidissimus & inexplēbilis Pygmaleon auri, sic & Aterba ditissimus. Esto regis avaritiæ cognita illud occultasset latebris, uerum cū famam occultasse nequiuerit auiditatem tractus Pygmaleon, spe potiundi per fraudem occidit incautū, quod cū cognouisset Elissa adeo impatienter tulit, ut vix abstinere à morte, sanè cum multum temporis cōsumpisset in lachrymis, et frustra sæpius dilectissimū sibi vocasset Aterbā, atq; in fratrem diras omnis execrationes expetisset, seu in somnis monita (ut placet aliquibus) seu ex proprio mentis suæ consilio fugā cōpetere deliberauit, ne forsan & ipsa avaritia fratris traheret in necē, & posita foeminea mollitie, et firmato in uirile robur animo, ex quo postea Didonis nomē meruit, Phœnicū lingua sonans, quod uirago Latinæ. Ante alia nōnullos ex principibus ciuitatū, qbus uarijs ex causis Pygmaleonē sciebat exosum, in suam deduxit sententiā, & sumpta fratris classe, seu ad eam transferendā, seu in aliud preparata, cōfestim naualibus cōpleri socijs iussit, & nocte sumptis thesauris omnibus, quos uiri nouerat, & quos fratri subtraxisse potuit, clām nauibus inponi fecit, & excogitata astutia pluribus inuolutis arena repletis, sub figmento thesaurorū Sychæi videntibus omnibus easdē onerauit, & cū altum iam teneret pelagi, mirantibus ignaris in mari proijci inuoluta iussit, & lachrymis se

mis se, mortē quādiu desiderauerat, thesaurorū acerbe submersione ad inueniē-
 se testata est, sed socijs cōpati quos non dubitabat, si ad Pygmaleonem irent di-
 ris supplicijs una secū ab auarissimo atq; truci rege carnificari, sanē si secū fugā
 arripere uellent nō se illis, & eorū opportunitatibus defunctā asseruit, qđ mi-
 feri audientes nautæ & si ægre natale solum patriosq; penates linquerēt timo-
 re, tamen sequæ mortis exterriti, in cōsensum exiliij venere faciles, & flexis pro-
 ris ea duce in Cyprū uentum est, ubi uirgines Veneri in littore libamēta suo-
 rum more soluētes, ad solatium iuuentutis, & prolem procreandā rapuit, &
 Iouis antistitē cum omni familia præmonitū, et magna huic fugæ subsecutura
 vaticinantē, socium peregrinationis suscepit, et iā Creta post tergum et Sicilia
 à dextris relicta littus. Flexit in Afrum & Messaliorum orā, uadens sinum in-
 trauit, postea satis notum quo tutā nauibus stationē arbitrata dare pauxillum
 quietis, fatigatis remigio statuit, ubi aduenientibus uicinis desiderio uisendi fo-
 renses, & alij cōmeatus & mercimonia portantibus (ut moris est) collocutio-
 nes & amicitie inire coeptæ, & cū gratum appareret incolis eos ibidē māsuros
 esse, & ab Uticensibus olim à Tyro equē profectis legatio suasisset sedes, cōse-
 stim esto audisset fratrē bella minantē, nullo territa metu, ne iniuriā inferre cui
 quā videretur, & ne quis eā magnum aliqd suspicaretur, facturā non amplius
 quā quantū quis posset bouis occupare corio, ad sedem sibi cōstituendā ab ac-
 colis telluris in littore mercata est. O mulieris astutia iussu suo cōscissum bo-
 uis coriū fracturisq; iunctis longe amplius, quā arbitrari potuerunt, uendito-
 res amplexa est, & auspitio equini capitis bellicosam ciuitatē condidit, quam
 Carthaginem nuncupauit, & arcē à corio bouis byrsam, & cū quos cum frau-
 de texerat ostendisset thesauros, & ingēti spe fugæ animasset socios surrexere
 illico mœnia, templa, forū, & ædificia publica et priuata, ipsa aut datis populo
 legibus & norma uiuendi, cū repente ciuitas euasisset egregia, & ipsa inclyta
 fama pulchritudinis inuisæ, et inauditæ uirtutis atq; castimonie per omnē A-
 fricam delata est, quamobrem (cum in libidinem promptissimi homines Afri
 sint) factum est, ut Musicanorū rex in concupiscentiam ueniret eiisdē, eamq;
 quibuscūq; ex principibus ciuitatis, sub belli & desolationes surgentis ciuitatis
 denunciatione, ni daretur in cōiugium, postulauit, qui cum nouissent uiduē re-
 gingē sacrum atq; inflexibile castitatis propositum, & sibi timerent plurimum,
 ne petitoris frustrato desiderio bello absorberentur: nō ausi interroganti Di-
 doni quod poscebatur uerbis exponere, reginā fallere, & in optatū deducere
 sua sententia cogitauerunt, eiq; dixerūt regem cupere, eorū doctrina efferatā
 barbariē suā in mores humaniores redigere, & ob id sub belli interminatione
 pceptores ex eis poscere, uerū eos ambigere, quisnā ex eis uellet onus assume-
 re, ut relicta patria apud tā immanem regē moratur⁹ iret, nō sensit regina dolos,

quinimò in eos uersa egregij ciues inquit, quæ segnities hæc, quæ socordia, an
 ignoratis quia patri nascamur & patriæ, nec eum rite ciuem dici posse, qui pro
 salute publica mortem, si casus postulet, ne dum incòmodum aliquod renuit.
 Ite igitur alacres & paruo periculo vestro ingens belli incendiũ remouete, his
 reginæ redargutionibus uisum est, principibus obtinuisse quod uellent, & ue
 ra regis detexere iussa, qbus auditis, satis reginæ uisum est, se sua sententia pe
 titum approbasse coniugium, ingemuitq; secum non ausa suorũ aduersari do
 lo. Stante tamen proposito repente in còsiliũ iuit quod suæ pudicitie oppor
 tunũ uisum est, dixitq; se, si terminus adeundi uirum detur iturã, quo còcesso
 atq; adueniente Ænea Troiano nunq̃ uiso, mori potius quã infringendã casti
 moniã rata in sublimiori patriæ parte, opìnione ciuiũ manes placatura Sychei
 rogũ còstruxit ingentem, & puella tecta veste, & cæremonijs paratis varijs,
 ac hostijs cælis plurimis illũ conscendit, ciuibus frequẽti multitudine spectan
 tibus quidnã factura esset, quæ cũ omnia pro votis egisset, cultro quẽ sub ve
 stibus gesserat exacto ac castissimo appposito pectori, vocatòque Sycheo in
 quit, put uultis ciues optimi ad uirũ uado, & uix uerbis tã paucis finitis, sumã
 oĩm intuentiũ mœstitia in cultrum sese præcipitẽ dedit, & auxilijs frustra ad
 motis, cũ perfodisset uitalia pudicissimũ effundens sanguinẽ, iuit in mortem.
 O pudicitia inuiolatũ decus, O uiduitatis infractę uenerandũ æternumq; spe
 cimen, Dido in te uelim ingerant oculos uiduæ mulieres, & potissime cristia
 ne, tuũ robur inspiciant, te si possunt castissimũ effudentẽ sanguinẽ tota mē
 te còsiderent, & hę potissimũ qbus fuit, ne ad secundã solũ dicam, sed ad tertiã
 & ad ulteriora etiã vota transuolasse leuissimũ. Quid inquierent, queso specta
 tes Christi insignite caractere, si exterã mulierem gentilẽ infidelem, cui om
 nino Christus incognitus ad còsequendam pariturãq; laudem, tã perseverãti
 animo, tã forti pectore in mortem usq; pergere non aliena, sed sua illatã manu
 anteq̃ in secundas nuptias iret, anteqũ obseruantia venerandissimũ ppositũ
 violari permetteret. Dicet arbitror aliqua, cum perspicacissime ad excusatiões
 nostræ sint foeminae, sic faciendũ fuit, destituta eram, in mortẽ parentes & fra
 tres obierant, instabant blanditijs procatores, ne quibã oblistere, carnea nõ fer
 rea sum, O ridiculũ Dido, sub quorũ subsidio còfidebat, cui exuli frater unic⁹
 erat hostis, nõne Didoni procatores fuere plurimi? imò & ipsa Dido erat ne
 saxea ac lignea magis quã hodiernę sint, nõ equidẽ ergo mente saltem ualens,
 cuius nõ arbitrabat̃ posse uiribus euitare illecebras, moriens ea uia qua potuit
 euitauit. Sed nobis qui nos tã desertos dicimus, nõne si Christus refugiũ est,
 ipse quidẽ redemptor pius in se sperantibus semper adest, an putas qui pueros
 de camino ignis eripuit, qui Susannam de falso crimine liberauit, te de mani
 bus aduersantium non possit auferre si uelis? flecte in terram oculos & aures,
 obsera

obscura atq; ad instar scopuli vndas venientes expelle, & immota uentos affla-
 re sine, saluaberis, in surget forsan & altera dicens, Erat mihi longe lateq; pro-
 tensus ager, domus splendida suppellectilis regia, & diuitiarum ampla posses-
 sio, cupiebam effici mater ne tã grandis substantia ad exteros deferetur. O in-
 sanum desiderium, nōne & Didoni absq; filijs regnum erat: nōne diuitiæ re-
 gie: erant equidẽ, quod & ipsa mater effici recusauit, quia sapientissime arbitra-
 ta est nil stolidius fore q̃ tibi destruere, vt ædifices alteri, ergo castimonia ma-
 culabo, ut agris, ut splendide domui, ut suppellectili pariã possessorẽ, siue qd̃
 contigit sapissimẽ destructorẽ, nōne et si tibi diuitiæ ingentes, quę profecto ex-
 pendendę nō abijciendę sunt, & Christi pauperes multi sunt, quibus dũ exhi-
 bes, tibi æterna pallatia cōstruis, quibus dũ exhibes, castimoniã alio fulgore il-
 lustras, præterea & amici sunt, quorũ nulli aptiores hæredes cũ tales habeas,
 quales ipsa quæsitos pbaueris, filios aut nō quales volueris, sed quales natura
 cōcedet habebis. Veniet & tertio asserens, quia sic illi fuerit agendũ cũ paren-
 tes iusserint, cōsanguinei coëgerint, et affines suaserint quasi ignoremus, ni qd̃
 sua cōcupiscẽtia suauisset, imò effrenata iussisset, p̃dicta omnia frustrasset, nega-
 tione unica uoluit mori Dido ne uiueret impudica, hæc ut pudica uiueret, co-
 nubiũ negare nō potuit. Aderit (suo iudicio) astutior cæteris vna, quæ dicat,
 iuuenis erã, feruet (vt nosti) iuuentus, cōtinere non poterã doctoris gentium
 aientis, melius est nubere quã uri, sum secuta consiliũ. O quã bene dictũ, quasi
 ego anniculis imperẽ castitatem, vel nō fuerit, dum firmavit animo castimoni-
 am iuuenula Dido, O coeleste facinus, nō à Paulo tam sancto cōsiliũ illud
 datur, quin in defensionem facinoris persæpe turpius allegetur, exhaustas ui-
 res sensim cibis restaurare possumus, superfluas abstinentia minorare non pos-
 sumus. Gentilis scœmina ob inanem gloriam feruori suo imperare potuit, &
 leges imponere, Christina ut consequeretur, æterna imperare nō potest: Heu
 mihi dum fallere deum talibus arbitramur, nos ipsos & honori caduco (ut æ-
 ternum finem) subtrahimus & in præcipitium æternę damnationis impelli-
 mus. Erubescant ergo intuentes Didonis cadauer exinanire, vt dum causam
 mortis eius excogitant vultus deŋciant, dolentes quod à membro Diaboli
 Christiculæ pudicitia superentur. Nec putent dũ lachrymas dederint & pul-
 cas assumpserint uestes, defuncto peregisse omnia, in finem usq; seruandus est
 amor, si adimplere velint uiduitatis officium, nec existiment adulteriora uota
 transire, quod nōnullæ persæpe faciunt, potius ut suę prurigini sub ficto cōiũ-
 gij noie satisfaciant, quã ut sacro obsequatur cōnubio et impudiciæ labe care-
 ant, q̃ em̃ aliud est tot hominũ amplexus exposcere, et tot inire, quã post Va-
 leriã Messalinã, caueas & fornices intrare, sed de hoc aliàs. Fateor tñ laboris
 incepti nimium excessisse terminos, sed quis adeo sui cōpos est, quin aliquñ ultra,
 proposi-

propositum efferatur ab impetu: ignoscant quæso qui legerint, & nos unde diuertimus reuertamur. Didonem igitur exanguem cum lachrymis publicis & mœrore, ciues non solum humanis sed diuinis etiam honoribus funus exercentes magnificum extulere pro uiribus, nec tantum publicæ matris & reginæ loco, sed deitatis inclytæ eisq; fauentes assidue dum stetit Carthago, aris templisq; & ex cogitatis sacrificijs coluere.

DE NICAULA ÆTHIOPVM

regina. Caput xli.

Diues opum Nicaula fuit, ditissima mentis,
Qua plus pollebat, præclara indagine sacrae:
Hæc Arabum regina grauis, regem recutitæ
Gentis adoratum venit Solomona potentem.



Nicaulam extrema (ut percipi potest) Æthiopum produxit barbaries, quæ quidem tanto memoratu dignior est, quanto inter incultiores exorta moribus effulsit splendidior. Constat enim (si fides datur antiquis) hanc deficientibus Pharaonibus, seu eorum prolem, seu alteram Æthiopum atque Ægyptiorum (& ut nonnulli asserunt) Arabum reginam fuisse clarissimam & in Meroë Insula Nili per maxima habuisse regna, ibiq; tam grandi diuitiarum abundasse copia, vt credatur in hac uita ferè mortales excessisse cæteros

cæteros: Quam inter diuitiarum delitias, non otio & molliciei foemineæ de-
ditam legimus, quinimò etſi præceptorem ignoremus, tanta earũ rerum peri-
tarum ſcientiam præditam ſenſimus, ut mirabile viſum ſit, quod etiam ſacrę te-
ſtari uidentur literæ, quarum autoritate monſtratur, hanc quam Sabam no-
minant audita ſcientia Salomonis ſuo æuo florentis fama, quæ celebris totum
iam cõpleuerat orbem, dicunt fuiſſe miratam, cum conſueuerint ſtolidi ſeu i-
gnari floccifacere talia, non mirari. Et (quod longe magis) non ſola mirata
eſt, quinimò à maiore ferè altero orbis ex angulo, inſigni relicto regno, per
Æthiopes Ægyptiosq; & rubri maris littora, atq; Arabum ſolitudines tam
ſplendido comitatu tamq; magnifico ſumptu, regioq; per maximo ſamulatu,
venit illum auditura Hieruſalẽ, vt ipſe Salomon regum omniũ ditiffimus mu-
lieris magnificentiam miratus ſit. Quæ ſumò cum honore ab eo ſuſcepta
cum ænigmata expoſuiſſet quædam, & eorum ſolutiones cum diligentia au-
diſſet, ultro conſeſſa eſt, Salomonis ſapientiam longe famam atq; humanorũ
ingeniorum capacitem excedere, nec dubiũ dei dono, non ſtudio quæſitam
fuiſſe, inde dona exhibuit illi magnifica, inter quæ fuiſſe creduntur balſama,
ſudantes arbuſtule, quas poſtmodum Salomon haud longe ab Aſalti-
dis lacu plantari iuſſit & coli, demum uerſa uice ſuſceptis muneri-
bus, ſumma cum laude in patriam redijt. Sunt & qui
credant hanc eandem illam celſam Meroe re-
ginam fuiſſe Candacem, à qua in po-
ſterum uti Pharaones ante,
ſic Ægyptij reges diu
cognominati
Candaces ſunt.

DE PAMPHILE PLATRÆ

filia. Caput xliij.

Nomine & ingenio claret hæc foemina tantum,
Cætera quæ huc ſpectent, tulit hinc annofa uetuſtas.

PAmphilem quandam græcã fuiſſe foeminã cõperio, & cũ ex ea qua pa-
tria uetuſtas abſtulit, patris tamẽ nomen benigna reliquit, nam cuiuſdã
Platræ fuiſſe filiam reperitur. Quæ etſi ampliſſimis titulis decorari non poſ-
ſit, quoniam aliquid reipublicæ addidit boni, ſua laudis porcione taciturnitate
fraudari non debet, nil enim noui quantum cuncq; poſt factum uideatur facile
ab aliquo cõpertum eſt, qđ non ſit ingentis ingenij argumentum, & pro rei
qualitate

qualitate aliquali gloria numerandum. Hanc igitur uolunt autores quibus fides præstatur aliqua, prima ex arbuſtulis volitantem bombycen collegiſſe, & illam à ſuperfluis purgaſſe pectine, & purgatam appoſuiſſe colo, ac etiam ex ea filū trahere, & inde texere docuiſſe, & ſic eius uſum eo uſq; incognitum induxiſſe, Cuius rei excogitata ratio oſtendet facile quantum in reliquis agendis debuerit Pamphiles valuiſſe.

DE RHEA ILIA VESTALI virgine. Caput xliij.

Ilia Rhomulidæ mater, toto illuſtriſſima cœlo,
Rhea fuit, regum, præter ſeriem, ipſa propago.

Rhea Ilia generoſi ſanguinis præcipua claritate inter Italos emicuit olim, nam per Syluios Albanorum reges ſucceſſiue regnantes, atq; deſcendentes ab Ænea inclyto Troianorum duce traxit originem, Numitore ex dictis Albanorum rege præſtante. Ea quippe adhuc exiſtente virguncula factum eſt, vt Amulius Numitoris frater iunior, inpuſſus regni cupidine, iure gentium paruipenſo, Numitorem vi regno priuaret, in quē ne ſæuiret fraterna interceſſit pietas, contentus ut ruri relegatus priuato vacaret otio, in Lauſum uero adoleſcentulum Numitoris filium, vt regni amoueret æmulū, animo truci deſæuit, eoq; cæſo Iliam Lauſi ſororem adhuc puellulā ſeruauit. Verū ut illi auferretur connubij ſpes omnis & prolis, ueſtalibus uirginibus addidit eam, quam per petuam uirginitatem profiteri coëgit. Quæ cū ad plenitorem deueniſſet ætatem, ſtimulis acta ueneriſ quō pacto neſcitur, eam tamen in amplexus deueniſſe uiri, turgidus patefecit uterus, nam prægnans effecta Romulum Remumq; Romanę urbis parentes ex uno eodemq; partu enixa eſt, quod ob crimen quantūcunq; regia fuerit ſœmina, inſtituto ueteri regiō que iuſſu expoſiti ſunt filij, & ipſa uiua inſoſſa eſt. Sanè etſi eius corpus terra obrutum ſit, natorum opus egregiū in ſublime culmen ipſius nomen euexit, egitq; ut id poſteritati uenerabile foret, quod tyrannus lege ſacra abolere conatus eſt. Hanc dum mente intueor, uideoq; ſacras ueſtes, & ſanctimonialiū uelamenta Veneris, aliquandiu tegere furta, quin quorūdam inſaniā rideam continere nequeo. Sunt quidam qui ut auari portiunculam dotis natis ſubtrahant, ſub prætextu deuotionis paruulas filias aut quandoq; puberes ſed coactas, monaſticis clauſtris neſcio utrum dicam claudunt aut perdunt, aientes ſe deo

se deo dicasse virginem, quæ intenta precibus rem suam deducet in melius, morientemq; piorum lucrabitur sedes. O ridiculum stolidumq; ignorant otiosam foeminam Veneri militare, & summe publicis inuidere metriculis, earumque cellulas suis præponere claustris, & dum secularia coniugia spectant, vestes ornatusq; varios, choreas & festos dies, se nulla coniugij habita experientia, uere & ab ipso uite huius ingressu uiduas, deslent fortunam suam, parentum animas, vittas, et claustra tota execrantur mente, nec alibi solaturæ mœsta præcordia recurrunt quam in meditationem, quo pacto in fugam carcerem erumpere possint, aut saltem intromittere mœchos incestum quærentes agere furtim, quod palam illis sublatum est fecisse coniugio, hæ sunt (non dicam omnium sed plurimarum) contemplationes in deum, precesq; transcendentes æthera, quibus aucti saluicq; fient, qui illas intrudere carceri. Heu miseri parentes & necessarii, quicunq; alij dum alias posse perpeti quod ipsi nequirent, & fugiunt miseri, persæpe flentur stupra turpissima, infames partus, nepotes expositi, aut infanda morte necati, exclusiones ignominosæ fugæq; & postremo dehonestatas oportet alere, quas honestas potuisset uarijs coniugibus coniungere. Sentiant ergo dementes, si alienas uires suis metiri non uolunt, quoniam non insciæ, non paruulæ, non coactæ deo dicandæ sunt virgines, quinimò perfectæ ab infantia patria in domo nutritæ, honestate, & probandis moribus imbutæ, ætate prouectæ, & quod agant integra mente noscentes, sponte sua non coactæ iugum subeuntes virginitatis perpetuæ, quas rarissimas inueniri arbitror, sed longe melius est talium paruum esse numerum, quam multitudine illecebri dei sanctuarium profanare.

DE GAIA CYRILLA TARQVI

nii Prisci regis coniugæ.

Caput xliiij.

Otia qui fugiat, qui detestetur inertem
 Vitæ progressum, tantæ ingenium mulieris,
 Foemineumq; decus commendet laude decenti.

F Gaia

GAia Cyrilla, & si eius originis nullā stare memoriā cōpererim, Romanam tamen ab Hetruscam mulierem fuisse reor, et ueterum cōstat autoritate, quoniam Tarquinij Prisci Rromanorum regis fuerit gratissima coniunx, hæc cū esset præstantissimi ingenij scemina, quantumcunq; regia cōiunx, & in regia esset domo, otio torpere passa non est, quinimò cum se lanificio dedisset (quod credā eo tempore apud Latinos honorabile) adeo erga illud egregiam opificem, attamen solertē fecit, vt in hodiernū usq; nominis sui fama protensa sit, nec æuo suo publico caruit munere, nā cū apud Romanos amātissima scemina haberetur, nōdum marcentibus delitijs Asiaticis, instituto publico cautum est, vt ab intrantibus nouis nuptijs primitus sponsum suorum domos vnaquæq; rogaretur, quo vocaretur nomine rogataq; se euestigio Gaiam vocari profiteretur, quasi ex hoc sumptura esset futuræ frugalitatis omen. Quod quantumcunq; apud insolentes modernorum animos videatur, per minimū non dubitem, quin apud prudentiores huius seculi simplicitate pensata optime, et plurimum laudandæ mulieris uideatur indicium.

DE SAPPHONE PVELLA LES-
bia & Poëta. Caput xlv.

Fila lyræ inuenit cum plectro Lesbia Sapphò,
Sapphica quæ docuit modulis aptare sonoris.

SApphos Lesbia ex Mytilena vrbe puella fuit, nec amplius suæ originis posteritati relictum est. Sanè si studium inspexerimus, quod annositas abstulit pro parte restitutum, videbimus eā scilicet ex honestis atq; claris parentibus genitam, non enim illud vnquam degener animus potuit desiderasse vel attigisse plebeius. Hæc etenim (etsi quibus temporibus claruerit ignoramus) adeo generosæ fuit mentis, vt ætate florens & forma, non contenta solum literas iungere nouisse, ampliore feruore animi & ingenij suasa uiuacitate, consensu studio vigili per abrupta Parnasi uertice, cello, se felici ausu Musis non renuentibus immiscuit, & laureo peruagata nemore, in antrum usque Apollinis euasit, & Castalio proluta latice, Phœbi sumpto plectro sacris nymphis choream trahentibus, sonoræ citharæ fides tangere, & exprimere modulos puella non dubitauit, quæ quidem etiam studiosissimis uiris, difficilia plurimum uisa sunt. Quid multa? eo studio deuenit suo, ut usque in hodiernum clarissimum suum carmen testimonio ueterum lucens sit, & erecta illi fuerit statua ænea, & suo dicata nomini, & ipsa inter Poëtas celebres numerata,

merata, quo splendore profecto non clariora sunt regum diademata, non pontificum insulæ, nec etiam triumphantium laureæ. Verum (si danda fides est) vti feliciter studuit, sic infelici amore capta est. Nam seu facetiæ seu dore, seu alia gratia, cuiusdam iuuenis dilectione, imò intolerabili occupata peste, cum ille desiderio suo non esset accommodus, ingemiscens in eius obstinatum duritiem, dicunt versus flebiles cecinisse. Quos elegos fuisse putassem, cum tali sint elegi attributi materiæ, ni legissem ab ea, quasi præteritorum carminum formis spreto, nouum adinuentum genus, diuersis à cæteris incedens pedibus, quod adhuc ex eius nomine Sapphicum appellatur. Sed quid accusandæ videntur Pierides, tangente Amphione lyram, Ogygia faxa mouisse potuerunt, & adolescentis cor Sappho canente molliu uidetur.

DE LVCRETIA COLLATINI

coniuget. Caput xlviz

Luce sua claret specimen Lucretia, fulgens

Fœmineo generi decus, & spectabile lumen

Durat, & æternum merita non laude carebit.



LVcretia Rhomanæ pudiciæ dux egregia, atque sanctissimum uetustæ parsimoniæ decus, filia fuit Lucretij Spuriij Tricipitini clarissimi inter

F ij

Rhoma

Rhomanos uiri, et coniunx Tarquini Collatini, olim Ægerij fratris Tarquini Prisci filij. Incertum utrum oris formositate, an honestate morum inter Rhomanas matronas spetiosior uisa sit. Quæ cum obsidente Tarquinio Superbo Ardeam ciuitatem, apud Collatij oppidum haud longe ab vrbe in uiri ædes secessisset, actum est, ut in castris cum obsidio traheretur in longum, cenantibus regijs iuuenibus, inter quos & Collatinus erat, & forte nimio calentibus uino caderet sermo de coniugum honestate. Et cum suam cæteris (ut moris est) unusquisque præferret, in consilium hoc itum est, ut consensu citatis equis uisisque, quibus noctu eis bella gerentibus ignare coniuges exercerentur officijs, probabiliorem oculata fide perciperent. Sanè cum iuuenes regias Rhomani inter coæquales ludentes inuenissent, uersis equis deuenere Collatium, ubi cum mulieribus suis lanificio vacantem, & nullo exornatam cultu inuenere Lucretiam, quam obrem iudicio omnium laudabilior uisa est. Collatinus autem reliquos iuuenes benigne suscepit in domum, in qua dum honorarentur, Sextus Tarquini Superbi filius, impudicos oculos in honestatem atque formositatem, castæ mulieris iniecit, & nefasto succensus igne, per uim potiundâ, si aliter non detur eiusdem uetustatem tacito, secum consilio disponit. Nec multis interpositis diebus urgente insania, clam castris relictis nocte uenit Collatium. Vbi (eo quod uiri consanguineus esset) à Lucretia comiter susceptus & honoratus. Postquam domum omnem tacitam sensit, & sic omnes sopitos arbitratus exerto gladio cubiculum intrauit Lucretiæ, & quis esset aperuit, minatusque illi mortem si uocem emitteret, aut suæ non acquiesceret uoluntati. Quam cum reluctantem desiderio suo, & mortis in pavidam cernebat, ad damnandam recurrens astutiam inquit, se illam secus, seruum ex suis occisurum, & cunctis eam à se adulterium cum adultero cæsam dicere. Substitit his auditis tremebunda mulier, & à tam obscena infamia terrefacta, timens si eo occideretur pacto, purgatorem suæ innocentiae defuturum, & ob id aspernanti animo corpus permisit adultero. Qui cum illecebri uoluptati suæ satisfacisset, & abiisset iudicio suo victor, ægra tam scelesti facinoris Lucretia, elucescente die, Tricipitinum patrem & Brutum Collatini affinem amantem, usque in diem illam existimatum, aliosque necessarios confestim accersiri iussit & uirum. Quibus aduenientibus, quæ à Sexto nocte intempesta, in eam gesta sint cum lachrymis & ordine retulit. Et cum eam flentem misere solarentur affines, cultum quem sub veste texerat educens inquit. Ego me, si peccato absoluo, supplitio non libero, nec ulla deinceps impudica Lucretiæ uiuet exemplo. Hisque dominus illum in pectus iniecit innocuum, & uulneri incumbens uidente viro ac patre moribunda collapsa est, nec diu & animam cum sanguine fudit. Infelix equidem pulchritudo eius, & tanto clarius, nunquam satis lauda-

tis laudata pudicitia sua dignis præconijs extollenda est, quanto acrius vi gesta in ignomina expiata. Cum ex eadem non solum re integratum sit decus, quod sceditate facinoris iuuenis labefactaret ineptus, sed consecuta sit Rhomana libertas.

DE THAMYRI SCYTHARVM

regina. Caput xlvij.

Facta per & uires Thamyris miranda Scytharum,
Queis Cyrum excellit, quanquam grauis induperator
Ille fuit, solus totum qui rexit orbem.



Thamyris Scytharum illustris regina fuit. Qui quidem Scythæ cum in sterili solo, & sub gelida coeli plaga Rhyphæis Hyperboreisq; annexi montibus sint, & inde sibi ferè tantum cogniti, ex quibus Thamyris sit orta parentibus, seu cui iuncta connubio incognitum est. Et ideo hæc tantum quantum ad insigne nobilitatis nota conspicua est, quod feris & indomitis populis imperarit, Cyro iam Asiæ regna tenente. Qui cum (forsan ut clarius nosceretur Thamyris) in cupidinem regis Scythici deueniret, magis ad suam gloriam extollendam quam impium augendum. Audierat quippe pauperes & syluestres homines Scythas fore, sed à maximis regibus eo usque inuiolos fuisse. Hac ergo tractus auditate in Thamyrim reginam uiduam egit

exercitum. Cuius cum pernouiſſet aduentum Thamyris, eſto toti Aſiæ & ferè orbi, geſtorum amplitudine formidabilis foret, non tamen ut ſcœmina territa latebras petijt, ſeu leges pacis caduceatore poſtulauit medio. Quinimò congregatis copijs & belli dux facta, cum poſſet nauato opere obſiſtere, eum cum omni exercitu Araxem tranſire paſſa eſt, & ſuos intrare fines, arbitrata ſagax ſcœmina longe melius expugnari Cyri rabiem infra terminos ſuos poſſe quam extra. Et certior facta eum ad interiora penetraſſe regni, aduleſcentulo filio vnico tertia copiarum parte conceſſa iuſſit, ut Cyro obuiam pugnaturus procederet. Cyrus uero tam qualitate locorum & gentium moribus penſatis quam auditis, ſentiens uenientem cū exercitu iuuenem, fraude quam armis uincere ſtatuit. Caſtrisq; uino quod nondum nouerant Scythæ, epulisq; & delitijs cæteris conſectis relictis, fugam finxit. Quæ uacua cum intraſſet iuuenis, quaſi uictor hoſteq; fugato, lætus cum Scythiſ, non ad bellum ſed ad epulas inuitatus, ample cibos et pocula incognita ingurgitare cepere. Ex quo ſoluta diſciplina militari ſomnus affuit, quo ſepulti ſuperueniens Cyrus illum cum reliquis dedit in mortem, & quaſi certus uictoriæ ad vltiora proceſſit. Thamyris autem cum audiſſet ſuorum cædē, & ſi plurimum ob unici filij necem uidua moueretur, non tamen ſcœmineo more ſe lachrymas, quinimò illis ira & uindicta cupiditate ſedatis, cum reſiduo copiarum, ea arte qua captum filium audierat, etiam ſi non committerentur reſerta poculis caſtra, hoſtem & ſi aſtutiſſimus eſſet capi poſſe exiſtimauit, & locorum gnara, fugam ſimulans, auidum ſecutorē inter ſteriles geluq; horridos montes, non longo uiarum tractu deduxit, atq; conſuſit, & inopem opportunitatū ferè omnium, inter aſpera ſaltusq; montium conuerſa, cum omni exercitu ferè deleuit, nec ipſe Cyrus euasit, quin cruenta morte uiduæ faciaret iram. Thamyris autē eſerato animo, iuſſit inter cadauera Cyri corpus exquiri, cui comperto auferri caput, & in utrem ſanguine ſuorum plenum immitti mandauit, & quaſi ſuperbo regi dignum exhibuiſſet tumulum, dixit. Sume ſanguinem quem ſitiſti. Sed quid tandem? Nil preter hoc facinus Thamyris habemus tanto clarius, quanto Cyri maius fuerat imperium.

DE LEÆNA MERITRICE.

Caput xlvij.

Crimine fortunæ, noctes locat ære Leæna,
 Quæ tamen, ex alijs, multo ſpectanda decoro,
 Illa quod, eſt ſcœdum tacuit, quod turpe repreſſit.

Leæna



Lænam arbitror Græcam fuisse scēminam, quam (& si minus fuerit pudica) bona tamen honestarum matronarum atq; reginarū illustrium pace, inter claras scēminas descripsisse velim. Nam, vt in superioribus dictum est, claras ob quodcunque facinus mulieres non pudicas tantum, apponeretur pollicitus sum. In super adeo virtuti obnoxij sumus, vt non solum quam insigni loco consitam cernimus, eleuamus: sed obrutā crimine turpi in lucem meritam conari debemus educere. Est enim ubiq; pretiosa, nec aliter foedatur scelerum contagione, quam solaris radius cœno inficiatur imixtus. Si ergo aliquando pectori detestabili officio dedito, eam infixam viderimus, ita detestari debemus officiū, ut suæ laudes non minuātur virtuti, cum tanto mirabilior digniorq; in tali sit, quanto ab eadem putabatur remotior. Quamobrē non semper meretricū aspernāda memoria est, quinimo dū ob aliquid virtutis meritum se fecerint memoratu dignas, latiori lætioriq; sunt præconio extollendæ, cū in eis hoc agat cōperta virtus, vt lasciuiētibus reginis ruborem incuciat, cū earum lubricos luxus excusat reginarū ignauia, præterea vt appareat non semper ingentes animos solū, titulis illustribus cōnexos esse, & uirtutem neminē dedignari uolentē se, tam celebri mulierū cetui adnectenda est Læna, ut etiā in ea parte in qua strenue egit, tanq̃ bene merita laudeat. Læna igit̃ turpi meretricio dedita, detestabili obsequio fecit, ut eius origo ignoretur & patria. Hæc tñ regnante apud Macedonas Amynta, cū Armonius et Ariston egregij iuuenes, seu ob liberandā patriā turpi subiectā tyrānidi, seu ob aliā impulsū causam Hyspar imānē tyrannū occidissent, inter alios à successore tanq; gestorū conscia, eo q̃ eorū cōtubernio uteretur, capta est, & cū ad
F iij prodendos

prodendos coniuratos conscios diris coëgeretur supplicijs, secum lubrica mulier quanti esset sanctum, & uenerabile nomen amicitiae, pia uolens consideratione, ne illi ut sibi parceret in aliquo violentiam inferret, primo diu ne diceret, quod quærebatur mira constantia animo imperauit suo, tandem conualescentibus cruciatibus & corporeis deficientibus viribus, timens uirilis foemina, ne delibata uirtute corporea etiam eneruaretur proposito, in robur maius excessit, egitque ut aequè cum viribus et dicendi potestas auferetur, acri morfu linguam præcidit suam et expuit, & sic actu unico, sed clarissimo spem omnem à se noscendi, quod exquirebatur tortoribus abstulit. Quis dicet Leænā nisi fortunæ crimine fornices inhabitasse? profecto non eam norat, qui foeminas dixit, id tacere quod nesciunt. Heu mihi, nonnunquam lasciuiens opulentia domus, & parentum indulgentia nimia, virgines deduxit in lubricum, quarum petulca facilitas, ni austeris coherceatur frenis, & à matribus potissime obseruantia retrahatur uigili, aliquando etiam non impulsam labitur, & si lapsus à desperatione decoris honestatis pristinae calcetur, à nullis demum viribus reuocatur. Hac ego puto Leënam desidia corruisse, non naturæ malitia, & potissime dum virile eius robur circa cruciatus intueor. Quo equidem, non minus & mutaprius, & inde præcisa eius lingua splendoris consecuta est, quam florida per sæpe oratione apud suos ualens meruerit forsitan Demosthenes.

DE ATHALIA REGINA HIERUSALEM. Caput xlix.

Trux Atalia uenit tragico celebranda cothurno,
Publica pernities hominum, memorabile belli
Fulmen, & omne scelus, quo regna caduntque ruuntque.

ATaliae efferata mens, notiores illam fecit Syris Aegyptijsque, quam oportunitum Dauidico generi, esto domus eius undique cruore seruatorum ac multiplici cæde foeda, non minus nomini suo infaustae claritatis addiderit, quam fulgoris diademata regum. Hæc igitur Achab regis Israelitarum & Iezabelis, reginae nequissime mulieris filia fuit, & nupta Ioram filio Iosaphat regis Hierusalem. Et tandem Iosaphat atque Ozia filio natu maiors, in quem morte patris deuenerat regni successio, de medio sublatis. Ioram vir eius præter opinionem rex Hierusalem coronatus est, qui & hanc coniugem suam uoluit esse reginam, cui splendori Achab genitore defuncto, Ioram frater eius patri suffectus suo filio non modicum lucis iniunxit.

iniunxit. Temporis vero successu multis ante infortunijs agitata, vero iam defuncto Ochoziam filium suum vidit patris in throno sedentem, vt vndiq; mulier regijs coruscaret honoribus. Sanè cum & Ochozias sagitta ictus iussit in mortem, trux mulier in desiderium regni accensa, cum memorabile excogitasset facinus, & animi satis ad perpetrandum collegisset, pulsa sceminea pietate, non solum dare lachrymas exanimi filio omisit. Quinimò in ampliores fletus, si scemineum illi cor fuisset progressa, madente adhuc nati terra cruore, in omnem Dauidicę prolis posteritatem expediuit gladios, et tam diu in illam debacchata est, donec ex masculis nullum omitteretur, quin per vulnera in necem compelleretur. Solus quidem immanitati suę Ioas Ochozie regis paruulus filius subtractus est, ea minime aduertente. Nam Iosabe eiusdem filia, & Ochozie olim soror furtiue subtractum paruulum in domũ Ioadam, pontificis uiri sui seruandum nutriendumq; tulerat. Et sic per tot impie occisorum sanguinem, mulier audax tanquam in vacuam suo opere possessionem regium conscendere solium ausa est, & regalia disponere cuncta. Quid Atreum? Quid Dionysium? Quid Iugurtham mirabimur? Homines acris ingenij, si regni cupidine tractos, per vulnera quorundam suorum imperij conscendisse apicem audiamus, postquam vt eo perueniret sobolem omnem regiam confodisse, nec suis proprijs pepercisse mulierem cernimus. Fulsit igitur diademate regio Athalia, equidem magis purpureo respersa cruore spectabilis, quã regia nota. Sanè sicuti ultro innocuas Dauidicę, stirpis animas gladio truculenta sæuierat, sic in suos exasperatos alienos sensisse potuit. Iorã quidam Israhel regem fratrem suum in agro Nabaoth iacentẽ, & sanguinem per mille uulnera canibus exhibentem, uidisse cupiens potuisset facile. Sic & Iazabelem matrem regijs ornatam, è turri cella deiectam, & discurrentium calcata pedibus, atq; adeo calcibus & rotarum orbitis attritam, ut in coenũ uersa nullum infausti corporis remaneret uestigium. Sic & 17. fratres suos una hora apud Samariam uictoris iussu percussos, & circa Iezinelẽ ciuitatem eorum, palis infixæ capita egregij facinoris argumenta præstantia. Sic & cæteros quoscunq; cognatos, nec unus euaderet quin eiusdem percussoris ferro confoderetur. Et postremo ne sanguinem scelestæ mulier pertransiret impune, se cum septem regnasset annis, opera Ioadam pontificis. eleuato Ionas nepote suo in regnum, quem ipsa cum reliquis arbitrabatur occisum, è regia sede ui detrahi uidit, & clamante in eam populo, seruorum atq; lurconũ manibus dedecorose ad portam usq; mulorum, frustra calamitatẽ atq; minantẽ deduci, ibiq; pro meritis trucidari, ut nō alio tramite ad inferos pergeret nocua, q̃ ire coëgisset inuocuos. Sic agit diuina iustitia, quę & si differat nō obliuiscit, agitq; supplitio seueriori in quos diu expectatos mores mutari non uidet, quod dum cogitare

cogitare negligimus, credere nolumus, nec emendari curamus, & nos ipsos amplioribus flagitijs illigamus, dum minime arbitramur, absorpti procella dum non prodest miseri commissa deflemus. Dira quippe præter ius regni concupiscentia est, & ut plurimum occupatio truculenta, in quam raro itur ex casu per fraudem, aut uiolentiam conscendas necesse est. Si per fraudem dolis, insidijs, per iniurijs, prodicionibus similibusq; agiteris, meditatione conueniet. Si uolentia, iactationibus, tumultu, rumoribus, sequitia, rabieq; vexeris incumbit. Et per quam mauis iturus uiam es præparasse uires oportet, quæ omnes scelestorum hominum habentur opere, quibus nisi seruius efficiaris regni dominus esse non possis. Quid tandem? itur in thronum, obtures necesse est querelis aures, lachrymis, sceleribus cædibusq; auertas oculos, in saxum duros præcordia, armetur credulitas, pietas excludatur, negligatur ratio, colatur iniuria, potestas sacris legibus auferatur, præstetur libidini, accersatur malitia, simplicitas ludatur, rapacitas luxuria ingluuius commendetur incluti regis præeminentia, diuinis nec humanis parcatur sacra atq; prophana misceantur, et misericordia pressa per summum nephas eatur in sanguinem, sternantur pii homines, impij sublimentur, stuprètur uirgines, in abusum pueri trahantur, ingenui dānetur uirtus, et ignoscatur uitijs, & ubiq; pulsa pace triumphos agat discordia. Ospectabilis regis accessus, sed quid in thronum per sanguinem, & indigna facinora itum est? O utinam in quocuncq; modo quæsitum innocue uiueretur, illico urgente suspitione pressores pelluntur exilio, in pauperiem rediguntur diuites, relegantur amici ueteres, fratres, filij, nepotes, parentesq; tanquā æmuli carcerantur & occiduntur, nulla fides, nulla sanctitas, iustitia nulla seruatur, anxie uigilatur, cum difficultate dormitur, nec cibus absq; timore gustatur, pulsissq; fidelibus scelestis omnis uita committitur. O pulchra, O appetenda, O laudanda quæ sita ture possessio. Erat equidem satius gurgustiolum intrasse pauperis, plenum pace, plenum securitate, validum & sollicitudine vacuum. Hæc ardua quanto cum cruore quærentur, tanto cum timore tenentur, & qui fidos suspicantes omisimus, dum infidis procurante crimine nos ipsos committimus, sit persæpe ut eorum opere quales habuimus introitus, tales aut detestabiliore exitus habeamus, & una nostro cum interitu subtrahatur horra, quod per multos infaustos dies nequiter fuerat congestum, Quod sero cognouisse potuit Athalia.

DE CHLOE

DE CHLOELIA RHOMANO-
rum uirgine. Caput. 1.

Tranat equo Tybrim, tandem custode remoto
Chloelia uirgo manens, multo spectata pudore.



CHoelia insignis uirgo Rhomana, à quibus parentibus originem traxerit, aut posteris non reliquere priores, aut uetustate abolitum est, sed eā ex claris natam satis arbitrari potest, cum generositas testetur animi, & quia pacis obses inter alias nobiles Rhomanorum, Porsennæ Hetruscorum regi tempore belli Tarquinij Superbi data sit. Cuius uir laudandam audaciam uerbis amplioribus explicem aduertendum est, quoniam pulso Tarquinio rege Superbo, ob scelus enorme Sexti filij in Lucretiam patratum, ne succederent tentanti reditum fraudes, in bellum patens uentum est. In quod cum uenisset Porsenna rex Clusinus, precibus Tarquinij accitus, & probitatem Horatij Coclitis pontem sublitium defendentis, Hetrusci emouerentur à transitu, & nutu Scæuolæ audacia atq; cōmento territis, uenisset in concordiam Rhomanorū, & ad seruandam suscepisset obsides plures, factū est, ut cum alijs uirginibus pluribus mitteretur Chloelia. Cui cum forsā uideretur minus de re publica apud exterum regem tot detineri uirgines, in audaciam uirilem uirgineum pectus armauit, & deceptis custodibus equum quē forte non ante conscenderat, pascentem secus Tyberim, nocte cū multas eduxisset in ripam conscendit, nec exerita profunditate fluminis aut aquarum uertiginibus, sospites in

tes in aduersam partem omnes eduxit suisque restituit. Quod à Porfenna mane compertum conquestus est, frequentique senatu iussum est, ut transfugarum dux regi restitueretur posceti, adiecto ut inuiolata suis in tempore redderetur à rege. Rex autem virginis miratus uirtutem, & delectatus audacia non solum ad suos illi concessit reditum, sed potestatem fecit, ut quos uellet ex obsidibus reliquis, posset educere. Quæ ex omnibus solum sumpsit impuberes, quod & honestati virginæ commendabile uisum est, & urbi fuit acceptissimum, eo quod eam potissime ætatem liberasset, quæ aptior uideretur iniuriæ. Quam ob causam à gratis ciuibus inusitati honoris genere decorata est, eique concessa equestris statua fuit, quæ in summo uiæ sacræ apposita diu permanet intacta.

DE HIPPONE GRÆCA MV- liere. Caput li.

Hostibus inuiolata manet crudelibus Hipponem,
Præda potita male, castam, quam tollit aquæ uis.

Hipponem græca fuit mulier, ut ex codicibus veterum satis percipitur, quam uix credo unicam tantum, & optimo ualuisse opere, cum ad altiora conscendamus gradibus, eo quod nemo summus repente fiat. Sed postquam uetustatis malignitate & genus & patria, ac cætera eius facinora, sublata sunt, quod ad nos usque uenit, ne pereat, aut illi meritum subtrahatur decus, in medium deducere mens est. Accepimus igitur Hipponem hanc, casu à nautis hostibus captam. Quæ cum forte forma valeret sentiretque prædonum in se pudicitiam suam teneri consilium, tanti castitatis decus existimauit, ut cum nec per mortem seruari posse cerneret, non expectata uiolentia in undas se dedit præcipitem, à quibus sublata uita, & pudicitia seruata est. Quis tam seuerum mulieres consilium non laudet? Paucis quidem annis quibus forsitan vita pro-
tendi poterat castitatem redemit, & in matura morte sibi perenne decus quæsiuit. Quod virtutis opus procellosum nequiuit mare contegere, nec desertum auferre littus, qui literarum perpetuis monumentis, suo cum honore seruetur in luce. Corpus autem postquam ab undis aliquandiu ludibrium more uolutatum est, ab eisdem in Erythræum littus in pulsum, à lit-
toranis naufragij ritu sepultum est, tandem cum ferret ab hostibus exorta fama quæ nam foret, & mortis causam, ab Erythræis summa cum ueneratione sepulchri locus in littore, ingenti tumulo atque diu mansuro, in seruati de-
coris

coris testimonium exornatus est, ut noscamus, quoniam nulla aduersæ fortunæ tenebris, lux possit obfufcari uirtutis.

DE MEGVLIA DOTATA.

Caput liij.

Munere magnifico dotis clarescere cœpit,
Hæc mulier, magni quam dotauere parentes.

MEguliā quam Rhomani ueteres cognominauere Dotatā, Romanam fuisse fœminā, atque nobilem reor rudi illo atq; (ut ita dixerim) sancto æuo, quo nondum ex ulnis paupertatis altricis optimi Quirites in splendores Asyaticos, & magnorum regum Gazas ea neglecta proruperant, illustrem habitam. Quæ quidam hoc Dotatæ consecuta cōgnomen est (ut arbitror) magis maiorum suorum prodigalitate, quam aliquo sui operis merito. Nam datis in dotem viro quingentis milibus æris, adeo monstruosum illo sæculo uisum est, ut danti sit Dotatæ cognomen inditum, & per multa seueratum tempora, in tantum, ut siquid præter consuetum ciuium morem doti superadderetur cuiquam virgini, confestim & ipsa dotata Megulia diceretur. O bona simplicitas, O laudanda paupertas, quod tu monstruosum & merito arbitrari faciebas, ridiculum videretur lasciuiæ hodiernæ, in tantum enim mensuram vndiq; rerum excessimus, ut uix cerdo, vix lignarius faber, vix mercenarius, lixa, uel villicus ob tam paruam stipem comperiet, qui domum uelit vxorem inducere. Nec mirum etiam plebeïæ mulierculæ reginarum coronas, aureas fibulas & armillas & insignia reliqua adscribere sibi, eisq; non dicam inuerecunde, sed superbe utuntur. Heu mihi, nescio vtrum dixerim, sic ampliati sunt animi, dum nobis inuicem nimium credimus, an potius (quod verissimum arbitror) nostro crimine, sic exulta vitia sunt, ambitiones, & inexplebilia mortalium vota.

DE VETVRIA.

Caput liij.

G Audet

Audet in aduersis animoso pectore rebus
 Consilium chari, studia & contraria nati,
 Frangere mulcendo dictis Veturia prudens.

Veturiae nobilis & Rhomana mulier iam senex laudabili opere annos suos in viriditatem traxit perpetuam. Erat huic adolescens Cneus Martius strenuae virtutis filius, consilio & manu promptus, & cum oppugnantibus Rromanis Coriolos oppidum Volscorum, eius inclyta probitate captum videretur, Coriolani cognomen adeptus est, & tam grandem nobilitatis fauorem, ut omnia verbis & opera auderet. Quamobrē laborante vrbe aënonae penuria, & ope patrū plurima ex Sicilia delata foret, frumenta, seuera oratione prohibuit, ne plebi partirent prius q̄ quos paulò ante in sacro monte secedens, honores propter reditum nobilitati abstulerat, dimisisset. In quem infesta plebs ut erat famelica, manus profecto inieciisset, ni illi à tribuno plebis peropportune dies ad dicendam causam indicta fuisset. Qui cum nō paruisset indignās, exilio damnatus est, & in Volscos paulò ante Rhomanorū hostes secessit. A quibus & benigne & honorifice susceptus, ubiq; enim virtus in precio est, hos iste tam sua quam Accij Tullij Volsci fraude bellū aduersus Rhomanos redegit, & belli dux ab eisdem factus ad fossas Duxillas, ad quartum à Rhoma lapidem deduxit exercitum, eoq; rem Rhomanā redegit, vt à senatu qui pacem equis legibus impetrarent, ad eum exulē mitterentur. Quos Marcius atroci cū responso dimisit in patriā, ob quod iterū missi, sed minime recepti sunt. Iuere tertio cū infulis velati pontifices & suis cū insignibus supplices, sed frustrati redire, & iam vndiq; desperatio Rhomanorū intrauerat animos, tū ad Veturiā Coriolani matrem et Volumniā coniugē frequentes, & querulae venientes matronae obtinuere, vt magno cōmeatu mulier, in castra hostium precibus lachrymisq; placatura filium postquā armis ab hominibus non posse respub. tutari videretur, iret cū coniuge neq; eis ingens prosequentiū caterua defuit. Cuius aduentum cū cognouisset Coriolanus, et si animo turgidus esset consternatus, tñ matris aduentu, è sella cōsurgens exiuit tabernaculū, & suscepturus illam obuius factus est. Sanè Veturia hinc coniugē hinc liberos, Coriolani tenens, non ante filiū uidit, quā pietate patria posita, se succendit in iram, & ubi supplex exiuerat urbem in hostiū castra ueniens ob iurgatrix effecta est, & suscitatis in effceto corpore viribus inquit. Siste gradū infeste iuuenis. Scire uelim anteq̄ in amplexus veniam tuos, an matrē, an captiuam hostē suscepturus aduenias, hostem puto. Me miserā in hoc exoptata mortalibus, tui longitudo deduxisse me debuit vt te, Damnatum exilio, & inde reipublicae hostem cerneret. Cognoscis quæso, quo armatus hostis consistas

sistas in solo. Cognoscis equidem, & si nescis hæc est in quo genitus, in quo natus, in quo labore meo educatus es, quo igitur animo, qua mēte, quo impulsu hostilia potuisti inferre arma? Non intranti tibi parenti debitus honos, dulcis vxoris amor, filiorum pietas, & natiue patriæ reuerenti obuij facti sunt, nō acre pectus mouerunt, non iras quantūcūq; iuste suscepta abrupuisse potuerunt, non dum primo illa spectares moenia in memoriā uenit, ibi domus & penates patrij mei sunt, ibi coniunx & liberi ibi, infortunio suo & opere meo infelix mater est, uenere patres, uenere pontifices, nec saxeum pectus mouisse potuere tuum, ut id rogatus ageres, quod sponte fecisse tua debueras. Satis me miseram aduerto, fecunditatem meam, patrię mihiq; fuisse aduersam, ubi filium & ciuem peperisse arbitrabar, hostem & infestissimum atq; inflexibilem peperisse me video, satius quippe nō concepisse fuerat, potuerat sterilitate mea Rhoma absq; oppugnatione consistere, & ego misella anus in libera mori patria. Sed ego nil iam pati mihi miserius, quam tibi turpius possum, nec ut sim miserrima diu futura sum, de his natis tuis uideris, quos (si pergis) aut inmatura mors, aut longa seruitus manet. Verba lachrymæ secutæ sunt, & inde coniugis preces atq; natorū, & amplexus mutui, clamoresq; flentiū & orantium matronarū. Quibus uerbis & gemitibus precibusq; actum est, ut quod legatorū maiestas, & sacerdotū reuerentia nequiuertant, matris ueneratione ducis acerrimi frangeretur ira, & ppositū uerteret, & suis cōplexis atq; dimissis, retro ab urbe castra hostiū mouerentur. Ex quo secutū est, ne gloriæ mulieris, ingratitude detraheretur, ut ex senatu consulto eo in loco, in quo Veturia filij iram molliuerat, templum ad eius rei perpetuā memoriā, & ara fortunæ muliebri exerto construeretur lapide. Quod quidem & si uetustissimū sit, in nullo ferē diminutum, in nostrū usq; perdurat æuum, sanxitq; ut prætereuntibus mulieribus, quibus nullus uel minimus usque ad illa ætatem à uiris præstabatur honor, & assurgerent homines, uia cederent, quod nostra in patria ritu ueteri seruetur huc usq;, & quod eis liceret uti aurium uetusto orientaliū mulierū insigni, & purpurea ueste aureisq; fibulis & armillis. Nec desunt, qui asserunt eodem senatus consulto adiectū, ut (quod ante non licebat) possent hæreditates consequi quorūcūq;. Huius igitur meritū uiris, ne exosum esse magis debeat, an mulieribus gratum, putant quidam pendere sententiam, quā ego certissimam reor. Nam ornamentis agentibus uirorū exhauriuntur substantiæ, & mulieres incedunt cultu insignite regio, depauperantur uiri maiorū hæreditatibus demptis, ditantur foeminæ consequentes honorantur insignes, honorantur etiam non illustres, multa his incōmoda, & illis cōmoda inde secuta sunt. Maledictis in Veturiam irē, ob ex his consecutam superbiam foeminis, in suis precibus stetit Rhomana libertas. Sed

liberalitatem illam senatus nimiam, & perseveratum per tot sæcula dānosum morem, laudare non possum, minori fuissent cōtentę munere, per maximum uidebatur muliebri fortunę dicatū templum. Sed quid? muliebris est mundus, sic & homines muliebres. Quod autem aduersum fuit hominibus ætas, quæ multa cōsumpsit utilia, consumpsisse nō potuit, nec minorasse mulieribus ius suum tenaci perseveratione seruantibus. Veturia igitur applaudant, eius colant nomen & meritum, quotiens caris lapillis, purpura & aureis ornantur fibulis, & incedentibus à uiris assurgitur, otiosisq; morientium substantiæ minuantur.

DE THAMYRI PICTRICE.

Caput liiij.

In me si Phidias rediens iactaret ocellos,
Artem pingendi traderet ille mihi.



Thamyris mulier æuo suo pictrix egregia fuit, cuius uirtus & si forsan veternofitas plurimum abstulerit, nomen tamen egregium nec artificium adhuc abstulisse potuit. Volunt hanc nonagesima Olympiade, filiam fuisse Myconis pictoris, verum cuius cū duos fuisse Mycones, et ambos pictores, & eodē tempore Athenis floruisse legamus, nō distinguunt nec his paucis uerbis eam filiam fuisse Myconis, cui minoris cognomen additum ferunt. Sanè cuiuscuncq; fuerit, tam miro ingenio despectis mulieribus officijs,

officijs, paternam artem imitata est, vt regnante apud Macedonas Archelao singularem picturæ gloriam adepta sit in tantum, ut Ephesi apud quos honore præcipuo Diana colebatur, eiusdem Dianæ effigiem in tabula quadam manu eius pictam, tanquam celebrem seruauerunt diu. Quæ cū in longissimam ætatem perseuerasset, artificij huius testimonium tam grande præbuit, ut in hodiernum usque memorabile uideatur. Equidem laudabile plurimum, si prospectemus fusos & calathos aliarum.

DE ARTEMISIA REGINA

Cariæ. Caput lv.

Hæc Cariæ regina fuit uenerabile pectus,
Mausoli regis magni castissima coniunx,
Quæ Mausolæum mundi mirabile monstrum,
Extruit ecce uiro, ingenti quem ardebat amore.
Coelibis hic uitæ specimen prægrande uidere est.

ARthemisia Cariæ regina fuit ingētis animi scemina, & sanctissimi amoris atq; paratissimi, & integræ uiduitatis exemplum, posteris sempiternum. Hæc esto à quibus progressa parentibus, nec ex qua fuerit patria in dies nostros uenerit, satis ad eius nobilitatis laudem est nouisse, eam Mausoli, tam potentissimi regis Cariæ fuisse cōiugem, quem adeo dilexit in uita, ut superstes mortuum obliuisci non posset, cuius rei steterē diu insignia monumenta, nam si fides claris scriptoribus præstanda est, cum primum uir amantissimus clausisset diem, exquisitis cadauer eius honoribus extulit, nec passa est post funebres ignes, collectos diligenter cineres aurea in urna seruandos condidi, existimans tam amati coniugis omne aliud uas incongruum esse, præter id pectus, in quo ueteris amoris flammæ longe plus solito eo defuncto flagrabāt, quamobrē ut ibi, quod terreū superat, consisteret, quo perpetua præteritæ uitæ memoria consistebat collectos, donec explerentur, immixtos paulatim oculis exhausit omnes, uita residua perpetuis dicata lachrymis, et sic humore consumpto se ad uirū iturā credens læta deuenit in mortē, uerū uidua ingentia per egit facinora, uetus fuit consuetudo, uiris egregijs insignia sepulchra erigi, qd' ut amorī cōforme apparet opus, Arthemisia mirabile nimis, & sumptuosum auaritia omni seposita, excogitauit, nec uno nec populari cōtenta artifice, Scopam briaxē, Timotheū atq; Leotharē, quos eo sæculo totius orbis cōspectiores prædicabat Grætia, accersiri iussit, fecitq; iuxta eorū iudicium Mausolo

G in magni-

magnificum designari Mausolæum, & paratis marmoribus cōstrui, & ob mirabile opus illud, si aliter non daretur dilecti uiri nomen efficeretur æternum. Cuius quidē, eo quod tā arte, q̄ impensa omnia ferè orbis ædificia excesserit, & inter septē mundi miracula, unū diu memoratum sit, singularē fecisse mentionem non erit absurdum, nā virescit artificium fama & mulieris inclytæ fiet magnificentia clarior. Architecti igitur apud Halicarnasum præcipuā Cariæ ciuitatē reginæ iussu quadratū in forma firmare bustum, & quæ austrū & arctos prospectant facies, sexaginta trium pedū, in longitudinē deduxere breuiore reliquæ fuere, & illud in altitudinē centum quadraginta pedum extulere, & ut omne cingeretur, triginta sex columnis marmoreis voluere, Cæterum eā partem quæ spectat Eurum, Scopā sculpsisse dicunt, eā vero q̄ in Boream uergitur, Brixadem, cū eam quæ in occiduū uersa est Calendam sumpsisset Leothares, quarta Timotheo relicta, qui in sculpendis statuis, & historijs alijsq; operi cōtingentibus tanta solertia vires ingenij expressere, cupiētes singuli anteire magisterio reliquo, ut uiuos è marmore uultus eduxisse, nōnuncq; à perspectantibus creditum, ac nedū tunc sed multa per sæcula visum sit, pro gloria manus ibidē decertasse artificum, nec cōtigit Arthemisiā opus, tā celebre perfectum uidisse morte subtractā, tamen ob reginæ obitum nō reliquere opus artifices, quinimō arbitantes illud futurū suorum ingeniorū posteritati documentum, certissimū in finē, usq; quod coeperant deduxerunt. Sed accessit iterum quintus artifex qui altitudinē superioris Pyramidis, per xxiij grad⁹ æquauit, & his superadditus sculptor sextus Pythis dictus, cuius opus fuit quadriga marmorea, fastigio totius ædificij superaddita, huic tā eximio operi perfectō à Mausolo rege, pro quo factum fuit Mausolæum nomen impositū est, à quo tamen tanq̄ à digniori sequentium regū sepulturæ, Mausolæa denominata sunt, clarus ergo Arthemisiæ coniugij amor, clariores p̄seueratio uiduitis & lachrymæ, nec minus sepulchrum spectabile, seu sculptum uelis, seu Arthemisiæ pectus, in quo poti uiri mortui cineres quieuerunt. Cæterum nō his tñ extollenda laudibus Arthemisiæ uirtus inclusa p̄mansit, nā & virili robore et audacia, ac militari disciplina plurimū valuit fœmina, & triūphis maiestatem suā noīs exornauit. Hanc q̄dem (et forte sepius) saltē post uiri mortem positis ad tempus lachrymis, bis arma sumpsisse legimus primo, ut saltem patriā tutaret, secundo ut socialem fidē requisita feruaret. Nā mortuo Mausolo cū indignarentur haud longe ab Halicarnaso, Rhodij mulierē regno Carię p̄esse, armata classe quasi certa spe potiundi, frequens ad occupandā illud uenire. Sanè Alicarnasus ciuitas mari imminens Icareo, in loco natura munito sita est, gemios habens portus, quorū unus qui minor dicit, in urbem arcto introitu, quasi abscondit⁹ sic iacet, ut in illū ex regia illi imminente, opportuna oīa parari atq; deferri,

nemine

nemine ciuium nedum exterorum vidente, possint, qui regiã seruãt, alter qui maior est, secus urbis incenia aperto mari cõiguus est, inquẽ cum Arthemisia nouisset accessuros Rhodios, suos iussit esse in armis, & assumptis Nautici socijs et Epipatis, quos opportunos ad peragendum iã cõceptum aĩo facinus in regiã imperauit ciuibz, dum signum ipsa daret applauderent Rhodijs, eosq; è muris vocarent, eisq; spem deditõis facerent, & si possent in forum usq; con- traherent, demũ euestigio (quomodocunq; factum sit) minime aduertentibz hostibus, à portu minori in amplum mari erupit, et cum uideret signo dato, iã Rhodios à ciuibz euocatos relicta classe, tanq; victores cursim in forum tendere, infestis nauibus & maximo nautarũ conatu, Rhodiorz occupata vacua classe, & clamore sublato in Rhodios undiq; ciues suos iussit irruere, q̃ ob causam actum est, cum nõ esset fugæ locus Rhodijs, vt ab Alicarnasijs cederent omnes, hoc peractõ, Arthemisia laureata Rhodiorum classe, proras dixerit in Rhodum, Rhodij autem è speculis videntes laureas, classi suos obtinuisse credentes, patefacto portu, portisq; ciuitatis nõ aduertentes, uictricem hostem loco ciuium suscepere & sic, eorum repente ab Arthemisia ciuitas occupata est. Iussitq; à victrice Rhodiorum principes cædi, ast hinc trophæum parte victorię signum, in foro Rhodiorum mandauit erigi, actumq; est, ut duæ æneę statuæ leuarentur in publico, à quarum altera uictricis Arthemisiæ repræsentabat effigiem reliqua uictæ Rhodiæ ciuitatis, in qua stēmatibus positis, quod ab ea est significãtibz uectigalem sibi domum rediens insulã liq̃t, præterea cū actum aduersus Lacedæmonas Xerxes Persarũ rex, potentissimz terras pedes- tribz exercitãtibz cõpleisset, et littus omne occupasset classibus, omnẽ (suõ iudicio) nõ capturus, sed sorpturus Grætiã, requisita Arthemisia cū armatis nauibus uenit in bellũ, fractisq; iã terrestribz Xerxis copijs, cū in cõspectu Salamine in nauale præliũ, Xerxis classis & Arthemisiæ sub Themistocle duce cõuenissent spectãte ex tuto, Xerxe, Arthemisia inter primos principes suos exhortans, atq; acriter pugnãs, quasi cū Xerxe sexũ mutasse uisã est, adeo, ut si tã audax robustusq; Xerxi fuisset animus, nõ de facili classis eius proras uertisset in fugã. Sunt tñ qui velint nõ Artemisiã hanc fuisse, sed Artemedorã eam Halicarnasi reginã, asserentes in testimoniũ suæ credulitatis nauale bellũ Xerxes, apud Salaminã Olympiade septuagesima quarta fuisse cõmissum, cū centesima constet Mausolæum ab Arthemisia fuisse cõstructum. Ego quidẽ his adhæreo, qui vnam & eandem fuisse Artemisiam & Artemedoram putant, cum quæ de Arthemisia certa narrantur, plurimum fidei incertis de se exhibeant et auferant alienis, quicunq; tamen legerit qd̃ quod maluerit, illud credat, seu una, seu duæ fuerint, opus quidem fuit scemineum unumquodque. Sed quid Artemisiæ acta spectantes arbitrari possumus, nisi naturæ laborantis

errore factum, vt corpori cui deus virilem magnificamq; infu-
derat animam sexus foemineus datus sit.

DE VIRGINEA VIRGINE.

Caput lvi.

Heu facinus crudele, decor formæ, extitit omnis,
Virginea infelix, pater infelicior ecce
Virgine, quam gladio vindex raptauit ab hoste,
Concubitus agitante nequam, foedeq; procanti.

Virginea nomine, & facta Rhomana uirgo pia est recolenda memoria,
fuit enim insigni decoris cōspicua, & Auli Virginei plebei hominis,
sed honesti filia, quæ esto optimæ esset indolis, non tantum tamen sua cōstan-
tia clara, quantum scelere amantis infausti & seueri nimium patris facinore,
ac ex illo Rhomanorum libertate secuta facta est. Hæc equidē imperantibus
iam anno secundo Rhomani urbi decemuiris, à genitore Lucilio Icilio tribu-
nicio, ac acri iuueni desponsata est, eiusque forte distulerat nuptias, expeditio à
Rhomanis in Algidū aduersus Æquos sumpta, eo quod in eadem Virgineus
militaret, quibus sic se habentibus infortunio Virgineæ factum est, vt Appio
Claudio decemuiro, qui ad urbem tutandam cū Spurio Appio ex socijs mili-
tantibus solus remanserat, eius adeo formositas placeret, vt ab eo amaretur
perdite. Cuius adhuc tenella virgo, cum frustra blanditias, nec donis in-
gentibus, necq; precibus, ac minis flecteretur imbutū sanctitate pectus, tanto in-
fano feruore succensus est Appius, ut cū in varia labentem voluisset animū,
nec satis tutum, vim publice inferre arbitraretur, in fraudem ingenium ver-
teret, egitq; ex composito, vt Marcus Claudius eiusdem libertus homo au-
datiæ primæ, transeuntem aliquando virginem secus forum quam primū da-
retur occasio, tanquā suum mancipiū fugitiuum arriperet, & in suam deduce-
ret domū. Et si quid forsan obstaret incepto cōfestim se corā eo in causam tra-
heret, quā cū paucos post dies ausu temerario transeuntē cepisset Libertus, &
suā diceret, proclamante virgine atq; pro viribus impuro homini obsistente,
iuuantibus matronis, cū quibus una incedebat, factus est repente hominū con-
cursus, inter quos & aduenit Icilius, et multis hinc inde dictis eo uentum est, ut
in prætoriū coram amante iudice ductā, vix ab ardente Appio, vt usq; in diē
futuram differretur iudiciū obtentū est. In qua nil proficiente Claudij fraude,
qua itum erat in castra, ne veniret Rhomā, si uocaretur Virgineus permitteretur

retur à ducibus, euocatns affuit præsto pater, et cum filia & reliquis amicis, &
 Icilio sordidatus uenit in curiã, ubi e contrario Marco Appio mancipiũ peten-
 ti non audito Virgineo, à libidinoso præside Virginia tanq̃ fugitina serua ad-
 iudicata est, q̃ cū capere voluisset Marcus, & multa frustra in Appiũ dixisset
 Virginius, ab eo tandem ira frendente obtentum est, vt sibi saltē paululum &
 nutrici loqui phas esset, vt forte erroris veteris cōperta veritate, mancipiũ mi-
 nori cū noxa sui cōcederet. Cumq̃ cū eis apud Clōatinas tabernas in conspe-
 ctu tamen curiæ euasisset sumpto lanij cultro inquit, qua possum uia dilecta fi-
 lia libertatem tuã vendico, & omnē uirgineo infixit pectori maximo dolore
 spectantiũ, ex quo infelix virgo concidens cernentibus cunctis astantibus san-
 guinē cū anima fudit, et sic libidinosi Appij per inōcentis cedē spes turpis-
 sima exinanita est, & opere Virginiĩ & Iciliĩ facta secunda plebis successione actum
 est, vt decēuiri coacti abdicarent imperiũ, & Rhomano populo quā occupa-
 uerant libertatē linquerent. Nec multo post Virginio plebis tribuno procu-
 rante, Appio Claudio dies dicta est, Qui cū causam dicturus accederet, in car-
 cere iussu Virginiĩ tractus & cathenis implicitus, ut meritũ effugeret dedec9,
 manes innocuos piaret Virginiae laqueo seu gladio, uel veneno ibidē uitã eie-
 cit. Temerarius aut̃ cliens, Marcus Claudius crimen non qua debuit uia, nam
 fuga tutatus defleuit exilio, bonis tam patroni q̃ suis redactis in publicũ. Nil
 perniciosius iniquo iudice. Hic quotiens scelestę mentis imperium sequit̃, om-
 nis iuris ordo peruertatur necesse est, legis potestas soluatur, virtutis enerue-
 tur opus sceleris laxentur habenæ, & breuiter omne bonum publicum in rui-
 nã trahat̃. Quod si non satis, alias apparet nepharium Appij cœptum, & quæ
 inde secuta sunt in lucē deducunt. Nam dū male libidini suæ potens homo fre-
 num poneret, ex libera seruã, ex uirgine adulterã, ex desponsata pellicē, per im-
 butũ fraude libertũ ferē peregit, suoq̃ detestabili decreto factum est, vt arma-
 retur pater in filiã, uerteretur pietas in seuitiã, & ne uoto fraude quęsito gaude-
 ret incestus homo occideretur innocua, clamaretur in urbe, tumultuaretur in
 castris, separatio plebis à patribus oriretur, & ferē in discrimen res omnis po-
 neretur Rhomana, O præses iuclytus, et legumlator egregius, q̃ in alios diro
 supplitio puniſſe debuerat, ipse perpetrare ueritus non est, heu mihi, quotiēs
 periclitamur peste mortales, quotiens in exitiũ inmeriti trahimur, et turpi pre-
 mimur iugo, angimur, spoliatur, & occidimur urgente nequitia. Quid hoc
 mali est, nō uerentur præfecti quod intēperamentum libidinũ adinuentũ est,
 ubi nullo dei timore territi in licentiã uertere scelerum. Et cū oporteat præsidē
 oculos et in aĩm æque pudicos habere, eloquum mite, graues sanctosq̃ mores,
 & manus à muneribus omnino imunes, nō oculis tm̃ sed insana mente lasciui-
 unt, nec legũ sed lenonũ sequunt̃ indicia, supbiũt, nec mitescũt nisi meretricula
 imperet,

imperet, aut iras leniat aurum, nec solum dona suscipiunt, sed exposcunt, mercantur, & subtrahunt & in uiolentiam usq; si aliquid nequit, fieri quod cupiunt, furore succensi prorumpunt, & sic optime legum interpretes facti, hinc luxuria, inde pecunia, in cassum pro nostris ius poscitur, nisi ab his uel ab earū altera suffragia impendantur.

DE HYRENE CRATINI

filia. Caput lvij.

Herbarum flores multo ingenio depinxit Hyrene,
Quæ calamo tereti potuit superare Magistrum.

HYrenes utrum fuerit Græca mulier, ac qua floruerit ætate nō satis certum est, Græca tamen creditur. Constatq; eam Cratini cuiusdam pictoris fuisse filiam atq; discipulam. Quam tantum laudabiliorem existimo, quantum artē & fama uidetur superasse magistrum, cum eius adhuc in pluribus nomen vigeat, existente patre (nisi per eam) ferè innominato, excepto si is fuit, de quo legitur, qui frondes atq; radices herbarum omnium, ad earū præstandam notitiā in forma descripsit propria, esto, hic Cratinax nō Cratinus ab aliquibus nominetur. Huius autem Hyrenæ celebre fuit ingenium, & artificium memorabile, cuius quidē magisterij in longum argumenta fuere, puella quædam quæ apud Eleusinam ciuitatē diu in tabula uisa est, sic & senex Calypso, præterea & gladiator Theodorus, nec non & Abstinēnes suo tempore saltator egregius. Quæ ideo, quod officium est à fœmina, ut plurimum alienum, nec absq; vi maxima ingenij consecutum, quod in eis tardissimum esse consuevit, dignum aliqua celebrari laude ratus sum.

DE LEVENTIO.

Caput lvij.

Ausa fuit mulier, furij agitata malignis,
Et studijs imbuta malis, perstringere doctos
Philosophos, grauium autores incessere rerum.

LEuntium si satis bene arbitror Græca fuit mulier, & forsan Alexandri magni Macedonici regis æuō conspicua. Cuius si matronalem pudicitiam seruasset, tamen ingenij eius per maximæ fuerint vires, longe fulgidior nominis fuisset gloria, Veterum enim testimonio tantum in studijs literarum ualuit, vt inuidia percita, aut muliebri temeritate impulsā, in Theophrastum celeberr-

celeberrimum ea tempestate philosophum, scribere inuehendo ausa sit, quod ego non vidi. Sanè postquam per tot secula in ætatem usq; nostram fama de uenerit non minimum fuisse, nec etiam paruæ facultatis indicium existimare possumus, esto inuidi animi, sit certissimum argumentū, & si adeo studijs tam splendidis valuit, nō facile credā eam ex plebeia fece duxisse originem. Raro quippe ex ea sorde ingeniū sublime surgit, nam etsi quādoq; è cœlo infundat, caligine extremæ sortis claritas eius opprimitur. Sed quid progenitorum generosus sanguis, si morū indecentia sit, ueri possunt fulgoris impendere, Si amplissimis fidem præstemus, hæc sepòsito pudore scemineo meritrix, imò meretricula fuit. Heu facinus indignum, inter lenones, impurosq; mœchos, & scorta atq; fornices versata, potuit magistram rerum Philosophiā, inhonestas in cellulas & ignominiosis deturpare notis, atque impudicis calcare vestigijs, & cloacis imergere foetidis, si Philosophiæ splendor obfuscari, potest impudici pectoris labe, dolendum equidē est, ingenium tam celebre sacro superumq; munere dato, adeo spurcido exercitio subijci potuisse. Addepol nescio, utrum illam fortiozem dixerim, in tam scelestum locum Philosophiam trahendo ad Philosophiam ipsam remissiorem, doctū pectus subigi lasciuijs promittendo.

DE OLYMPIADE MACEDONIAE. Caput lix.

Vnus Pelleo iuueni totus non sufficit orbis
Splendet Olympias, & mundo clarescere toto
Coepit, ob eximium dederant, quem fata tyrannum.

Olympias Macedonum regina titulorum multiplacitum fuit illustris. Primo quidem sicut possunt stemmata aliquod claritatis afferre mortalibus ex Æacidarum sanguine, qui tunc præ ceteris totius Græciæ seu Orbistarum habebatur splendidior, Neoptolemi regis Molossorum filia traxit originem, et cum illi ab infantia Mustulis nomen esset, Olympias (ut placet aliquibus, primo vocata est, præterea & Alexandrum Epiri regem fratrem habuit, & Macedoniae Philippo mortuo filium Alexandrum, cuius tam ingentia fuere facinora, ut qui superaret illum gloria, inani tamen, nec audiretur natus, nec nasceretur in posterum, quod Olympiadi non modicū fulgoris adiunxit, si matribus fulgor est præstantes peperisse filios, sed nō omnino iubar hoc euasisse potuit, quin notis aliqñ iniectis frustraret, esto, ex illis Olympias euasisset notior, nā adulterij illecebra eius ætate florente Olympias labefacta est qua

est qua nil ferè dedecorosius reginæ contigisse potuit, & quod turpius fuit suspicatum est, Alexandrum adulterio genitum, qui quidem suspitio adeo commouit Philippum, vt non solum aliquando palam diceret ex se non genitum Alexandrum, verum & Olympiadem ignomina notaret repudiij, & Cleopatram Alexandri Epirotæ filiam in vxorem duceret, quod quantum Olympias ægre tulerit, dissimulare non potuit, namq; vsq; in diem illam, hac excepta labe, regijs tantum fulgoribus clara erat, enormitatibus varijs sese fecit insignem. Creditum quidam est à se agitatum, atq; impulsū Pausaniam iuuenem ex splendido Horestis sanguine natum in Philippi viri sui necem, conscio etiam Alexandro, nam Pausaniæ ob occisum Philippū in cruce pendentis caput, opere Olympiade mane sequenti à die, qua cruce affixus fuerat, aurea insignita corona compertum est, & paucis interpositis diebus Olympiade iubente, eius cadauer depositum super reliquijs regis Philippi, honorifice Macedonico ritu exustum est, & funebri cum pompa sepultum, gladium præterea quo Philippum Pausaniam occiderat, regina sub nomine Nuscalis in templo Apollinis iussit apponi, & Cleopatram sibi super inductam post illisam saxo filiam, in tantum exasperauit uerbis & ignomina, ut miseram ad laqueum induendum compelleret. Aucto tandem maximis uictorijs filio Alexandro, eoq; apud Babyloniā ueneno absumpto, & Alexandro ferè apud Lucanos cæso, ac Arideo Macedoniae rege & Euryce coniuge, eam Macedoniam abque Epiro uenientem, intrare prohibentibus fauore ueterum Macedonū datis in mortem, Macedoniae regnum sola obtinuit uidua & regina. Verum cum passim in cruorem tam nobilium, quam plebeiorum Macedonum, quasi belua baccharetur à Cassandro in Epidua ciuitate obsessa est, adeoq; coacta, ut una cum oppidanis rerum omnium inopia deueniret infamem, qua cogente actū est, ut conditionibus appositis se in fidem Cassandri committeret, qui fraude exornatis occisorum amicis, post deditionem in mortem postulata est. Ad quam occidendam cum Cassander, ubi detinebatur, scelerum ministros intromisisset, ea iam aduertente se manu uenientium morituram, duabus innixa ancillis imperterrita surrexit, & uestimentis crinibuscq; compositis, ne quid cadens uideretur inhonestum, nec orare passa est, nec audita uoces, ac ullulatus foemineos emitteret, quinimò percussoribus obuia facta paratum, in uulnera corpus obtulit ultro, quasi paruipenderet, quod robustissimi etiam homines consueuere ut plurimum expauescere, actu illo confessa, se nece extitisse imperatoris tam egregij genitricem.

DE CLAVDIA VESTALI

virgine. Caput Ix.

Cernere qui volet hic specimen, pietatis & ingens
Exemplum, videat qualis sit Claudia virgo.

Claudiam Vestalem virginem digne, ex Rhomanorum sanguine procreatam crediderim, dum intuear insignem pietatem eius in patrem. Pompa quippe spectabili præ se, ex senatus cōsulto triumphum pater agebat sequenti Rhomanorum, spectante plebe cum se tribunorum plebis, vnus ob priuatam simultatem, in eum non aliter quam in male meritum prorumpens, dedit in medium, & insolenti more tribunitio audacia, violentas manus in triumphantem iniiciens, eum de curru euoluere conatus est. Quod cum inter spectantes Claudia virgo conspiceret. Illico urgente pietate commota tristis, & oblita sexus honestatisq; vittarum, quibus obiecta erat, pati non potuit, quinimò repente medias inter cateruas impetiuosa prorumpens, & sibi audaci visu cedere turbam cogens, inter tribuni arrogantiam, & patris gloriam se indefesso robore miscuit, & (quibuscunq; ausis factum sit) amoto tribuno liberum in capitolium patri concessit ascensum. O dulcis amor, O infracta pietas, quid credemus uires imbecilli corporis præstitisse uirginis, quid religionis obliuionem iniecisse, præter eum cernere iniuria opprimi, quem meminerat infantiae suæ educatorem, & pijs delinitorem blanditijs, uotorum in suam salutem exhibitorum noxiorum amatorem omnium, & prouectioris ætatis instructorem, sed ut de hoc satis dictum sit, quæso suis ob hoc tumultuantibus hominibus, sanctimoniale immixta uirginem de inhonestate redarguet, quis temerariam dicet, quis tanquam in tribunitiam potestatem, ausam iure damnabit, cum adeo pulchrum atq; memorabile pietatis opus intutandum patrium decus egerit, ut etiam robustissimus iuuenis, acriora animo fecisse nequiuert. Equidem non immerito dubitem, quis spectabiliorem triumphum, an pater in capitolium traxerit, an nata in ædem reportauerit, ueste.

DE VIRGINEA LVCII VO-

lupini coniuge. Caput Ixi.

Hæc prece multa fuit, diuino numine tincta,
Relligiosa subin, sacris deuota sacellis.

H Virginea

Virginea apud Rhomanos equidem clara matrona fuit, altera tamen à superiori, esto æque auli cuiusdē, sed patricij uiri fuerit genita. Hęc etenim præter nobilitatis insignia, suo æuo castimonie meritis, cæteris fuit præferenda Rhomanis, cuius actū unicum, sed laudatissimum retulisse ad eius omnē uitam recognoscendā, eiꝑ claritatem meritam impendendam sat erit. Vt satis ergo cōstat fuit olim in urbe Rhoma, in foro Boario ad rotundā Herculis ædem, sacellū celebre Patricie Pudicitie, dudum à nobilibus mulieribus per sancte dedicatū, in quo Quinto Fabio et Quinto Publico Decio modo quarto consulibus, cū senatus iussu uti, & in cæteris templis supplicationes ad expianda prodigia fierent, & ibidē Patricie tantū scemine sacra ritu veteri castissime peragerēt: cōtiguit, vt Virginea cū cæteris peractura sacrum accederet, à quo cum matronis patricijs imperantibus superbe semota esset, eo quod Lucio Volumino plebeio homini, anno tamen præterito cōsuli nupta foret, brevis apud sacra ædem sceminea altercacō orta est, quæ tandē muliebri indigna, cōmune in maius animorū incendium sese extulit. Cæterum cū se dixisset Virginea, & pudicam esse & patriciā, ex templo Patricie Pudicitie arceri minime deberi, eo qꝫ plebeio homini uirgo nupsisset, & gesta uiri miris extulisset laudibus, relictis patricij domū indignans repetijt, uerbisqꝫ opus sup adiecit egregium. Nā cum sibi multum ædiū esset in uico longo, in quibus tunc una cum uiro habitabat, quantū ex eis ex parte una sufficere sacello modico arbitrata est, seclulis à cæteris, & ibidē aram instituit, accersitisqꝫ matronis plebeis, arrogantiam patriciarum exposuit, & cōquesta ex uscepta ab illis iniuria subdidit, vos ergo deprecor hortorqꝫ, vt uti cernitis huius urbis uiros habere cōtinuum de uirtute certamen, Sic et inter uos solius decoris pudicitie matronalis certamen sumatis, operam oantes, vt hæc ara, quam ego plebeie Pudicitie præsentibus vobis dico, si in aliquo potest sanctius illa & à castioribus coli credatur, Appareatqꝫ agentibus uobis nō solum coelestes animas pectoribus patriciarum infundi. O digna atqꝫ sanctissima matronæ verba, O indignatio laudanda & inuentū in astra læto plausu extolleudum nō in uirorū, substantias, non ad ornamenta lasciuiæ capescenda à Virginea cōiuratum est, quinimò in lasciuos petulantesqꝫ iuuenū oculos atqꝫ cōcupiscentias, & ad suā promerendam castimonie gloriā, optimo instituto sanctisqꝫ uiribus itū est, adeo ut tunc inceptū, & diu post hoc actum sit, vt cū nulla nisi spectatæ Pudicitie, & quæ uni tantū viro nupsisset, sacrificandū ius eo præstaretur in templo, & spectantium incestuosus oculis fracta libidinosa spe, sanctitatis Patricie æquarentur, nec dubitem multis ob gloriæ cupidinem, & ad effugiendum ignominiam, si à sacrificio arcerentur seruandæ castimonie causam atque studium iniecisse.

DE FLORA MERETRICE

dea Florum & Zephyri coniuges

Caput lxij.

Flora iuuentutis decoctrix foeda pudicæ,
 Concubitus petit illicitos, & corpore quæstum,
 In numerum facit, ecce libidinis omne barathrum.

Floram Rhomanam fuisse mulierem testari videtur antiquitas, Cui quanti decoris ignominosus quæstus subtraxerat, tantū famæ fortuna fautrix auxit, hæc autem ut omnes asserunt ditissima fuit mulier, sed de quæstu diuitiarum discrepant, nam alij dicunt hanc omnem iuuentutis suæ, & formositatis corporeæ florem, inter fornicēs & lenones scelestosq; iuuenes meretricio publico consumpsisse, & nunc hos, nunc illos stolidos, lasciujs blanditijsque (ut talium moris est) substantiarum denudans, & vndiq; corrodens & excerpens, in eas tam amplissimas deuenisse diuitias. Alij vero honestius arbitrati lepidam, & ridiculam ex eo referunt historiam, asserentes Rhomæ æditiuum Herculis ociosum tesseri ludum inchoasse manibus alternis, quarum cum Herculi dexteram statuisset & sinistram sibi, dicunt fecisse periculum, ut si vinceretur Hercules, ipse sibi de stipe templi cœnam & amicam pararet. Si vero Hercules victor euaderet, tunc illi de pecunia propria illico idem facturum se dixit, Verum cum uicisset Hercules monstrea, etiam superare solitus ei cœnam, & nobilem meretricem Floram præparasse confirmant, cui dormienti in templo uisum aiunt, cum Hercule concubuisse, eiq; ab eodem dictū se suscepturam mercedem concubitus ab eo, quem primo mane templum exiens inueniret, quæ cum Fanitio ditissimo iuueni templum exiens occurrisset, ab eo amata atq; deducta est, & cum secum fuisset diu ab eodem moriente hæres relicta, & sic ditata. Verum sunt qui dicant hanc non Floram, sed Acciā Laurentiam fuisse, quæ Romulum Remumq; seu nutriuerat, seu postea nutriuerit, sanè huius discordantiæ ego nō curo, dūmodo constet Floram meretricem & diuitem extitisse. Hæc autem, ut eo tendam, quo cupio adueniente mortalis uitæ termino, cum nullus ibi filius esset & nominis perpetuandi cupida (vt reor) foemineo astu, in futuram sui nominis gloriam Rhomanum populum substantiarum suarū sibi dixit hæredem, in hac tamen parte diuitiarum seruata, ut quod ex ea annuū susciperetur scœnus in anniuersarium natalis sui ludis publice factis errogaretur omne, nec eam fefellit opinio, Nec cum gratiam Rhomanę plebis ex hæreditate suscepta captasset annuos in memo-

riam sui nominis fieri laudes obtinuit facile, in quibus spectante vulgo ad eius
 puto quæstum posteris ostendendum inter alia turpia, nudæ meretrices mi-
 norum officium, summa cum insipientium voluptate gesticationibus im-
 pudicis, & varijs exercebant, qua illecebri ostentatione actum est, ut seu ex-
 facinore suscepto, seu ex ære publico annis singulis, cum instantia ludi huius-
 modi, tanquam sanctissimi à plebe in libidinem prona peterentur, & Florales
 ab institutrice etiam dicerentur. Sanè tractu temporis cum senatus originis
 eorum conscius erubesceret, Urbem iam rerum dominam tam obscena ma-
 culari nota, & in meretrices laudes cōcurreret oēs. Quūq; aduerterent illam
 facile deleri non posse ad ignominiam subtrahendam turpidini detestabilem,
 atq; ridiculum superiniunxit errorem, finxit quippe in splendorem Floræ in-
 clytæ testatricis fabulam, & ignaro iam populo recitauit, illam asserens iam
 dudū miræ pulchritudinis indigenam fuisse Nympham nomine Chloram,
 & à Zephyro uento, quē Latine Fauonium dicimus, ardentissime amatam,
 & postremo in coniugem sumptam, eiq; ab eodē quem stultitia sua inter deos
 nominabant, dotalitio quodam munere, seu propter nuptias, ut sit deitatem fu-
 isse concessam, hoc cum offitio, vt uere primo arbores collesq; & prata flo-
 ribus exornaret, eisq; præesset & inde ex Chlora Flora etiam diceretur, &
 quoniam fructus ex floribus sequerentur, ut deitate eius placata ludis, illos
 ampla quadam libertate concederet, et in fructū deduceret, eidem Deæ
 sacrum, aras, ludosq; à uetustate fuisse concessos. Qua seducti
 fallatia eam, quæ uiuens fornices coluerat, à quibuscunque
 etiam pro minima stipe prostrata, quasi suis alis Ze-
 phyrus, illam in cœlum detulerit, cum Iunone
 regina deabusque alijs sedere arbitrati
 sunt. Et sic ingenio suo Flora &
 fortunæ munere, ex male
 quæsitâ pecuniâ, ex
 meretrice
 Nympha facta
 est Zephyriq; lucra-
 ta coniugium, & deitatis
 numen apud mortales in templis
 residens, diuinis honoribus celebrata,
 adeo non solum ex Chlora Flora, sed clara u-
 biq; locorum, ex insigni sui tempo-
 ris scortatione facta sit.

DE ROMANA IUVENCULA.

Caput lxiij.

Carceribus damnata Iuencula sortis iniquæ
 Vi, rabida perdenda fame, quam filia lacte,
 Liberat atq; fouet, vitam producit & auget.

Romana Iuencula fuit, nec ex fece plebeia ni fallor traxit originem. Cui deperditum malignitate fortunæ nomen, et parentum coniugisq; notitia, forsan aliquantulū meriti decoris surripuisse videbitur, sed ne per me subtractum videatur, etsi inter claras locū nō dederō apponere mens est, & innominatę mulieris pietatem inclytam referre. Fuit ergo Iuenculę huic honesti generis mater, sed infelix. Nam Romę apud prætoris tribunal (ob qđ nā meritum nescio) capitali supplicio damnata, & à prætore triumuiro, vt illi iam indictam sententiā pœnam infert tradita, à triumuiro autē in hoc idem publici carceris custodi exhibita. Verum quoniā nobilis esset, vt nocte necaret inunctum est, custos autē humanitate quadam impulsus, dum ingenuitati mulieris cōpateretur, in eam sœuire manibus noluit, sed viuam clausamq; ut inedia consumeretur obmisit. Ad quā visendam filia uenit, & excussa prius egregie, ne quid sibi, deferret introrsum intrare carcerem à custode obtinuit, esurientiç iam matri, lacte quo recenti habundabat partu opitulata est, demū continuatis diebus plusculis, coepit mirari costos, quod tamdiu dānata mulier absque cibo traxisset spiritum, & clam quid eū matre ageret nata prospectans, aduertit, quoniā eductis mamillis illas fugendas ori matris admoueret. Admiratusq; pietatem, & inusitatum nuterendi matrem modū natę cōpertū triumuiro retulit, triumuir autem prætori, prætor publico nunciauit consilio, ex quo cōmuni sensu factum est, ut pietati filię donō daretur meritum matris supplicii, sic seruanti in pugna viribus ciuem, quernēā coronam largiebatur antiquitas, qua lacte seruantem in carcere matrem genitā decorabimus, nō equidem tam pio facinori satis dignū sertum cōperies inter frondes. Hęc pietas non solum sancta, sed admirabilis fuit, nec tantum æquanda quinimò præferenda nature numeri, quo docemur paruulos natos lacte infirmiorē ætatē deducere, ac parentes morti subtrahere. Mirabiles ergo pietatis sunt vires, nam nedum fœminea corda, quę facile in cōpassionem trahunt & lachrymas, sed nōnunq; in effrenata, & Adamantina obstinatione durata penetrat pectora, & posita circa præcordia, sed primo humanitate flexibili durum emollit omne, & opportunitatū indagatrix atq; cōparatrix optima agit, ut lachrymas cū fletibus misceant ægritudines, atq; pericula saltem desiderio subeant, & nōnunq; si desint

H iij remedia

remedia vicarias subeāt mortes, qui tam grandes effectus agunt, ut minus mirerur, si quid pium filij in parentes agamus, cum eo potius uideamur vices reddere, & quod aliās sumpsimus debita restitutione persolvere.

DE MARTIA VARRONIS.

Caput lxiij.

Martia Varronis, uirgo manet intemerata,
Quæ merito excellat, uirginitate sua.

Martia Varronis perpetua virgo Rhomæ, iam dudū reperta est. Cuius tamen Varronis inuenisse non memini, nec etiā qua ætate. Hanc ergo obseruatam, uirginitatē tanto egregiori laude extollendā puto, quod sui iuris foemina sua sponte, non superioris coactione integriorem seruauerit. Nō eīm Vestæ ac sacerdotio alligatam, ac Dianæ voto obnoxiam, seu professiōis altius implicitam, quibus plurimę, aut cohercerentur ac retinentur inuenio, sed sola mentis integritate superato carnis aculeo, cui etiā præstantissimi nōnunq̃ succubuere viri, illibatum à contagione hominis corpus in mortem usq̃ seruasse. Verum etsi hac tamen cōmendabili constantia plurimum, hæc laudanda sit Martia, non minus tam ingenij uiribus, & artificio manuū cōmendanda est. Hæc equidē seu sub magistro didicerit, seu mōstrante natura habuerit, nobis incertū est, cū hoc uideatur esse certissimum, quod aspernatis muliebribus ministerijs, ne otio tabesceret, in studium se picturæ atq̃ sculpturę dederit omnem, & tandem tā artificiose tamq̃ polite penicillo pinxisse, atq̃ ex ebore sculpsisse imagines, vt sopolini, & dionisium suæ ætatis pictores famosissimos superauerit, eiusq̃ rei fuit notissimū argumentū, tabulas à se pictas cæteris preciosiores fuisse, & quod longe mirabilius, asserunt eā non tantum ex imie pinxisse, quod & nōnullis contigit aliquando, verū adeo veloces ad pingendū habuisse manus, vt nemo vsquā similes habuerit. Fuerunt insuper diu eius artis insignia, sed inter alia eius effigies, q̃ adeo integre lineaturis coloribusq̃ seruatis, & oris habitu in tabula, speculo consulente, protraxit, vt nemini coætaneo, quæ nam foret ea uisa verteretur in dubium, & inter cæteras, ut ad singulares eius mores deueniamus, ei fuisse mos præcipue asserunt, seu penicillo pingere, seu sculperet Celte, mulierū imagines sæpissime facere, cū raro uel nunquam homines designaret. Arbitror huic mori pudicus rubor causam dederit, nam cum antiquitas, vt plurimum nudas, aut seminudas effigiaretur imagines.

gines, visam illi sit opportunum, aut imperfectos viros facere, aut si perfectos fecerit uirginei uideretur oblita pudoris. Quæ ne in alterum incideret ab utroque abstinuisse satius arbitrata est.

DE SULPITIA FVLVII CON- iuge. Caput lxxv.

Numen erat cœleste, suo splendore uigebat,

Castâ nimis, sancto multus in ore uigor.

Inclita plus alijs, superum quæ munere sacro,

Prædita uirginibus, uirginitate fuit.

Sulpitia olim uenerandissima mulier, non minus matronarum Rhomanarum testimonio laudis obseruatâ castimoniam, quæ cultro se perimens Lucretia consecuta est. Hæc enim seruij Patriculi filia, Fuluij Flacci cōiunx fuit, nobiles ambo uiri. Et cum senatus iussu à decemuiris more ueteri, Sibyllinis libris decreuisset, ut Veneris Verticordiæ simulachrum cōsecraretur in urbe, ut uirgines cæteræque mulieres, non solū à libidine abstinerent, sed etiam facilius in laudabilem pudicitiam uerterentur, petiuissetque iuxta decem uirorum mandatum, quo cauebatur, ut castior ex Rhomanis matronis dedicaret illud, ex ingenti multitudine, qua tunc abundabat Rhomia castarum fœminarum iudicio actum est, ut primo eius agentibus centum ex omni cœtu, quæ pudicitia clariores existimatae essent, selectæ traderentur, inter quas una Sulpitia sumpta est. Demum senatus iussu earundem mulierum iudicio ex centum decem, etiâ lucidiores subtractæ, quas inter & Sulpitia numerata. Postremo cum ex decem peteretur una, summo omnium consensu Sulpitia data est. Cui & si pulchrum fuit, ea tempestate Veneris Verticordiæ dicasse simulachrum, longe tamen pulchrius, tam ingentis multitudinis existimatione fuit, quod castimonia prælata cæteris, eo quod non tantum assistentium oculis, tanquam quoddam cœleste pudicitiae numen, omnium admiratione conspecta sit, sed futurorum omnino quo etiâ ueneratione, ferè inmarcescibilem gloriam nomen eius uideatur esse delatum. Sed quaeso inquiet aliqua, si centum pudicæ electæ sunt, quid huic uni, aliarum magis pudicitiae superaddi potuit, ut cæteris merito præferretur? palam est, hi uel hæ uideant, quæ arbitrantur solum ab alieno, quam uiri concubitu abstinuisse pudicam. Quæ quidem si intueri saniori uelimus oculo, non solum consistit ab amplexibus exterorum uirorum abstinere, quod multæ etiam inuitæ faciunt. Equidem oportet matronam ut pudica integre dici possit, ante

Hinc alia

alia cupidos vagosq; frenare oculos, eosq; intra uestimentorum suorum fimbrias cohercere, verba non solū honesta, sed pauca, et pro tempore effundere, otium tanquā certissimum & perniciosissimum pudicitiae hostem effugere, à cōmessationibus abstinere, cū absq; Libero & Cerere frigeat Venus, cantus atq; saltationes, tanquam luxuriæ spicula euitare, parsimoniae ac sobrietati vacare, domesticam rem curare, aures obscenis confabulationibus obturatas habere, & à circuituionibus abstinere pigmenta, & superuacaneos odores abijcere, ornatus superfluos respuere, cogitationes appetitusq; noxios, totis calcare viribus, meditationibus sacris insistere, atq; vigilare, & ne per cuncta discurrā pudoris integri castimonia virum solum summa dilectione colere, cæteros (nisi fraterna diligat charitate) negligere, & uiri etiam non absq; frontis, animiq; rubore in amplexus ad prolem suscipiendam accedere. Quæ cum forsan omnia in cæteris non inuenirentur explicita, & in sola Sulpitia comparata, merito eam cæteris prætulere;

DE ARMONIA SICVLAE

lonis filia. Caput. lxvi.

Ecce fide felix, infelix perditione;

Sponte sua præbens ense ferire caput.

Seditione cadit Sicula, genus omne potentum,

Virgineam in cædem barbara turba ruunt.

ARmonia Sicula iuuenis Gelonis, fratris Hieronis regis Syracusarum fuit filia. Quæ quanquā regio genere fuerit insignis, longe tamen magis pietate sua digna memoratu facta est. Hanc quidam uirginem occubuisse uolunt. Alij uero Themistij cuiusdam coniugem, utrum horū magis placeat sumatur, cum nil ad diuersitatem opinionū, ex eius pia fortitudine subtrahatur. Cum igitur Syracusanorum coetu atq; repentina seditione in omnem regiam prolem sæuiretur à populo, & iam trucidato Hieronymo rege adolescentulo, atq; Andronodoro, & Themistio regij generis, & in Damaratam & Heracliam Hieronis filias & Armoniam Gelonis, multitudinis expeditis gladijs tumultuosus fieret incursus, actum est sagacitate nutricis Armonie, ut regio exornata cultu, uirgo quædam Armoniae coæua, pro Armonia interfecto-ribus pararet. Quæ quidē uoto preparantis in nulla fuit aduersa, quinimò cum in se latronum infestis mucronum cuspidibus irruere multitudinem cer-neret, nec illa exterita aufugit, nec cōditionem suam ferientibus pfessa est, nec latitantem

latitantem etiam Armoniam loco cuius occidebatur accusauit, verum tacita & immota suscipiens letiferos ictus occubuit. Felix perijt, & infelix Armonia, felix fide, infelix perditione fidelis. Attamen cum ex occulto innocuæ puellæ perseuerantiam & fortem in mortem animum, ac manantem ex vulneribus virgineum sanguinem cerneret Armonia, stupens cū uirgine cæsa, iamq; abeuntibus percussoribus posset euadere, toto pectore admirari fidem cœpit, & inclyta pietate capta, effusis lachrymis, passa non est impune cruorem innocuum prospectare, & vitam tantopere, ac aliena fide seruatum in æuum, protelare longius, satius ducens ad inferos, cum tam fida iuvene immatura morte descendere, quam canos cum fidis ciuibus expectare, O pietas, O prisca fides, quæ euaserat in medium prodiens, reuocatis in se cruentis gladijs, fraudem nutricis, & occisæ fidem, suamq; cōditionem confessa, sanguinem suum ultro in ferias occisæ concessit, & crebris lacessita vulneribus in quantum potuit secus cadauer præmortuæ corruit, cui quod pietas diu abstulit dignissimū literis restituisse fuit: uerū difficile cernere cuius maior, an præmortuæ fides, an sup- uiuentis pietas fuerit, illa uirtutem primæ, hæc secundæ nomen facit æternum.

DE BUSA CAMVSINA APV-

la muliere. Caput lxvij.

Fœmina larga manus, sanctissima mentis
 Conspicuæ, multa quæ bonitate fuit,
 Hospitio illa uiros ad Cannas vulnere cæsos
 Accipit, & curat languida membra virum.

BVsa quam quasi Busa cognationis sit nomen quidam Paulinam uocant, mulier fuit apula origine Camusina, quam ut ex generoso sanguine natam credam, & alijs meritis pluribus splendidam, facit magnificum illud facinus, quod unicum de ea posteritate reliquit antiquitas. Aiunt enim Hannibale Poeno infesto bello aduersus Rhomanos agente, atq; igne ferroq; omnem Italiam populante, & sanguine plurimo foedate, cum apud Cannas Apulum uicum, magno certamine non solum hostes superasset, sed ferè Italicas omnes confregisset uires, actum est, ut eo conflictu cædēque ingenti noctu per deuia, ex multis dispersis vagisq; circa decem milia Camusium deuenirent, quæ tunc ciuitas fidem Rhomanæ societatis seruabat, quos omnes exangues, fossos, inopes, inermes, nudos, affectosque vulneribus, non exterrita casu, nec victoris potentia, comiter proprijs in ædibus Busa suscepit hospitio

hospitio, eosq; ante alia bono esse animo iussit, et adhibitis medicis uulneratos materna affectione curari fecit, nudis uestimenta, imò cunctis mira liberalitate concessit, & cottidianos omnibus sumptus ex bonis exhibuit suis, refocillatisq; comi pietate miseris, & in spem reuocatis, abire uolentibus, ultro uiaticum cunctis concessit, nec ulla ex parte circa opportunitates continuo, affluentium manus retraxit. Equidem mirabile dictu, & in muliere longe laudabilius, q̃ si homini contigisset. Alexandrum enim Macedonum regem, & uniuersi orbis inuasorem, inter alia eius decora præcipua magnificentia extollere prisci consuevere, asserentes eum, ne dum iocalia preciosa, pecunias ingentes, & muneris huiusmodi per maxima munificentijs aliorum principum ferè largiri consuetum, uerum principatus eximios, regina splendida, & amplissima imperia amicis, & nonnunquam uictis regibus exhibere, pulcrum quidem & magnificum, & totum extollendum præconij est, sed minime (ut reor) Busæ magnificentie adequandum. Nam Alexander uir fuit, foemina Busa, quibus familiaris, imò innata tenacitas est, & animositatis per minimū, rex ille & maximus, hæc priuata mulier, ille quod uolentia surripuerat sua, hæc quidem iure hæreditatio possidebat, ille quod sibi forsitan cōmode seruare nequibat, hæc quod diu seruauerat, & seruasse uolens adhuc poterat, ille bene meritis & amicis, hæc etiā extraneis & incognitis, ille rebus florantibus suis, hæc suis mutantibus, & periclitantibus amicorum, ille apud exteras nationes, hæc sub patrio cœlo in presentia inter suos, ille ut gloriam munificentie lucraretur, hæc ut indigentibus auxilium impenderet, quid multa? si mentem, si sexum, si qualitatem prospicimus amborum, non dubitem, quin sub æquo iudice longe, plus Busa ex liberalitate sua, quam Alexandrum ex sua munificentia gloriæ consequatur, sed cui uultis candidior cedat laus, mea sententia Busa suis substantijs optime usa est, non enim natura parens è penetrabilibus terræ in publicum eduxit aurum, ut ex matris utero deferretur in tumultum quod auari faciunt, cum Archiuo sepeliunt & custodia nimia incubant, quasi iterum nascituro, uerum ante omnia ut cōmuni exhiberetur cōmodo, inde honesto fulgori nostro, & amicorum cōuietui, & si supersit prostratis fortunæ iniuria, ira cœli fatigatis, paupertate minus digne pressis, carceri alieno crimine clausis, & quibuscunq; attritis egestate anxia, ministremus suffragia liberali animo, non equidē ut apareamus, uerum ut perficiamus, non ut lucremur, sed ut largiamur huiusmodi impendenda sunt cōmoda, eo adhibito rationis moderamine, ne dum alijs opitulamur nobis procuremus in inopiam, qua cogamur alienis ne dum dicam manus violentas iniicere, sed nec etiam oculis inhiare.

DE SOPHONISBA REGINA

Numidiæ. Caput lxviij.

Magna decore fuit Sophonis, balibidine maior,
 Illecebres coitus, finxit inane pecus.
 Blanditijs precibusq; toros affectat & ambit
 Illicitos, multo sanguine sæuit atrox,

Sophonisba quidem, posito splendens Numidarum regina incesse-
 rit, au-
 steritate mortis intrepide à se sumptæ longe luculentior facta est. Hæc
 enim filia fuit Asdrubalis Gisgonis, filij maximiq; Carthagenensium princi-
 pis Hannibale vexante Italiã, quæ cum esset ætate florens & forma satis egre-
 gia, à patre Syphace potentissimo Numidiæ regi, in coniugium virgo copula-
 ta est. Nec equidem desiderio regiæ affinitatis tantum, sed optabat uir sagax
 instante Rhomanorum bello, non solum Barbarum regem Rhomanis sub-
 trahere, sed opere filiæ blandientis in partes Carthagenensium, aduersus Rho-
 manos cõuertere, nec à præcogitata fallatia deceptus est, nam cū nuptias Sy-
 phax celebrasset à præmonita adolescentula formositate fauente, intantum sue
 dilectionis ardorem tractus est, vt nil præter illam sibi charum, aut delectabile
 arbitraretur Syphax: & sic dum ureretur infelix, & appareret Corneliũ Sci-
 pionem ex Sicilia in Africam, cum exercitibus traiecturum Hasdrubalis mo-
 nitu, Sophonisba blanditijs precibusq;, adeo Syphacis animũ in desiderium
 suum traxit, vt non solum Rhomanos relinqueret, quibus amicitia fide-
 præstiterat, & Carthagenensibus iungeretur, verum ultro alieni belli princi-
 patum assumeret, quamobrem perfidia calcata fide, quam pridie Scipioni ho-
 spiti suo promiserat, ei p literas nondũ transfretanti in Africam interdixit in-
 gressum, cæterum Scipio ingentis animi iuuenis, damnata Barbari regis ne-
 quitia, depositis haud longe à Carthagine copijs, illum ante alia expugnauit
 per Masinissam regem socium, & Lælium legatum suum, per quos exercitu
 fuso, captus, vinctusq; deductus est Cyrtam, regiam Numundiæ ciuitatem,
 nec ante cathenis onustus ciuib; ostensus est, quam Masinissæ ciuitatis de-
 dicatio facta, qui cum nondum Lælius appulisset, eam, motu rerum repenti-
 no tumultuantibus omnibus, regina, ut erat armatus intrans, obuiam habuit
 Sophonisbam, quæ fortunarum suarum conscia, cum eum intrans uesti-
 bulum vltra alios armis insignem cerneret, vt erat regem auspicata ad eius
 procliuis genua pristinae fortunæ animum retinens, inquit: sic rex inclyte deo
 visum est, & felicitati tuæ, vt in nos, qui paulò ante reges eramus, quæ velis
 possis omnia, verum si permissum est, vt captus corã victore & vite morisq;
 suæ do-

suæ domino, supplices uoces emittere possit, eius genua atq; dexteram uictricem contingere, deiecta precor per maiestatem tuam, in qua & ego paulò ante eram, percipere genus regium, & cōmune Numidicum nomen, et si meliori suscipiaris omine, quam hinc abierat Syphax, in me, quam iuris nouit aduersa fecit fortuna, agas, quod in oculis tuis pium bonumq; uisum sit, dūmodo insolenti & fastidioso (potissime Pœnis) Rhomanorum arbitrio uiua nō tradar. Facile enim potes aduertere, quid ego Rhomana, hostis Carthaginensis & Hasdrubalis filia (sino quod Syphacis coniunx) timere possim, & si omnis in hoc alius tollitur modus, ut tua manu potius moriar facito, quam hostium in potestatem uiua deueniam precor & obsecro, Masinissa qui & ipse Numida erat, & (uti omnes sunt) in libidinem pronus, uenustatem oris orantis inspiciens (addiderat quippe infortunium pium quoddam, & insolitum decus) supplici motus & humanitate, à libidine tractus, cum nondum aduentasset Lælius, uti erat in armis dextera data, inter scēminarum quæculos ululatus, & tumultum discurrentium undiq; militum leuauit orantem, eamq; ex templo sibi iunxit in coniugem, medio in strepitu Rhomanorum nuptijs celebratis. Puto hac uia arbitratus & libidini suæ, & precibus Sophonisbæ inuenisse modum, die demum sequenti Lælium uenientem suscepit, & eo sic iubente cum omni regio ornata & præda cætera, ac noua coniuge redeuntes in castra, primo à Scipione ob rem bene gestam comiter suscepti sunt, deinde cū ab eo celebratas cum captiua Rhomani populi nuptias amicabiliter redargutus esset, & in tabernaculum secessisset, arbitrisq; remotis, suspirijs lachrymisque oppletus diu ingemuisset, adeo ut à circumstantibus audiretur, vrgente Sophonisbæ fato accersiri ad se iussit, quem ex seruis fidelissimum habebat, cui cōmiserat seruandum venenum ad incertos fortunæ casus, eiq; præcepit, ut illud poculo dilutum Sophonisbæ deferret, diceretq; libenter se illi quam sponte dederat fidem seruaturum si posset, Verum quoniam à quibus poterat arbitrium subtraheretur suum, quam ipsa potuerat, non absque mœrore suo præstabat fidem, si vti velit, scilicet, ne in potestatem uiua veniat Rhomanorum, ipsa tamen patris patriæq; & duorum regum, quibus paulò ante nupsert, memor sibi quod videretur consilium sumeret. Quo quidem auditu constanti vultu, merito dixit, accipio nuptiale munus, & si nil aliud à viro coniugi dari poterat, gratum habeo, sed refer satius me morituram fuisse, si non in funere meo nupsissem, hæc acrius dicta dedit quam poculum sumperit, & nullo signo trepidationis ostenso, confestim hausit omne, nec diu tumescens in mortem, quam petierat miserabunda collapsa est, Ædepol annoso homini cui iam uita tædium, nec spes alia præter mortem, ne dum puellulæ regiæ, tunc habito ad notitiam rerum respectu uitam intranti, & quid in ea dulcedinis sit percipere

percipere incipienti, magnum & admirabile fuisset, & nota dignum morti certe adeo impauide occurrisset.

DE THEOSENSA HERODICI

principis filia. Caput Ixix.

*Illa Tyrannidis impatiens, in funere natos
En agit, atq; manu pignora chara necat.*

Theosena Thessala ac nobilis origine mulier, hinc dulci pietate, inde atrocitate seuera inditum de se futuris testimonium liquit. Hæc enim Herodici Thessalorum principis, Philippo Demetrii filio Macedonibus imperante filia fuit, eiq; soror ex eisdem parentibus extitit Archo nomine, quib; cū primo eiusdem Philippi nequitia pater occisus esset, tēporis tractu eadem suadente perfidia, ab eodem nefaria morte uiris priuatae sunt, unicuiq; ex uiro filio unico relictis superstite. Eis igitur uiduis Archo primo Poridi cuiusdam gentis eorum principi nupsit, multosq; ex eo filios peperit. Theosena aut cōstantiori animo à multis proceribus frustrata in coniugium expetita, longius uiduitatem seruauit, uerum cum morte subtracta fuisset Archo, compassa nepotibus ne ad manus nouercæ alterius uenirent, seu aliter minus accurate alerentur à patre, & eos tanq; proprios educaret, eidem Poridi sese cōnubio iunxit nulla lege illis temporibus prohibente, ccepitq; non aliter, quā si ipsa foret enixa, pia cum diligentia illos alere, ut satis appareret eorum magis obsequio, quam suum ob cōmodum nupsisse Poridi, quibus sic se habentibus, cōtigīt vt Philippus Macedonum rex, eo quod inquieti esset ingenij, iterum aduersus Rhomanos, tunc orbe clara felicitate florentes bellum moliretur animo, et ob id cū euacuasset maximo regni sui motu ueteribus colonis, ferè omnes Thessaliae maritimas ciuitates eosq; in Poemā, quæ postea Æmāthia dicta est, mediterraneam regionem turmatim transmigrare iussisset, Thracibusq; eius orē tanquam futuro bello aptioribus, atq; fidelibus oppida cōcessisset uacua, audissetq; abeuntium execrationes in se, ratus est, nil sibi tutum fore, ni falios eorū quos dudum truculentus occiderat, æque perimeret omnes, quos cū capi iussisset, & in custodiam seruari, ut non uno cunctos ictu cederet, sed uicissim successu temporum aboleret actum est, ut Theosena scelesti regis edictum audiret, & memor sui sororisq; uirorum necis, filium nepotesq; peti arbitrata est, & existimans si in regis deuenirent manus, non solum sæuitiæ eius ludibrio futuros, sed etiam custodum necessitate cogente libidinem & fasti-

I dia subi-

subituros, ad quod euitandum confestim in atrox facinus iniicit animum, ausa^q dicere viro patri^q eorum se potius, si aliter non daretur occisurā omnes propria manu, quam pateretur in Philippi potestatem deduci, Poris aut ex-
cratus tam scelestum crimen, in solatium uxoris natorum^q salutem, deporta-
turum se eos, & apud fidos hospites positurum fugæ^q futurum comitē spo-
pondit, nec mora, cum finxisset se à Thesalonica æneam ad statuam, quotan-
nis Æneæ conditori sacrificium profecturū, ibiq; inter solemnes cæremonias
epulas^q diem consumpsisset, una cum natis & coniuge clam soporatis omni-
bus noctis vigilia tertia, tanquā in patriam rediturus, præparatam nauim con-
scendit, eo proposito, ut Euboeam non Thesalonica peteret. Cæterum longe
illi aliter contigit, uix dum littus Æneæ reliquerat, & ecce per noctis tenebras
ventus ex aduerso surrexit, eum non quo cupiebat, sed unde discesserat inuitū
retrahens, Cui cum frustra remis in contrarium niterentur nauales socij, dies
eluxit, littori propinquos ostendit, regij vero custodes, ex portu laborantem
nauem cernentes, eam^q moliri, fugam existimantes, ad eam retrahendā con-
festim armatum misere Lembum, graui imperantes edicto, ne qui mittebant
absq; naui reuerterentur in portum, Poris quidam instantis periculi conscius,
dum Lembū cernit venientem, nunc remiges nautas^q, ut totis insisteret viri-
bus, nunc deos vt periclitantibus præstarent suffragium intentus orabat, qd
Theosena conspiciens, nec ignara periculi, quasi sibi à superis tempus præsti-
tum foret, dum Poridem orantem cernit, ad præcogitatum reuoluta facinus,
euestigio venenum poculo diluit, & expediuit gladios, & filio atq; nepotib;
in conspectu ponit, & ait, mors sola vindictam salutem^q nobis omnibus præ-
stare potest, ad mortem poculum gladius^q sunt viæ, qua quencūq; delectat
regia superbia fugienda est. Mei ergo iuuenes generosos excitate animos, &
qui maiores estis viriliter agite, capite ferrum, aut poculum haurite, si mors se-
uior fortasse delectat, & in eam libram confugite, postquam in uitam tendere
æstuosi maris impetus prohibet. Aderant iam hostes & atrox scœmina mor-
tis auctore instabat, vrgebat^q iuuenes hæsitantes, quamobrem alij alio læto
absumpti, semianimes, & palpitantes adhuc Theosena iubente præcipitantur
è nauic^q cum quos pie educauerat ob libertatem egisset in mortem, ne sibi quā
disuaserat alijs seruitutem seruasse videretur, egregio animo virum adhuc o-
rantem in mortis comitem complexa est, secum^q in procellosum mare præ-
cipitem traxit, satius libere mori rata, quam uiuens scœda seruitutæ tabe-
scere, & sic hostibus naue relicta vacua, solatium sæuetiæ suæ
Philippo abstulit, & sibi dignum memoria mulier
austera monumentum peperit:

DE BERONICE CAPPADOCIÆ

regina. Caput lxx.

Viribus atq; armis regina induta Tyrannum,
Qui natos cædit, sternit & illa, trucem.

Beronices Pontica, cui & Leodices nomen fuit, & sanguis fulgore locum inter claras mulieres sibi quæsisse forsan uideatur longe magis, non ob feruidum amorem in filium (quo ut plurimum matres utuntur) sed ob meritum insignis eius audaciæ, in uindictam eius sumendam occupasse censetur. Quod ne uideatur à calamo surreptum paucis explicandum est. Hæc Mithridatis regis Ponti, eius qui aduersus Aristonium, cū Rhomanis paulò ante bellum gesserat, & repentina demum subtractus morte fuerat, filia fuit, & Mithridatis superioris Mithridatis filij, & hostis diuturno bello Rhomanorum, soror Ariarapti Cappadociæ regi nupsit, cui per insidias agente Mithridate Beronicis fratre, à Gordio quodam occiso filij duo fuere superstites, uerum cum Nicomedes ea tempestate Bithyniæ rex Cappadociam occupasset, quasi cæde regis uacuum regni auidus Mithridates pietatem finxit, seq; recuperaturū nepotibus regnum aiens, arma sumpsit in Nicomedem. Sanè cū comperisset Leodicem uiduam Nicomedi nuptam, ficta pietas in ueram conuersa, pulso armorum uiribus ex Cappadocia Nicomide: Ariarapti natu ex fratribus grandiori patrum regnū constituit, quæ cum postea facti pœnitens, per fraudem occidisset, & iunior alter cui Ariaraptus nomen erat, ex Asia ab amicis reuocatus regnare uideretur (ut placet aliquibus) opere Mithridatis eiusdem per insidias etiam trucidatus est, quod adeo ægre tulit infelix genitrix gemina orbata prole, ut dolore coercita sexus oblita, furens arma corriperet, & iunctis iugalibus equis, currum conscenderet, nec fugientem cursu præcipiti, Cenum satellitem regium scelesti facinoris executorem sequi primo desisteret, quam eum, cum hasta nequisset, saxo ictum prostrasset, superque iacentis cadauer indignabunda currum ageret, & inter hostilia tela nullo fratris, tunc hostis pauore perculsa, domum usque, in qua cæsi pueri corpus seruari existimabat, perueniret, eique maternas lachrymas miseranda concederet, & officium persolueret funerale. Obone deus, O inexpugnabiles naturæ uires, & amoris inuicti fortitudo, quid maius, quid mirabilius egisse potuistis? quos omnis Asia & forsan iam Italia tremebat exercitus, egistis, ut impauida mulier, & armis induta, impulsu penetraret nostro, & formidabilis regis despectis uiribus odioq; ad eum perimendum, cui victoris munus & gratia seruabatur audaciam ingenium præstitit & robur.

Attamen hunc alij ægritudine
H ij dine

dine fatigatum puerum naturæ soluisse debitum nolunt, & eum quem à Mithridate fraude cæsum diximus, fuisse, quem mater eo quo potuit conatu ulta est.

DE CONIVGE DRIGIAGON-
tis Gallogræci. Caput lxxi.

Villatum tulit illa stuprum, sed turpis adulter
Vi perit, atq; caput foemina punit eum.

DRigiagontis Gallogræcorū reguli coniugis meritum decus, & claritatis præcipue præmium videbatur posse subtrahere ignoratū nomen, quod barbaries Idiomatis incogniti inuida nostris laudibus (reor) inter mediterraneos Asiæ saltus & spelæas obruit, latinisq; clausum subtraxit, Sed absit, vt hoc infortunij crimen egisse potuerit, quin illi sub mariti titulo, qd' nostræ possunt literulæ, splendoris meriti impendatur. Superato igitur à Rhomanis, sub duce Scipione Asiatico, Anthiocho magno Syriæ, Asiæq; rege, Cneus Manlius Torquatus consul Asiam sortitus provinciā, ne frustra transulisse videretur copias, seu otiosum haberet militem, peragratis hostium reliquijs circa maritimas oras, suo ex arbitrio in montanas abditasq; regiones euectus Asiæ, aduersus Gallogræcos efferatos Barbariæ populos, qm Anthiochum aduersus Rhomana arma subsidijs iuuisset, & nonnunquam omnem turbarent discurSIONIBUS Asiam, acre bellum intulit. Verum cum iam diffiderent Gallogræci, oppidis relictis, in vertices montium natura loci munitos, cū coniugibus filijsq; & relictis fortunis suis abire, & se armis à circumfidentibus hostibus, quibus poterant tutabantur & uiribus. Attamen duro militum Rhomanorum robore superati, ac per decliua montium deiectionisq; qui superfuerant, deditione facta victoriam Manlij confessi sunt, erat captiuorum utriusq; sexus, & ætatis, multitudo ingens, custodiæ quorū præpositus Centurio, cū Orgiagontis galli reguli coniugē uidisset ætate ualentem, et corporis formositate conspicuam, in eius lapsus concupiscentiam, Rhomanæ honestatis inemor, aspernanti quibus poterat uiribus stuprum intulit, qd' mulier adeo grandi pertulit indignatione, vt non magis libertatem cuperet, quā vindictam. Sed cauta in tempus uotum silentio textit. Cum autem venisset pro redimendis captiuis, pecunia pacta, excanduit, innouata ira casto sub peccatore mulieris, quæ præmeditata quid sibi faciendum instaret, soluta uinculis, cum suis se traxit in partem, iussitq; Centurioni poscenti ponderari aurum.

Cui

Cui operi dum Centurio intentos animum tenebat & oculos, hæc Idiomate suo, Rhomanis incognito, seruis imperauit, vt centurionem percuterent & caput euestigio præciderent mortuo, quod sinu seruatum illæsa remeauit ad suos. Et cum in conspectu peruenisset uiri, recitassetq; quid captivæ illatum sit, quod detulerat ad pedes eius deiecit, quasi precium illati dedecoris & ruboris foeminei, quod potuerat perægre tum tulisset. Quis hanc non dicam solum Rhomanam, sed ex acie Lucretiæ vnam potius, quam barbaram mulierem non dicat, stabant adhuc in conspectu carcer et cathenæ, & circumstrepabant victricia arma, & sæui vindicis superiminebant secures, nec dum satis erat mulieri libertas reddita, cum labefactati corporis indignatio in tam grandes vires honestum pectus impelleret, vt nec iterum, si oportuerit subire cathenas, in captiuam trahi, tetrum intrare carcerem, & ceruicem præbere securibus, non expauerit animosa foemina, inclyta scelesti facinoris vltrix, quin ser uorum gladios constanti iussu in caput, infausti stupratoris adigeret, quo nam acriorem hominem, animosiores ducem, seueriorem in male meritos imperatorem comperies? Quo nam sagatiorem audatioremq; mulierem adeas? aut matronalis honestatis magis peruigilem seruatricem, uidebat mirabili mentis perspicacia foemina hæc, quam satius foret in mortem ire certam, quam

cum incerto dedecore domum viri repetere: nec nisi per maximos ausus, & discrimen posse testari in corpore violato illibatam fuisse mentem. Sic ergo decus ser-

uatur foemineum, sic sublatum recupera-

ratur, sic pudici cordis testimonium

redditur, & ideo prospectent,

quibus inclytæ pudici-

tiae cura insidet

animo,

quoniam non

satis sit ad cordis syn-

ceritatem testandam, la-

chrymis, & querilis se uiolen-

tiam passam dicere, nisi cum possit,

quis in uindictam egregio pro-

cessit opere.

DE TERTIA ÆMYLIA PRI-

mi Scipionis Africani Coniuge.

Caput lxxij.

Tertia pectus habet præclara Heroïde dignum,
Cui pudor est cordi, quem tegit arte, viri.

Tertia Æmylia, & si tam ex claritate familiæ Æmyliorū, ex qua splendidam originem duxerat, quam ex coniugio strenuissimi viri Scipionis primi Africani, perlucida sit, longe tamen ampliori lumine facinoris emicuit suo. Nam cum his scilicet qui iunior quondā Luceio principi, sponsam virginem, primo iuuentutis flore, ac speciosissimi decoris spectabilem, cū thesauris à parentibus pro eiusdem virginis redemptione oblati, in tactam restituit, senior factus, se ipsum à damnatæ concupiscentiæ illecebris nequisset surripere, sed in dilectionem ancillulæ suæ, & concubitus incidisset, quod cum difficilimum sit honesti amoris animaduertentiam fallere, latere Tertiam non potuit, quinimò temporis tractu cuncta cogitauit. Et quis dubitet, quin egerime tulerit, asserunt enim nōnullæ omni oris rubore seposito, nil iniuriosius, nil intollerabilius nuptę mulieri fieri posse, quā quod iure thori suum dicunt à viro exteræ concedi foeminæ, & ego Ædepol facile credam, nā seu fragilitate sexus eueniat, seu minus bona de se opinione faciente, suspiciosissimum animal foemina. Arbitrantur enim euestigio, si quid in alteram à viro agitur, in detrimentum amoris sibi debiti operetur, sed quantūcūq; difficile visum sit, cōstanti tamen pectore mulier inclyta tulit, tantūq; cognitum viri crimen oppressit silentio, vt ne dum alteri, sed nec vir ipse perpendit eam sensisse, quid ageret. Existimabat autem discreta vxor, indecens nimium in propatulo sciri, quod is qui virtute inclyta reges nationesq; validas subegerat, ipse amori ancillulæ subiaceret. Nec sanctissimæ mulieri satis visum, hoc Scipione uiuente arcanum seruasse, quinimò eo iam defuncto ad auferendam à uiri memoria illecebrem notam, si quomodo crimen aliunde expirasse potuisset, & causam, ne ea quæ tam celebris uiri fuerat usā concubitu, aut à quoquā seruitutis improprio deturpari posset, aut minus decenti lasciuia cuiquam misceretur de libidine, qua labefactari uideretur, amplissimi uiri concupiscentia, primo illam manumisit liberali amino, deinde liberto seruo coniugem dedit. O sacris in coelum extollenda laudibus mulier, hinc æquo atq; tacito patiens iniurias animo, inde liberalem in riualem sibi ancillulam defuncti uiri persoluens debita, quod quanto rarius contigisse uidimus, tanto debemus arbitrari splendidius. Conclamasset altera & in concilium vocasset affines uicinas, & quascun-
que co-

que cognitās mulieres, easq; longa dicacitate compleisset onerassetq; querelis
& numeris, se obmissam, se relictam, se uilipensam, se in nullo precio à uiro ha-
bitam, eoq; uiuente viduam, & ancillulæ suæ seruulæ, & deiectæ fortis mœre-
culæ postpositam abiēcisset extemplo, imò sub corona uendidisset ancillam,
uirum etiam publice infestasset lachrymis & quæstibus, nec iurasset dum ius
suum garrulitate defenderet, nunquid honestissimi uiri famam
inclytam macularet.

DE DRIPETRA VALAODI-

ceæ regina. Caput lxxiij.

Dentium & illa dedit serie, spectabile monstrum,

Os spatiosa, fuit, prodigiosa caput,

Hæc faciem turpis, nudosq; exerta lacertos,

Fusca fuit, toto corpore nigror erat.

DRipetruam Loadicæ fuisse reginam, & magni Mithridatis filiam le-
gimus, quam & si commendabilem fecerit ea fides, qua parentibus su-
mus obnoxij, plus satis me iudice illam inaudito, quodam opere memorabi-
lem fecit natura parens. Nam (si codicibus ueterum adhibenda fides est) hæc
cum gemino dentium ordine nata monstruosum de se spectaculum, Asiaticis
omnibus tribuit æuo suo, & si nullum in mandendo à tam inusitata dentium,
quantitate suscepit impedimentum insigni, tamen deformitate non ca-
ruit, quam ut iam pertractum est laudabili fide compescuit.
Nam superatum à Pompeio magno Mithridatem genito-
rem suum, nullis periculis aut laboribus indulgen-
do semper secuta est, & obsequio tam fideli te-
stata naturæ, crimina imputari parenti-
bus non deberi.

DE SEMPRONIA.

Caput lxxiiij.

Spe frustratus abit procus, & non mitis amator,

Permanet & constans fœmina proposito,

Hæc proanos, gentemq; suam, patriosq; penates,

Scipiadas duros, mente referre uolens.

I iijj Sempro-

Sempronia filia fuit Titi Sempronij Gracchi suo tempore clarissimi viri
 suscepta, ex Cornelia olim maioris Scipionis Africani filia, fuit & insu-
 per coniunx splendidi viri Scipionis Æmyliani, qui & aui cognomē ob
 deletam Carthaginem postea consecutus est, & soror insuper Tyberij & Gaij
 Grachorum amplitudine, & constantia animi à maioribus non degenerans
 suis, huic enim post cæsos fratres, ob seditiones suas, aiunt contigisse, ut à tribu-
 no plebis, coram populo in iudicium traheretur, non quidem absque maxima
 consternatione mentis. Ibi autem fauente multitudine, & potestate tribuni-
 tia omni instante, vt ex oscularetur Equitium ex firmo Piceno hominem, tan-
 quam nepotem suum & Tiberij Gracchi fratris sui filium, eum quē ex Sem-
 pronia familia susciperet cogebatur, quæ quidē etsi in loco consisteret, in quo
 etiam principes tremere consueuerant, & hinc inde dissonis clamoribus im-
 peritę multitudinis ageretur minaretur ve, ex aduerso torua facie sublimis tri-
 bunorum auctoritas, in nihilo muliebris constantia facta est, quinimò memor
 Tiberio fratri præter tres filios non fuisse, quorum alter iuuenis dum in Sar-
 dinia stipendia mereretur obierat, & alter adolescentulus paulò ante patris
 ruinam Rhomæ diem clauserat, & tertius infantulus post genitoris cædem
 Postumus natus apud nutricem aleretur, adhuc constantissimo pectore & a-
 cri vultu nulla ex parte territa, extraneū temerariumq; Equitium clarum ge-
 nus Gracchorū mendaci demonstratione fcedare conantes, à se ignominiose
 reiecit, nec ad id agendum quod iubebatur ullis imperijs, aut minis induci po-
 tuit aut flecti, Quæ tam animo se Equitio data repulsa, & insani hominis pro-
 teruia frustrata, & à tribunis accuratius exquisito negotio cognita, & genero-
 si animi mulieris perseverantia laudata est. Erunt forte qui dicant esto iure,
 maiorum suorum Sempronia meruerit, non tamen hęc ob constantiam inter
 claras fuisse ponendam, eo quod quodā innato sibi more mulieres in quocun-
 que proposito obstinatae opinionis, atq; inflexibilis pertinacia sint. Ego autem
 dato quod non infitiar, eas tamen si ueritati innitantur arbitror laudandas,
 Cui profecto Sempronia insistebat. Sunt præterea qui velint hanc tam indo-
 mitæ fuisse ceruicis, vt nil aduersus iudicium suum factum quod requi-
 rit (si daretur facultas) inultum & ob id arbitrantur eam in mor-
 tem Scipionis viri sui præstitisse consensum, eoque dirupta
 Numantia rogatus sententiam dicere, nunquid iuste
 cæsum existimaret Tiberium, nullo habito
 affinitatis respectu, sediciosi homi-
 nis truculentam laudauit
 mortem.

DE CLAVDIA QVINTA MV-
liere Rhomana. Caput lxxv.

Vestis ob immodicum luxum damnabile crimen
Pertulit, immeritis Claudia sacra modis.

Claudia Quinta Rhomana fuit mulier, quibus tamen orta parentibus, non satis patet, verū insigni quidam audacia, perpetuam sibi claritatem peperit. Hæc cum assiduo & uario, & accurata plurimum vteretur ornatu, ac oris cultu nimio incederet splendida, à grauioribus matronis non tantum minus honesta, verū & minus pudica arbitrata est. Sanè Marco Cornelio, & Publio Sempronio consulibus, anno scilicet quintodecimo belli Punici secundi factum est, vt Epesununce deorū mater Rhomā infantibus Tyberis applicaret. Ad quam suscipiendam è naui, cum iuxta responsum oraculi, Nausica ab uniuerso senatu totius vr̄bis vir optimus iudicatus, cum matronis omnibus eo usq; concederet, ubi propinqua nauis contigit, vt uolentibus nauis littori propinquare hæreret, vado fluminis nauis, qua vehebatur simulachrum. Et cū nec trahente iuuenum multitudine posse moueri uidetur, Claudia alijs matronis immixta suæ uirtutis conscia, palā submissis genibus Deam supplex deprecata est, ut si se castam arbitraretur, cingulum sequeretur suū. Et illico fidenter cōsurgens id futurum sperans, quod prece quæsierat, naui al- ligari cingulum iussit, & ab eo iuuenes ammoueri omnes, nec ante factum est, quā trahente Claudia, facillime nauem à uado euelleret, & mirantibus cunctis eam in partem, quam cupiebat traheret, ex quo tam mirabili successu secutum est euectigio, ut omnium de minus seruata pudicitia maxima Claudiae laude in contrarium uerteretur opinio, & sic quæ ad littus turpi lasciuiæ nota maculata processerat, decorata insigni pudicitiae splendore patriam reintrauit, uerū etsi pro uoto Claudiae cesserit, absit, ut existimem sanæ mentis esse, quantūcun- que innocue similia audire. Velle enim, ut se quis ostendat infontem id age- re, quod præter naturam sit, deū potius tentare est, quam obiecti criminis pur- gare labem. Sancte nobis agendum est, sancte uiuendum, etsi minus boni ex- istimemur, non absq; bono nostro patitur deus, uult quippe nostra firmetur patientia. Auferatur elatio, exerceatur uirtus, & ut nobiscum ipsi lætemur, dum alios noscit indignos. Satis nobis multum est, imò per maximū, si deo teste bene uiuimus, & idcirco, si minus bene de nobis sen- tiunt homines, bene fecerimus, non curemus, dum male, to- tis uiribus instandum est, ut emendemur, ut eos po- tius male opinantes, sinamus, quam male agentes simus.

DE HYP.

IOANNES BOCCATIVS,
DE HYPsicRATEA REGI-
na Ponti. Caput lxxvij.

Hæc regina monet, quid amoris præbeat vxor
Chara viro, quantum foemina amare queat.
Illa uirum sectatur amans, per saxa, per igneis,
Deficit in nullo, fortis ubiq; manet.

Hypsicratea quamuis eius originem ignoremus, magni tamen Mithridatis coniunx, & Ponti grandis regina fuit, forma spectabilis & inuicti amoris in uirum, adeo cōmendanda, vt ex eo suo nomini fulgorem perpetuum meruerit. Mithridati quippe diuturno atq; sumptuoso, & discrimini-
bus varijs, pendulo aduersus Rhomanos bello laboranti, esto illi barbarico more coniuges aliæ, & concubinae plurimæ forent, amoris ex inij facibus incensa, seu regiones amplissimas peragranti, seu certamina ineunti, seu transfretationes paranti, semper fuit fidissima & inseparata comes. Hæc equidem ægre ipsius ab sententiam patiens, atq; existimans neminem posse, præter se rite obsequia impendere viro, & vt plurimum infida ministeria fore seruorum, ut ipsa dilectissimo sibi possit opportuna præstare, etsi difficillimum uideretur, sumpsit tamen prosequendo consilium, & quam tanto operi muliebris habitus videbatur in congruus, & indecens lateri bellicosissimi regis incedere foeminam, vt mortem fingeret, ante alia aureos crines (quibus plurimum gloriantur mulieres) forcipibus secuit, & syderij vultus suum præcipuum decus, non solum una cum crinibus galea tegere passa est, uerum puluere & sudoribus, ac armorum deturpare rubigine, armillas aureas, & iocalia uestesq; purpureas, & in pedes fluxas ponere, aut genutenus refecare, & eburneum pectus lorica tegere, atque tibias ocreis deuincire, abijcere anulos, & digitorum preciosissima ornamenta, & eorum uice parmam hastasq; gestare fraxineas, & Parthicos arcus & pharetras loco monilium cingere, & adeo apte omnia, vt ex petulanti regina ueteranum factum militem credas, sed forsā facilia, hæc adsueta quidem regijs in thalamis otio & molliciei, & telum spectare per raro, cum eis omisis animo uirili prædicta, equis insidere didicisset inuicta, & armorum onusta, post uirum per aspera montium & lubrica uallium, die nocteque algores æstusq; superans, citato discurrere cursu, persæpe cōperta est, regalisq; thori loco, nudū quandoq; solum, & lustra ferarum, durato corpore, cogente somno inpauida premebat vestigia uictori uiro, seu profugo semper comes, adiutrix laborum & consiliorū particeps intendens ubiq;. Quid multa? pios oculos vulnera, cædes sanguinē, quæ & ipsa pugnās spiculis

spiculis fundebat aliquando, posse absq; horrore conspiciere docuit, & aures
 cantibus assuetas, equorum fremitum, militares tumultus, & classica audiere,
 absq; mentis obstupescatione coëgit tandem, cum multa pertulisset, etiam ro-
 busto militi grauiā, Mithridatem à Gneo Pompeio superatum, atq; fatigatū
 per Armenios saltus ponticq; latebras, & efferatas quascūq; nationes, cum
 paucis ex amicis secuta est, nunc afflictum spe meliori recreans, nunc solatijs,
 quorum cupidum nouerat demulcens, adeo ut illi tantum consolationis attu-
 lerit, vt in quascūq; solitudines ageretur, coniugali sibi uideretur, in thalamo
 refoueri, O pectus coniugalis dulcedinis sacrarium, O inexhausta amicitiae
 uirtus, quibus quamque sanctis uiribus muliebre animum roborastis, nulla
 profecto usquam uxor, pro uiri similia ne dum grauiora pertulit. Quo meri-
 to si in eius perpetuam laudem antiquitas uersata est, minimum admirari iu-
 re posteritas poterit, cæterum ex tot laboribus tantq; tamq; inclyta fide, be-
 nemerita mulier, à uiro non satis dignum retulit præmium. Nam is cum
 senex iam filium ex ea susceptum, iratus occidisset, & uigentibus Rhomano-
 rum uiribus, non solum in regnum, sed in regiam se recepisset, esto animo mo-
 liretur ingentia, & in legationibus uarias atq; longinquas nationes, in bellum
 aduersus Rhomanos suscitare conaretur, à Pharnace filio ob eius saeuitiam
 in filios, amicosq; rebellante obsessus est. Quod cum cerneret, & eum inex-
 orabilem inuenisset, postremum rerum suarum arbitratus ruinam, eum reli-
 quis, tam coniugibus, quam pellicibus & filiabus, Hypsirateam, quæ
 tot uitæ suæ subsidia laborando præstiterat, ne illi superuiue-
 ret, ueneno absumpsit, sanè ingratum Mithridutis o-
 pus Hypsirateæ meritam gloriæ minuisse non
 potuit, corpus mortale ueneno immatu-
 ra morte sublatum est, nomen
 uero eius monimentis ue-
 nerandarum lite-
 rarum ad
 nos
 usq; & in
 perpetuum fama
 celebri uiuet, & à lon-
 ga quidem posteritate fraudari non poterit.

IOANNES BOCCATIVS.
DE SEMPRONIA RHOMANA.
Caput lxxviii.

Hæc formosa nimis, faciem, per colla, per artus,
Ingenio præstans, suavis in arte fuit.
Moribus at Veneris, turpiq; Cupidine tincta,
Heu furit indomitum, Marsa venena refert.

SEmproniam alteram, à superiori fuisse celebris ingenij foeminam, sæpius legisse meminimus, sed ut plurimū ad nefanda procliuē. Hæc maiorum testimonio, genere inter Rhomanos & formositate splendida fuit, & tam viro quam liberis fortunata satis. Quorum cum nomina minime teneam, in id veniamus, vt quæ in foemina laudari forte possunt, seu ex quibus nomen efful sit, primum locum occupent. Fuit ergo hæc ingenij tam prompti atq; uersatilis, vt & intelligeret illico, & exequeretur etiam imitando, qd quid aliquē dicentem aut facientem vidisset aliquando. Hinc cum non solum Latinas, sed & Græcas literas didicisset, ausa est, nec muliebriter, quinimò adeo pspicaciter versus (dum vellet) componere, vt in admirationem etiam traheret qui legissent. Egregium quippe & laudabile viro. Fuit insuper tantæ, tamq; elegantis facundiae, vt modestiam suadere, iocos mouere, risum elicere, molliciē atq; procacitatem excitare volens, posset, & (quod maius est) tam lepidi moris in loquendo fuit, ut in quocunq; sermonis genere verteretur, id facetiæ atq; leporis plenum, audientium auribus inferret. Præterea psallere eleganter, & æque etiam saltare nouit. Quæ quidem (si sanè utantur) forsā cōmendandæ plurimum in foemina dotes sunt. Cæterum pessimis imbuta facinoribus longe aliter uisa est, nam audacia nimia percita, nōnunquam in uiriles damnandosq; nimium ausus euasit, & dum psallere & saltare instrumenta profecto luxuriæ, in lasciuiam uerteretur, urens libidine ad eam saturandam, fama pudoris matronalis omnino neglecta, homines sæpius requisiiuit, quam requireretur ab eis. Cuius huius mali (quod in nōnullis tam ualidum cernimus) existimes fuisse radices, ego naturam, absit, ut damnem, cuius quantūcunq; magnæ sint vires, circa rerum principia, flexibiles adeo sunt, vt eo serè quo uelis, paruo labore ducas, quod natum est, & si sit neglectū, semper uergit in peius. Nimia enim (ut arbitror) in adolescentulas maiorum indulgentia, uirginum sæpe damnata sunt ingenia, quibus licentiose (ut sæpius fit) declinantibus in lasciuiam paulatim foeminea cedit trepiditas, & insurgit illico audacia, aucta à stolidam quadam opinione, qua asserunt, id decere quod libet, & postquam eo semel

semel itum est, ut infectum sit uirginale decus, & frontis rubor abiectus, vt retrahamus labentes in vacuum labores impendimus, hinc non solum libidini hominū mulieres occurrunt, sed prouocant. Posthæc Semproniae fuit auri cupido permaxima, & vti ad adipiscendum, turpi questui se auida ingerebat, sic in quibuscunq; scelcribus erat in expendendo profusa, in tantum, vt nullus illi esset in auaritia & prodigalitate modus. Exitiale malū est auri desiderium, in foemina & manifestissimum uitiati pectoris testimonium. Sic & detestanda prodigalitas, quæ quotiens mentē sibi natura aduersam intrat, uti muliebris est, cui infixā tenacitas, nulla præter inopiam, salutis spes haberi de cætero potest, de honestate eius, deq; suis substantijs actum est, non em̄ ante subsistunt, quoniam in extremum dedecus, & miseriam uenerint. Mulierum parsimonia est, ad eos spectat intra limen cum fide seruare, quod quæsitum desertur à uiris. Hæc, quantum auri damnanda cupido & moderata profusio, tantum laudanda est, cū ipsa sensim substantiarum auctrix, egregia domesticæ rei salus, integræ mentis testis, laborum solatiū, & inconcussa splendidæ posteritatis basis, porrò, ut in unum eius, & extremum (ut arbitror) facinus, omnia eius concludamus scelera, flagrante illa pestifera fece, seditiosissimi hominis Lucij Catilinæ, & si iniquis consilijs, & coniuratorum numero, ad desolationem perpetuā Rhomanæ reipublicæ, in ampliores uires assiduæ extollente, facinorosa mulier ad pleniorē suarum libidinum captandā licentiā, id appetens, quod etiā perditis hominibus fuisset horrori, coniuratis se imiscuit ultro, domus etiā suæ penetralia, sæuis colloquijs patuere semper.

Verum nequitijs obsistente deo, & Ciceronis studio, coniuratorum detectis insidijs, cū iam Catilena Fefulas secessisset, in aliorū excidium frustratā arbitror cor-

ruiſſe. Ex quo eius ingenium laudare possumus, & ob id illam extollere, turpe exercitium, ut damnemus

necesse est. Nam ma-

tronalis stola labe

factata lasci-

uijs plu-

ribus, egit,

ut in suum dede-

cus euaderet nota Sem-

proniam, ubi si modestia conser-

uasset euasisse poterat

gloriosa.

K DE CON.

IOANNES BOCCATIVS
DE CONIVGIBVS CYM-
brorum. Caput lxxviii.

Si quid in humanum, si quid crudele uidere est,
Inter mortaleis, Cimbrica clades erit.
Ad laqueum heu matres properant, paruosq; nepotes,
Illidunt terris, in sua fata trahunt.



Cimbrorum à Gaio Mario acri certamine superatorum prægrandis cō-
iugum fuit numerus, pudicitiae sacrae, & constanti proposito laudan-
dus, quinimò extollendus præcipue. Nam quanto fuit quantitas amplior,
tanto videntur honoribus sublimandæ maioribus; & hoc ideo quia in casti-
tatis obseruantia deuenisse paucas persæpe legimus, multas conuenisse nunq̃
aut rarissime audiuius. Rhomanis ergo rebus florentibus Theutones Cim-
briq; & quædam aliæ barbaræ nationes ab Artheone Rhomanum coniura-
re nomen, & in vnum primum conuenientes, vt eos in fugam verti posse ne-
mo speraret, cōiuges, natos & suppellectilem omnem, secum magno agmine
traxere vehiculis. Inde ut omnem Italiam vno, & eodem cōcurrerent impe-
tu tripartito illam intrare agmine, triplici itinere statuere, quibus à consterna-
tis tumultu Rhomanis Gaius Marius consul, in quem inijci omnis reipublice
spes ea tēpestate videbatur, obuius missus, primos obiectos habuit Teutonū
insolentes duces, aduersus quos in nihilo declinantes certamen cū cōseruisset,
& longa

& longa pugna partium aliquandiu nutasset fortuna. Postremo multo sanguine fuso terga dedere Teutones. Deinde in Cimbros itum est, & ut Teutones apud aquas Sextias, sic illos in campo Caudio, duplici subit certamine, facta hominum strage permaxima, quod aduertentes cum caeteris impedimentis se positae coniuges, non virorum secutae sunt fugam, sed plaustris, quorum praegrandis illis erat copia, in formam ualli redactis, stulto sed animoso consilio praeuistis fustibus lapidibus gladiisque libertatem suam castimoniamque tutari, quam longius possent dispoſuere, sed acie facta, aduenientibus Marianis militibus, cum non diu obstitissent, sensere quoniam in uacuum conatus disponderent, & ob id si possent inire cum imperatore concordiam, petiere. Erat enim illis infixum animo, si uiros, si sedes auitas, si substantias omnes pugna perdidissent una saltem, qua possent uia, libertatem & pudicitiam seruare suam. Et idcirco postulauere unanimis, non fugientium uiroꝝ pacem, non in patriam redire suam, non ut sua restaurent auro damna, sed ut omnes Rhomani virginibus uestalibus iungerentur. Quod cum honestissimum uisum foret, & syncerae mentis testimonium, nec impetrassent, succensae furore in obstinatum uoti sui perseverantiam peraeuum iniere facinus. Nam ante omnia collisis in terram paruis filiis atque peremptis, ut illos qua poterant uia turpi seruituti subtraherent, nocte eadem interuallum a se conſeptum, ne & ipse in dedecus suae castitatis & uictorum ludibrium traherentur, laqueis omnes, lorisque mortem constituere sibi praedae aliud, ex se praeter pendentia cadauera auidis liquere militibus. Iuissent fractis hominum uiribus aliae supplices uictoribus obuiam, soluto crine tensis manibus, precibus, et ullulatu complentes omnia, quod fuisset obscenius nonnullae blanditijs, & amplexibus impetrassent si potuissent, suppellectilis conseruationem reditum in patriam, nulla honestatis foeminae habita mentione, a se permisissent more pecudum trahi. At Cimbrae constanti pectore, melioris fortunae seruare animos, nec ulla passae sunt ignominia, maiestatis gentis suae gloriam foedare dumque seruitutem, & turpitudinem laqueo obstinate fugerent, non uiribus sed fortunae crimine, suos homines superatos ostendunt, & castimoniae suae paucis abiectis annis, quibus suspendio superuiuere potuissent, uitam longissimam quaesierunt. Et unde miraretur, posteritati liquerunt, tam grandem, scilicet mulierum multitudinem non ex conuentione, non ex consultu publico, infra noctis unice spacium non aliter, quam si spiritus idem omnibus fuisset in eandem mortis sententiam deuenisse.

IOANNES BOCCATIVS,
I DE IVLIA GAI^o CÆSARIS
filia. Caput lxxix.

Hanc Amor insolitus ditauit laude perenni,
Et genus & proauī, quos pius Ancus habet.

Iulia & genere & coniugio forsan totius orbis fuit clarissima mulierū, sed longe clarior amore sanctissimo & fato repentino. Nam à Gaio Iulio Cæsare, ex Cornelio coniuge Cinnae quater consulis filia vnica progenita est, qui Iulius ab Ænea indylo Troianorum duce, permultos reges & alios medios, paternam duxit originem, maternā uero ab Anco quondam Rhomanorum rege, qui gloria bellorum atq; triumphorum, & dictatura perpetua insignis plurimum homo fuit. Nupsit præterea Pompeio magno, ea tēpestate Rhomanorū clarissimo viro, qui in vincendis regibus, deponendis, eisq; de nouo faciendis, nationibus subigendis, Pirātis extinguendis fauorē Rhomanę plebis obtinendo, & regū orbis totius clientelas acquirendo, non terras tantū, sed cœlum omne fatigauit diu. Quem adeo illustris mulier esto iuuenula, & ille prouectus ætate ardentē amauit, & ob id immaturam mortem quæsierit. Nam cum Pompeius in comitijs ædilitijs sacrificaturus, ab hostia quam tenebat ex suscepto vulnere se in varia agitāte, plurimo respergeretur sanguine, & ob id uestibus illis exutus, domum aliās induturus remitteret, contigit, vt deferens, ante alios Iuliam prægnantem haberet obuīam. Quæ cum vidisset uiri cruentas uestes, antequam causam exquireret suspicata, ne forsan Pompeio fuisset violenta manus iniecta, quasi non illi occiso dilectissimo sibi viro, superuiuendum foret, in sinistrum repente delapsa timorem, oculis in tenebras reuolutis, manibus clausis concidit, & uestigio expirauit. Non solum uiri atq; ciuium Rhomanorum sed maximo totius orbis ea ætate incōmodo.

DE POR-

DE PORTIA CATONIS

Vticensis filia. Caput lxxx.

Carbones lambit caeso praeclara marito
Portia, qui, fati signa fuere truci.

Portia eius Marci Catonis filia fuit, qui posteductas, de Aegypto per ar-
dentes solitudines Libyæ in Africam, Pompeiani exercitus reliquias,
victoriæ Cæsaris impatiens, apud Vticam se occidit. Nec equidē insignis mu-
lier, à patria fortitudine atq; perseverantia degenerasse in aliquo visa est. Hæc
aut (ut alia eius virtutis præclara postponamus) cū etiam vivente patre De-
cio Bruto nupsisset, adeo eū dilexit integre atq; caste, vt in cæteras muliebres
curas hæc esset longe prima atq; præcipua, nec opportuno tempore potuit,
honestas amoris flammæ casto oculuisse pectore, quæ quoniam eius in per-
petuam euasere laudē, ad eius ampliandam claritatem se offerunt ultro. Quie-
uerat iam pestifer tumultus bellorū ciuiliū, oppressis à Cæsare ubiq; Pom-
peianis, tamen in eum dictatorem perpetuū (ut satis animaduersum est) regnū
affectantem, senatus pars sanior coniurauerit, quos inter, fuit & ipse Brutus.
Qui integritatis Portiæ conscius, cum eidem scelesti facinoris aparuisset arca-
num, factum est, vt ea nocte cū dies luxit, qua Cæsar Rhomanis rebus coniu-
ratorum opere subtractus est, exeunte Bruto cubiculum, Portia tonsoris no-
uaculam sumeret, quasi vnguini iuit superfluitatē sectura, fingensq; illam sibi
casu cecidisse, se ex animo vulnerauit. Sanè astantes ancillulæ, cū manare ui-
dissent sanguinē, aliquid grauius suspicatz clamoreq; ab eisdem sublato abiens.
Brutus in cubiculum reuocatus est, & ab eo obiurgata Portia, quoniā tonso-
ris præripuisset officium. Portia aut semotis ancillulis inq; minime temerarie
factum quod putas est, tentatura aut quo animo me ipsam gladio perimere, &
mortem perpeti possem, si minus tibi pro uotis cepta succederent feci. O inex-
hausti uigoris amor, & uir tali coniuge felix. Sed quid ultra, in scelus à coniu-
ratis itum est, & occisores occiso Cæsare euasere, non tamen impune, sed cum
præter extimatū omnia responderent, à senatu reliquo dānati patricidæ, in di-
uersa abierunt. Brutus aut & Cassius in mortem tendentes, nō paruas copias
aduersus Octauianum Cæsarem, & Antonum Cæsaris hæredes colligere.
Aduersus quos cum Octauianus & Antonius eduxissent exercitum, apud
Philippos pugnatū est, & cum victæ fugatæq; Cassij Bruticq; partes essent, &
ipse Brutus etiā occisus est, Quod cū audisset Portia, nil sibi subtracto uiro le-
ctum futurū existimans, arbitrata nō alio animo mortē passuram, quam olim
cultri tonsorij uulnus, confestim in uetus propositū uenit, & cum ad uolun-

Vide Phitarchum,
et Val. Max. lib. 3.
tit. i. de Fortitudine
cap. 26. et Marthi-
am lib. i. de Pyramat
Coniugis auis. et. 67.

The salis compos

tariam necem nullum sibi adeo cito, ut impetus exposcebat præstari videbatur instrumentum, ignitos carbones quos fortè propinquos habebat, indubitanter manibus gutturi iniectos exhaustit. A quibus præcordia exurentibus, spiritus uitalis abire in mortem coactus est, nec dubium quin quanto magis in usitatum mortis genus intulere, tanto occubanti plus fulgoris coniugalis diligentiae ingessere. Cuius etiam fortitudini, patris reservatum manibus vulnus nil merita laudis potuit auferre.

DE CVRIA QVINTILV-
cretij coniuge. Caput lxxxi.

Elogio laudanda decenti Guria solers,
Quæ exilium prohibet, condit & arte virum.

CVria Rhomana fuit mulier, etsi nomine fidem dabimus ex prosapia Curionum, si operibus mire constantiae, atq; integerrimæ fidei vetustatis splendidum specimen. Nam ea in turbine rerum, quā triumviroꝝ iussu novæ proscriptionum in urbe appositæ tabulae sunt, Quintus Lucretius eiusdem coniunx inueneretur proscriptus, una cū pluribus cæteris, fuga celeri patrium solum linquentibus, & uix tutā inter ferarum spelæas, et solitudines montium, seu apud hostes Rhomani nominis, latebram invenientibus, solus ipse amantissimæ uxoris usus consilio, inter Rhomana moenia, intra domestici laris paries, intra coniugalis cubiculi secretum, in sinu coniugis intrepidus latuit, & tanta uxoris solertia, tanta sagaci industria, tanta fidei integritate servatus est, ut præter ancillulam unā consciam. Nemo etiam ex necessarijs arbitrari, ne dū scire potuerit, quotiens ad contegendum, arte facinus credere possumus mulierem hanc exoleta ueste, habitu sordido, mœsta facie, flentibus oculis, neglecto crine, nullis comptam de more velamentis, anxio suspirijs pectore, ficto quodam amentis stupore, in mediū prodhisse, & quasi sui inscia discurrisse patriam, intrasse templa, plateas ambisse, & tremula atq; fracta uoce dum videretur, deos precibus uotisq; honorasse, percontasse obuios amicosq;. Nunquid Lucretium vidissent suum? an scirent, nunquid viueret? etsi uiueret, quorsum fugam ceperit? quibus socijs? qua spe? præterea se summo opere desiderare fugæ exilijsq; eo incōmodorum comitem fieri, & huiusmodi plura factitasse quæ infelices consuevere facere, latebris quidem uiri in tegumenta præualida, quibus insuper blanditijs, quibus delinimentis quibus suggestionibus, ancillulæ secreti conscie firmasse animum saxeumq; fecisse, quibus demum

consola-

consolationibus spem erexisse viri trepidantis pectus anxiū animasse, & moer-
 stum in aliqualem traxisse lætitiā, & sic reliquis eadem peste laborantibus,
 & inter aspera montium maris æstus, cœli procellas, barbarorum perfidias,
 odia hostium infesta, & manus quandoq; persequentium misere pericli
 tantibus, solus Lucretius in gremio pijsime coniugis tutus serua-
 tus est. Quo sanctissimo opere Curia non in meritam sibi
 claritatem quæsiuit æternam.

DE HORTENSIA QVINTI

Hortensij filia. Caput lxxxij.

Orat pectore quàm forti, sub iudice caussas,
 Quas agere haud melius chare marite queas.

Hortensia Quinti Hortensij egregij oratoris filia, dignis extolenda lau-
 dibus est, cum non solum hortensij patris facundiam, viuaci pectore
 amplexa sit, sed eum etiam pronuntiandi vigorem seruauerit, quem opportu-
 nitas exquisiuit, & qui sæpissime in uiris doctissimis deficere consuevit. Hoc
 autem triumuirorum tempore, cum matronarum multitudo exigente reipu-
 blicæ necessitate, intollerabili serè onere pecuniæ exoluendę, grauata uideret,
 nec hominum inueniretur aliquis, qui in rem tam incongruam præstare patro-
 cinium auderet, sola ausa est constanti animo, coram triumuiris, rem foemina-
 rum assumere, eamq; perorando tam efficaciter in exhausta facundia agere, ut
 maxima audientium admiratione, mutato sexu rediuius Hortensius crede-
 retur. Nec infelicitè opus tam egregium à foemina præsumptum, aut execu-
 tum est, nam uti nulla in parte fracta oratione, aut laudabili sui iuris demon-
 stratione defecerat, sic nec exoptato aliquid à triumuiris diminutum est, qui-
 nimò concessum libere, ut longe amplior pars iniunctæ pecuniæ demerere-
 tur. Arbitrati, quantum sub matronali stola in publicum taciturnitas lau-
 danda videatur, tantum opportunitate exigente, ornatu suo decora
 sit extollenda loquacitas. Quo tandem factò, non absq; ma-
 ximo Hortensia fulgore, reliquum quod minimum
 erat à matronis facile exactum est. Quid dicā
 uidisse, tantum ueteris prosapiæ spiritus
 in Hortensia afflauisse foemina, ni-
 si eam merito nomen Hor-
 tensia consecutum.

IOANNES BOCCATIVS,
DE SVLPITIA TRVSCELL
onis coniuge. Caput lxxxiiij.

Exulis illa uiri sequitur vestigia lubens,
Quæq; alij poterat nupta manere domi.

SVlpitia Lentuli Truscellionis coniunx æqua ferè beneuolentia, sibi ad-
inuenit indelibilem famam. Fuit enim hac eadem qua supra procella
proscriptis à triumuiris Lentulus, qui cū esset uolucer, fuga tutatus in Siciliā
uenisset & ibi exul moraret, & inops, facta eius rei Sulpitia certior, in sentētia
iuit labores una uelle in coniuge pati, rata indecens esse, lætos honores, & for-
tunam candidam ferre cum uiris, hæc eorundem erumnas, si opportunū fer-
re sit, fuga renuerent. Verū nec post uirū peregre facile Sulpitia cōsecuta est,
summa quippe diligentia, ne exilium sequeretur uiri à matre seruabatur Iulia.
Sed quas non ludit uerus amor custodias, captato igitur tempore seruii sum-
pta veste matris custodijsq; deceptis, relictis duabus tantum ancillis & serui-
lis, totidem fociata splendida mulier natale solum patriosq; penates linquens,
exulem uirum secuta est, cū posset lege non prohibente, infelici abdicato ma-
rito, nouas celebrare nuptias, nec expauit mulier inclyta per subterfugia, et ma-
ris æstus, atq; montana, Italia nutrita uiri sequi uestigia, eumq; per incognitas
regiones exquirere, donec cōperto se iniunxerit, honestius rata permille di-
scrimina uitæ, uerū sequi à fortuna deiectum, quam eo exule laborante, in pa-
tria vacare delitijs & quiete. Inclytæ profecto mentis, & prudentē uirum po-
tius quam fœminā redolentis, tale iudicium est. Non semper auro & gemis
splendendum, non semper indulgendū cultui, non semper æstius fugiendus
est sol aut hyemis pluuiæ, non semper colendi sunt thalami, non semper sibi
parcendum, sed cum uiris exigente fatorum serie, subeundi labores, exilia per-
peti, pauperiem tollerare, pericula forti ferre animo, hæc vxorum spectanda
militia est, hæc sunt bella, hæc victoriæ, & uictoriarū triumphu conspicui mol-
liciem luxumq; & angustias domesticas honestate, & constantia ac pudica
mente superasse. Hinc illis est fama perennis & gloria. Erubescant igitur, quæ
non solū felicitatis umbreculam, totis sequentur pedibus, sed & hæ ma-
gis quæ pro cōmuni coniugij cōmodo, nauseam timent, leui sol-
uuntur labore, nationes exteras horrent & expallent, bouis
forfan audito mugitu, cū insectandis mœchis fugam
laudanti, maria placeant, fortemq; animam
quibuscunq; opportunitatibus scele-
rissime prestant.

DE COR-

DE CORNIFITIA.

Caput xxxiiij.

Carminibus ferit illa suis, altissima coeli
 Sydera, concinuit, clara trophæa virum.
 Hæc vatum latice recolit, libamina phœbi,
 Tinctaꝫ Castalio dogmata fonte bibit.

Cornifitia vtrum Rhomana fuerit mulier, an potius extera comperisse non memini, uerum testimonio ueterum memoratu fuit dignissima. Imperante autem Octauiano Cæsare tanto Poëtico effulsit dogmate, ut non Italico lacte nutrita, sed Castalio videret latice, & cornificio Germano fratri, eiusdem æui Poëtæ insigni æque esset illustris in gloria. Nec contenta tã splendida facultate valuisse verbis reor sacris impellentibus Musis, ad describendũ Heliconicum carmen, sæpissime calamo doctas apposuit manus colo reiecto, & plurima ac insignia scripsit Epigrammata, quæ Hieronymi prespyteri viri sanctissimi temporibus, ut ipse testatur stabant in precio, nunquid autẽ in posteriora deuenerunt secula non satis certum habeo. O scæminetum decus, neglexisse muliebria, & studijs maximorum uatum applicuisse ingenium uerecundentur segnes, & de seipsis misere diffidentes, quæ quasi in otium & thalamis natae sint, sibiipsis suadent se nec ad amplexus hominum, & filios excipiendos alendosq; utiles esse, cum omnia quæ gloriosos homines faciunt, si studijs insudare uelint, habeant cū eis communia, potuit hæc naturæ, non abiectis uiribus ingenio, & uigilijs foemineum superasse sexum, & sibi honesto labore perpetuum quæfuisse nomen, nec quippe gregarium, sed quod exstat paucis etiam uiris rarissimum & excellens.

DE MA

IOANNES BOCCATIVS,
DE MARIANNE IVDÆO-
rum regina. Caput lxxxv.

Pulchrior in terris mulier non uisa, nec orta est,
Robore quæ inuicta prædita semper erat.
Hæc fuit Herodis coniunx, Idumæo sanguine creta,
Perdite quam modo amat, quam modo cædit atrox.

Mariannes Hebræa scemina, genere quam viro felicior Aristobuli Iudæorum regis ex Alexandra regina Hyrtarij regis filia, genita fuit tantæ, tamq̃ inuisæ pulchritudinis clara, vt non solū eo tempore cæteras formositate sceminas anteire crederetur, sed cœlestis arbitraretur imago potius quam mortalis. Nec credulitati huic Marci Antoniij triūuiri testimonium defuit. Erat autem Marianni frater ex eisdem parentibus nomine Aristobulus æque secum pulchritudinis & ætatis. Cui Alexandra mater defuncto Aristobulo genitore principatum dari sacerdotij, ab Herode Mariannis viro atq̃ rege, sum̃opere cuperet, Gellij amici suasionem amborum effigies optimi pictoris artificio in tabula delinitas, ad Antonium triumuirū extremæ luxuriæ hominem, ad eius se excitandam libidinem, & perconsequens in desiderium suum trahendum in Ægyptum, usq̃ transmissas aiunt, quas cum uidisset Antonius, primo in admirationem longiusculam constitit, deinde dixisse asserunt, hos quantum ad formositatem profecto filios deesse, & subsequente iuramento, se nunquam & usquam ne dum pulchriores, sed nec similes aspexisse, sed ad Mariannem solam redeundum, hæc quidē & si inaudita pulchritudine fuerit insignis, animi tamen ingenti fortitudine longe magis emicuit. Quæ cum ad nubilē uenisset ætatem infausto homine, Herodi Antipatris Iudæorum regi nupta est, & maximo infortunio suo, sum̃e ob eius uenustatem ab eodem dilecta, qui cū gloriaretur plurimum se solum orbe toto possessorē, pulchritudinis diuinæ, in tam grandem animi curā lapsus est, ne quis alter in hoc posset sibi æquari, ut timeri ceperit, ne sibi superstes euaderet Mariannes. Ad quod euitandum primo dū vocatus est in Ægyptum, ad Antoniū esset iturus, causam dicturus super morte Aristobuli fratris Mariannis à se occisi, et demum Antonio mortuo, accessurus ad Octavianū Cæsarem, & purgaturus, si posset quod amicis Antoni aduersus eum auxilia, præstitisset Ciprinæ matri amicisq̃ reliqt, ut si quid in eū q̃ in mortē tenderet, ab Antonio, uel Cæsare seu casu alio ageretur, Mariannem confestim occiderent. Oridenda aliàs sagacissimi, regis insania, ob alienū incertūq̃ cōmodum, ante uexari & inuidere post fatum, quod occultissime factū fuerat, rescivit tractu tēporis Mariannes, & cum

& cum iam ab Aristobuli indignam cædē in Herodem cōcepisset execrabile
 odium, arbitrata se ab Herode, non nisi propter pulchritudinis usum diligi, cu-
 mulauit iras, uitam suam bis immerito ab eodem damnatā egerrime ferens, et
 quamuis Alexandrum & Aristobulum conspicuos pulchritudine pueros ex
 eo enixa foret, in nullo potuit moderasse conceptum, eoq; ferente impetu de-
 lapsa est, ut amanti uiro suum negaret concubitum, & dum sperneret, quasi ue-
 teris regis prosapia omnis in se resurgeret indoles, gestu quodam elato, illius
 calcare conabatur potentiam, non verita persæpe dicere palam, Herodem ali-
 enigenam non Iudeum, nec regiae prolis hominē, quinimò ignobilem nec ido-
 neum, nec regia coniuge dignum, trucem, insolentem, infidum, scelestumq; et
 immanem beluam, quæ & si Herodes cum difficultate pateretur, tamen amore
 prohibente nil sæuum audebat in illam, tandem in peius procedentibus rebus
 (ut aliquibus placet) à Cyprinna Herodis matre, & Salamonie sorore, qui-
 bus summe grauis erat Mariānes, actum est, ut à subornato ab eiusdem pincer-
 na Herodi accusaretur, quod eum conata sit exorare, ut illi amatorium pocu-
 lum, quod ipsa parauerat propinaret, seu (ut volunt alij) quod effigiem suam
 speciosissimam, non eo tempore, quo præmonstratum est, nec matris opere,
 sed motu suo, post conceptum in Herodem odium, ad Antonium ut illum in
 sui desiderium prouocaret, & in Herodis odium transmisisset, quæ cum crede-
 ret Herodes, & Mariannis in se maleuolentia fidem faceret irritatus & anxio
 furore succensus, cum amicis longa oratione conquestus est, eoq; eis suaden-
 tibus, & Alexandra Mariannis matre, ad eius gratiam promerendā, dedu-
 ctus est, vt eam tanquam in regiam maiestatem excidium molientem, capitali
 damnatā supplicio iuberet occidi. Quæ quidem tantum in se excitauit ge-
 nerosi animi, ut uilipensā morte, integro vultus sui seruato decore, nec ulla ex
 parte scemineo ritu flexa, & obiurgantem matrem tacita audiret, & flentes cæ-
 teros genis siccis aspiceret, & uti in triumphum lætissimum, non solum intre-
 pida, sed aspectu alacri, nullis pro salute sua porrectis præcibus, iret in
 mortem, eamq; à carnifice ut optatam susciperet. Qua quidem
 tam immota securitate non solum efferati regis tristatuit
 inuidiam, sed & plura suo nomine sæcula auxit,
 quam mortalitati suæ menses, concessis-
 se lachrymis precibusq; suis fle-
 xus, potuisset
 Herodes.

DE CLEO-

IOANNES BOCCATIVS,
DE CLEOPATRA REGINA
Ægyptiorum. Caput lxxxvi.

Hæc est quæ tantos mutato foedere reges.
Prodidit, & nullam nouit habere fidem.
Hæc est, quæ molleis euexit ad astra Cynædos,
Excidium, pestis, dedecus omne fuit.
Hæc est, quæ patriam bellis oppressit acerbis,
Turbauit proprios seditione lares.

Cleopatra Ægyptia scemina fuit, totius orbis fabula. Et si per multos medios reges à Ptolemeo Macedoniæ rege, & Lagi filio originem traxerit, & à Ptolemei Dionysij seu (ut alijs placet) Minoi regis filia, ad imperandum (per nephas tamen) ipsi regno peruenerit, nulla ferè nisi hac & oris formositate veræ claritatis nota refullit, cum econtrario auaricia, crudelitate, atq; luxuria omni mundo conspicua facta sit, nam (vt placet aliquibus) vt ab eiusdem dominiij initio sumamus exordium, Dionysius seu Mineus Rhomani populi amicissimus, Iulij Cæsaris consulatu primo, in mortem veniens, signatis tabulis liquit, ut filiorum natu maior, quem aliqui Lisaniam nominatum arbitrantur, sumpta in cõiugem Cleopatra ex filiabus etiam natu maiore, vna se mortuo regnarent, quod eo familiarissima esset apud Ægyptios turpitudine, matres filiasq; tantum à coniugijs exclusisse, executum est. Porro exurente Cleopatra regni libidine, vt nonnullis visum est innocuū adolescentulū eundemq; fratrem & uirum suum, quintumdecimū ætatis annū agentem, veneno absumpsit, & sola regno potita est, hinc asserunt, cū iam Pompeius magnus Asiam ferè omnem occupasset armis, in Ægyptū tendens superstitem puerum mortuo subrogasse fratri, eumq; regem fecisse Ægypti, ex quo indignata Cleopatra, aduersus eum arma corripuit, & sic rebus habentibus, fuso à Cæsare apud Thessaliam Pompeio, & puero rege à se facto littore in Ægypti ato cæso, adueniente post eum Cæsarem, ibidem bellum inter se gerentes inuenit, quos dum ad causam dicendam se coram accersiri iussisset (vt de Ptolemeo iuvene sileamus) vltro armata malitijs mulier Cleopatra, de se plurimū fidens, regijs insignita notis accessit, & auspicata sibi regnum, si in suam lasciuia domitorem orbis contraheret, cum formosissima esset, & oculorum scintillantium arte, atque oris facundia ferè quos uellet caperet, paruo labore suo, libidinosum principem in suum contubernium traxit, pluresque noctes, medio Alexandrinorum in tumultu, cum eo comes habuit, concepitq; (vt ferè omnibus placet) filium, quē postmodū ex patris nomine Cæsareonē nuncupa-

nuncupauit. Tandem & cū Ptolemeus puer, à Cæsare demissus in liberatorem suum impulsu suorum, bella uertisset, et ad Deltam Mithridati Pergameno in auxilium Cæsaris venienti, cū exercitu occurrisset, ibi q̃ à Cæsare qui itinere alio illum preuenerat superatus, fugam scapha tentaret, & plurium inrantium pressa pondere mergeretur, & sic pacatis rebus, facta Alexandrinorū deditio-
ne, cum Cæsar esset iturus in Pharnacen Ponti regē, qui Pompeio fuerat, qua si noxium exhibiturus Cleopatrarū primum, ac eo etiam quod in fide mansisset, eidem nil aliud optanti regnum concessit Ægypti, Arsinoë sorore deducta, ne forsan ea duce, noui aliquid moliretur in eam, sic iam scelere gemino adepta regnū Cleopatra, in voluptates effusa suas, quasi scortū orientalium regū facta, auri & iocalium auida, non solum contubernales suos, taliū nudos arte sua liquit, verum & templa sacrasq̃ Ægyptiorū ædes, vasis, statuis, thesaurisq̃ ceteris, vacuas liquisse traditum est. Hinc occiso iam Cæsare, & Bruto & Cassio superatis, eunti in Syriam Antonio, obuia facta, impurum hominē pulchritudine sua, & lasciuientibus oculis facile cepit, & in amorem suū detinuit misere, eoq̃ deduxit, ut quæ fratrem uenenò necauerat, Antoni manu Arsinoem sororem ad suspicionem regiminis amouendā omnem, in templo Dianæ Ephesiæ, quo salutem queritans infelix aufugerat, trucidari faceret, id adulteriorum suorū, à nouo amasio loco primi muneris assumptura, & cū iam scelerata mulier Antoni mores nouisset, uerita non est eidem postulare Syriæ regnum & Arabiæ, sanè cū permaximum uideretur illi, & incongruū nimis, ad satisfaciendum tamen desiderio amatae mulieris, portiunculas ei ex utroq̃ dedit, superadditis etiam ciuitatibus omnibus, quæ intra Eleuthreū flumen, & Ægyptum Syriaco littori appositæ sunt, Sydone & Tyro retentis, quæ cū obtinuisset, Antonium in Armenos, seu (ut uolunt alij) in Parthos euntem, ad Euphratem usque profecuta, dū Ægyptum per Syriam repeteret, ab Herode Antipatris tunc Iudeorum rege, magnifice suscepta, non erubuit eidem per intermedios suum suadere concubitū, sibi si annuisset muneris loco Iudeæ subtrahere regnum, quod ipse Antoni opere non diu ante susceperat. Verum Herodes aduertens nō solum ob Antoni reuerentiam abstinuit, quinimò ut illum à nota tam incestuosæ foeminæ liberaret, ni dissuasissent amici, eam gladio occidere disposuerat. Cleopatra aut̃ frustrata, quasi ob hoc morā traxisset, eidem locauit redditus Hiericuntis, quo balsamū nascebatur, quod & ipsa postmodum in Babyloniam Ægyptiā transtulit, quo uiget usque in hodiernum, & inde amplis ab Herode susceptis muneribus in Ægyptū redijt. Inde uero in fugā ex Parthis redeuntis Antonio, accersita occurrit. Qui quidam Antonius cū fraude Arthabazanem Armenie regem, olim Tigranis filium cum filijs, & satrapis cepisset, & thesauris per maximis spoliasset,

L atq̃ ar-

atq; argentea cathena victum traheret, ut auidam in suos amplexus prouocaret, effceminatus uenienti captiuū regem cū omni regio ornatu, ac praeda deiecit in gremium. Quo læta munere cupidissima mulier, adeo blande flagrantem cōplexa est, ut repudiata Octauia Octauiani Cæsaris sorore, illatam totis affectibus sibi uxore iungeret, & Arabicas vnctiones & odoratos Sabeæ fumos, & crapulas sinam, cū magnificis assidue saginaretur ingluuiosus homoe-pulis, in uerba uenit, quasi Cleopatrac conuiuia sua extollere vellet, quid magnificentiae cottidianis cænis posset apponi. Cui respondit lasciuia mulier se cœna vna centies, si uellet sextertiū absumpturam, quod cū minime fieri posse, arbitraretur Antonius, tamen videndi auidus, atq; liguriendi facere periculum, sumpto Lucio Plauto iudicis loco, quæ postero die cum non excessisset eduliorum consuetudinē, & iam sponsonem irrideret Antonius, iussit Cleopatra ministris, vt secundam mensam afferrent illico, qui præmoniti nil aliud quam uas unum aceti acerrimi attulere, ipsi autē confestim ex altera aurium vnionem, inexcogitati precij, quem ornamenti loco orientalium more gestabat, sumens aceto dissoluit, & liquefactum absorbuit, & cū ad alium quam altera in auricula æque charum gerebat, iā manus apponeret, illud idem factura, exemplo Lutius Plautus victum esse Antonium protulit, & sic secundus seruatus est, victrice regina. Qui quidem postea diuuisus Rhomam in Pantheone delatus, auribus Veneris appositus est, diu postmodū dimidiæ Cleopatrac cœnæ prohibens testimonium prospectantibus, cæterum cum insatiabilis mulieris in dies regnorum auiditas augetur, vt omnia cōplecterentur in unū temulento Antonio, & forsan à tam egregia cœna surgenti Rhomanum postulauit imperium, quasi in manibus posse concedere fuisset Antoni, quod ipse (minime cōpos) minus opportune suis Rhomanisq; pensatis viribus, se daturum spondit. O bone deus quàm grandis poscentis audacia, nec minor spondentis stultitia. O liberalis homo, tot seculis, tanta cum difficultate sanguine fuso, & morte, tot insignium uirorum, tot etiam populorū, tot egregijs operibus, tot bellis vix dū quæsitum imperium, postulanti mulieri, non aliter quàm domunculæ unius dominium, inconsulte quasi euestigio daturus concessit. Sed quid? iam ob repudium Octauiae, belli seminarium inter Octauianum & Antonium videbatur iniectum, & ob id actum est, vt congregatis ex utraq; parte copijs iretur in illud, uerū Antonius cū Cleopatra ornata purpureis velis, & aurea classe processere in Epirum, ubi cū obuijs hostibus inita pugna terrestri cessere uicti, & in classem se recipientes Antoniani in Actium redire, experturi naualis belli fortunā, aduersus quos, Octavianus cū Agrippa genero factus obuius, ingenti cum classe mira audacia eos aggressus est, & susceptus acriter, tenuit aliquandiu Mars dubius pugnam

in pen-

in pendulo. Tandem cum succumbere viderentur Antoniani, prima omnium insolens Cleopatra cum aurea qua uehebatur naui, & 60. alijs fugam coepit, quam extemplo Antonius deiectis ex prætoria inliguibus secutus est, & in Ægyptum redeuntes, in cassum vires suas ad defensionem regni, transmissis omnibus filijs ad rubeum mare disposuerunt. Nam victor Octavianus, secutus eos, pluribus secundis prelijs vires exinaniuit eorum, à quibus cū feræ pacis condiciones peterentur, nec obtinerentur, desperans Antonius (ut nonnulli volunt) Mausolæum regium intrans, sese gladio interemit, capta uero Alexandria cum Cleopatra ingenio veteri, in uanum tentasset, uti iam dudum Cæsarem, & Antonium illexerat inconcupiscentiam suam, sic & iuuenem Octavianum illicere, indignans cū audisset se seruari triumpho, atq; de salute desperans, regijs ornata suum Antonium secuta est, & secus eum posita ad apertis brachiorum venis, Hypnales serpentes vulneribus moritura apposuit. Aiunt quidam hos, mortem somno in ferre, in quo resoluta auaritiæ lasciuiæ, atq; vitæ finem sumpsit infelix. Octauiano conante, illis vulneribus uenena admotis, illam in uitam referuari si posset, sunt tamen alij eam ante præ mortuam, & alio mortis genere dicentes. Aiunt enim Antonium timuisse apparatus. Actici belli gratificationem Cleopatræ, & ob id nec pocula, nec cibos, nisi prægustatos assumere ad sueuisse. Quod cum aduertisset Cleopatra, ad fidem suam erga eum prægrandem, pridianis floribus, quibus coronas ornauerat ueneno per litis, capitiq; suo impositis in ludum traxit Antonium, & procedente hilaritate inuitauit eundem, ut coronas biberent, & Cyphum dimissis floribus, cum haurire uoluisset Antonius, manu, à Cleopatra prohibitus est, ea dicente, Antoni dilectissime ego illa sum Cleopatra, quam nouis & insuetis prægustationibus tibi suspectam ostendis, & ob id si pati possem, ut biberes, & occasio data & ratio est. Tandem cum fraudem, ea monstrante, nouisset Antonius, eam in custodiam deductam, poculum quod ne biberet prohibuerat exhaurire coëgit, & sic illam exanimatam uolunt. Prior fulgarior est opinio, cui additur ab Octauiano compleri iussum monumentum, quod Antonius incipi fecerat, & Cleopatra, eosq; simul in eodem tumulari.

IOANNES BOCCATIVS,
DE ANTONIA ANTONII
filia. Caput lxxxvij.

Constantis viduæ specimen præbere solebat,
Hæc mulier, sacro numine tincta Dei.

ANtonia minor clarissimæ viduitatis exemplū indelebile posteritati reliquit. Hæc etenim Marci Antonij triumviri ex Octavia (vt creditur) filia fuit, & ideo minor cognominata, quia illi soror esset natu maior, & eodem nomine nuncupata. Nupsit cuidam Druso Tyberij Neronis fratri, & Octavianus Augusto priuigno, & ex eo peperit Germanicum, atq; Claudium, postea Augustum & Linillam, qui dum Germanicæ expeditioni vacaret (ut quidam arbitrantur) Tyberij fratris sui opere, ueneno perijt, cuius post mortem cum ætate florida, atq; conspicua formositate niteret, rata satis honeste mulieri nupsisse semel, à nemine potuit ad secundas nuptias prouocari, qui nimò reliquum vitæ spacium, Sub Liuiæ socru, intra limites cubiculi viri sui, adeo caste, adeo sancte transegit, ut præteritarum omniū matronarum laudes uiduitate celebri superaret, equidem inter Cinciñatos, Fabricios Curiosq; & Lucretios atq; Sulpitios sanctissimum splendidissimum est, etiam prouectis ætate mulieribus, & Catonū filiabus absq; lasciuia nota duxisse uitam, & laude plurima extollendum. Quod si sic est, quibus prosequemur preconijs iuuenem pulchritudine insignem, & Marci Antonij spurcissimi hominis familiam, non in syluis & solitudinibus, sed inter imperialia otia, atq; delitias, inter Iuliam Octavianæ filiam, & Iuliam Marci Agrippæ libidinis, & lasciuia feruentissimos ignes, inter Marci Antonij genitoris sui, atq; Tyberij postea principis obscenitates & dedecora, in patria olim frugi, nunc turpitudinibus omnibus dedita, inter mille concupiscentiarum exempla, cōstanti animo & forti pectore castimoniam, non per tempusculum, & in spem futuri coniugij, sed uirtuti obsequentem in senectutem, & mortem usq; seruantem, Addepol nil dignum reliquum satis est verbis, consideratione forsā aliquid superextat, quod quidem quia uires excedit scribentium, considerantium merita consideratione extollendum satis sacri ingenij reliquisse.

DE AGRI-

DE AGRIPPINA GERMANICI
coniuge. Caput lxxxviii.

Maluit illa fame uitam finire recocta,
Quàm iuga ferre mali regis iniqua, tenax.

Agrippina Marci Agrippæ, ex Iulia Octauiani Cæsaris genita fuit, esto Caius Caligula eiusdem Agrippinæ filius, iam orbis princeps, abhorrens Agrippæ aui materni rusticitatem diceret, eam non ex Agrippa, sed ex stupro Octauiani in Iuliam filiam perpetrato, fuisse progenitam, stolidè credi cupiēs, se nobiliorem ex tam incestuosa concepta matre natum, quam ex ignobili patre sacrata lege suscepta, sed cuiuscunq; fuerit filia, Germanico suæ ætatis insigni iuueni, & plurimum rei publicæ opportuno, ac Tyberij Cæsaris Augusti filio adoptiuo, nupta est, satis ob hoc fulgida, sed fulgidior, quod insolentissimi principis obstinato proposito recudisset perfidiam. Hæc cum ex Germanico uiro suo, tres iam enixa fuisset mares, ex quibus unus Caius Caligula, qui postmodum Rhomanis rebus præfuit, & totidem æque scemellas, ex quibus Agrippina Neronis Cæsaris mater, cum opere Tyberij patris (ut pro comperto habitum est) veneno sublatū ægreferret, & scemineo ritu, planctu plurimo celeberrimi iuuenis uiri sui necem desleret, in Tyberij odium incidit, adeo, ut ab eodem eam brachio tenente obiurgationibus fletum usq; infestante, quod nimium ferret impatienter, se rebus principari non posse, & pluribus deinde in processu laceratam apud senatum criminationibus, custodiri iussit infontem. Porro egregia mulier indignum rata, quod in se agebatur à Cæsare, morte fastidia stomachosi principis effugere, aut finire disposuit, qui cū aliter satis cōmode non daretur, famem generoso animo accersire statuit, confestim à quocunq; cibo abstinere cepit. Quod cum esset relatum Tyberio, & aduertisset ignauus homo, quo ieiunium tenderet mulieris, ne tam certa uia, tanquā breui spacio sese suis subtraheretur iniurijs, nil proficientibus minis, aut uerbis, cū cibum caperet, eo usq; ne sibi auferretur sæuendi in eam materia deductus est, ut cibum gutturi eiusdem uiolenter impingi faceret, ut quocunque inodo stomacho fuisset iniectus, alimenta uolenti perire præstaret. Agrippina uero quanto magis exacerbabatur iniurijs, tanto acrioris efficiebatur propoliti, & incepto perseverans scelesti principis insolentiam moriens superauit, ostendens cū multos posset facile dum uellet occidere, unum solum mori uolentem, totis sui dominij uiribus uiuum seruare non posset, quā quidem morte & si plurimum gloriæ sibi apud suos quæsiuerit Agrippina, Tyberio tamen longe amplius ignominæ liquit.

IOANNES BOCCATIUS.
DE PAULINA RHOMANA
fœmina. . . Caput lxxxix.

Simplicitate fuit Paulina superstitiosa,
Quam iuuenis specie lusit Anubis amans.

PAulina Rhomana mulier, quadā ridicula simplicitate sua, ferè indelebile nomen consecuta est. Hæc Tyberio Cæsare Augusto Rhomanis imperante, uti præ ceteris matronis formositate oris, & corporis venustate habebatur insignis, sic nupta inclytæ pudicitie specimen reputabatur à cunctis, nec aliud præter uirum studio curabat præcipuo, quam ut Anubi Ægyptiorum deo, quem tota veneratione colebat, obsequi posset, & eius promereri gratiam. Sanè cū ubiq; à iuuenibus speciosæ ament, & hæ potissime, quibus est solers castimonia cura pulchritudinis, huius iuuenis unus Rhomanus cuius Mundus nomen erat, eam impense nunc oculis, gestibus, facetijs, nunc promissionibus, atq; muneribus, nunc precibus & blanditijs sollicitare ceperat, si forte posset obtinere, quod ardēter optabat, sed omnia frustra castissima mulier soli viro dicata, amantis cuncta sinebat in auras, qui cum ceptis insisteret, aduertetq; aperto calle, sibi mulieris constantia viam preripi, in fraudes uertit ingenium. Consueuerat autem Paulina Isidis templum singulis diebus visitare, sacrisq; continuis placare Anubim, quod cū nouisset iuuenis, amore ostendente dolum inauditum excogitauit, & ratus Anubis sacerdotes votis suis plurimum posse conferre eos audiuit, illosq; & amplissimis donis in suam deduxit sententiam, actumq; est eo præmonstrante, ut ex eis senectute venerabilior, venienti more solito Paulinæ placida uoce diceret, noctu ad se uenisse Anubē, eiq; iussisse, ut eidem diceret, se deuotione sua delectatum plurimum, scq; eo in templo per quietem eius desiderare colloquium, quæ cum audisset Paulina, ob sanctitatem suam hæc cōtingere arbitrata, in imensum ex dictis secum gloriata est, adeoque uera credidit, uti à deo Anube auribus suis percepisset ipsa mandata, uiroq; suo retulit omnia. Qui stolidior coniuge annuit petenti, ut pernoctaret in templo, Stratus ergo æde in sacra, ignaris omnibus, præter eā & sacerdotes lectus deo dignus, & tenebris iam terrā obumbrantibus, intrat Paulina, locum arbitrisq; remotis, post orationes & sacra Deum expectatura lectum adit. Cui iam soporatae Mundus à sacerdotibus intromissus, & exposito ornatu Anubis tectum affuit, & cupidus amatae, à se mulieris ruit in oscula, iubetq; excusso somno abstupefcenti bono animo esse, se Anubem à se tã diu veneratum fore, è coelo suis precibus, atq; deuotione lapsum, et in eius uenisse concubitum, ut ex se eaq; similis gigneretur deus, quæ ante alia petijt ab Amasio, quid

fio, quid superi aut possent, aut cōsueuissent misceri mortalibus? cui euestigio
Mundus respondit, posse, Iouemq; per tegulas in gremiū Danaës lapsum, de
dit exemplum, & eo accubitu genuisse Perseum, qui postmodum in cœlum
assumptus est, quibus auditis Paulina lætabunda petito annuit. Intrat Mun-
dus nudus pro Anube lectum, & amplexu coituq; fruitur optato. Sed cum
iam nox iret in diem, abiens Iusæ dixit eam filium concepisse. Mane autem
facto, sublato è templo à sacerdotibus lecto, Paulina viro, quæ acta sunt retu-
lit, credidit infusus homo, & applausit coniugi enixuræ deum. Nec dubi-
um, quin ab ambobus fuisset expectatum pariendi tempus, ni iuuenis ardens
minus caute dolum apperuisset, is quidem forte conscius, eam auide in ample-
xus & coitum venisse, arbitratus, si prostratam à se ingenio suo eius ostendis-
set pudicitiam, flexibilem magis & auidam æque noctis futuram. Et sic faci-
liori viâ iterum, & sæpius in concupitos posse redire amplexus, eunti ad tem-
plum Paulinæ factus est obuius, dixitq; voce submissa, beata in quam es Pau-
lina, cum ex me Anube Deo conceperis. Verum longe aliter quàm arbi-
traretur successit ex verbo, nam cui obstupuiſſet Paulina, & in mentem
ex gestis auditisq; reuocasset plurima, confestim fraudem sen-
sit, & turbata se ad virum retulit, eiq; Mundi atque
sacerdotum dolum, vt ipsa percipiebat ape-
ruit, ex quo subsecutum est, vt vir con-
quereretur Tyberio, à quo com-
perta fraude actum est, ut
sacerdotes afficeren-
tur supplicio,
& Mun-
dus
multa-
retur exilio, &
Iusæ Paulina in Rho-
mani vulgi uerteretur fa-
bula. Notior etiam clarior sim-
plicitate sua, & Mundi fraude facta,
quam ex Anubis deuotione, & seruata casti-
monia tam solenniter.

IOANNES BOCCATIVS,
DE AGRIPPINA NERONIS
Cæseris matrè. Caput xc.

Hæc est, quæ fuerat uiuens infamia mundi,
Imperij labes, spucitiesq; sui.
Nascitur inde Nero, scelerum vir, publicus hostis,
Perfidus, ingratus, raptor, iniquus atrox.

Agrippina Neronis Cæsaris mater, genere, consanguinitate, imperio, & monstruositate filij, ac sua, non minus quam claris facinoribus emicuit. Hæc etenim Germanici Cæsaris optimi, atq; laudandæ indolis iuuenis ex Agrippina superiori, filia fuit vocata Iulia Agrippina, & Cai Caligulæ principis soror, nupsitq; Cneo Domicio homini ex Ænobardorum familia fastidiosissimo atq; graui, ex quo Neronem insignem toto orbi beluam, præmissis ex materno vtero pedibus peperit, uerum Domicio intercutis morbo absumpto, Nerone adhuc paruulo, cum formosissima esset, Caius frater eius homo spurcissimus, turpi stupro ea abusus est, & sublimatus in principē, seu minus eius mores approbans, eo quod se lepidi dominij spe miscuerit, seu Æmuli alicuius impulsu, eam ferè bonis omnibus priuatam relegauit in Insulā. Quo tandem à militibus suis trucidato, eiq; Claudio substituto ab eodem reuocata est, quæ tractu temporis, cum audisset Valeriam Messalinam, varijs agentibus meritis confessam, spem euestigio intrauit, sibi natoq; potiundi orbis imperij, & coelibem principem, esto Germanici patris sui fuisset frater, decora pulchritudine sua, aduersus Lolliam Paulinam, opitulante Calixto Liberto, & Æliam Petinam Narcisso fauente, opere Pallantis, Claudium in præ grande nuptiarum suarum desiderium traxit. Sed obstare voto videbatur honestas, eo quod illi neptis esset ex fratre, verum oratione Vitellij, subornatu actum est, vt in desiderium suū cogeretur precibus senatorum, eoq; orante fieret à senatu decretum, quo præstaretur patruos posse neptes inducere, & sic Agrippina volente Claudio, & orāte senatu, eius venit in nuptijs, quæ tandem Augusta dicta est, & carpento in Capitolium ferebatur, solis sacerdotibus ante concessum, & in aduersos sibi, sæuire cœpit supplicijs. Demum cum astutissima esset mulier tēpore captato, quamq; utriusq; sexus filij essent Claudio, eū induxit, suadente illi Memio Pollione tunc consule, & urgente plurimum Pallante liberto, qui ob stuprum, Agrippinæ suæ fautor erat, vt Neronem priuignū in filium adoptaret Claudius, quod ante in familia Claudio- rum factū nemo meminerat, eiq; Octauiam q̄ ex Messalina suscepit, & q̄ Lucio Syllano nobili iuueni desponsata fuerat, sponderet, in coniugē, quibus ob-

tentis

tentis rata in casses beluam incidisse, non tantum Claudij assiduarum in gurgitationum affecta tædio, quantum ne ante patris mortem, Britanicus Claudij filius, in ætatem solidam deueniret exterrita, Narcisso etiã pro Britannico multa perorante, quasi proposito suo futurum obicem, arbitrata in mortem Claudij facinus exitiale cõmentata est, delectabatur quidem Claudius boletis plurimum, illosq; cibos dicebat deorum, & ideo absq; semine sua nasci sponte. Quod cum aduertisset Agrippina, studiose coctos infecit veneno, eosque (secundũ quo scdam) ipsa apposuit temulento. Alij uero dicunt, epulante in arce cũ sacerdotibus Parolotum Sarpadonem prægustatorẽ suum ab Agrippina corruptũ appositos. Verum cũ vomitu & alui solutione videretur salus Claudij secutura, opere Xenophontis medici, illitis veneno pennis ad uomitũ continuandũ porrectis, eo itum est, quo cupiebat uxor, ipse tandẽ in cubiculũ reductus, ignaris omnibus præter Agrippinam mortuus est, cuius quidẽ mors non ante ab Agrippina palã nunciata est, q̃ amicorum suffragio, omisso Britannico tanq̃ iuniore, Nero iam pubescens sublimaretur in principem, quod adeo gratum fuit Neroni, ut matrem illico tanquam bene meritam, in cunctis tam publicis quã priuatis præponeret, uidereturq; sibi titulũ, matri uero principatum sumplisse. Et sic effoetula Rhomani principatus Agrippina toto effulsit orbi, Cæterum splendor iste tã grandis, turpi macula labefactus est, nam cæde plurimum atq; exilijs aliquandiu debacchata est. Præterea creditũ fuit, ea patiente præter naturalem in matrẽ dilectionem amore illecebri à filio fuisse dilectam, cũ is meretricem ei persimilẽ, inter pellices assumpsisset, & concubitum testarentur persæpe maculæ vestibus iniectæ, quotiens cũ ea lectica delata est. Dato uelint aliĩ eam in facinus hoc filium attraxisse, desiderio recuperandi dominĩ, à quo deiecta videbatur, eo quod in Neronem qbusdã ex causis multum oblocuta fuerat, quod firmari nolunt ob id, quod de cætero Nero sit adsuetus fugere eius contuberniũ, & solitudines colloctionum. Attamen quæ Patrinũ in coniugium suũ allexerat, boleto peremerat, ineptum iuuenem fraudibus & violentia sublimaret imperio, indetestabilẽ quanq̃ meritam mortem deducta est. Nam cũ in multis filio grauis esset, eius meruit odiũ, ex quo omni honore & augustali maiestate ab eo priuata est, quæ idignans & scemi-neo irritata furore, eidem uti procurauerat, sic se subrepturam imperiũ minata, quibus exterritis Nero, cũ eam & occulatam nimiũ nosceret, & ob memoriam Germanici patris amicorum subsidijs plenam, ueneno ter illam surripere conatus est. Sed discreta mulier antidotis offensam vitauit. Demum cũ & laqueos cæteros, quos in necem eius tetenderat euitasset, intellexit Nero cautiore fraude agendum fore, eiq; exposcenti, ab Aniceto præfecto classis, apud Misenum olim, à pueritiã nutritore suo responsum est, nauim posse componi

componi fragilem, in qua suscepta Agrippina doli ignara periclitari posset, quod cum Nerone placuisset, eam ab Antio venientem, quasi præteritorum odiorum poenitens, ficta filiali affectione suscepit in ulnis, & usq; domum profecutus est. Inde apparata naui in suam perniciem, ad coenam itura illam conscendit, comitantibus Creperio Gallo, & Acerronia libertis, eisque per noctem nauigantibus dato signo à consocijs, cecidit tectum naui, plurimo plumbo graue, & oppressit Crepertium, deinde nautis agentibus, ut tranquillo mari naui uerteretur in latus, auxilia Acerronia inuocante contis remisq; occisa est, & Agrippina humero faucia, & in mare tandem deiecta, à littoralibus suffragantibus in Lucrinum lacum uillamq; suam deducta est, inde ea iubente, ab Egerino liberto Neroni, quoniam euasisset nuntiatum est, qui detineri illum iussit, quasi saluti suæ insidiaturus venisset, missiq; sunt Anicetus & Herculus Tetrarchus, item & Centurio Classarius, ut illam perimerent. Et cum esset ab Aniceto circumdata domus, & ancillula, qua sola sociata erat Agrippina fugisset, introgressi ministri ad eam, primus Herculus caput eius fuste percussit, inde cum ipsa cerneret Centurionem ferrum in mortem eius expediētem, protenso utero clamauit, ut uentrem ferirent, & sic occisa nocte eadem cremata est, & uilibus exequijs terra contacta, leuem demum tumulum sui, in uia prope miscuum, & Cæsaris Iulij villam eidem apponentibus. Alij uolunt à Nerone conspectam post cedem, & ex membris aliqua ab eodem damnata, aliqua laudata & demum sepultam.

DE EPITARI LIBERTINA

foemina. Caput xci.

Maluit illa mori, sacro quàm rumpere verba,
Conspiratorum foedere pacta virum.

EPitaris extera potius quam Rhomana creditur foemina, nec tantum ullo generis fulgore conspicua, sed à Liberto genita patre, Libertina mulier fuit, & quod longe turpius est, nullis delectata bonis artibus, circa tamen vitæ exitum, sibi generosum fuisse animum patefecit virili robore crescentibus quidem apud Rhomanos & Italos omnes, Neronis Rhomanorum principis in solentis lasciujsq; eo itum est, ut Lucio Pisone, principe in eum nonnulli senatorum aliorumq; ciuium conspirarent, dumq; rem in finem trahere varijs tentarent colloquijs quo pacto nescio, sed in noticiam Epitaris prædictæ deuenere omnia, & coniuratorum nomina. Verum

cum iudicio suo nimium protraheret opus, quasi tædio affecta, in Cāpaniam successit, & dum apud Puteolos forte resideret, ne tempus sineret abire uacuum, Volusium Proculū Chinolartem classisq; Rhomanæ præfectū, & olim Agrippinæ interfectorem conuenit, rata multum emolumentum addere coniuratori, si eū trahere posset in partes, & ostensis longo ordine Neronis flagitijs, fastidijs, ineptisq; moribus & insolentijs, & inde eius in eū ingratitudine, qd' ob tam grande facinus Agrippinæ scilicet cædis, in re nulla tanquam bene de se meritum promouisset, cōiurationem aperuit, totisq; viribus conata est eum coniuratis addere sociū. Sed longe aliter quam arbitraretur Epitaris, secutum est, nā Volusius experturus, nunquid obsequijs in se principis gratiā flectere posset, quā cito illi Cæsaris copia concessa est, Epitaris dicta reserauit omnia, esto non egerit quod rebatur, nā ambiguo adhuc homini, astuta mulier nullā conspirantium notam ediderat. Ea autē accita, fieri non potuit, ut ex rogatis quicq; aperiret rogantibus. Tandem cū seruaretur sub custode, cōiuratione per coniuratos ipsos casu patefacta, iterum in examen reuocata, quasi suppliciorum oneribus impatientior, facilius ab ea quod optabatur extorqueri posset, post lōgos cruciatus carnificibus etiā inferentibus ultro, ne superari uiderent à foemina, nullum constantissimi pectoris reserauit arcanum. Tandem in diē reseruata posterum, cū pedibus ire nō posset timens, si tertio uocaret, nō posse sustinere, solutam pectori fasciam, arcui sellæ, qua uehebat implicuit, & facto laqueo gutturi iniecit suo, & cū omnem illi corporis dimisisset molem, ne cōspiratis obesset, uiolentam sibi mortem consciuit. Veteri frustrato prouerbio quo docemur, tacere quod nesciunt mulieres, & sic Neronem uacuum trepidumq; reliquit. Quod quidem & si maximū uideatur in foemina, longe tamen spectabilius est, si spectetur eiusdem cōiurationis egregiorū hominum inconstantia, quorū aliunde q̃ ab Epitari cognitorum, nemo tamen robustæ iuuentutis fuit. Qui ne dum pati pro salute propria, quod pro aliena foemina passa est. Sed nec audire tormentorū nomina pateretur, quinimò percontanti cōfestim, quæ nouerat de conspiratione narraret, sic nemo sibi amicisq; pepercit, cum cunctis nisi sibi foemina pepercisset inclyta. Oberrare crederem naturam rerum aliquādo, dū mentem mortalium corporibus necit, illam scilicet pectori infundendo foemineo, quam uirili imisisse crediderat. Sed cum Deus ipse dator talium sit, eum circa opus suum dormitari nephas est credere. Sumamus ergo perfectas omnes arbitrandū est, nunqd tamen seruemus ipsum indicat opus? Erubescendum nempe hominibus reor, ne dū à lasciuiā foemina, sed etiam à constantissima quacuncq; laborum tolerantia vincuntur. Nam si præualetur sexu, cur non & ut fortitudine præualeamus decens est, quod si non sit cum ipsis effoeminati iure de moribus transegisse uidemur.

DE POM-

DE POMPEIA PAULINA

Lucij Annei Senecæ coniuge.

Caput xciij.

Nobilis hæc Senecæ coniunx charissima, uterq;
Fortiter hic moritur, fortiter illa adamat.

Pompeia Paulina Lucij Annei Senecæ præceptoris Neronis inclyta fuit coniunx. Vtrum autem Rhomana, an alienigena fuerit legisse non recolo, attamen dū spiritus eius gloriositate intueor, credisse malim Rhomanam fuisse potius quam forensem. Cuius & si certa careamus origine, certissimo tamen pijsissimi eius amoris in uirum exemplo, illustrium uirorū testimonio non caremus. Credidere quidem ex honestissimis illius æui hominibus, quam plurimi, sæuicia Neronis potius quam crimine Senecæ, eundem Senecam senem atq; celeberrimum virum, Pisonianæ coniurationis labe notatum (si labes vir dici potest) in tyrannum agere quid aduersum, qua sub umbra, ob vetus (imò ob innatum in uirtutes odium) ab ipso Nerone sæuiēdi in Senecam via comperta est. Esto arbitrati quidam sint impulsu Poppeæ atq; Tigillini, unicū imperatori crudelitatis consilium, eo itum sit, vt indiceretur per Centurionem Senecæ, ut sibi mortem deligeret, quem cū se ad executionem accingentem vidisset Paulina, sepositis consolatorijs viri ad uitam blanditijs, quibus hortabatur, castissimi amoris impulsu, mortem & illud idē mortis genus forti animo capescere, vna cum coniuge disposuit, vt quos vinctos honesta uita tenuerat, vinctus mors una dissolueret. Et cum impauida tepentem intrasset aquam, & eadem hora cum uiro ad effundendum spiritum venas aperuisset, iussu principis cuius in eam nullum erat particulare odium, ad opprimendam paululum infamiam innatæ crudelitatis renitens, à seruis morti subtracta est. Verum non adeo cito sanguis consistere coactus est, quin pallore perpetuo testaretur, mulier optima plurimum uitalis spiritus emisisse cum uiro. Tandem cum paucis annis viri memoriam laudabili uiduitate seruasset, cum aliter no posset nomine saltem Senecæ coniunx, clausit diem, quid præter amoris dulcedinem, & conspicuū pietatis insigne, ac uenerabile sacrum coniugij suasisse potuisset mulieri optimæ, malle honeste si potuisset, cum sene coniuge mori, quam uitam (ut plurimum faciunt foeminae) secundis nuptijs non absq; erubescencia ineundis seruare, etenim in maximū matronalis pudicitie dedecus, nonnullis his diebus non dicam secundum, aut tertium (quod omnibus ferè cōmune est) sed sextum septimū & octauum, si casus emerferit, inire connubi-

connubium, adeo familiare est, & nouorum virorum thalamis inferre facies, vt uideantur morem meretriculis abstulisse, quibus cōsuetudo est pernoctando, nouos sēpissime mutare concubitus, nec alio subeunt vultu iugalīa sēpius iterata iura, quam si per sanctissimum honestati præstarent obsequium.

Equidem non satis certum est, an ex lupanaris cellula, an ex præmortui viri thalamo, tales exire dicendæ sint, nec dubitem suspicandum, quis agat: aut inhonestius intrans, aut stultitius introducens, Heu miseri

quo nostri corruiere mores? consueuere veteres, quibus

erat pronus in sanctitatem animus, ignominio-

sum arbitrari, ne dum septimas sed secun-

das inisse nuptias, nec posse de

cætero tales honestis iu-

re misceri matro-

nis. Hodi-

ernæ

longe ali-

ter, nam libidi-

nosam pruriginem reti-

centes, suas formositates ca-

rioresq; se existimantes, quoniam

crebris sponsalitijs viduitatis superata for-

tuna totiens placue-

rint maritis

uarijs.

DE POPPEA SABINA NE-

ronis Cæsaris coniuge.

Caput xciiij.

Poppea prægrandes fertur fecisse solæcos,

Corpore scæda nimis, blanda sed ore nitet.

Ingenio fuit illecebri, nulloq; pudore pudenda,

Omnibus ex æquo, præbuit illa salax.

Sabina Poppea Rhomana & illustris fuit scemina Sabini Poppei, non equidem extremæ nobilitatis uiri filia, quanquam non ex eo nomen sum

M pserit.

pferit sed à materno auo Poppeo Sabino viro inclyto, atq; triumphalis deco-
 ris & consolatu insigni, nec illi cætere muliebres defuissent dotes, si honestus
 fuisset animus. Fuit enim formositatis inuisæ, & matri suis annis cæteras Rho-
 manas pulchritudine excedenti persimilis. Præterea erat illi sermo blandus
 & laudabili sonorus, dulcedine, ingenium egregium, atq; versatile, si ea hone-
 stis artibus fuisset usa. Mosq; illi fuit assiduus, palam modestiam præferre,
 clàm autem uti lasciuiæ (commune mulierum crimen) & cū illi rarus esset in
 publicum egressus, arte tamen non caruit. Nam cum intellexisset callida mu-
 lier intuitu oris sui multitudinem, & primores potissime delectari, semper eis
 parte velata egressa est, non quidem vt absconderet quod concupisci deside-
 rabat, verum ne intuentium oculos liberali nimium demonstratione faceret,
 sed potius quod occultauerat velo, videnti desiderium linqueret. Et ne per
 mores omnes suos discurram cum nunquam famæ parceret, eo libidinem fle-
 ctebat suam, quo paratior ostendebatur vtilitas, nullum faciens inter maritos
 moechosq; discrimen. His insignita notis foemina, obsequentem satis fortu-
 nam habuit. Nam cum sibi abunde facultates ad gloriam generis sustinendā
 suppetere, primo Ruffo Crispo Rhomano equiti nupsit. Et cum iam ex eo
 peperisset filium, suggestu Othonis iuuentute luxuq; valentis potentisq;, Ne-
 ronis contubernio eidem Othoni adhæsit adultera, nec diu & coniunx effecta
 est. Sanè is seu amoris feruore minus cautus, seu iam nequiens petulantis mu-
 lieris tollerare mores, & ob id eam in Neronis concupiscentiam trahere cona-
 retur, seu sic exigente fortuna Poppeæ, è conuiuio Cæsaris surgens auditus di-
 ctitare consueuerat, se ad illam rediturum, cui à superis omnis penitus fuisset
 concessa nobilitas, elegantia morū, & diuina formositas, in qua cōsisterent om-
 niū vota mortaliū, atq; gaudia voluptatesq; feliciū. Quibus facile irritata Ne-
 ronis libido, adinuenta non longa cunctatione, per intermedios adeundi viā
 in amplexus principis volens cupiensq; deuenit. Nec multum distulit, & ar-
 tificiosis foeminæ delinimētis, adeo irretitus est Nero, ut arbitraret ea esse veri-
 ssima, q̄ dictitare consuerat Otho, quod cū nosceret sagacissima mulier, dissi-
 mulans q̄ optabat, captato tempore fictis perfusa lachrymis aiebat, aliquñ se a-
 morem suū omnino, quo cupiebat inferre non posse, cū & ipsa Othoni coniu-
 gali iure, obnoxia esset, & principē teneri gratia Atis ancillulæ pellicis aduer-
 tebat. Ex quibus secutū est, vt Otho sub specie honoris amotus præfectus Bi-
 sitaniæ prouinciæ mitteretur, et Atis excluderet omnino. Inde in Agrippinā
 principis matrē inuehi cœpit Poppea, dicens, aliquando principem nedū im-
 perio, sed nec libertate gaudere, & eum esse pusillum e nutritis arbitrio trahi.
 Quibus obstante nemine ob odiū ferè omniū in superbiam Agrippinæ actum
 est, ut Neronis iussu, misera mater violenta morte subtraheretur.

res Tigillino opitulante castrorum præfecto, tandem cum principem in sui dilectionem ardentissimum cerneret, & obstacula desiderij sui cuncta fore sublata, in coniugium Neronis explicare retia cœpit. Et cum illi iam peperisset filiam vnicam, Memmio Regulo & Virginio Ruffo consulibus, quam summo cum gaudio Nero susceperat, eamq; Augustam Poppeam nuncuparat, iam audaci oratione instare cœpit, dicens, nemini geminam concessisse noctem, quin euestigio sequeretur connubium, neq; se fore degenerem, & foecunditate uteri atque formositate corporis imperatoris mereri nuptias, & cum flagrantem principem in desiderium traxisset connubij, primo Octavia coniunx, olim Claudij Cæsaris filia, in Pandeteriam insulam innocua relegata est; & demum vigesimo ætatis suæ anno, impulsu Poppeæ Nerone mandante occisa, & Poppea Cæsari iuncta coniugio, sed non diu longis artibus quæsito, atq; potito columine eo gauisa est, nam prægnans iterum facta fortuna Neronis ira calce percussa diem obiit. Cuius aboleri corpus igne Rhomano more Nero prohibuit, sed exterorum regum ritu magnifica exequiarum pompa deferri publice iussit. Illudq; refertum odoribus lu-

liorum tumulto condi. Ipse autem pro rostris, illam & potif-

sime formositatis præcipuæ longa, & accurata oratione

laudauit, nonnulla fortunæ seu naturæ dona, qui-

bus insignita erat, loco clarissimarum vir-

tutum illi attribuens. Erat mihi in-

ter has Poppeæ fortunas, quid

dicerem in mollietiem nimi-

am, in blanditias, petu-

lantiam, lachrymâ-

que mulierum

certissimū,

ac per-

niciosissi-

mum virū cre-

dentium animorum.

Sed ne uiderer Satyram potius

quam historiam recitasse

obmittendum

censui.

M ñ DE TRI-

DE TRIARIA LVCII VI-

tellij coniuge. Caput xciiij.

Hanc amor insanus rapit ad fera bella, mariti
Quo imperium amplificet, fiat ut ille potens.

Triaria mulier nullo alio sui generis splendore cognita, nisi quia Lucij Vitellij fratris Aulij Vitellij Rho-manorum principis coniunx fuit. Cuius seu ob feruidum in uirum amorem, seu ob insitam animo natura atrocitatem tanta fuit ferocitas, quod ob aduersum mulieribus morem, memoratu digna uisa est. Discordantibus ergo ob principatum Vitellio Cæsare atque Vespasiano, actum est, ut cum intrassent Tarracinam Volscorum oppidum, nonnulli gladiatores sub Iuliano quodā duce, & remiges etiam plures Rho-manæ classis, haud longe ab Actio monte sub Pollinario præfecto morantes, & ab his cum Vespasiano sentientibus per negligentiam, & socordiā teneret serui cuiusdam inditio factum est, ut nocte illa Lutius intraret. Qui dum in semisopitos arma arripientes hostes atq; oppidanos infestos ferro sæuaret, Triaria, quæ per noctem secuta uirum ciuitatem intrauerat, in coniugis uictoriam auda accincta gladio, & Vitellianis immixta militibus, nunc huc, nunc illuc, per medias noctis tenebras, inter clamores dissonos & discurrentia tela sanguinem, morientiumq; singultus extremos, nil militaris seueritatis obmittendo, irruebat in miseros, adeo ut crudeliter nimium atq; superbe in hostes egisse relatum sit. Ingentes insano pectore coniugalis amoris sunt vires, nulla illis dummodo viri gloria extollatur formido, nulla pietatis memoria, nulla sceminei sexus erubescencia, nulla temporum qualitatatis existimatio, potuit Triaria in decus viri omnia facili labore subire, quæ nedum sceminas (quibus ut plurimum mos est, etiam diurno muris murmure in sinu coniugis exanimari) sed robustos iuuenes atque bellicosos horrore quandoq; corripere. Et si tanto cum impetu se tulit hæc in arma nocturna mulier, quis credet eam, hoc tantum facinore fuisse conspicuam, cum non consueuerint (seu exitiosæ sint seu celebres) solæ mortalium pectora subire virtutes. Ego quidem reor quanquam à memoria sublata sint, longe alijs meritis spectabilem fuisse Triariam.

DE PROBA ADELPHI CON-

iuge. Caput xcvij.

Illa fuit Vates, studijs quoq; dedita Vatum,
 Carmina Vergilij legit, uertit & illa probè.
 Carmine composuit docto, clarissima Diuum
 Facta, poëtarum mystica sacra canens.

PRoba factò & nomine literarum notitia memoratu dignissima fuit fœmina, & ne eius ignoretur nobilitas & origo, placet nonnullis, & ex coniectura credo iam fuissè Rhomanam, alij uero clarissimi viri asserunt eam ex oppido Othry oriundam, & cuiusdam Adelphi cōiugem & Christianam religione. Hæc ergo, sub quocuncq; præceptore factum sit, liberalibus artibus valuisse liquide potest præcipi. Verum inter alia eiusdem studia adeo per- uigili cura Virgiliani carminis docta atq; familiaris effecta est, vt ferè omni opere à se confecto teste in conspectu, & memoria semper habuisse videatur. Quæ dum forsan aliquândo perspicaciori animaduertentia legerit existimatio- nem incidit, ex illis omnem testamenti veteris historiam, & noui seriem placi- do atq; expedito, & succi pleno versu posse describi. Non equidem admira- tione caret, tam sublimẽ considerationem muliebri subintrasse cerebrum, sed longe mirabile fuit executioni mandasse. Operam ergo pio conceptui præ- stans nunc huc, nunc illuc per Bucolicum, Georgicumq; atque Æneidos sal- tim discurrendo carmen, nunc hac ex parte versus integros, nunc ex illa metrorum particulas carpens, miro artificio in suum redegit propositum, a- deo apte integros collocans, & fragmenta connectens seruata lege pedum & carminis dignitate, vt nemo nisi expertissimus, compages posset aduertere, & his ab orbis exordio principium faciens quicquid historiæ in veteribus at- que nouis legitur literis, & usq; ad immisionem sacri spiritus, tam compte composuit, vt huius compositi ignarus homo Prophetam pariter & Euan- gelistam facile credat fuisse Virgilium. Ex quibus non minus commen- dabile sumitur, huic scilicet mulieri sacrorũ voluminũ integram, seu satis ple- nã fuissè notitiam, quod q̃ raris etiã hominibus nostro contingat æuo dolen- tes nouimus. Voluit insuper egregia fœmina labore suo cōpositum opus uo- cari Centonã, qđ ipsi persæpe uidimus, & quanto magis illud memoratu per- petuo dignum putamus, tantominus credimus tã celebre mulieris huius inge- nium, huic tm acquieuisse labori, quinimò reor si in annos ampliores uitæ pro- tracta esset, eam alia insuper condidisse laudabilia, quæ Librariorũ desidia, no- stro tm incomodo, ad nos usq; deuenisse nequiuere. Quæ inter (ut nonnul-

lis placet) fuit Homeri Centona eadem arte, & ex eadem materia; qua ex Virgilio sumpterat, ex Homero sumptis carminibus edita. Ex quo si sic est, sumitur eius cum ampliori laude, eam doctissime Græcas nouisse literas ut Latinas. Sed quæso nunquid optabilius audisse sceminam, Maronis & Homeri scandentem carmina, & apta suo operi se ponentem seu lecta artificioso contextu nectentem, eruditissimi perspectent viri, quibus cum sit sacrarum literarum insignis professio arduum tamen est & difficile, ex amplissimo sacri voluminis gremio, nunc hinc, nunc inde partes elicere, & ad seriem vitæ Christi in unum, passis verbis prosæq; cogere, uti hæc fecit ex Gentili-

co carmine. Erat huic satis, si scemineos consideremus mo-

res, colus & acus atq; textura, si morte plurium tor-

pere voluisset, sed quoniam sedula studijs

sacris, ab ingenio segniciei rubigi-

nem absterisit omnem, in

lumen euasit æternum

quod vtinam bo-

no intueretur

animo vo-

luptati-

bus

obse-

quentes,

& otio, qui

bus prægrande est

cubiculo insidere fabel-

lis friuolis, irrecuperabile

tempus terere, & à summo di-

ei mane in noctem usq; totam, per-

sæpe sermones, aut nōcuos ac inanes

blatterando deducere, seu sibi tantum lasci-

uiendo vacare. Aduerterent Ædepol quan-

tum differentia sit, inter famam laudandis ope-

ribus quærere, & nomen vna cum cadauere sepeli-

re, & tanquam non vixerint è vitâ discedere.

DE FAV-

DE FAUSTINA AVGVSTA

Catonis coniuge. Caput xcvi.

Sæuit amore quidem infausto, Faustina petulca,
 Quæ Veneris furto dedita planè, fuit.
 Hæc vno non contenta est, sed plurimo amantum,
 Agmine gaudet amans, sanguine constat amor.

Fauſtina Auguſta quæ & inter diuos poſtea relata eſt, gloriæ plurimū uiuens moriensq; uiri ſui magis benignitate, quā opere ſuo ſecuta eſt. Fuit quippe Antonini Pij Cæſaris Auguſti ex Fauſtina cōiuge filia, & Marco Antonio iam ab Antonino Pio adoptato in filium connubio iuncta, eoq; patre mortuo, imperauit una cum uiro, & conſultu ſenatus Auguſta eſt appellata, non parua eo tempore gloria mulieri. Nam eſſi præcedentibus ab Auguſtis uiris, Auguſtarum cognomen eſſet, nulli ante hanc ſenatus conſulto fuiſſe conceſſum inuenio. Fuit præterea tam exquisiti decoris, vt aliquid diuinum mortalitati eius crederetur admixtum, q̃ ne consumeret ſenio aut morte actū eſt, ut iuuencula & ætate prouectior, aureis argenteisq; ac æreis nummis, eius effigies ſculperetur, & in hodiernū uſq; perdurat. In quibus eſſi oris habitus, oculorum motus, color uiuidus & hilaritas faciei deſint, illud tamen liniamen-
 ta teſtantur permaximum. Sanè quantum totius orbis fama celebratum eſt, tantū turpi impudicitia nota pollutū. Creditum quidē eſt, hanc non uno præter uirū cōtenta fuiſſe Amasio, quinimò in amplexus pluriū deueniſſe, ex quibus quorundā nomina detexit infamia. Nam Vectilus quidā inter eius adulteros habitus eſt, ſic & Orphicus, & poſt hunc Moderacius, ſed qui cæteros anteiuit, Terculus nominatus eſt, quem etiam aiunt ab Antonino ſecū in cœna cōpertum. Et his ſuperadditus Marcus Verus, nō obſtante quod eius eſſet Lucilla filia gener. Et quod omniū horum turpius eſt, aiunt eam gladiatorē quendam adeo amaſſe, ut ob deſideriū eius incurreret ægitudine ſerè letalē, & ſanitatis deſiderio Antonino concupiſcentiā detexiſſe ſuā, eūq; medici conſilio uſum, ad ſeruorem ſedandū languentis, gladiatorē occidi ſeciſſe, et adhuc eius tepenti ſanguine omne deliniſſe corpus ægrotę, & ſic ab impetuoſo amoris æſtu, ac etiam morbo liberaſſe coniugē. Quod quidē remedium fictū credidere prudētes. Cum tēporis in proceſſu Cōmodus Antoninus ea tēpeſtate conceptus, non deliniti ſanguinis, ſed habitū potius cū gladiatore concubitus, ſceleſtis operibus ſuis, quibus potius gladiatoris, quam Antonini credebatur filius teſtimoniū ueritati præſtaret. Quibus in Fauſtinæ ignominiam perſonantibus Antonino ab amicis ſuaſum eſt, ut illam occideret, ſeu ſaltem quod
 huma-

humanius uidebatur abdicaret. Verum Antoninus cum esset mitis ingenij homo, esto ægreferret adulteria coniugis, recusauit in consilium ire, & ne in maius euaderet dedecus, perpeti maluit. Nec aliud suadentibus respondit amicis, quam oportere repudiatis dotes restitui, uolens & ob id intelligi, quod ob Faustina[m] teneret imperium. Sed ista sinenda sunt (sæpissime, meminimus etiam fact[o] labefactari honestiores consueuisse) & è nebulis redibimus in lucem, Nam Antonino apud orientales reges magnifice rempublicam curante, actum est ut Faustina in uico Alalæ in radicibus Tauri montis, ægritudine diem clauderet extremum. Quam Antonini precibus, senatus inter diuos extulit, & de cætero diua Faustina appellata est. Quod apud Rhomanos mulieri nulli ante contigerat. Et cum eam iam castrorum matrem appellasset, Antoninus ei templum eo in loco, in quo discesserat construi

fecit insigne, & eidem statuas iussit apponi conspicuas sui nominis, constituiq[ue] puellas, sacerdotes templo, quas

Faustinianas vocari præcepit, & sic loco Deæ

per tempus ibidem celebris habita est

Faustina, ut quod subtraxisse clau-

ritatis uidebatur luxu-

ria, deitas resar-

ciret.

DE SEMIAMIRA MESSANA muliere.

Caput. xcvij.

Illam subinde salax varijs illecta uenenis,

Gaudet habere procos scemina spurca nouos,

Ardet & inuestis stimulis agitur amoris,

Comparat indigno, vimq[ue] dolumq[ue], toro.

SEmiamira Græca fuit mulier ex ciuitate Messana, quo tamen tempore genita non constat, cum clarum sit variam quando Messanam Iuliae Salinae coniugis, olim Seueri Pertinacis imperatoris sceminam, eius fuisse matrē. Inho-

Inhonestā quidem aliquamdiu fuit mulier, sed post hæc filij claritatem & senatus etiam principatu conspicua facta est. Hæc ut Prisca sinamus probra, mater fuit Varij Heliogabali primo Phœbi sacerdotis, inde Rhomani principis. Quem ex Antonino Caratalla imperatore, cuius aliquando contubernio usā fuerat affirmabat genitum, tantaq; uulgati corporis laborabat infamia, ut Heliogabalus adhuc puer, non ab auia varia (ut putauerunt aliqui) sed eo à cōdiscipulis uocaretur Varius, quia ex uariorum hominum cōcubitu quibus continue miscebatur mater, uideretur genitus. Cæterum cum is esset spectabilis forma, & ob sacerdotium plurimum cognitus & creditus, assertionē matris, à militibus prouincialibus Caratallæ filius, factum est auiz pecunia, quam plurimam penes Iuliam imperatricem sagacitate cumulauerat sua, ut conquirentibus de Matrino imperatore militibus eorum, meum siquid in Matrino attentauerat, deueniret consensus, nec difficulter, erat enim eo tempore tantæ autoritatis apud Rhomanos exercitus Antoninorū nomen atq; familia, ut nil magis, quam ut ex eis aliquis principatum teneret, optaretur à cunctis, nec diu cum in Matrino coniurassent. Heliogabalus haud longe Antiochiam imperator solutus est, & Antoninus nominatus, Quod cum in Antiochia audisset Matrino, miratus uariæ mulieris audaciam, cuius hoc (ut erat) ratus est, dum Heliogabalum obsideri curat, Iulianus in hoc missus occiditur, & eius milites in fidem Heliogabali transitum fecere, et cum ipse Matrino aduersus Heliogabalum descendisset in pugnam uictus atq; fugatus est. Et post paululum in Bithyniæ uico, una cum Diadumeno filio occisus, ex quo Heliogabalus quasi Caratallæ patris mortem ultus, opere uariæ auiz suæ indubitanter principatum adeptus est. Et Rhomam veniens à cuncto senatu maximo cū desiderio expectatus atq; susceptus est. Ex qua repentina prouectione Semiramira, usq; ad astra ferè delata est, & Augusta nuncupata, & fornicibus Rhomani principis aulæ dominium consecuta refulsit, hac vna fulgidior causa. Nam dato scelestus esset Heliogabalus, cognoscens se auiz facto principem, & per consequens filiz genitricis suæ, in tantum illam quasi loco retributionis honoribus prætulit, vt nil ferè nisi ea disponente perageret, & cum eadem die qua Rhomam intrauerat senatum habuisset, iussit matrem rogari, ut in senatū accederet, quæ à consule rogata concessit, eiq; ibidem, ubi reliquis senatoribus apparato subsellio more cæterorum de agendis sententiam dixit, quod mulieri alteri contigisse memoria nulla est. O ignominiosum spectaculum, inter grauissimos viros uidisse à lupanari pridie euulsam meretriculam sedisse, & ubi de regibus agebatur inter lenones adsueta, dicentem audisse sententiam. O libertas vetus, O prisca sanctitas, O maiorum indignatio, veneranda, quam minus graues homines, ex tam celebri collegio pellebantur, nota deturpati

N censo-

cenforia, ubi es? spectas ne infamem mulierculam, Curionum, Fabriciorum, Scipionum, Catonumque loca foedantem, sed quid mulierem senatoriam quaeror, cum hostes reipublicae & celebres iuuenes, exteri atque incogniti verbis, & orbis teneant principatum? Quid tandem? nunquam postea senatum Heliogabalus intrauit, quin una secum intraret sanctissima mater. Cui hoc insuper fecit caeca felicitas, ut tam grandis existimationis haberetur vulgo, & Sibyllis etiam praeponeretur omnibus. Praeterea cum fastidienda sint dicta, quod sequitur ridiculum est. Tantae enim fuit haec mulier apud ignauum filium dignationis, ut in Quirinali colle, facto ab eo loco, quem senaculum appellauit, ubi iam dudum solemnibus diebus matronarum, quandoque consueuerat esse conuentus, ordinatis mulieribus, quae eum conuenirent statutis in locum, iussit eas ut senatorio more de moribus, & agendis circa statum matronarum consulta facerent, legesque instituerent, & huic tam discreto senatui Semiamiram principissam constituit, a qua senatus consulta plurima, quanquam ridenda manasse compertum est. Sancitum quippe eo in collegio fuit, quo vestitu uti, & quibus ornamentis fas esset unicuique. Cui etiam cedere, cui assurgere, cuius etiam ad osculum uenire unaquaeque matrona deberet. Insuper & quae bilento, & quae equo aut carpento mulari, seu sella vehi deberet & huiusmodi. Quae & si potius uti erant viderentur inania, & ludo quam veritati similia, & potissime muliebri vanitate pensata, & inepto vulgi iudicio, eo tamen tempore permaxima visa sunt. Sanè cum nil uiolentum durabile, haec facile dissoluta perire in auras. Nam cum potius meretrizio, quam matronali ritu in principis aula sese haberet Semiamira, uacante etiam filio ob scenis atque profusis libidinibus eo usque itum est, ut Heliogabalus pro meritis occideretur a suis, & cum eo Semiamira umbratili splendore relicto caesa, in cloaca iaceretur, & inde una cum cadauere filij traheretur in Tyberim, ne cursus iuuentutis eius differre videretur ab exitu. Quod & nos uiuentes misere minime cogitamus.

DE ZENOBIA PAL-
mirenorum regina. Caput xcviij.

Iuit in aduersos montes, per saxa, per hymbres,
Frigora non curans, nil muliebri morans.
Dura fuit virgo, tandem fit nomine prolis
Mater, at in reliquis Martia plane manet.

ZEnobia Palmirenorum fuit regina, tam eximiae virtutis foemina, priscis testantibus literis, ut caeteris gentilibus inclyta praeposenda sit. Haec ante alia genere fuit insignis. Nam a Ptolemeis Aegyptiorum regibus claram uolunt originem habuisse parentibus, tamen memoriae non concessis. Dicunt autem hanc a pueritia sua spretis omnino muliebribus officijs, cum iam corpusculum eduxisset in robur, syluas & nemora incoluisse plurimum, & accinctam pharetra, ceruis caprisque cursu atque sagittis fuisse infestam. Inde cum in acriores deuenisset vires, ursos amplecti ausam, pardos, leonesque insequi, obuios expectare, capere & occidere, ac in praedam trahere. Et in pauida, nunc hos, nunc illos saltus, & praerupta montium discurrere, lustra perscrutari ferarum, & sub diuo somnos etiam per noctem capere. Hymbres, aestus, & frigora mira tolerantia superare, amores hominum & contubernia spernere aduetam, & virginitatem sumopere colere, Quibus fugata muliebri mollicie, adeo, & eam in uirile robur duratam aiunt, ut coetaneos iuuenes luctis, palestricisque ludis omnibus uiribus superaret. Tandem instante aetate nubile amicorum consilio, Odenato iuueni aequis studiis durato, & longe Palmirenorum nobiliori principi nuptam uolunt. Erat haec speciosa corpore, esto paululum fusca colore, sic enim urente sole regionis illius omnes sunt incolae, Praeterea nigris oculis, niueisque dentibus decora. Quae cum cerneret Odenatum, capto a Sapore rege Persarum Valeriano Augusto turpique seruitio damnato, & Galieno filio effoeminate torpesciente, ad orientale occupandum imperium intentum, non immemor duricie pristinae, armis formositatem tegere, & sub uiro militare disposuit. Et cum eo sumpto regio nomine & ornatu, atque cum Herode priuigno, collectis copiis in Saporem, late iam Mesopotamiam occupantem animose progressa est, & nullis parcens laboribus, nunc ducis, nunc militis officia peragens, non solum acerrimum uirum, & bellorum expertum uirtute armorum superauit, sed creditum eius opere Mesopotamiam in iurisdictionem uenisse, & Saporem, castris eius, cum concubinis, & ingenti praeda captis, usque Ctesiphontem pulsum atque secutum. Nec multo post quietum Matriani filium, qui patrio sub nomine orientis imperium intrauerat, ut opprimeretur curauit uigilanti studio. Et cum iam omnem orientem ad Rhomanos spectantem, uno cum uiro pacatum obtinet, &

N ij ecce a

ecce à Mæonio consobrino suo condemnatus, una cum Herode filio occisus est. Et (ut quidam asserunt) ob inuidiam existimantibus alijs Zenobiam in mortem Herodis præstitisse consensum, eo quod sæpius eius damnasset molliciẽ, & ut filijs Heremiano & Timolao, quos ex Odenato susceperat successio cederet regni. Et imperante Mæonio aliquandiu quieuit. Verum Mæonio breui à militibus suis trucidato, quasi possessione vacua derelicta, generosi animi mulier, in præsideratum imperium intrauit continuo, & filijs ejus adhuc paruulis, imperiali sagulo honoris perfusa, & regijs ornata apparuit, filiorumq; nomine longe magis quam sexui conueniret, gubernauit imperium, nec segniter, nam in eam, nec Galienus, nec post illum Claudius imperator aliquid attentare ausi sunt. Similiter nec orientales Ægyptij, neque Arabes, aut Sarraceni uel Armeni populi, quinimò eius timentes potentiam suos posse seruare terminos fuere contenti. Fuit enim illi tanta bellorum industria, & adeo acris militiæ disciplina, vt æque illam magnipenderent sui exercitus & timerent. Apud quos nunquam contionata est, nisi Galeata, & in expeditionibus uehiculo carpentario perrarissime utebatur, equo sæpius incedebat, & nonnunquam tribus, vel quatuor milibus passuum, cum militibus pedes signa præcedebat. Nec fastidiuit cum ducibus suis quandoq; bibisse, cum esset aliàs sobria. Sic cum Persis & Armenis principibus, ut illos vrbanitate & facetia superaret. Fuit tamen adeo pudicitiae seuera seruatrix, ut nedum ab alijs abstineret animo, sed etiam Odenato viro suo dum uiueret, se nunquam exhibere, præter ad filios procreandos voluisse legimus. Hæc in hac semper habita diligentia, ut post concubitum unum tam diu abstineret ab altero, donec aduerteret utrū concepisset ex illo, quod si contigerat, nunquam præter post partus purgationes, à uiro tangi patiebatur vltius. Si autem non concepisset perceperat se ultro poscenti uiro consentiebat. O laudabile iudicium mulieris, satis quidem apparet arbitratam, nil ob aliud à natura mortalibus immissam libidinem, quam ut prolis innouatione continua conseruetur posteritas, & reliquum tanquam superuacaneum vitiosum, perrarissimas quidem huiuscemodi moris comperjes mulieres. Hæc tamen ne à mente differrent ministeria ad opportuna domestica, præter Eunuchos ætate atq; moribus graues, neminem unquam uel perraro admitti voluit. Vixit præterea ritu regio, & magnifico sumptu, usa ea, qua reges utuntur pompa. Perficoq; more voluit adorari, & ad instar Rhomanorum imperatorum conuiuia celebravit. In eis vasis aureis gēmatiscq; , quibus olim usam Cleopatram acceperat, & quaquam seruatrix thesaurorum permaxima esset, nemo ubi opportunū visum est, ea magnificentior aut profusior vsus est, etsi plurimū uenerationibus armiscq; uacasset, non obstitere hæc, quin literas Ægyptias nosceret,

fceret, & sub Longino Philosopho præceptore Græcas etiam disceret. Quarum suffragio, historias omnes Latinas, Græcas, & Barbaras, summo cum studio vidit, & memoriæ cōmendauit. Nec homo tantū, quinimō creditum est illas etiam epitomatis breuitate traxisse, & præter suū Idioma nouit Ægyptiū, eosq; cum Syriacum sciret, visa est, iussitq; filios Latine loqui. Quid multa? tanti profecto fuit hæc, vt Galieno atq; Aureolo & Claudio Augusto sublati, & Aureliano integrę virtutis homini, in principatū suffecto, ad ignominia Rhomani nominis expiandam, & ad ingentē gloriā consequendā in se traxerit. Nam Marcomannico bello peracto, & Rhomæ rebus cōpositis Aurelianus, cū omni cura Zenobiam expeditionē assumpsit, & multis egregie aduersus Barbaras nationes eundo confectis, cū legionibus tandem haud longe Emessam ciuitatem deuenit, quam penes Zenobia in nullo perterrita, vna cū Zeba quodam, quem belli susceperat socium cū exercitu suo considerat, ibi inter Aurelianum & Zenobiam de summa rerum acriter, & diu pugnatū est. Ad vltimum cum Rhomana virtus uideretur superior Zenobia, cū suis in fugam uersa Palmira sese recepit. In qua euestigio à victore obsessa est. Quam cum aliquandiu, nullas volens conditiones deditōnis audire mira solertia defendisset in penuriam opportunarū rerum deducta est. Hinc nequeuntibus Palmirenis Aurelianorū obsistere viribus, interceptis etiam ab eodem Persis Armenisq; & Sarracenis, auxilio Zenobię uenientibus, armorum, ui ciuitas à Rhomanis capta est. Ex qua cum Zenobia uecta Dromedarijs cum filijs in Persas aufugeret ab Aurelianis militibus secuta, & capta, cum filijs Aurelianę præsentata est. Ex quo non aliter quam si permaximū superasset duces, & accerrimum reipublicę hostem Aurelianus gloriatus est, eamq; triumpho seruaui, & adduxit cum filijs Rhomā, inde ab Aureliano celebratus triumphus spectacula Zenobię admirandus, in quo inter alia egregia, & memoratu dignissima currū duxit, quē sibi ex auro gēmisq; præciosissimum Zenobia fabricari fecerat, sperans se Rhomā uenturam, non quidem captiuam, sed rerū dominam atq; triumphaturā, & Rhomanum possessuram imperiū, quem & ipsa cum filijs præcessit. Verum ipsa catenis aureis collo manibus pedibusq; iniectis, corona & uestimentis regijs, ac margaritis et lapidibus preciosis onusta, adeo, ut cum roboris esset in exhausti pondere fessa persæpe subsisteret. Sanè consumato triumpho thesauro & uirtute spectabili, aiunt illā priuato in habitu inter Rhomanis matronas cum filijs senuisse, concessa sibi à senatu possessione apud Tyburrā, quæ Zenobiana diu postmodum ab ea denominata est, haud longe à diui Adriani palatio, quod eo in loco est cui conche ab incolis dicebatur.

IOANNES BOCCATIUS,
DE IOANNE ANGLICA PA-
pa. Caput xcix.

Artibus, illa dolis, literis instructaꝫ sacris,
Ingenio miro facta repente Papa est.
Nomine fit Papa, sed re foemina turpis abortit,
Ac manet id quod erat, foemina plena dolo.



Ioannes esto Vir nomine videbatur, sexu tamen foemina fuit. Cuius in-
audita temeritas, vt orbi toto notissima fieret, & in posterum nosceretur
effecit. Huius etsi patriam Maguntinam quidam fuisse dicant, quod propri-
um fuerit nomen, vix cognitum est. Esto sint, qui dicant fuisse Gilibertam,
hoc constat (assertione quorundam) eam virginem à Scolastico iuvene dile-
ctam, quem adeo dilexisse ferunt, ut posita verecundia virginali atqꝫ pauore
foemineo, clàm è domo patris effugeret, & amasium adolescentis in habitu &
mutato sequeretur nomine, apud quem in Anglia studentem clericus existi-
matus ab omnibus, & Veneri, & literarum militauit studijs. Inde iuvene
morte subtracto, cum se cognosceret ingenio valere, & dulcedine traheretur
scientiæ, retento habitu, nec adhærere voluit alteri, nec se foeminam profiteri,
quinimò studijs vigilanter insistens, adeo in liberalibus & sacris literis profe-
cit, vt præ ceteris excellens haberetur. Et sic scientia mirabili prædita, iam æ-
tate prouecta, ex Anglia se Rhomam contulit. Et ibidem aliquibus annis in
triuio

triuio legens, insignes habuit auditores. Et cum præter scientiam singularem honestate, ac sanctitate polleret homo ab omnibus creditus. Et ideo notus à multis, soluente Leone Quinto, Pontifice summo, carnis debitum, à venerandissimis patribus communi consensu, præmortuo Papatu suffectus est. Nominatusque Ioannes, cui si vir fuisset, ut octauus esset in numero contigisset. Quæ tamen non verita ascendere piscatoris Cathedram, & sacra mysteria omnia nulli mulierum à Christiana religione concessam tractare, agere & alijs exhibere Apostolatus culmen aliquibus annis obtinuit, Christi que vicariatum foemina gessit in terris. Sanè ex alto Deus plebi suæ misertus, tam insignem locum teneri tanto præsideri populo, tantoque infausto errore decipi à foemina passus non est, et illam indebita audentem nec sinentem, suis in manibus liquit, quam obrem, suadente diabulo, qui eam in tam scelestam deduxerat, atque detinebat audaciam, ut quæ priuata præcipuam honestatem seruauerat, in tam sublimi euecta pontificatu in ardorem deuenit libidinis. Nec ei quæ sexum diu fingere nouerat, artes ad explendam defuere lasciuiam. Nam adiumento, quo clam præter successorem conscenderet, et exurentem pruriginem defricaret, actum est, ut propterea conciperet. O scelus indignum, O inuicta patientia Dei. Quid tandem, ei que fascinare diu oculos potuerat hominum, ad incestuosum partum occultandum defecit ingenium. Nam cum is præter spem propinquior esset termino, dum ex Ianiculi amburbiale sacrum celebrans Lateranam peteret inter Colosseum, & Clementis pontificis ædes

obstetrice non vocata, enixa publicè peperit. Quæ fraude tamdiu præter amasium cæteros decepisset homines, & hinc à patribus in tenebras exteriores abiecta, cum fletu misella abiit, ad cuius de testandam spurcitiam, & nominis continuandam memoriam, in hodiernum usque summi Pontifices rogationum, cum Clero & populo sacrum agentes, cum locum partus medio eius in itinere positum abominentur eo omissa declinant per diuerticula, vicoseque, & sic loco detestabili postergato, re intrantes iter perficiunt quod ccepere.

IOANNES BOCCATIVS,
DE YRENE CONSTANTINO-
politanorum Imperatrice. Caput c.

Illā per insidias regnum spectabile nato
Præripit, ac rerum sola potita, regit,
Excidit hæc eadem imperio, succedit & illi
Filius, inq̃ uicem stantq̃ caduntq̃ simul.

Y Renes Atheniensis nobilissima mulier fuit, & insignis decoris conspi-
cua, quam cū à patria Constantinopolim Constantinus imperator, vocasset
eam Leoni, seu Leocazano filio dedit in coniugem, & post dicti Constantini
mortem, Rhomanorū imperatrix effecta, ex viro filium peperit Constantinū
nomine. Demum rebus humanis Leone subtrac̃to, cū Constantino paruu-
lo admodum adulescentulo per decēnium egregie imperio præsedit, sed eo iā
grandiusculo asserenteq̃ sibi dominum soli deberi, eam octo annis (vt placet
aliquibus) à societate remouit. Tandem ingentis animi mulier & imperandi
auida, cum in discordiam deuenisset cū filio, scemineo quodam astu iuuenem
viribus fidentem suis cœpit, & depositum ab imperio seruari iussit in carcere,
solumq̃ à quo vniuersus orbis olim iura susceperat, sola conscendit & præ cē-
teris mortalibus clara imperatrix annis quinq̃ ingenti cum gloria imperauit.
Porro amicorum Constantini opere actum est, vt Armeniorū auxilijs è cul-
mine deponeretur Yrenes, & Constantinus solutus, à uinculis patrio reassu-
meretur in throno, qui in matrem mitior, quā eam in se comperisset, & pluri-
mum in amicorū viribus spei habens, non illam carceri tradidit, sed in palatio
Eleuterij, quod ipsamet construi fecerat, cum omni rerum copia fuit se posuiss-
se contentus, amicis eius omnibus inde relegatis exilio. Attamen cum is in-
feliciter aduersus Bulgaros bellum inisset, tentassentq̃ ob id primates, eum ab
imperio mouere, eiusq̃ loco Nicephorum quendam primum substituere, ex
asperatus ira in turpem prorupit sæuitiam. Nam Nicephoro & Christopho-
ro fratribus linguas euulsit. Hinc Alexium Armeniæ patritium orbauit lu-
minibus, & Mariam coniugem suam, monasticum habitū sumere coëgit, su-
per in ducta Theodote cubicularia, quā euestigio coronauit. Quibus enor-
mitatibus oculata mulier Yrenes, quæ esto coacta fortunam deposuisset im-
perij, egregiū tamen seruauerat animū, spe sumpta reassumendi principatus,
si aurum largiretur optimatibus profuse, reseruatis thesauris, quos dū impe-
raret, eo in palatio, in quo seposita habitabat, absconderat, clam animo prin-
cipium imperij sibi fecit accommodos, cunque eos amplis muneribus in
suam

suam deduxisset sententiã, egit, ut qui illam disposuerant, Constantinum filiũ caperent, luminibusq; priuarent, & sic animosa mulier sublatum, olim sibi reassumpsit imperiũ. Constantinus autem morbo correptus interiit. Tandẽ, cum quinq; iterum annis imperasset, à Nicephoro rebellante, in palatio Eleuterij obseffa est. Qui cũ Acarisio patriarcha Constantinopolitano diadema suscepisset imperij, fauentibus Leone & Triphilo patricijs, atque Sycopeo fatellario nuper ab Yrene ditatis, actum est, ut ad Yrenem cũ humilitate intraret, blanditijsq; ageret, ea tamen aduertente, nec aliud præter id palatiũ, in quo erat ex imperio postulante, vt obtenta petitorũ promissione aperiret omnes thesauros, quibus obtentis nepharius homo, fide fraudata, illam Lesbos relegauit in exiliũ, in qua iam senex vitam claram terminauit mulier. Alij tamen de fine huius aliter sentire videntur. Dicunt quidam matre & filio discordantibus, & uicissim sese imperio priuantibus, Rhomanos ab eis desciiisse, & in Carolum Magnum Francorũ tunc regem, suum imperiũ transtulisse, eũq; tentasse, ut in unum quod diuidi uidebatur imperium redigeret, Yrenes nuptijs, eiq; Yrenem adhæsisse. Quod tamen cum aduertisset Eutitius patritius, cõfestim sublimauit Nicephorum, & obsidione Yrenem ad intrandum monasterium, dimisso imperio coëgisse, & in eodem demũ eam consenuisse.

DE ENGELDRUDA FLO.

rentina uirgine. Caput ci.

Aude aliquid magnum, si uis præclarus haberi,
Hæc quod erat constans, facta repente Dea est,
Pectore uirgineo reuocans temerata parentis
Verba, quibus Cæsar munere motus adest.

ENgeldruda ex Rauennatum, olim clarissima ciuitatis nostræ familia, duxit originem. Quam ego (nec immerito) ob insignem eius, coram principe Rhomanorũ ad defendendã animi sui synceritatẽ, audatiam, inter claras ponendã censui. Hæc em̃ cum extemplo, olim Marti, postea uero Deo sub Iohannis Baptistæ uocabulo dicato, cum pluribus ex Florentinis matronis diem celebrem agerẽt, contigit, ut Otho quartus Rhomanorũ imperator, qui tunc forte Florentiam uenerat, ad exhilarandum festũ, & sua præsentia augendum, maximo cum procerum comitatu templum intraret, & cum è sublimiori loci sede, ornatum templi & ciuium cursus, & circumsedentes matronas inspiceret, ut in Engeldrudam oculos forte figeret, factum

factum est. Cuius aliquandiu formositatem, & habitum nulla varietate distinctum, honestate inq̃ eius, & grauitates puellares admiratus laudasset, in Illitionem quēdam unū ex ciuibus, ætate atq̃ nobilitate venerabilem uirum, & militia eo tunc forsan insignem, ei assistentem, uerba conuertit inquiring. Quæ nam quæso est virgo, hæc è contra sedens, nostro in iudicio honestate, & oris decore cæteras antecedens? cui Illitio subridens, faceta quadam urbanitate respondit. Serenissime princeps, qualiscunq̃ sit, talis est, vt dum uelis te deosculetur si iussero. Quæ uerba cum percepisset uirgo, confestim indignata est, ægre ferens, patrem tam facile de constantia sua, & uirginei pudoris custodia opinionem ostendisse, nec diu tulisse noxam potuit, quinimò nil adhuc respondente principe surgens purpureo respersa colore, eleuatis paululum in patrem oculis, et inde deiectis in terram, uoce infracta, humili tamen dixit. Siste quæso, mi pater, ne dixeris, nam (si uolentia absit) nemo ecastor, præter quem tu mihi legitimo sanctoq̃ coniugio uincturus es, quod offers tam profuse, habiturus est. O Deus bone, nusquam, quod ex animo bene eleganterq̃ dictum est, ab ingentis animi uiro cecidisse permissum est. Stetit Cæsar aliquantulum mirabundus, demum Germanica non obistente barbariæ, ea non cognita, collegit ex uerbis, animo uirginei pectoris sanctum castūque propositum, & cum longa dicacitate, uirginis indignationem laudasset & uerba, Guidonem quendam nobilem iuuenem accersiri iussit, & ne diu caret uirgo, cui posset honestum si uellet exhibere osculū, presente atq̃ gratias agente patre, Engeldrudam uiro maturam, à se dotatam egregie, antequam moueretur Guidoni dedit in coniugem, arbitratus quod dixerat, iusti boniq̃ non solum uirginis in arcano consistere, sed ab ampliori uirtutis fomite uirginitatis indignationis emissum, & ob id eam Cæsareo munere fuisse dignissimā. Sic igitur quæ uirgo templum intrauerat, ob integritatem pudicæ mentis, in domum patriam maxima genitoris, & suorum alacritate, desponsata rediit, & in processu secundos enixa partus, ornata, generosa, & in hodiernum usque amplo uirorum numero perseverante prosapia diem claudens, uiri splendidam domum liquit. Nec dixisse placuit in dedecus Modernarum, quarum tanta animi leuitas est, & effrenati sunt mores, ut oculis gestibusq̃, irruere in quorumcunq̃ intuentium uideantur amplexus.

DE CONSTANTIA RHOMANA-

norum imperatrice & regina Siciliae.

Caput cii.

Labes erat mundi praesens, deterrima pestis,
 Haec monialis anus, Nonna, triforme pecus.
 Post quinquaginta quam quinque peregerat annos,
 Fert uterum, parit haec, orbis & urbis, Hylam.

Constantia è summo orbis cardine terris Rhomanorum imperatrix effulsit. Verum, quoniam iam multis come decus admirationem intuentium minuisse uidetur, alia claritatis causa nostro æuo apparere volentibus quaerenda est, quæ huic non defuit, nam si ullo alia non detur merito, unico saltem partu undique conspicua facta est. Fuit hæc Guilielmi optimi quondam Siculorum regis filia. Cuius in ortu cum adesset (ut aiunt) plurimi, Ioachin quidam Calaber Abbas, prophetico doratus spiritu, Guilielmo dixit, nam tam regni Siciliae desolationem futuram. Qua præfatione stupefactus rex, atque perterritus, cum præstitisset uaticinio fidem, secum coepit anxia meditatione reuoluere, quo pacto posset contingere istud à femina, nec aliter uidens, quam à coniuge uel à filio, regno cõpatiens suo, & uertere si posset istud consilio statuit, eamque (ut cõnubij atque prolis auferret spes) virgunculam monasticis claustris, egit, ut deo perpetuam uirginitatem uoto promitteret, nec aspernandum si profuisset consiliū. Sed quid aduersus Deū, iuste mortalium scelerata facinora expiantē, stolidi imbecillesque conatus exponimus? minimo equidem & unico frustramur impulsu. Hæc autem, cum sanctissimo patre fratreque extinctis, nemine se præter legitime regni herede superstite, iuuentutē omnem peregisset, iamque facta uideretur anus, sumpsissetque post obitum Guilielmi regni diadema, Tancredus Regulus, & post eū Guilielmus filius iuuenculus adhuc, eoque itum est, seu crebra, seu minus digna regum innouatione, ut factionibus procerum, undique bellis scaturientibus, ferro neque regnum omne in extremum trahi uideretur, quamobrem quibusdam compatiens infortunio menti incidit, quod postmodum subsequutum est, Constantiam scilicet alicui insigni principi in coniugem dari, ut eius opere & potentia, pestiferi sedarentur tumultus. Nec absque dolo atque labore ingenti obtentum est, summo consentiente pontifice, ut in eam Constantia deueniret sententiam, scilicet ut nuberet, cum immobilis staret in professionis proposito, & annosa etiam uideret ætas obistere. Sed cum etiam renuente res adeo processissent, ut cõmode negrent retrahi, Henrico Rhomanorum imperatori olim Friderici primi filio desponsata est. Et sic

rugosa

rugosa anus, sacris omiſſis clauſtris, poſitisq; ſanctimonialium vittis, cultu or
nata regio, nuptaq; & imperatrix deuenit in mediũ, & quæ deo virginitatem
dicauerat perpetuam, thalamum principis intrans nuptialemq; conſcendens
thorum eam inuita depoſuit. Ex quo factum eſt, non abſq; audientium ad-
miratione, vt quinquageſimum & quintum ætatis annum, agens annosa con-
ciperet. Et cum tarda penes omnes conceptionis huiusmodi fides eſſet, do-
lusq; crederetur à pluribus, ad auferendam ſuſpitionem prouide actum eſt, ut
propinquante partus tempore, edicto Cæſaris matronis regni Siciliae voca-
rentur omnes volentes futuro partui intereſſe. Quibus conuenientibus etiã
ex longinquo, poſitis in pratis extra ciuitatem Panormi tentorijs, & ſecundũ
alios intra urbem, percipientibus cunctis imperatrix decrepita infantem eni-
xa eſt, Fridericum ſcilicet, qui poſtea in monſtruolum euasit hominem, & Ita-
liae totius, ne dum regni Siciliae peſtem, vt non euacuaret Calabri Abbatis
vaticinium. Quis ergo non conceptum partumq; Conſtantiae arbitrabatur
monſtruolum? cum præter hunc nullus ſit noſtris auditus tempori-
bus, quid noſtris dico temporibus? non ab aduentu Æneae
ad Italos, unũ præter, tam annosæ mulieris com-
pertus, Helifabeth, ſcilicet coniugis Za-
chariae, ex quo dei ſingulari opere
Iohannes natus eſt, cui inter
natos mulierũ ſe-
cundus non
erat in poſterum ſurrecturus.

DE CAMIOLA VIDVA.

Caput ciij.

Ingrati officiũ impatientior illa, tenaxq;
Propoſiti fuit, at moribus uſq; bonis.

CAmiola uidua mulier, decore corporeo moribus, magnificentia, ac ho-
neſtate & laudabili pudicitia ſpendida, Senenſis origine, fuit Lauren-
tij de Toringo hominis equeſtris ordinis filia. Vitam autem apud Meſſa-
nam Siciliae ueuſtiſſimam ciuitatem, non minus cõmendabilem quam egre-
giam cum parentibus & uiro vnico (dum vixere) deduxit, Friderico iij. rege
inſulae imperante. Quibus diem claudentibus, hæres ferè regias diuitias con-
ſecuta eſt, eaq; honeſtatis decore ſeruante, Friderico iam dicto rebus huma-
nis ſub-

nis subtracto, eiq; Petro suffecto, factum est, ut Messanæ regis iussu pregran-
dis pararetur classis, sub ducatu Iohannis Clarimontis Comitis, ea tempestate
bellicosissimi hominis, Liparitanis obsessis, & extrema ferè inedia laboran-
tibus, latura subsidium, quam non solum (mihi crede) conductus miles, sed
auxiliari plures, & tam littorani quam mediterranei, voluntarij ad armorum
gloriam consequendam conscendere proceres, obscederat enim oppidū stre-
nuus uir Gotfridus de squilatio, Roberti Iherusalem & Siciliae regis tunc na-
ualis præfectus, quæ oppidanos obpugnationibus, & bellicis machinis atq;
frequenti circumdatione adeo debilitauerat, ut proxima speraretur deditio, sa-
nè cum nouisset, exploratorijs referētibus lembis, classē hostium, longe sua
ampliolem, propinquari, reuocatis in unum nauibus ex tuto cepit, rei expecta-
re fortunam. Hostes autem, occupatis euestigio locis omissis, impediēte ne-
mine, quæ ferebant oppidanis intulere subsidia, quo rerum successu Iohannes
elatus, Gotfridum in dimicationem euocauit, quod cum ardentissimi uir inge-
nij non detrectasset, & nocte tabulatis, ac turribus roborasset classē, ordinal-
setq; naues & cætera, & apparente aurora oratione feruenti suos animasset in
pugnam, sublatiis ancoris, & signo dato proras uertit in Siculos. Iohannes
uero cui non erat animus Gotfridum sumpturum, sed nec spectaturum Sicu-
lorum nauigiorum molem, non in certamen, sed ad insequendas fugentiū,
suas composuerat naues, ardorem & apparatus uenientium hostium uidens,
ferè destitutus animo timuit, pcenituitq; eum petisse, quod minime se obten-
turum putauerat, & secum iam rebus diffidens, animo satis tepenti, ne om-
nino videretur exanguis, reuoluto rerum repente in preliū ordine, quantum
scilicet pro tempore concessum est, signum & ipse certaminis, aderant iam ho-
stes, qui sublato clamore ingenti, lente venienti Siculorū classi miscuere pro-
ras, & iniicere ferreas manus tormentis telisq; primo impetu inchoantes cer-
tamen, & hæsitantibus atq; ferè torpentibus ob repentinam consilij mutatio-
nem Siculis, præmoniti atq; irruentes ultro Gotfridiani milites, sese hostium
intueri intulere nauigijs, & gladijs, manibusq; rem agere cœpere, & sangui-
ne cuncta fœdare. Siculi uero iam diffidentes, qui potuere reuolutis pro-
ris terga dedere. Attamen cum apparet victoriam Gotfridianis cedere, pluri-
mæ sunt Siculorum demersæ naues, plurimæ captæ, paucae tamen & remigio
faciles remigantium virtute incolumes abiuerē. Eo vero in conflictu recide-
re pauci, vulnerati plures, Iohannes classis præfectus captus est, & cum eo ferè
proceres omnes, qui voluntarij classē conscenderant capti & milites atq; re-
miges plurimi, & militaria atq; naualia signa, & regium prægrande vexillū,
quod in prætoria vehebatur nauī, & cum in deditiōem venisset oppidum,
post longos errores, maris tēpestatibus circumacti, Neapolim catenis onu-

fti tracti sunt & seruati carceribus. Erat hos inter Rolandus quidam Fride-
 rici regis ex concubina filius iuuenis forma valens & probitate corporea, qui
 cum cæterorum captiuorum redemptio quæreretur, solus irrepeditus, abeun-
 tibus alijs redemptione soluta, tristis seruabatur captiuus, nam Petrus rex, ad
 quem fratris spectabat opus, ob rem male gestam & præter præceptum, tam
 eum, quam cæteros omnes qui in eo certamine nauali fuerant, habebat exo-
 sos. Eo igitur sic captiuo & ab omni libertatis spe ferè destituo, ac in compe-
 dibus marcescente, contigit, Camiolæ veniret in mentem, quæ cum illum à
 fratribus videret neglectum, infortunio eius compassa est, secumq; disposuit,
 si cum honestate posset, velle eum in libertatem educere, & cum decore hone-
 statis suæ nulla alia monstraretur uia, ni in maritum sumeret, missis qui clàm
 percontarentur, nunquid hoc pacto uellet catenas exuere, facile obtinuere,
 & sic omnis seruata iuris celebritate, eam in persona procuratoris consensu, et
 anuli subarratione desponsauit in coniugem. Nec mora mittente Camiola
 duabus milibus vnciarum argenti, solutisq; carcere liber Messanam rediit.
 Nec aliter apud sponsam diuertit, quam si nullū ex connubio factum uerbum
 mirata primū Camiola, demum cum sensisset hominis ingratitudinem indig-
 nata est, uerum ne uideretur ira impulsæ, potius quam iure agere, ante alia illū
 placide requiri fecit, vt nuptiale sacrum perficeret, quem cum omnino nil tale
 secum actum esse negasset, apud Hecasticum iudicem conuenit atq; signatis
 tabulis, & testimonio probatorum uiuorum conuincit in coniugem. Quod
 postquam erubescens confessus est, et beneficium mulieris in eum cognitum,
 obiurgatus à fratribus & amicorum impulsu eo deductus est, ut petitioni an-
 nueret mulieris, & nuptias postularet, ast ingentis animi scœmina, petentem a-
 stantibus multis, ferè his verbis allocuta est. Habeo Rolande unde deo gra-
 tias agam, nam ante quam sub prætextu coniugij integritatem castitatis deli-
 bares meæ, cur iniquitatis ostendisti perfidiam, & eodem fauente cuius san-
 ctissimum nomen nefasto periurio ludere conatus es, iure mendacium recudi-
 tuum, quod mihi de te deq; tuo coniugio permaximum est. Putasti reor ad
 huc clausus, me meæ conditionis oblitam, temerarie regium optasse sponsum,
 & tuam formositatem muliebri ardere concupiscentia, easq; meo ære susce-
 pta libertate, negatione unica, ridere atq; comprimere, & te pristinis restitutū
 honoribus splendidiori seruare coniugio, & quantum in te fuit obnixe fecisti.
 Verum qui ex alto humilia respicit, nec sperantes in se deserit, mentis meę syn-
 ceritate cognita, egit, ut paruo labore meo, tuas infringere fraudes, ingratu-
 tudinem tuam detegerem, & perfidiam demonstrarem, nec hoc tantum in de-
 testationem impietatis tuæ hoc meo feci facinore, possunt enim de cætero ui-
 dere fratres, possunt & reliqui, quid tuæ committendum sit fidei, quid de te
 amici

amici sperare, quod hostes timere, ego aurum perdidī, tu famam, ego spem, tu regis & amicorum gratiam, Siculae matronae magnificentiam mirantur meā, & laudibus efferunt, tu ignominiosum ridiculum notis omnibus, & incognitus factus es. In hoc tamen aliquandiu decepta sum, rebar stolide, pro terrae fece, regium atq; illustrem vinculis eripuisse iuuenem, ubi mendacem lixam, infidum, ganeonem, immanem beluam, liberaſſe me video. Nec velim tanti te arbitreris, vt credas me solum te in hoc traxiſſe, mouit memoria beneficiorum veterum genitoris tui in patrem meum, si genitor tibi fuit sacrae recordationis Fridericus rex, quod ego vix credere queo, ex tam celebri principe, adeo inhonestum fuisse filium progenitum, indignum existiſſe, non regij sanguinis viduam, regium habere uirum, robustum iuuenem, atq; oris decorē praefulgidum, quod ego confitebor ultro, uerum uelim si iure potes respondeas, dum ego te meo munere feciſſe meū credidi, dū ampliſſimū aurum in libertatem tuam solui, ubi splendor tunc regius erat? ubi inexhaustus vigor, ubi nitens oris decus obscura carceris caligine, qua angebaris tegebantur. Haec omnia squalor rubigine cathenarum, pallorq; lucis inuiſa, & tetri carceris pedor, quibus inualidus marcebas, foetidus & neglectus ab omnibus. Has doctes quas nunc elatus extollis represserant. Tunc tu me non solum regio iuue-
ne, sed celesti deo dignam dicebas, O quam felice, O quam cito homo scelestissime, uiſo praeter spem caelo patrio vertiſti ſententiā, inmemor postquam tui iuris factus es, quoniam ego Camiola sum, quae sola tui memor fui, quae sola infortunio tuo miſerta sum, quae sola pro salute tua ſubſtantias exolui meas. Ego Camiola sum, quae te à manibus capitalis hostis maiorum tuorū, è cathenis, è carcere, ex extrema miſeria, pecunia mea te eripui, te iam desperatione labentem in spem ſuſtuli, te in patriā redeſti, te in regiam, te in lucem priſtinam reuocaui, te ex captiuo debili, turpiq; regium robustū ſpecioſumq; iuuenem feci. Quid ego in mentem tuā reuoco, quae meminisse debes, & negare non potes? Tu uero pro beneficijs tam memorandis has rependiſti gratias, ut ausus sis ſponſus negare matrimonium, honeſtis ſanctisq; testimonijs tabulisq; ſignatis vallatū, & redemptricē tuam deſpicere, ac floccifacere, & turpe ſi potuiſſes ſuſpitione maculare, erubeſcebas inſanae mentis homo, viduā ex equeſtri viro natam habere coniugem. O quā ſatius erubiſſe fuerat, euacuaſſe fidem praestitam, dei paruipendiſſe ſanctū & terribile nomen, et execrabili ingratitude tua, quā abundans ſis vitiorum oſtendiſſe. Fateor me non regiam foeminā, ſed cū ab incunabulis apud regias uirgines, nurus & coniuges uerſata ſim, mores & animum ſumpſiſſe regios mirū non eſt, quod ſatis eſt ad nobilitatem aſſumendam regiā. Sed quid multa? Ego tibi in hoc facilis ero, in quo tu mihi pro uiribus fuiſti difficilis. Negati meū eſſe cum eſſes. Verum

O ſi te meū

IOANNES BOCCATIUS,

te meum esse cum uicerim, ne meus sis sponte concedo tua sit regia claritas, infidelitatis tamen nota foedata, tuum sit iuuenile robur, tua caduca formositas, ego de cætero mea uiduitate contenta consistam, & quas mihi præstitit fortunas Deus, quam ex te genitis honestioribus relinquam hæredibus. Vade igitur infauiste iuuenis, quoniam me habere te indignum fecisti, tuis disce sumptibus, quibus artibus, quibus fallatijs, aliàs ludas scēminas, mihi sat est, quoniā à te semel decepta sum, ob quod nunquam una tecum esse mihi mens est, uerū cœlibem seruare uitam, quam tuis amplexibus longe præponendam censeo. Scēp̄ his dictis è conspectu subtraxit suo, nec de cætero potuit precibus ac monitis à laudabili amoueri proposito. Rolandus autem confusus, sero ignauiae suę pœnitens, ab omnibus paruipensus, deiecto uultu non solum factum, sed etiam plebeiorum hominum faciem fugiens, in miseram fortunam abiit, non ausus quam fraude renuerat iure repetere. Generosum autem

mulieris animum miratus est rex, & procures cæteri, illūque miris extulere laudibus, incerti, quid comēda-

bile magis, an quod aduersus tenacitatem

scēmineā, Camiola tam grandi pecunia redimeret iuuenem,

an quod redemptū

atq; conui-

ctum,

tanquā im-

meritum animo

sa spreuerit atque reie-

cerit.

DE BRVMICHILDE FRAN-
corum Regina.

Caput ciiij.

Spectra per & clades, horrendaꝑ̄ facta suorum,

Hæc stupet usq; tremens, sorte pericla legit.

Sic pede uel tragico similis decurrere uersus

Cœpit, & in numerum nobile finit opus.

Non

NOn immemor ab inclyto præceptore meo ruboris iniecti, quanq̃ pro-
 uoluptatis desiderio satis uocatum non sit, surrexi tamen cupidus metā
 propositi si detur aliquando contingere. Erat tamen animus mihi alio diri-
 gere cursum, cū iam à longe uenientes uiderem, & Ma: Augustum mœstum
 exilimo eoque à Phoca apud Caldonem cū uxore & filijs, & famulatu cæ-
 tero peremptus sit, Et post eum ipsum Phocam Heraclij uiribus ex imperio
 deiectum atq̃ occisum. Post quos cū ego summa cura spectabam seductor
 ille, neque Machometus ueniebat cuius artes quam libentissime audiuisset,
 nouit Deus, uel qualiter post prophetæ nomen assumptū legesq̃ lætiferas da-
 ras in suam luxuriam deperisset. Sed mulier quædam imò dæmon adueniēs
 me id abstulit, hæc etenim crine soluto maxima cū copā lachrymarū, iter oc-
 cupans clamitabat, ne permittas quo calamitatū præteritarum memor nouis-
 sime reliquas, ut plurimū, labore perquirens, meas oblatas non suscipias, tā-
 ces equidem, modo uilipendas meq̃ mulierculam autumas, quos uides
 neglectos discerptosq̃ crines corona regia pressos humi, quid ergo quasi acri-
 ori detentus cura, alibi faciem oculosq̃ protendis. Si nescis Brumchildis
 Francorum regina fuit, quid repes, quod mente queris diffugium, potuit Ar-
 sinoë Cyrenensis, potuit Ægyptia Cleopatra & nouissime Rosemunda lepi-
 do obsequio uti tuo, ego uti non potero? Ego autem tam inopinate tamq̃ stri-
 cte à muliere detentus obstupui, & cū nil aliud tam efficacibus uerbis, quid re-
 sponderem dixi Brumchildis, etsi iam perquisierim ad præsens assunt casus ul-
 tra q̃ uelim te miseram doleo, quid petis nequeo. Nam fortunas tuas, nec no-
 men præter nunc audisse memini, tunc illa nec dulciores usq̃, nec amariore in
 quoq̃ comperies, egomet referam, arripe calamum. Ast ego dic inquam, tibi
 ne de te, credam noui ab ipso iuuentutis meæ ingressu mulieres esse bilingues,
 heu mihi tunc illa, mentiri credi, cui ego forte si sexū corona mutasset non cre-
 demus, tunc illa infeliciū uetus infortuniū est, ut eis ægrius præstetur fides,
 fatebor si quid cōmodi, quod opto sequatur. Quid ego tunc cōmodi aut le-
 uaminis pauce calami mei literæ dolori tuo, tam in eximio attulisse poterunt,
 debueras ædepol optasse potius, ut è memorijs hominū laberent, q̃ quod ego
 illas nouis literis suscitarem semisopitas, illa uobis obsequens, ait de me ecastor
 actum est, in eorū dedecus, quorū sæuitia regis mater horrenda perpessa sum,
 scribas cupio. Ego autem & si desidero traheret alibi cum ferreus non sim,
 sed exorabilis homo flexi propositum inquiring, hac lege tibi calamum conce-
 do meum, si vera dixeris, & huic dum sedulus aures porrexissē illa abunde
 lachrymas fundens & pectus pugnis tonsū crebrisq̃ respersū liuoribus,
 uiduis suspirijs agitans inquit, Audisti arbitror Dodoneum veterem Fran-

corum regem Glotarios filium & nepotem, ex filio habuisse, ex quo nepote
 quatuor filij, qui patre defuncto, ut regnarent omnes quadrifarie diuisere, ex-
 ortoq; inter Lemichildonem patrem meum Hispaniæ, tunc regem genus ab
 Alarico maximo, Gothorum rege trahentem regesque prefatos bello, & id
 hinc in plures susceptæ clades itum in pacem est, ad quam seruandam quasi
 uinculum facta adhuc uix pûbes in coniugem, Sigisberto regi concessa sum,
 hæc tû ego caue quid dixeris Tilperto, ac Thilceperto audiuerã. Illa vero scio
 quosdam sic arbitrans existere, uerum ego ut finis apparuit gestantibus in-
 fernalibus furijs tedis thalamum illius intraui. Sed quid tandem cum esset o-
 ris mei sublimis decus, & ætas integra quibus plurimum mulieres ualemus,
 nec pro uotis aurum gemmæq; deessent, & solio sublimata regio à cunctis, tan-
 quam deam à coelo lapsam intueri, me cernerem uenerari, laudibus extolli cæ-
 terisq; præferri primis regibus, Glotarium tertium pariens superiorem, quem
 utinam aut non concepissim, aut ex utero in tumultu coniecissim, Sanè dum
 his tot prouecta scelicibus et amplissimis delitijs fruerer, oritur inter fratres se-
 ditio, quæ euestigio bellum peperit. Tum ego siste quæso, quæ seditionis cau-
 sa? cui ista inæqualium regnorû inuidia? tum ego, mentitur regina, tu ipsa tri-
 ste semen, cum ingenio semper fueris impio cordibus iniecisti, At illa paulò
 ante nunquam me nouerant, iste repente, adeo mei ingenij censor factus sum,
 exede si uis, factum est ex asperatis odio animis, ut Chilpertus uiri frater sub-
 specie cõponendæ pacis accitus satellitû manu crederetur, & hinc post modicum
 hoc eodem infortunio uir meus occubuit. Neq; istud patiar inquam, tua
 perfidia occisus est. Nam insita mulierum uanitate præcipuam uoluptatem
 ex aspicientibus formositatem tuam caperes lasciuia nimia, non aduertens ex
 aliena capta Laudricum Palacij comitem ultra honestatis scemineæ terminos
 ardentem amasti, Et in eius uolens oransq; concubitus irruisti, quo dū minus
 cauta uteris, et iã multis innotesceret scelus, ne opprimereris merita in nesciũ
 & immeritum insidias tetendisti, eumq; uenatione fessum medio in nemore se-
 redeuntem uenabulis confodi fecisti, Illa uero paululum irritata, proh supe-
 rum fides inquit, quis hic homo est tam ocyter ex ignaro acer redargutor effe-
 ctus, Equidem reor eum credere quæ dicit, quasi melius post sæcula multa co-
 gnouit, quæ acta sunt quam ego quæ præsens fui, erras profecto Fregiegun-
 dis hæc fuit, in Chilpertum, cuius erat speciosissima coniunx, & cum ego im-
 moderatior quam tu in meis, necem uiri recitans nomen honeste tacuerã, sed
 sine quo tendam deueniam. Ego cum paruulo relicta filio, etsi multum præte-
 ritæ claritatis amiserim, qua possum industria regiam curo. Tum ego in pati-
 ens inquam aduerterem Brumchildis, non ex Sigisberto & te Glotarium ut
 aiebas

aiebas genitum, quinimò Childebertus et ex eodem geminos tibi superfuisset, nepotes Theobertum et Theodoricū illa uero tu crede, quod volens ego cœpi sermonis seriem non omitam, sit inde ut Theodoricus uiri mei nepos, qui Burgundiæ perierat indignatione, concepta fratrem suum Theobertum Australiæ regem cum filio coniugeq; Obillide paratas ab eis, ut ferebatur insidias trucidaret. Ego autem inquam istud non aliter quàm præcedentia patiar, tuum hoc fuit scelus, nescio autem unde tanta tibi suadendi uis fuerit, sed quid dico magis, potest cupido regnandi, qua credo nimium utebaris, ut impune peccandi amplū spatiū possideres. Sunt præterea in malum vires ingenij mulierum permaximæ, quibus tu cum iam sæpius inanimis hæsissem, illa omittere nesciebas, tunc illa sine ista, & credulitatem tuā quæso, & quorsum tot rebus prædictis emerfura sim specta. Post tempus Theodoricus facti poenitens, dū quod male egerat in alium retorquere conatur ueneno perimitur, & filij gladio extinguuntur. Cui ego, istud profecto non inficiar. Sic est de morte loquor, sed quod omiseras ipse supplebo, in te tuū crimen obiecit, tamen illud ueneno gladioq; purgasti. Illa autem secundius emittens lachrymas, inquit me miseram quia infelix sum, ne mendacium existimet iste dictum esse, sic fortuna facit, horum uerbis aufert fidem, quibus bona cætera abstulit. Ego autē, quid dicam scio, & dum diu obiurgasset & aduersus ueritatem (ut testantur alij) multa dixisset, quasi me tacentē in fidem uerborū suorū traxisse existimasset, sermonem quē interruperam continuans secuta est, dū tot facinora, tot enormia in tam splendidos uiros per regem Proceres cōmissa uindictā exorarent aliquam, & illa iam grandiusculo Glotario potiretur, requiritur tantarū cediū perpetrator, ipsa quidem adhuc & si regis relicta plurimum potēs, multorum exacerbauerā inuidiam qua tracti, ut odiū suū aliqñ in ruīnam meam depercerent, in me cōiiciunt omnia, accusor filio, inq; prætorij trahor, & quo princeps uirique robustissimū cor habentes scēmina, et unico quod habebā subsidio spoliata, respondere cogor, nō iudicibus corā, quorū interest partiū iura æqual lance seruari, uerū accusatoribus, quis nō? ne dū scēia inter tot Francigenas Hispana uidua à filio nō relicta tantū, sed captiuata ius ab hostib9 excerptat? quid plura? aduersus accusatiōes meas falsis testibus, cōiecturis falsis, alijsq; plurib9 probationib9 uincor, & ducit puer facile in scelus pmaximū, et iussu suo, pceribus regni imò inimicis meis cōmittit, puocatione sublata, ut ritu suo in me inuocā, pscelerū qualitate dictet sentētia, heu miserā me nō peccus, ex quo prima sumperat alimenta, nō uenter quo illū gestauerā, nō matris, etiā apud imānes Barbaros uenerabile nomen, non illū lachrymę mouere meæ, nō q̄rulę uoces suā gratiā atq; misericordiā implorātes, qn dū more integerrimi uiri puer, imotū

teneret propositum, dira nimis sententia dictaretur atq; me audiēte, & frustra reprobante prolata, cum esset ex regina tanq̃ popularis muliercula duris carnificum manibus trador, qui omni spectante populo, & hi potissime coram quibus insignita regijs multis comitata nobilibus incessem, sepius veterem obliti reuerentiam, iniectis in uestes manibus, illas mihi extorsere nudantes. O mirum quem fortunæ vires, dum meo commodo oculos continere nequeo, nullas pietate mei in quoquā lachrymas, vidi ne monstrari digito, & à multis oculis de me expectare peiora multos percepi, quod & si clausis oculis, aliquando uitalsem, aures claudere nō poteram, quin etiam inter lictorum strepitum multos obloquentes in augmentum mei doloris audirem. Quid

multis? ni isto seminuda, in turpissimam mortem rapior, Nam pede vno & manu altera crinibusq; caudis validorum equorum

alligata atq; discerpenda permittor, Et dum inuaria

traherent equi menbratim distrahor, sanguine

cuncta foedans, & sic inter cruci-

atus importabiles expirem a-

nimam per omne scis-

sum corpus emit-

tens, Di-

xerat

ego qui-

dem illi ob-

sequiosus factus

sum, scribens fate-

or, non satis digno testi-

monio usus & ideo, si quid

minus verum reperiri cōtingat

imputetur oportunitati tristissime

exorantis.

DE IOHANNA IHERVSA-

lem & Siciliae Regina.

Caput cv.

Hæc

Hæc regina fuit præstans moderamine iusto,
Imperiꝝ prudens inclyta sceptrâ tenet.
Moribus & pietate potens, & origine clara,
Oppida consilijs regnaq; rexit ouans.

Iohanna Iherusalem & Sicilia regina, præter cæteras mulieres origine potentia & moribus æuo nostro illustris est foemina, de qua ni videretur omis-
misse odium, satius erat tacuisse quam scripsisse pauca. Fuit enim hæc serenissimi principis Caroli Calabriae ducis inclyti, & primogeniti celebris memorie Ioberti Iherusalem & Siciliae regis, & Mariae Philippi regis Francorum sororis, filia prima, Cuius parentum, si velimus auos, proauosq; in finem usq; exquirere, non subsisteremus, antequam per innumeros ascendentes reges, in Dardanum primum Illy autorem veniremus, cuius patrem Iouem dixere veteres. Ex qua tam antiqua tamq; generosa prosapia, tot hinc inde præclari manauere principes, ut nullus Christianorum regum sit, qui huic non veniat consanguineus vel affinis, & sic nulla diebus patrum nostrorum nec nostris, orbe effulsit nobilior. Hæc etiam Carolo patre, ea adhuc infantula, immatura morte, subtracto, cum nulla esset Roberto auo melioris sexus proles altera, iure factum est, eo etiam sic mandante, ut eidem morienti superstes regnorum efficeretur hæres. Nec equidem ultra torridam Zonam, aut inter Sauromatas sub glaciali polo, illi prægrandis cessit hæreditas, quinimò inter Adriaticum & Tirrhenum mare, ab Umbria & Piceno ac vetere Volsorum patria in Siculum usq; fretum submitti telo, quos inter fines, eius parent imperio, Campani veteres, Lucani, Brutij, Salentini, Calabri, Dauniq; ac Vestualii ac Samnii Peligni, Marsi, & alij plures ut maiora sumam, ut puta Ierosolimitanum regnum, Siciliae insulam, & in cisalpina Gallia Pedimontis territorium, quæ illi ab usurpantium quorundum occupantur iniuria. Sic & qui septimam provinciam inter Narbonensem Galliam Rhodanum alpesq; incolunt, & Folcherii comitatum, suis æque iussis parent, eamq; sibi fatentur dominam & reginam. O quot res in regionibus ciuitates inclytæ, quot insignia oppida, quot maris sinus, & refugia nautarum, quot naualia, quot lacus, quot medicifontes, quot syluæ, nemora, saltus, amoeniq; recessus, & pinguia arua, necnon quot numerosi populi, quot ingentes sunt proceres, quam grandis insuper opulencia, & rerum omnium ad victum spectantium copia, equidem non esset explicare facile. Quod cum permaximū sit dominium, nec id sit à mulieribus possideri consuetum, non minus miraculi, quam claritatis effert, si
satis

fatis inspicimus. Et quod longe mirabilius est, sufficit illi ad imperium animus, qui tam perlucidā adhuc annorum indolem seruat. Ea enim postq̃ regio diademate insignita est, virtute insurgens valida, adeo purgat, ne dum ciuitates & domestica loca, verum alpes, saltus deuios, nemora, & ferarū lustra scelestā hominum manu, vt aufugeret omnis terrefacta, ac se cellis clauderet arcibus, quos agmine armatorū emisso, sub egregio duce, non ante locorum talium obsidionē solueret, quam captis munitionibus, infandos homines affecisset supplicio, quod præcedentiū regum aliquis aut noluit, ac fecisse nequiu-
uit, eosq̃ redegit terras quas possidet, ut non solum inops, sed opulentus, cantando, nocte dieq̃, possit quo velit tutus iter arripere, & (quod non minus salubre) insignes uiros, regniq̃ procures tanta modestia, & eorū mores solutos retraxit in melius, ut posita superbia ueteri, qui reges olim paruipendebant, hodie faciē iratæ mulieris horrescant. Est insuper oculata scœmina tantum, ut fraude potius quam ingenio illam decipere queas, longanimis est & constans, ut sacrum propositū eius non leuiter flectas inuacuum, quod satis monstrauere iam dudum in ea fortunæ seuientis insultus, quibus persæpe acri concussa motu & agitata est, atq̃ turbine circundata uario. Nam perpessa est intestina Regulorū fratrum dissidia, & externa bella nonnunquam intra regni gremium debachata, sic & alieno crimine fugam, exilium & coniugium, austeros mores, liuores nobiliū, sinistram nec meritam famam, pontificū minas, & alia quæ omnia forti pertulit pectore, & tandem erecto inuictōq̃ omnia superauit animo. Ad epos grandia ne dum mulieri sed robusto ac præualido regi. Est illi præterea spectabile ac lætum decus oris, eloquiū mite & cunctis grata facundia, & uti illi regalis, & inflexa maiestatis est ubi oportunitas exigit, sic & familiaris humanitas, pietas, mansuetudo atq̃ benignitas, ut non reginam suis dicas esse sed sotiam.

Quæ
maiora petas in prudentissimo rege esse? necnon,

siquis de integritate mentis suæ omnia expli-

care uelit, sermo longissimus. Qui-

bus agentibus ego non so-

lum illam reor egre-

giā, & splen-

dida clari-

tate conspicuā,

sed singulare decus Ita-

licum nullis hætenus nationi-

nibus simile uisum.

✠ CONCLUSIO.

IN nostras usque foeminas, ut satis apparet, quas inter adeo perrarus rutilantium numerus est, ut clare ceptis finem honestius credam, quam his ducentibus hodiernis, ad ulteriora progredi, & potissime dum tam clara regina concluderit, quod Eua primum omnium parens inchoauit, Scio tamen non defuturos qui dicant, multas obmissas fore, & hos super alios, quæ alia obijciant, quæ forsân merito redargui possint. Ego autem (ut primis cum humilitate respondeam) omisisse multas fateor ultro, non enim ante alia omnes attigisse poteram, quia plurimas famæ triumphator tempus assumpsit. Nec mihi ex superstitibus omnes uidere potuisse datum est, & ex cognitis non super omnes uolenti ministrat memoria. Sanè, ne me omnino immemorem putent, credant volo quia non me in aduertente, plurimę tam Barbaræ quā Græcæ atq; Latinæ, & Augustorum coniuges atq; regum præterierint, vidi equidem innumeras, & earum facinora noui, sed non mihi arripienti in hoc calamum animus fuit omnes uelle describere, & quinimò (ut ab initio opusculi huius testatus sum) ex multitudine quasdam dicere & apponere, quod cum satis congrue factum rear, superuacanea restat obiectio. Et reliquis uero sic dictum sit, possibile esse, & contigisse facile credam, nonnulla minus recte consistere, decipit enim persæpe non solum ignorantia rerû, sed circa opus suum nimia laborantem affectio, quod si factum sit, doleo, quæsoq; per venerabile honestorum studiorum decus, æquo animo quod minus benefactum est prudentiores ferant, & si quis illis piæ caritatis spiritus est, minus debite scripta augentes minuentesq; corrigant, & emendent, ut potius alicuius in bonum uigeat opus, quam in nullius commodum laceretur dentibus inuidorum depereat,
Amen.

EXCVSVM BERNÆ HELVET

per Mathiam Apiarium. Anno

M▷ D▷ XXXIX▷





18, 1


i 1986 0997
i 1914 4271

q. i. r. p. an. est. q. p. est. m. a. h. onit
q. null. q. de. p. q. qui. p. q. q. q.
a. m. b. n. a. f. a. t. a. r. d. e. s. t. a. s. q. q. q. q. q. ad
h. r. q. h. m. ad. h. h. i. a. n. a. p. q. q. q. q. q. r. u. e.
d. e. l. i. d. e. p. n. o. b. i. s. n. o. l. i. a. d. m. a. q. u. e. o. n. o. l.
e. p. o. t. e. r. e. q. q. n. u. l. l. i. s. q. b. p. r. i. m. p. o. n. e. m. e.
u. i. t. e. e. t. a. u. t. u. i. m. a. n. p. u. g. n. i. q. m. e. s. d. r. h. i. z.
p. i. d. i. c. o. n. o. b. i. s. a. m. i. a. l. a. m. a. l. n. e. d. e. a. m. i. a. b.
h. i. s. q. o. c. c. u. r. r. e. c. o. r. t. u. e. p. n. o. b. i. s. q. u. i. r. p. e.
f. i. l. i. o. s. u. o. p. b. o. s. o. n. a. l. i. d. i. s. e. p. l. e. t. o. r. g. l. i. e. i. s. a.
l. b. e. e. i. h. e. b. i. l. i. d. i. c. i. t. a. d. d. i. a. m. f. i. l. i. o. r. a. d. o. p.
t. a. u. o. r. d. e. q. b. i. o. i. d. e. d. i. t. e. i. s. p. t. a. t. e. f. i. l. i. o. s. d. i.
f. i. n. i. p. a. r. u. t. n. o. b. i. s. p. e. c. t. i. o. n. y. s. i. c. d. e. d. i.
l. e. r. i. t. m. i. u. d. u. t. f. i. l. i. u. s. a. u. t. b. i. n. g. e. r. i. t. d. a. r. i. p. p. q.
b. i. r. e. i. s. f. p. a. t. r. i. b. t. r. a. d. i. d. i. t. i. l. l. u. s. o. u. i. j. c. o. n.
e. p. t. e. l. i. c. i. t. a. m. i. a. q. u. o. q. t. s. i. n. a. f. e. c. i. t. q. m. a. l.
e. q. u. o. t. u. i. p. i. l. l. o. n. o. b. i. s. d. a. t. o. o. i. a. n. o. b. i. s. d. o.
n. o. u. i. t. q. m. i. e. o. i. a. s. a. d. c. a. l. u. t. e. n. e. c. i. a. g. r. a. m.
i. p. l. e. t. i. g. l. i. a. m. i. s. e. r. i. t. u. o. p. s. g. r. a. m. t. g. l. i. a. m.
c. a. b. i. t. d. i. s. i. l. o. i. a. s. i. r. i. o. r. a. a. d. f. i. u. e. d. i. f. f. o. r. a.
a. d. u. t. e. d. e. s. i. n. a. a. d. q. u. i. u. e. d. i. c. o. r. y. o. i. a. m. a.
l. i. t. t. a. p. v. i. v. e. n. e. r. i. t. i. n. o. i. a. b. o. n. a. p. i. e. a. i. l. l. a.
q. u. i. s. a. c. c. u. s. a. b. i. t. a. d. i. s. h. p. q. r. i. t. q. u. i. s. e. o. s. a. c.
c. u. s. a. t. e. n. a. l. e. a. t. q. o. n. d. i. t. q. n. u. l. l. u. s. q. d. e. e. o. s.
f. i. s. t. i. c. a. t. d. e. q. u. i. d. e. q. u. i. s. q. t. a. l. h. i. n. a.
l. i. t. q. i. s. a. c. c. u. s. a. b. i. t. n. a. s. q. a. c. c. u. s. a. t. o. e. i. s. i. t. e. s. s. i.
t. a. l. a. d. u. t. u. s. e. l. e. c. t. o. s. d. i. d. i. a. n. t. i. e. o. s. a. c. u. s. i. t. e. i. t. a.
a. m. i. c. i. a. s. n. e. e. s. t. i. c. a. t. a. p. o. v. i. v. p. i. t. e. a. c. c. u. s. a. t. o. r.
f. r. i. m. d. e. q. u. i. i. n. f. i. g. u. r. e. a. p. i. e. a. c. c. u. s. a. b. i. t. n. e. i.
e. o. s. q. d. n. d. e. n. n. o. u. i. l. t. e. o. s. a. c. u. s. a. r. e. s. i.
f. i. s. t. i. c. a. t. e. e. x. e. r. v. i. v. n. o. l. o. m. o. r. t. e. p. a. t. r. i. s. t. e.
n. u. l. l. u. s. a. u. t. a. l. i. p. e. e. o. s. a. c. c. u. s. a. r. e. q. d. e. h. p. q. r.
q. i. s. e. o. s. o. d. e. p. n. a. r. e. a. n. d. e. a. t. q. d. q. n. u. l. l. u. s. q.
p. e. i. t. e. p. e. l. l. a. t. p. e. s. f. i. d. i. c. i. t. q. q. i. s. q. t. o.
n. u. l. l. u. s. a. l. i. p. o. s. s. i. t. e. o. s. a. c. u. s. a. r. e. q. i. s. e. q. o. d. e. p. n. y.
i. m. o. r. t. a. a. d. i. n. d. i. c. i. t. y. j. x. i. i. y. t. u. a. t. e. r. q. i. n. d. i. c. a. l.
a. t. e. n. u. i. s. i. n. i. p. i. p. e. i. s. t. e. t. e. s. u. p. l. e. u. i. t. q. o. d. e. p.
n. a. b. i. t. e. o. s. q. i. p. e. i. s. t. e. m. o. r. t. u. u. s. e. p. n. o. b. i. s. r. e.
g. a. l. i. a. d. i. s. q. m. a. g. n. u. s. e. t. u. p. i. v. a. i. n. a. n. a. e. e. m.
t. o. r. e. g. a. l. i. a. t. i. s. u. m. p. m. o. r. t. e. f. i. l. i. u. e. i. s. q. u. i. t.
r. e. s. u. r. r. e. x. i. t. p. n. o. b. i. s. t. e. s. u. s. a. d. i. s. q. m. a. l. e. s. t.
j. c. o. r. e. b. i. p. e. r. e. s. u. r. r. e. x. i. t. p. i. m. i. a. e. d. o. r. m. i. s.
a. u. t. q. d. e. a. d. d. e. x. t. e. r. a. d. i. p. n. o. b. i. s. i. c. e. l. a. e. l. e. d. i. s.
q. m. a. r. t. i. n. u. s. e. t. o. d. e. e. a. d. d. e. x. t. e. r. a. d. i. u. l. i. s. q. i.
m. a. t. e. i. s. i. l. l. i. m. o. h. o. n. o. r. e. t. p. a. s. i. e. q. l. i. t. e. p. s.
d. i. x. i. t. d. i. n. s. d. n. o. m. o. s. e. d. e. a. d. d. e. x. t. e. r. i. p. u. s. i. l. l. i. m.
h. u. i. t. e. i. p. o. c. o. r. b. o. m. i. s. p. a. s. i. m. i. l. t. d. o.
q. d. i. s. t. e. q. p. i. s. l. o. a. n. t. e. i. s. a. s. s. u. p. t. e. i. c. e. l. u. s.
s. e. d. e. t. a. d. d. e. x. t. e. r. i. s. d. i. q. i. t. e. p. e. l. l. a. t. p. n. o. b. i. s.
g. l. o. i. n. u. o. c. e. s. i. m. i. s. a. c. t. i. o. n. e. t. r. e. p. l. e. t. a. c. t. i. o. n. e. i.

u. i. l. l. u. s. p. n. o. o. n. d. i. t. u. t. i. n. i. m. i. s. e. a. t. b. i.
m. i. s. e. r. i. t. f. i. l. i. o. p. e. c. t. t. u. b. a. f. i. l. i. o. n. d. i. t. p. a.
l. a. t. t. u. l. i. a. t. e. p. i. d. i. o. r. a. d. u. o. c. a. n. t. i. h. m. i. s. a. p.
p. e. m. i. n. i. p. m. i. a. n. i. q. u. e. n. o. s. h. e. a. a. p. s.
p. h. i. a. p. a. u. s. h. i. a. l. o. n. d. i. t. u. t. i. n. i. p. o. m. a.
t. a. n. o. s. i. u. i. n. d. e. d. o. s. p. i. m. h. i. c. o. n. d. i. t. q. u. i. f. u. l.
q. n. u. l. l. a. t. e. a. b. e. o. d. i. c. e. t. t. h. o. n. d. i. t. p. m. o.
e. i. s. o. i. m. a. p. l. o. y. g. i. a. l. i. s. i. s. e. s. i. n. i. p. a. r. i. t. e. t.
f. i. l. i. i. p. p. e. t. e. q. u. e. t. a. n. p. a. l. i. q. a. s. e. p. a. r. i. p. o.
t. u. e. r. i. t. u. t. e. a. n. a. t. m. a. l. a. q. a. l. i. q. s. e. p. a. r. e. p. e.
t. o. u. l. a. c. t. o. n. d. i. t. q. h. o. i. a. s. p. e. n. i. t. u. t. e.
e. q. u. i. t. u. i. q. p. o. a. s. n. s. e. p. a. r. e. s. v. i. o. r.
e. i. s. i. n. i. s. d. e. s. q. u. i. s. q. a. l. i. h. p. e. c. a. b. o. n. a. s. s. i.
u. o. b. i. s. a. d. o. q. u. i. s. q. s. e. p. a. b. i. t. n. o. s. a. c. a. n. t. e.
e. q. d. n. u. l. l. u. s. i. n. n. p. h. o. i. e. m. a. d. o. s. e. p. a. r. e.
n. p. e. c. m. y. s. t. a. l. i. y. p. e. c. a. m. a. d. i. c. e. r. i. t. u. t. n. o. s.
t. e. m. i. n. i. p. n. q. s. e. p. a. b. i. t. n. o. s. t. o. u. l. d. i. v. a. s. s. i.
l. i. c. e. t. o. r. a. u. t. a. n. g. u. s. t. i. a. i. a. n. x. i. e. t. a. l. m. e. a. s.
a. u. t. p. s. e. a. u. t. o. i. f. u. g. a. t. o. d. e. l. o. c. o. a. d. l. o. c. u. a. n.
f. a. m. e. s. p. e. n. u. r. i. a. a. b. i. a. n. i. n. u. d. i. t. a. s. p. e. n. u. r. i. a.
u. e. s. t. i. m. g. a. n. p. i. a. l. l. u. s. i. a. p. p. a. t. f. i. b. i. t. m. o. r. a. l.
a. n. e. l. a. d. i. i. p. o. m. o. r. s. d. i. s. i. a. a. i. e. a. c. o. r. s.
i. h. o. y. s. e. p. a. b. i. t. n. o. s. a. c. a. r. i. t. a. t. e. x. p. i. a. n. i.
t. a. s. n. o. i. a. t. u. s. s. i. s. t. e. o. i. a. s. u. s. t. i. n. y. j. c. o. r. y. i. n. y. s.
q. i. s. e. p. a. b. i. t. n. o. s. u. i. a. s. o. i. a. t. s. e. p. t. u. e. s. t. i. e.
u. l. l. a. h. m. a. l. a. t. e. q. u. i. o. e. p. a. l. i. a. p. a. r. i. m. i. s. i. e.
t. e. e. i. s. i. p. o. q. u. i. t. e. m. o. r. t. i. f. i. c. a. m. i. n. a. r. i. s.
a. m. a. s. a. d. m. o. r. t. e. d. i. u. i. n. i. m. t. o. c. a. d. i. e. u. i. t. e. s.
l. e. n. t. i. j. c. o. r. y. i. n. y. s. p. m. o. r. t. i. f. i. c. a. m. i. n. y. i. h. i.
i. c. o. r. e. m. o. d. e. f. e. r. e. t. e. s. t. a. g. i. t. h. e. a. q. u. i. t. i. m. a. r.
a. r. i. o. s. e. a. m. p. i. t. e. p. e. n. a. m. o. r. t. i. f. i. c. a. m. p.
s. e. u. e. r. i. a. d. a. t. o. r. a. d. i. e. e. s. t. i. m. a. t. i. s. u. m. s. i. c. o. u. e. s.
o. c. c. i. s. i. o. n. i. s. t. a. c. o. n. e. m. o. r. b. i. t. e. q. n. p. i. s. t. i. n.
o. c. c. i. t. e. j. o. v. i. u. e. i. t. h. o. r. a. i. q. o. i. s. q. i. s. t. i. c. a. t. u. o. s.
a. r. b. i. t. e. t. o. b. e. d. i. u. p. i. a. r. e. d. o. e. x. q. h. i. s. u. s. t. i. n. e.
e. i. h. i. c. o. i. l. p. o. s. i. t. a. s. u. p. a. n. i. i. d. i. c. i. t. i. s. t. i. o. r. e. s.
f. i. n. i. a. n. i. u. i. c. e. t. i. e. a. c. e. i. a. i. n. b. l. i. m. e. a. g. o. r. t.
h. i. p. e. n. i. t. i. t. e. e. i. t. a. m. o. r. e. q. d. i. l. e. r. i. t. n. o. s.
n. p. i. n. g. e. n. i. m. i. s. e. t. u. s. i. s. h. o. n. d. i. t. q. a. l.
n. u. l. l. a. t. e. e. d. i. s. c. e. d. e. d. e. s. i. n. i. p. a. l. i. s. o. n. d. e. s. q.
a. c. a. r. i. t. a. t. e. y. s. e. p. a. b. i. t. p. m. o. p. i. n. i. o. r. a. i. n.
m. o. r. t. i. s. p. s. t. i. o. r. a. i. n. a. n. g. e. l. i. i. n. p. i. s. t. i. o. r. a.
f. i. n. i. d. a. n. a. i. n. s. t. i. d. a. a. u. i. s. p. q. o. r. a. l. i. a. i. n.
d. a. t. u. a. d. e. s. t. q. t. u. e. s. t. a. m. e. t. u. s. i. n. i. m.
n. q. i. n. m. o. r. t. o. m. i. n. a. t. a. f. o. r. t. i. s. n. e. i. t.
m. o. r. t. d. i. l. a. i. o. a. n. i. v. i. y. i. n. u. t. a. p. i. m. i. s. t. a. q.
m. e. l. i. o. r. e. m. i. a. d. i. n. i. s. u. p. u. t. a. s. i. n. a. n. g. e. l. i. i. n. p. i. n.
t. i. f. i. m. o. r. d. i. f. i. o. r. i. s. p. a. s. i. n. p. l. i. c. i. p. i. t. m. e.
o. r. d. o. e. i. d. p. a. s. i. a. r. a. n. g. e. l. i. a. r. a. n. g. e. l. i. n. d. i.
a. b. a. i. r. o. s. q. e. p. i. n. c. e. p. s. i. n. i. t. i. t. e. i. n. s. u. p. i. m.

[illegible][illegible]





+ colorchecker classic

+
D
calibrite



100mm